

平定準噶爾方略序

平定準噶爾方略書成纂
言者以序請夫序者所以
敘其事之本末而因文以
悉其肯綮也事之本末則
方畧三編盡之矣太學之

平定準噶爾方略序

碑磨崖之銘西師之詩開
惑之論亦既悉其肯綮矣
如是則可以不煩重序雖
然五年之間大勳兩集又
十年而後書成是不可以
無序且朔漠金川前例具

在也乃允其請而為之序

曰功不可以虛成名不可
以偽立幸亦不可以屢徼志
不可以少侈夫用兵中國
自古為難而况踰沙漠天
山萬里而遙乎旰斯宵斯

平定準噶爾方略序

劫劬以至有成功非靈而
名非偽是僅可免後人之
指摘耳若夫揚之自誦以
為誠若能操必勝之券則
不惟致物議而貽口實於
心亦誠惠若也藉眾之力

幸在於績然我士卒之櫻
鋒鏑者不為少矣故此書
之輯率因忠魂義魄不忍
令其泯沒無聞具載以誌
之而猶不在於疆土開疆
之為也既平準噶爾延及

平定準噶爾方略序

三

回部定至悉臣耕作賦役
興焉此亦一再徵幸矣而
猶不自知是欲厲試我銳
而別有圖是志侈也志侈
者不祥故近日撤征緬之
旨甫降而彼遂投誠我兵

振旅以還告成事焉此非
盈虛消息之理捷若響應
乎是則此序之作不惟迴
思而若有驚尔且永圖而
懷有戒也

平定準噶爾方略序

四

月吉湯筆

乾隆三十五年庚寅仲春

恭

進平定準噶爾方略表

經筵講官太保和殿大學士兼管部戶部理藩院事務管理三庫事

御大議奏大臣等衛文編纂經筵講官等撰奏 傳錄欽此

上言欽惟我

皇上

神謨廣運

平定準噶爾方略表

義問遐宣

德耀軒弧地絡振紫濛之野

化覃禹服天山鞏白阜之圖拓二萬里旣脫而遙

共球翕集越廿八宿經疆以外疆索閔開周原

排築舍之謀

握珠鈴於獨斷大漠奏犁庭之績

懸金鏡於先幾師期甫再閏而不踰

廟算為百王所未有碣樹龍堆絕徼流沙詎盡提封

觚操虎觀新編聚米宜昭

方畧曰前日正日續彙

三朝之訓典而兼賅系日系月系年書兩部之蕩平而

悉備原夫傳標西域錄著班書鎮啟北庭事詳

唐籍繞陽關而保塞外孫之國空傳度陰磧以

懸兵都護之官旋罷難堅約束焉者王則侍子

平定準噶爾方略表

終歸畧受羈縻吐谷渾則降番欲散矧復湟流

地限徒矜貢馬之連羣要知蒟醬名高究屬乘

槎之鑿空創非常而立極

奇功實待於

聖人擴無外以恢絃

盛事獨超於亘古溯自阿魯台之部別為準噶爾之

名願實汗旣老上初強噶爾丹遂夜郎自大四

部本伊脣齒雄心已侈鯨吞七旗繫我藩籬狡
計將罹蠶食洪惟我

聖祖仁皇帝親征三駕克渠仰藥以歸骸爰逮我

世宗憲皇帝大武一匡逆孽輸琛而表界惡未盈於五

稔姑稍寬畫斧之期亂彌扇於九黎將自違焚

巢之禍蓋威畏德懷之並用實

天時人事之猶須當

平定縣志卷之二

三

聖主之初元正

神機之默運乃開蟻頻經埽穴終焉推刃相尋亡狡

亦効款關正爾操刀宜割迂壺箠以載道競傾

馬乳之漿蹴廬帳於窮荒竟折狼頭之纛厄魯

特燎原孰避及時春雨其蘇綽羅斯因壘皆降

所過秋毫無犯右師麾螯先濟俄傳頡利之背

奔別部捧檄偕來已見堯題之面縛將欲性馴

虎落分封存衛拉之規何期脣沸鴉音交扇起

伊犁之黨比丞徒勢集怒螳猶覬當車而小醜

途窮免豈容擇窟邏騎徠大宛汗血共期殊

母寡之頭窮鱗剝羅利游魂早見瘞蚩尤之髀

舉虺潛之逆種莫請灰釘暨烏合之克徒均膏

齊斧

籌萬全而安衽席因一舉而靖機槍至分部於花門

平定縣志卷之二

四

原連疆於葱嶺責延留之納稅誰憐力盡鞭笞

等阿惡之拘酋久已命懸湯火詎入檻之纍囚

方釋鷹竟離鞴迨乘輅之節使被遮豺還當道

實難期於人理寧得道乎

天誅是用

申命元戎冀行

顯罰下諸城而斷臂白山之士氣胥騰踰重險以攻

心黑水之軍聲協應乍睹朽紅困滿三單因雪
窖之糧旋聞鼓角地鳴萬地躡注池之騎維

睿畫早周乎前事六師疑天上而來況聲威尤懾夫

後援二豎尙井中而坐伊西洱風雲合陣于懸

之棄甲何多拔達山草木知兵巨骨之專車遂

致於是收其種落初興司馬之屯定厥租庸更

置宜禾之尉從茲出玉門而風和吹遂開繡壤

平定邊塞

五

而雨潤翻犁測月髓以分疆正緯度東西之次

越繩崖而表景總金山南北之圖查拉則花藥

翻新不數車師白疊騰格則幕文別鑄全銷安

息金錢邊營首宿千羣不費市臺之採購遠城

黍稌萬畝無煩農部之輓輸矧月盈璇壁之河

歲致崑波撈玉露滃葡萄之圃人霑闔苑分漿

大都督門戶持麾扼蛇陣適中之勢副校尉輔

車列鎗規犬牙相制之形秋嚴乘障之烽瓜期

及而一軍番戍春荷醜渠之錡柳中屯而六郡

催耕羣欣通道痕都五印度同遊化宇自悔陸

梁烏什一丸泥立墮孤城彎庭氏之神弓蘖芽

盡折按形方之要籍灰燼全消蓋惟屢變而愈

康

天授若符乎左券以故一勞而永逸

平定邊塞

六

神謀適契乎中權者也今試溯牙璋之初發泊玉斧

之長驅實承

鴻臚而方臻用展

龍韜而屢捷臚奉常以紀績際會

昌辰譜桐鼓以宣音鋪陳

偉伐旣

施仁而布澤還

飾喜以崇儀

郊勞臺邊饒錫和甘涼之曲

策勳閣下丹青傳褒鄂之姿因覘

聖武之布昭進頌

奎章之炳煥提要揭雲霄之指鐸振聳鄉盤空鐫金

石之文星輝昧谷火敦臚粘天浪靜慶

王師洗甲而還狼居胥冠日峯高瞻

平定準噶爾方略

七

天筆勒銘其上維居中以制外包九天十地而運翰

璇樞用原始以要終括二典三謨而文刊玉律

莫不六條頒格長貽奠枕之安九域歸懷益見

鞏甌之固準天保采薇以出治頌聲之作昭然

邁握機鈞要而成經軍志之言粹矣臣等忝効

編摩預聞

密勿警銅籤而候燎每聽五夜之

傳宣紬石室而濡毫寧藉一辭之潤色匝月再呈夫

乙覽為書百七十卷而奇程功託始於亥春閱時十

有五年之久欽

大業之守而兼創集

靈臺偃伯之麻仰

淵衷之謙以持盈徵

冊府傳心之要臣等無任瞻

平定準噶爾方略

八

天仰

聖踴躍歡忭之至謹奉

表恭

進以

聞

正總裁

經筵講官太子太保保和殿大學士兼管吏部戶部理藩院管理三庫事臣 傅恒

經筵講官太子太保保和殿大學士兼管吏部戶部理藩院管理三庫事臣 劉統勳

兵部 尚書 一等 誠勇 公 班 第

經筵講官太子太傅吏部尚書 汪由敦

經筵講官太子太保廣閣李王兼管刑部事務兼理監學士 劉統勳

經筵講官太子太保議政大臣文華殿大學士兼管兵部事務 尹繼善

經筵講官太子太保議政大臣文華殿大學士兼管兵部事務 尹繼善

副總裁

經筵講官議政大臣領侍衛內大臣臣 兆 惠

太子少傅議政大臣兵部左侍郎署理兩江總督三等襄勤伯 鄂容安

理 藩 院 尚 書 臣 納 延 泰

署 理 戶 部 侍 郎 臣 雅 爾 哈 善

經筵講官起居注太子太保協辦大學士吏部尚書 劉 綸

戶 部 左 侍 郎 臣 三 泰

經筵講官工部尚書兼管順天府事務 裘日修

經筵講官太子太保戶部尚書 于敏中

太子太保議政大臣刑部尚書署理伊犁將軍 舒赫德

經筵講官太子太保議政大臣領侍衛內大臣兵部尚書 阿 桂

經筵講官太子太保議政大臣領侍衛內大臣兵部尚書 阿 桂

經筵講官太子太保議政大臣領侍衛內大臣兵部尚書 阿 桂

戶 部 右 侍 郎 臣 索 琳

經筵講官太子太保議政大臣領侍衛內大臣兵部尚書 阿 桂

提調官

戶 部 員 外 郎 臣 巴 延 三

內 閣 侍 讀 臣 馬 燾

戶 部 郎 中 臣 楊 承 會

吏 部 郎 中 臣 袁 守 侗

吏 部 郎 中 臣 額 爾 景 額

吏 部 郎 中 臣 睦 朝 棟

戶部員外郎臣珠魯訥

戶部主事臣馮光熊

江西道監察御史臣毛永燮

戶部員外郎臣慶桂

吏部員外郎臣顧雲

鴻臚寺少卿臣劉秉恬

戶部郎中臣傅顯

平定準噶爾方略

三

戶部銀庫員外郎臣博清額

刑部主事臣王和

內閣侍讀學士臣伊克坦布

貴州道監察御史臣張霽

內閣侍讀臣孫士毅

刑部郎中臣保成

戶部主事臣陳繩祖

戶部員外郎臣富森布

內閣中書臣劉謹之

收掌官

內閣中書臣巴尼渾

刑部郎中臣張若淳

中書科筆帖式臣勒保

內閣中書臣毛應藻

平定準噶爾方略

四

吏部員外郎臣鄭步雲

宗人府主事臣馮應榴

內閣侍讀臣盛住

吏部筆帖式臣特昇額

內閣中書臣洪朴

總纂官

內閣侍讀學士臣福德

起居注主事 <small>臣</small> 阮葵生	翰林院待講學士 <small>臣</small> 褚廷璋	漢纂修官	刑部主事 <small>臣</small> 明德	工部員外郎 <small>臣</small> 海寧	翰林院侍講 <small>臣</small> 成策	內閣學士兼禮部侍郎 <small>臣</small> 栢現	五	理藩院郎中 <small>臣</small> 法福立	戶部顏料庫司庫 <small>臣</small> 書瑣	兵部員外郎 <small>臣</small> 色爾布	翰林院編修 <small>臣</small> 蔣雍植	光祿寺卿 <small>臣</small> 申甫	河南道監察御史 <small>臣</small> 趙瑛
----------------------------	------------------------------	------	--------------------------	---------------------------	---------------------------	-------------------------------	---	----------------------------	-----------------------------	----------------------------	----------------------------	--------------------------	-----------------------------

翰林院庶吉士 <small>臣</small> 吳壽昌	內閣中書 <small>臣</small> 金榜	內閣中書 <small>臣</small> 周發春	內閣中書 <small>臣</small> 王嵩柱	校對官	詹事府左春坊左中允 <small>臣</small> 彭冠	吏部主事 <small>臣</small> 汪孟錫	六	陝西道監察御史 <small>臣</small> 金雲槐	禮部主事 <small>臣</small> 沈世煒	翰林院編修 <small>臣</small> 陸費墀	翰林院編修 <small>臣</small> 曹仁虎	翰林院編修 <small>臣</small> 汪存寬	宗人府主事 <small>臣</small> 陸錫熊	內閣中書 <small>臣</small> 嚴長明
-----------------------------	--------------------------	---------------------------	---------------------------	-----	-------------------------------	---------------------------	---	------------------------------	---------------------------	----------------------------	----------------------------	----------------------------	----------------------------	---------------------------

內閣中書	王鑾
內閣中書	許祖京
內閣侍讀	郭元漑
內閣中書	朱芑星
內閣中書	張培
繙譯官	
刑部郎中	伊蘭泰
綬庫大使	蘇成額
光祿寺署正	伊爾登額
戶部員外郎	西成
內閣中書	呈麟
光祿寺署正	卓林

平定準噶爾方略目錄
前編
卷一
康熙三十九年七月乙未至五十四年四月乙未
卷二
康熙五十四年五月甲辰至八月壬辰
卷三
康熙五十四年九月戊戌至五十五年十二月乙卯
卷四
康熙五十六年正月壬申至五十七年二月己酉
卷五

康熙五十七年三月癸亥至十二月庚午

卷六

康熙五十八年正月戊戌至九月乙未

卷七

康熙五十八年十月丙寅至五十九年九月

壬午

卷八

平定縣志略

二

康熙五十九年十月庚戌至六十年三月庚

寅

卷九

康熙六十年四月癸巳至十二月癸未

卷十

康熙六十一年正月庚子至十月辛未

卷十一

康熙六十一年十一月乙未至雍正元年七

月丙午

卷十二

雍正元年八月甲子至十一月甲辰

卷十三

雍正元年十二月戊申至二年三月癸卯

卷十四

平定縣志略

三

雍正二年四月乙巳至九月癸卯

卷十五

雍正二年十月癸酉至三年五月己未

卷十六

雍正三年六月戊辰至四年十一月乙未

卷十七

雍正五年正月丁巳至六年九月丁丑

卷十八

雍正六年十一月甲子至七年四月甲辰

卷十九

雍正七年五月乙巳至十二月己未

卷二十

雍正八年二月戊辰至十二月甲子

卷二十一

平定準噶爾方略

四

雍正九年正月戊辰至二月乙卯

卷二十二

雍正九年二月戊午至四月庚子

卷二十三

雍正九年四月丙午至六月乙酉

卷二十四

雍正九年六月庚戌至七月甲申

卷二十五

雍正九年七月丙戌至八月丁巳

卷二十六

雍正九年九月癸亥至十月乙卯

卷二十七

雍正九年十月乙卯至十一月辛未

卷二十八

平定準噶爾方略

五

雍正九年十一月辛未至十二月丁亥

卷二十九

雍正十年二月乙丑至四月乙巳

卷三十

雍正十年五月甲子至八月癸亥

卷三十一

雍正十年八月庚午至九月癸丑

卷三十二

雍正十年十月丙辰至十一月乙未

卷三十三

雍正十年十一月庚子至十一年二月丙子

卷三十四

雍正十一年三月壬午至八月丙子

卷三十五

平定縣志

六

雍正十一年九月辛巳至十二年六月庚午

卷三十六

雍正十二年七月丁丑至十三年三月辛巳

卷三十七

雍正十三年四月丙午至五月戊辰

卷三十八

雍正十三年六月癸酉至八月丙戌

卷三十九

雍正十三年九月己亥至十二月壬辰

卷四十

乾隆元年正月己亥至癸亥

卷四十一

乾隆元年二月戊辰至四月壬辰

卷四十二

平定縣志

七

乾隆元年五月庚子至十二月戊寅

卷四十三

乾隆二年正月壬子至三年三月辛未

卷四十四

乾隆三年四月辛卯至四年十二月丙申

卷四十五

乾隆五年正月甲寅至十一月己丑

卷四十六

乾隆六年正月戊辰至七年十一月甲申

卷四十七

乾隆七年十二月戊子至九年三月甲辰

卷四十八

乾隆九年四月乙亥至十年十二月戊午

卷四十九

平定準噶爾方略

八

乾隆十一年正月甲戌至十二月己丑

卷五十

乾隆十二年正月壬辰至十二月己亥

卷五十一

乾隆十三年正月癸卯至十一月丙辰

卷五十二

乾隆十四年四月庚申至十五年十二月壬

辰

卷五十三

乾隆十六年正月戊申至十二月丙午

卷五十四

乾隆十七年正月乙亥至十八年九月壬申

正編

卷一

平定準噶爾方略

九

乾隆十八年十一月甲戌至十九年二月乙

巳

卷二

乾隆十九年三月壬子至五月丁未

卷三

乾隆十九年六月丁巳至八月乙亥

卷四

乾隆十九年九月辛巳至十二月癸酉

卷五

乾隆二十年正月丙子至壬辰

卷六

乾隆二十年正月癸巳至二月甲寅

卷七

乾隆二十年二月丙辰至丙寅

平定縣志

十

卷八

乾隆二十年二月丙寅至三月戊子

卷九

乾隆二十年三月庚寅至四月戊申

卷十

乾隆二十年四月庚戌至丁卯

卷十一

乾隆二十年四月己巳至五月癸未

卷十二

乾隆二十年五月甲申至癸巳

卷十三

乾隆二十年五月乙未至六月丁巳

卷十四

乾隆二十年六月戊午至戊辰

平定縣志

十一

卷十五

乾隆二十年六月庚午至七月戊子

卷十六

乾隆二十年七月癸巳至八月辛酉

卷十七

乾隆二十年八月癸亥至九月辛巳

卷十八

乾隆二十年九月壬午至丙申

卷十九

乾隆二十年九月丁酉至十月丙辰

卷二十

乾隆二十年十月丁巳至己巳

卷二十一

乾隆二十年十一月庚午至癸未

平定準噶爾方略

十一

卷二十二

乾隆二十年十一月乙酉至十二月甲辰

卷二十三

乾隆二十年十二月乙巳至乙丑

卷二十四

乾隆二十一年正月庚午至戊戌

卷二十五

乾隆二十一年二月庚子至三月乙亥

卷二十六

乾隆二十一年三月丙辰至四月丁未

卷二十七

乾隆二十一年四月戊申至五月壬申

卷二十八

乾隆二十一年五月癸酉至六月丙午

平定準噶爾方略

十二

卷二十九

乾隆二十一年六月丁未至七月丙戌

卷三十

乾隆二十一年七月丁亥至八月乙丑

卷三十一

乾隆二十一年九月丙寅至閏九月乙巳

卷三十二

乾隆二十一年閏九月丙午至十月癸酉

卷三十三

乾隆二十一年十月乙亥至十一月丁未

卷三十四

乾隆二十一年十一月戊申至十二月丙子

卷三十五

乾隆二十一年十二月戊寅至二十二年正

平定縣志

十四

月壬寅

卷三十六

乾隆二十二年正月癸卯至二月庚午

卷三十七

乾隆二十二年二月癸酉至三月壬寅

卷三十八

乾隆二十二年三月癸卯至四月丁丑

卷三十九

乾隆二十二年四月巳卯至五月庚戌

卷四十

乾隆二十二年五月辛亥至六月乙酉

卷四十一

乾隆二十二年六月丙戌至七月乙卯

卷四十二

平定縣志

十五

乾隆二十二年七月丙辰至八月乙亥

卷四十三

乾隆二十二年八月巳卯至九月壬寅

卷四十四

乾隆二十二年九月丙午至十月丙寅

卷四十五

乾隆二十二年十月丁卯至十一月癸巳

卷四十六

乾隆二十二年十一月乙未至戊午

卷四十七

乾隆二十二年十二月辛酉至丙戌

卷四十八

乾隆二十三年正月己丑至丁未

卷四十九

乾隆二十三年正月戊申至二月壬戌

卷五十

乾隆二十三年二月癸亥至癸未

卷五十一

乾隆二十三年二月甲申至三月庚子

卷五十二

乾隆二十三年三月辛丑至甲寅

卷五十三

乾隆二十三年四月丁巳至丁卯

卷五十四

乾隆二十三年四月戊辰至乙酉

卷五十五

乾隆二十三年五月丙戌至壬子

卷五十六

乾隆二十三年五月癸丑至六月戊辰

卷五十七

乾隆二十三年六月己巳至甲申

卷五十八

乾隆二十三年七月乙酉至癸卯

卷五十九

乾隆二十三年七月甲辰至八月己未

卷六十

乾隆二十三年八月庚申至壬午

卷六十一

乾隆二十三年九月甲申至壬寅

卷六十二

乾隆二十三年九月甲辰至十月壬戌

卷六十三

平定縣志

六

乾隆二十三年十月癸亥至十一月丙申

卷六十四

乾隆二十三年十一月丁酉至丙午

卷六十五

乾隆二十三年十一月丁未至十二月戊辰

卷六十六

乾隆二十三年十二月己巳至二十四年正月

月己丑

卷六十七

乾隆二十四年正月庚寅至二月癸丑

卷六十八

乾隆二十四年二月丙辰至己巳

卷六十九

乾隆二十四年二月庚午至三月甲申

平定縣志

九

卷七十

乾隆二十四年三月甲申至戊申

卷七十一

乾隆二十四年四月辛亥至甲戌

卷七十二

乾隆二十四年四月乙亥至五月壬寅

卷七十三

乾隆二十四年五月甲辰至六月丙子

卷七十四

乾隆二十四年六月丁丑至閏六月癸卯

卷七十五

乾隆二十四年閏六月甲辰至七月庚午

卷七十六

乾隆二十四年七月辛未至八月丙申

平定準噶爾方略

三

卷七十七

乾隆二十四年八月辛丑至九月壬子

卷七十八

乾隆二十四年九月癸丑至己巳

卷七十九

乾隆二十四年九月庚午至丁丑

卷八十

乾隆二十四年十月戊寅至己亥

卷八十一

乾隆二十四年十月庚子至丙午

卷八十二

乾隆二十四年十一月庚戌至丙子

卷八十三

乾隆二十四年十二月丁丑至丙午

平定準噶爾方略

三

卷八十四

乾隆二十五年正月戊申至乙亥

卷八十五

乾隆二十五年二月丙子至三月戊申

續編

卷一

乾隆二十五年三月庚戌至四月戊寅

卷二

乾隆二十五年四月庚辰至戊午

卷三

乾隆二十五年五月辛酉至六月丁亥

卷四

乾隆二十五年六月戊子至七月辛酉

卷五

乾隆二十五年七月丙寅至八月己亥

卷六

乾隆二十五年九月癸卯至十月甲申

卷七

乾隆二十五年十月壬辰至十一月己巳

卷八

乾隆二十五年十二月辛未至丁酉

平定縣志

三

卷九

乾隆二十六年正月壬寅至二月丁亥

卷十

乾隆二十六年二月乙酉至三月戊辰

卷十一

乾隆二十六年四月戊寅至五月丙寅

卷十二

乾隆二十六年六月壬申至七月丙寅

卷十三

乾隆二十六年八月庚午至九月乙丑

卷十四

乾隆二十六年十月丁卯至十一月癸亥

卷十五

乾隆二十六年十二月丙寅至二十七年二

平定縣志

三

月庚寅

卷十六

乾隆二十七年三月甲午至四月辛卯

卷十七

乾隆二十七年五月庚子至七月庚寅

卷十八

乾隆二十七年八月壬辰至十月癸卯

平定準噶爾方略

卷

卷十九

乾隆二十七年十月乙巳至十二月丁巳

卷二十

乾隆二十八年正月辛酉至二月丙辰

卷二十一

乾隆二十八年三月戊午至五月丙戌

卷二十二

乾隆二十八年六月庚寅至九月癸未

卷二十三

乾隆二十八年十月乙酉至十二月丁未

卷二十四

乾隆二十九年正月甲寅至三月戊寅

卷二十五

乾隆二十九年四月癸未至六月辛酉

平定準噶爾方略

卷

卷二十六

乾隆二十九年七月癸丑至九月戊寅

卷二十七

乾隆二十九年十月庚辰至十二月甲辰

卷二十八

乾隆三十年正月乙酉至閏二月乙亥

卷二十九

乾隆三十年三月丙子至壬寅

卷三十

乾隆三十年四月丁未至五月甲辰

卷三十一

乾隆三十年六月丙午至七月壬寅

卷三十二

乾隆三十年八月戊申至十一月庚寅

平定準噶爾方略

壬

平定準噶爾方略卷之首

欽惟

大清受

命有天下

列聖重光。凝麻篤祐。仁風翔於六合。武烈靖乎八紘。雕

題漆齒編結沮顏之國。五帝不能服重譯所未

至者。莫不陸轡水慄。頓首受吏。乃厄魯特準噶

平定準噶爾方略

一

爾者。別出有元阿魯台之部。其後聲譌為厄魯

特。散處西北。私立名號。

國初其酋曰顧實汗。始統有都爾伯特青海北厄

魯特套西諸部。自天聰崇德之間。遣使入貢。

世祖章皇帝錫之冊印。俾統其眾。厥後噶爾丹起自北

厄魯特。自立為台吉。狡黠桀驁。阻兵安忍。侵我

屬國喀爾喀。攘竊牲畜。游食鄰封。惡不可長。

聖祖仁皇帝怙冒同天地神武震雷霆。

躬鞠六師直抵拖諾山逆酋駭竄奔命西路大兵邀其

去路擊之昭莫多盡殲其屬明年

駕復親征出狼居胥山獲逆子塞卜屯班珠爾獻俘

行在噶爾丹仰藥死厄魯特等咸厥角稽首請受纓糜

於時諸部悉定振旅還

都乃

平定準噶爾方略 紀略

二

俞廷臣之奏編纂

親征平定朔漠方略昭示億萬世堂哉皇哉殊勲偉烈

書契以來靡得而尚已噶爾丹既殞其兄子策

妄阿拉布坦者舊與噶爾丹構怨至是懾我

天威甲詞丐命

聖祖宏覆載之仁予以矜宥詎狼子野心旋復梗化擾

哈密襲西藏又戕殺拉藏汗橫恣日甚屢煩

天兵申討問罪已又納我青海叛臣羅卜藏丹津恃其

險遠為逋逃藪其子噶爾丹策零同惡世濟更

肆跳梁

世宗憲皇帝特彰捷伐

命將出師大破之於額爾得尼招諸酋懾懼悔過待命

爰許其定界撤兵

皇上德威遐播噶爾丹策零奉約束惟謹遣使通貢

平定準噶爾方略 紀略

三

乃更准其貿易仍定以年限俾不得違例竄請

蓋所以撫綏而控馭之者如此其至也洎策妄

多爾濟那木扎爾繼立昏暴日甚舉部離心喇

嘛達爾扎以孽子篡逆而達瓦齊復踵故智盜

竊其位數年之間內亂頻仍厥眾瓦解呼

天內向乾隆十五年宰桑薩拉爾首先歸附十八年

都爾伯特台吉策凌策凌烏巴什等率所部萬

餘人來降。十九年。輝特台吉阿睦爾撒納亦率

部人內屬。乃

召見熱河。錫以崇爵。推誠布惠。

恩禮優渥。

皇上念

天地

祖宗中外之統。仔肩在今今

平定邊疆 聖旨 紀略

四

鴻貺備臻。授我西土。時不可失。

廟策內斷。與神為謀。二十年二月。

命將軍班第等帥兵分西北二路。尅期進發。以其降

人為我前驅。所至號令嚴明。秋毫無犯。一切部

勒機宜。悉承

上指授。遂踰雪嶺。越沙磧。不留不處。采入其阻。噶爾

藏多爾濟等望風降附。諸部泥首頓顙。若旱喜地

雨。師出未浹月。直抵伊犁。蕩平準噶爾。大漠以

北。傳檄底定。並獲數十年之逋囚羅卜藏丹津

及巴朗等。獨達瓦齊脫身遁。前軍進躡。及之於

格登山。盡獲其人。卒馬駝器械。回人阿奇木霍

集斯伯克縛達瓦齊詣軍門降。後先獻俘

闕下。

上御午門受之。於是廷臣以漠北耆定。

平定邊疆 聖旨 紀略

五

皇帝文武聖神。功德隆盛。請上

尊號。

上弗許。祇敬上

聖母崇慶慈宣康惠敦和裕壽純禧皇太后徽號。

命所司察典禮。祭告

天

地

宗

社

山陵釋奠

孔子。嶽瀆神祇。咸秩無文。

頒詔中外。酬庸賚功。覃恩加秩。蠲租肆赦。廣額取士。

慶賜遂行。復

御製碑文。勒石太學。並伊犁格登。垂示永久。維時我

平定準噶爾方略 紀略

六

皇上體好生之德。擴如天之度。方將分封衆建。各立

渠長於準噶爾四衛拉特。一如蒙古諸部。

恩威並濟。咸與維新。乃逆賊阿睦爾撒納潛懷異圖。

煽誘黨與。負恩叛亂。臺路中斷。帥臣死綏。爰

命將致討。所向克捷。其徒黨多倒戈內附。逆賊計無

所出。惟懼遠颺。走哈薩克。逆黨復蟻聚草竊。

皇上赫然震怒。於二十二年二月。復

詔分南北兩路出師。再抵伊犁。適諸酋扎那噶爾布

等。互相殘殺。逆賊阿睦爾撒納逃往哈薩克。復

歸伊犁。我師奄至。諸酋面縛軍門。逆賊子身復

遁。我將軍率衆追捕。途遇哈薩克之兵。其渠長

仰慕

天朝。稱臣奉貢。且誓擒賊自効。逆賊技窮。亡命入俄

羅斯界。罪貫既盈。旋伏冥誅。俄羅斯遵守舊約。

平定準噶爾方略 紀略

七

不納逋逃。遂函其骨。請使驗實。蓋自阿睦爾撒

納之叛。再煩

天討。我

皇上神謀豫定。

睿慮無遺。用使逆魄潛視。同惡就殲。準噶爾之事。於

是大定。

德威所被。遐邇慕思。東西布魯特左右哈薩克及塔

什罕諸回部莫不嘯嘯嚮化絡繹請朝聲教所

訖極於無外而逆回大和卓木波拉泥敦小和

卓木霍集占者昔為厄魯特囚於阿巴噶斯

天兵者定伊犁之日釋而出之助以將卒俾長舊部

乃敢背恩反噬黨我叛賊戕我王官此而不誅

何以伸

國威正

平定回疆方略卷首 紀略

八

天討爰

命卽以伊犁凱旋之師往征不庭既屢下堅城乘機

直進逼其巢穴猶敢奮螳臂抗顏行遮我將軍

於黑水

皇上炳於機先早調援兵戰騎應時繼進賊衆摧敗

我將軍整陣還阿克蘇已復稟承

廟謨分路刻期進剿兩酋恒馱不得枝梧率逆孥輜

重潛遁葉爾羌喀什噶爾諸城以次收撫綏定

盡入版圖我師復窮追逆酋於拔達山其汗素

爾坦沙警我威稜遂先後擊殺二酋而以霍集

占之首遣使詣軍門獻馘罪人斯得懸示藁街

大武告成邊徼永靖乃舉行

慶典一如平準噶爾時郊勞策勲論封行賞並繪諸

戰圖及諸功臣像於

平定回疆方略卷首 紀略

九

紫光閣

御製像贊以旌勲庸其善後事宜更以次擘畫要諸

久遠統計兵興以來閱時不踰五年拓地遠逾

萬里取荒裔若庭戶縛醜虜如圜牢隸職方者

籍租稅附屬國者奉琛賫北斗以北西濛以西

悉主悉臣罔有內外開闢以來未有懿燦隆茂

若斯之盛者也臣等既奏請編纂平定準噶爾

方略以繼

聖祖平定朔漠方略之後。昭示偉績。荷蒙

俞允。開館纂修。復獲從事鉛槧之役。不勝欣幸。謹編

年繫月。自康熙三十九年至乾隆十八年。為方

略前編。自乾隆十八年。都爾伯特台吉策凌等

內附。迨十九年

命將出師。以至平定伊犁回部凱還

平定準噶爾方略 紀略

十

錫宴為方略正編。其

大功告成後。經理新疆。凡設官定賦屯田鑄幣諸務。

與極邊以次新附各部入

覲錫賚諸典禮。為方略續編。共若干卷。凡

聖祖

世宗之耿光大烈。暨我

皇上始而撫綏駕馭。以大字小之

聖心繼而燭幾料勢。制勝

廟堂之

睿略。以及奏凱後。持盈保泰。計久長慮深遠之

神謨。皆臚列顛末。具著於篇。垂示無極。第臣等學殖

蕪陋。才識樛昧。雖罄竭管蠡。懼不足仰窺

天地之高厚。宣

日月之光華。承乏編纂。無任悚仄云爾。

平定準噶爾方略 紀略

十一

平定準噶爾方略前編卷之一

康熙三十九年秋七月乙未

命議青海事宜

聖祖仁皇帝既平朔漠。大功底定。邊圉寧謐。策妄阿喇

布坦者。噶爾丹之兄子。向與噶爾丹構怨。及噶

爾丹既滅。震懾

天威。卑詞乞命。

平定準噶爾方略前編卷之一

聖祖仁皇帝宏如天之度。

特賜生全。俾與厄魯特諸部。仍安游牧。策妄阿喇布坦。

素性狡黠。雖荷

殊恩。而貌為恭順。潛懷不靖。至是遣人至青海。並聲言

欲征第巴。駐劄西寧喇嘛商南多爾濟以

聞得

旨下所司議。理藩院以毋庸議覆奏。

上曰。此事目前觀之。雖屬甚小。將來大有關係。該部擬

以毋庸議。倘青海台吉等。遣人以所奏聞事。問商南

多爾濟。則商南多爾濟何以答之。策妄阿喇布坦。人

甚狡猾。其口稱往征第巴。或因力不及而虛張聲勢。

或欲往征。以此問曾往彼處侍郎常綬等。再行具奏。

尋大學士等遵

旨問侍郎常綬侍讀學士伊道郎中常明等覆奏。

平定準噶爾方略前編卷之一

上曰。此事稍覺遲延。方奏到日。即為行文甚好。青海台

吉亦屬失算。何以先將己意洩漏。但將來使照常欵

待禮遣。斷不敢構釁。今以朕計之。亦尚無妨。朕巡幸

蒙古之地頗多。凡事朕皆熟悉。策妄阿喇布坦。人雖

狡猾。但由博羅塔拉至土伯特。必經喀喇烏蘇等艱

險之處。路徑甚惡。斷不能往伐。何也。策妄阿喇布坦

素行奸惡。故其附近哈薩克。布魯特諸部。皆相仇讐。

欲悉軍大舉。則路既難行。且無留護。其妻孥者。若兵單力弱。斷難成事。惟有奮激而行。妻孥與俱。幸而有濟則已。無濟則有歸附土伯特之謀而已。然策妄阿喇布坦奏書之意。特張虛聲。欲觀青海之動靜耳。亦未必果欲爭戰也。觀古趙充國所議五事。良是。應宜留意。是冬。哈密扎薩克額貝都拉達爾漢伯克題報

策妄阿喇布坦處。哈薩克布魯特合兵欲征哈

平定準噶爾方略卷之二

三

什哈爾理藩院奏令再偵信息報聞。

上從之。

臣等謹案易言神以知來。又言唯神也。故不疾而速。不行而至。蓋動而未形者。幾感而遂通者神。唯神則事炳幾先。知周事後。我

聖祖仁皇帝親鞠六師。三犁朔漠。凡以剪除凶暴。輯寧

遐裔。俾普天率土。無一夫之不獲。所謂征弗

庭以綏兆民者此也。故當噶爾丹既滅。即撫安諸部。並予生全。遺孽策妄阿喇布坦亦得以乞命假息。雖天覆地載。何以加茲。乃犬狼異性。虺蜴難馴。

聖明雖示包荒。情偽早已洞灼。至是遣人至青海。聲言欲征第巴。即奉

聖祖仁皇帝諭曰。此特張虛聲。欲觀青海之動靜耳。且

平定準噶爾方略卷之二

四

言此事雖小。將來大有關係。因舉漢趙充國所奏屯田事。勅所司留意。伏觀充國三疏。先言明德除害。繼言以全取勝。末言以計為本。凡其指陳籌畫。悉範圍於

廟謨睿略之中。厥後逆酋不靖。典師致討。決幾制勝。無

一不如

聖算。

世宗憲皇帝誕紹

天威載申捷伐我

皇上纘

兩朝之丕烈運獨斷之

乾符直掃伊犁蕩除宿慝

威行

德屆遠薄西極為振古以來史冊所罕覩而

平定邊疆籌略卷一

五

聖祖仁皇帝于小醜萌芽之初蓋不啻燭照而數計

顯謨寶訓啟我

聖功非天下之至神其孰能與於斯乎

四十年春正月戊午

青海厄魯特台吉戴青和碩齊察罕丹津率部

歸附封為多羅貝勒

冬十一月癸卯

厄魯特策妄阿喇布坦遣使入貢宴賚如例

四十四年秋八月庚申

上視巡塞外

車駕所臨閱諸部孳生牛羊馬匹及編入左翼四旗察

哈爾巴爾虎厄魯特各蒙古生業諸部人等皆

列廬帳攜婦孺捧羊酪等物跪迎

聖駕厄魯特蒙古奏曰我等原係負罪不赦之人蒙

平定邊疆籌略卷一

六

皇上如天好生特為免死又霽洪仁編入旗伍安插遊

牧賜以牲畜五六年間孳牧繁息生計豐饒

隆恩如此不能仰報於萬一也

十一月辛酉朔

命散秩大臣丹濟拉為扎薩克輔國公馳驛赴推河借

內閣侍讀學士殷扎納偵準噶爾信息

四十五年春二月辛丑

以色布騰巴爾珠爾為鎮國公婿。

先是哈密遵

諭旨停送噶爾丹逆子色布騰巴爾珠爾至京。

上特赦其罪。授一等侍衛。至是以輕車都尉覺羅長泰

之女。照鎮國公女例。授為鄉君。妻之。

冬十月乙巳。

命以擒假達賴喇嘛情事。宣示大臣。

平定準噶爾方略前編卷一

七

先是達賴喇嘛卒。第巴匿其事。搆令厄魯特部

內。互相仇殺。又立假達賴喇嘛以惑眾。且計毒

拉藏。不死。復逐之。以是拉藏蓄憾。發兵執第巴。

殺之。遂奏假達賴喇嘛先後情事。

上命護軍統領席柱學士舒蘭為使。往封拉藏為翊法

恭順汗。令執假達賴喇嘛來獻。至是

上諭大學士等曰。前遣護軍統領席柱等。往擒假達賴

喇嘛。及第巴妻子時。諸皇子及諸大臣。俱言一假達

賴喇嘛。擒之何為。朕意以眾蒙古。俱傾心皈嚮達賴

喇嘛。此雖係假達賴喇嘛。而有達賴喇嘛之名。眾蒙

古皆服之。倘不以朝命遣人往擒。若為策妄阿喇布

坦迎去。則西域蒙古。皆向策妄阿喇布坦矣。故特遣

席柱等前去。席柱等方到其地。策妄阿喇布坦果令

人來迎。以此觀之。若非遣人前往。則假達賴喇嘛必

平定準噶爾方略前編卷一

八

已歸策妄阿喇布坦矣。至西域回子及蒙古。今衰弱

已極。欲取之亦甚易。但併其地。不足以耕種。得其人。

不足以驅使。且現今伊等。已俱恪守法度。是以不取。

此等情事。漢大學士及九卿等。想俱未深悉。爾等可

將朕諭示之。翼日。

上又諭曰。昔達賴喇嘛存日。六十年來。塞外不生一事。

俱各安靜。即此可知其素行之不凡矣。後達賴喇嘛

身故第巴雖隱諱不言。然觀其啟奏之詞。非昔日達賴喇嘛語氣。朕是以知其已故。遣使細訪。乃盡得欺詐之狀。自達賴喇嘛故後。第巴遂教噶爾丹各處妄行生事矣。

十二月丁亥。

駐劄西寧喇嘛商南多爾濟奏報拉藏執送假達賴喇嘛赴京。

平定回疆方略卷之二

九

護軍統領席柱等至西藏。令拉藏執假達賴喇嘛赴京。拉藏恐離眾喇嘛心。不從。席柱等奏

聞。

上諭諸大臣曰。拉藏今雖不從。後必自執之來獻。至是

商南多爾濟奏入。果如

聖算。眾皆驚服。尋理藩院奏言假達賴喇嘛行至西寧

口外病死。假達賴喇嘛所行悖亂。今既在途病

故應行文商南多爾濟棄其尸奏入。上從之。

五十二年夏四月乙亥。

增修憲書。

欽天監奏言據理藩院開送厄魯特貝勒阿寶輝特公羅卜藏喀爾喀六十五旗哈密扎薩克額敏厄魯特王策凌旺布公多爾濟塞卜騰毛海等職名。依新圖推算其所居地分。共十七處。應於憲書內增刊頒發得

平定回疆方略卷之二

十

旨庫倫鄂摩奇齊格訥洪郭羅阿濟爾罕此二處著裁去。餘如議。

五十四年夏四月辛未。

命遷里塘瑚畢勒罕。

先是青海右翼貝勒戴青和碩齊察罕丹津等

奏稱里塘地方新出瑚畢勒罕。實係達賴喇嘛轉世。求予冊封。其從前班禪胡土克圖及拉藏汗題請安置禪榻之瑚畢勒罕非實。奏入。

上以伊等皆顧實汗子孫。欲使共相和睦。若留此瑚畢勒罕於青海。恐其弟兄或起爭端。

特遣侍衛阿齊圖等往諭。令送里塘之瑚畢勒罕至京。

又遣主事衆佛保往班禪處。問彼瑚畢勒罕之

平定準噶爾方略卷之一

十一

真偽。尋戴青和碩齊察罕丹津等。奏請俟來秋送至京師。

上命將里塘瑚畢勒罕。暫住西寧口內寺廟。至是侍衛

阿齊圖疏言。主事衆佛保回稱。據班禪以里塘

瑚畢勒罕為假。而戴青和碩齊察罕丹津等。堅

求親往班禪處詢問真偽。奏入。得

旨。下所司議。理藩院議曰。應令阿齊圖等傳集青海兩

翼諸貝勒台吉等。於會盟處宣布

皇上德意。并以班禪所賚印文示之。令遷瑚畢勒罕住

紅山寺。尋侍衛阿齊圖奏言。臣等至會盟處傳

集青海兩翼諸貝勒台吉等。宜諭

上意。貝勒塞卜騰扎爾等。皆言應如

聖旨。而貝勒戴青和碩齊察罕丹津等。仍諉云。瑚畢勒

罕年幼。未出疹痘。且今歲不宜遠行。奏入。

平定準噶爾方略卷之一

十二

上命議政大臣等議奏。隨議覆。應行文阿齊圖暫駐西

寧。偵探信息。

上從之。

己卯。

命議哈密設備事宜。遣吏部尚書富寧安等馳驛赴軍。

甘肅提督師懿德奏言。四月初二日。哈密扎薩

克達爾漢伯克額敏。報稱厄魯特策妄阿喇布

坦遣兵至其北境。侵掠五寨。初三日。又報稱賊

兵於三月二十五日。抵哈密城下。臣檄肅州總

兵官路振聲領兵先赴哈密。臣俟出廠馬調集。

卽率兵往援。奏入。得

旨策妄阿喇布坦遣兵侵掠哈密。肅州總兵官已領兵

往救。應再發西安滿洲兵三千。總督標下營兵二千。

甘肅提督標下兵。亦酌量派出。星急前去救應。再行

平定回疆方略卷之二

三

文青海左翼及喀爾喀扎薩克等。各令防備。著議政

大臣會同理藩院大臣速議具奏。議曰。西安滿洲兵

令將軍席柱與副都統一員帶領。總督標下兵

令副將一員帶領。甘肅提督亦令帶領標下兵

於文到三日內啟行。軍行所在。兵馬錢糧。令西

安巡撫永泰沿途料理。此三處兵。應令大臣一

員前往調遣。選厄魯特巴爾虎大臣侍衛等隨

行。以備偵探。西寧嘉峪關兩路各設臺站。每臺

派筆帖式一人。西寧青海等處事務令侍衛阿

齊圖等。暫駐西寧料理。青海左翼與哈密相近。

貝子阿喇卜珠爾。與噶斯路相近。西寧及四川

松潘與青海相近。諸路皆應行文。各令整備。方

今甘肅兵丁。俱調出口。應調涼州兵之半。至甘

肅要路防守。再策妄阿喇布坦既侵哈密。或潛

平定回疆方略卷之二

南

至喀爾喀邊境。亦未可定。應派大臣一員前往

傳諭喀爾喀並厄魯特王策凌旺布公多爾濟

塞卜騰毛海輝特公羅卜藏等。各令設備。得

旨如議。今總兵官路振聲現率標兵前往。路振聲係諳

練行間之人。朕所稔知。如策妄阿喇布坦兵少。此兵

足以制之。彼若擁衆而來。我兵似覺不足。必須詳加

籌畫。相機而行。著速行文提督。至爾等所議三處兵。

派一大臣總統調度。此兵乃西安將軍所管之兵。將軍親往不便。又令大臣管轄。應派一能辦事大臣。與將軍公同商酌而行。着吏部尚書富寧安馳驛前往。派新滿洲侍衛十員。前往効力。現派法璫著隨富寧安前去。祁里德原係大臣。著授為散秩大臣。馳驛前往推河。亦派新滿洲侍衛前往。著將尼牙韓楚婁徵額。派出隨去。厄魯特巴爾虎侍衛官員。亦令挑選帶

平定準噶爾方略前編卷之二

五

往

庚辰。

命右衛鄂爾多斯等兵預期設備。並揀發八旗察哈爾等兵。往歸化城。

上諭議政大臣等曰。策妄阿喇布坦。作何舉動。雖不得知其實。其到我哈密地方。便不可為虛。彼若傾國而來。勢有萬餘。我一總兵之力。微有不足。不可不預為

周備也。應著右衛兵。卽刻預備。八旗察哈爾。厄魯特。巴爾虎兵。內挑選千名。發往歸化城。如用右衛兵時。令其一同前往。鄂爾多斯。及厄魯特。阿寶額駙之兵。亦應令預備。一同前去。著詳議具奏。議曰。選右衛兵三千。令將軍費揚古預備。選八旗察哈爾。厄魯特。巴爾虎兵一千。令總管鏗特。傅爾丹。常濟保。阿禮渾等管領。速往歸化城。如用右衛之兵。一

平定準噶爾方略前編卷之二

六

并遣往。其右衛察哈爾兵。給與六月食米錢糧。撥鄂爾多斯兵二千。令王董羅布貝勒。甘珠爾管領。又厄魯特貝勒額駙。阿寶兵五百。歸化城土默特兩旗兵一千。令都統新泰。副都統齊式預備。諸軍皆屬將軍費揚古統理。兵馬事務。再派大臣一員。與將軍費揚古一同籌畫辦理。得旨。現有將軍費揚古。且不必派大臣。若嗣後有事。著都

統新泰為將軍叅贊。餘如議。

議增設八旗馬駝。

上諭議政大臣等曰。八旗馬匹。俱已出廠。著照出廠馬

數。令佐領殷實之家。並該佐領人。公派拴養。照常給

發錢糧。目下雖稍覺煩難。後來究竟有益。如有行動。

則從此騎馬前去。一到口上。彼處之馬。又到。諸凡便

益。著詳議。其拴養駱駝之處。并著詳議具奏。尋議政

平定漢軍醫藥卷之二

七

大臣等議覆。八旗出廠馬一萬四千九百十四

匹。駝七百九十一隻。今依出廠馬駝之數。每佐

領下。添設馬十七匹。八旗共添駝七百九十一

隻。交八旗飼養。照例給發錢糧。奏入。得

旨。如議。其有不能添設之佐領。著借與庫帑。

辛巳。

訓諭尚書富寧安。

富寧安以

命往軍前。奏請

聖訓。

上曰。朕以爾堪信任。故命爾前往軍中。凡事俱宜詳慎。

若離朕相近。猶可指授調遣。今相隔甚遠。遇有倉猝。

即馳驛傳送。亦多需時日。軍機大事。不宜遲緩。爾至

彼有應調遣之事。不必請旨。即與將軍席柱商酌而

平定漢軍醫藥卷之二

六

行。董大成吳坤亦著隨往。

甲申。

賞卹擊敗策妄阿喇布坦官兵。

先是策妄阿喇布坦遣兵至哈密北境。侵掠五

寨。抵其城下。至是提督師懿德奏言。駐防哈密

遊擊潘至善筆帖式常保住等。於三月二十六

日。率領官兵二百餘人。同哈密伯克額敏擊敗

策妄阿喇布坦兵於哈密賊退駐城南二十里外。奏入得。

旨官兵甚少。輒奮往爭先。殺退二千餘賊。深為可嘉。所有在事。及受傷陣亡官兵哈密兵。應行賜卹之處。該部速議具奏。尋兵部議覆。應遣臣部司官及理藩院司官各一人。於甘肅巡撫處領帑銀一萬五千兩。賞往哈密。賞賜伯克額敏遊擊潘至善以下及陣亡受傷兵丁等。其應行議敘員弁。及加恩兵丁。一併查明議奏。奏入。

平定準噶爾方略前編卷之九

十九

上從之。

傳諭哲卜尊丹巴胡土克圖。

上諭議政大臣等曰。哲卜尊丹巴胡土克圖處著派賢能司官一員。馳驛前往。諭以策妄阿喇布坦兵二千。前來哈密。被我遊擊潘至善等領二百綠旗兵。並伯

克額敏。盡行擊敗。殺九十人。生擒三人。再令胡土克圖。速遣人前往策妄阿喇布坦處。去云中國至聖皇帝大沛仁恩。欲天下共享太平。爾無故發兵。被駐劄哈密二百綠旗兵。及哈密回子。盡行擊敗。今既敗北。如何度日。何不速遣使至皇帝前。跪請伏罪。爾若不如此懇求。必加天討。衆生靈亦遭塗炭。現在滿洲蒙古漢人。並喀爾喀厄魯特各處兵。俱已整備。我係出家人。但為衆生憐惜性命。兼念舊好。差人指示。爾當作速跪請伏罪。無貽後悔等語。撰寫呈覽。具奏發往。

平定準噶爾方略前編卷之十

二十

丁亥

命調黑龍江。打牲索倫達呼里喀喇沁兵。

上諭議政大臣等曰。著派黑龍江兵五百名。並打牲索倫達呼里兵五百名。三處喀喇沁兵一千名。每人各帶長鎗鳥鎗。其黑龍江及打牲索倫達呼里兵。著從

口外往歸化城去。喀喇沁兵著乘自有馬匹。從本處

起程。其口糧到瑚坦和碩。再支領倉米。倘糧不足著

支領唐三營倉米。於八旗出廠馬匹內。給喀喇沁兵。

每人馬二匹。如同歸化城察哈爾並右衛預備之兵。

發往推河地方駐劄。則不拘何處。俱可去得。著議奏。

議曰。右衛察哈爾歸化城兵。已經預備。應令將

軍費揚古。於文到日。率領啟行。所調黑龍江索

倫達呼里喀喇沁兵。令其陸續卽往推河。其厄

魯特額駙阿寶及鄂爾多斯兵。亦令至推河。聽

將軍費揚古調遣。奏入。得

旨。喀喇沁兵。著格勒爾帶往。侍衛色楞授爲副都統前

去。黑龍江兵。著副都統白濟帶往。索倫達呼里兵。著

總管布珠並哈特虎之子伊禮布帶往。

上又諭曰。喀喇沁兵。行期甚速。路復遙遠。著侍郎覺和

托一等侍衛色楞。携內帑一萬兩。速往賞賜。

已丑。

籌度三路進剿事宜。

上諭議政大臣等曰。朕經歷軍務年久。且曾親統大兵。

出塞征討。凡行兵機務。靡不周知。今欲用兵。兵非不

敷。但慮路遠。運餉殊難。誠能輓輸無悞。令全軍得至

策妄阿喇布坦之地。朕心始慰。此兵多係從前在招

摩多烏蘭布通。屢經對敵之兵。且人人懷報効之志。

若策妄阿喇布坦來戰。不論何地。制勝有餘。再若由

噶斯路進兵一萬。赴伊犁河源。抵彼巢穴。由哈密吐

魯番進兵一萬。由喀爾喀進兵一萬。前至博克達額

林哈畢爾噶地方。如此三路進剿。料必成功。但其間

進止。又在臨時相機而行。未可預定。爾等雖未身歷

軍旅。旣爲國家大臣。於議此等要事時。當詳審籌度。

務合機宜。非可視同泛常也。

甲午。

肅州總兵官路振聲摺報策妄阿喇布坦兵遁。

路振聲奏言臣領兵兼程前往哈密。於本月十

二日至額爾特穆爾地方。去哈密百二十里。據

哨探人來報。哈密人聞

天兵來援。老幼懼怯。策妄阿喇布坦兵聞信。已於初七

平定準噶爾方略前編卷之一

五

日。悉眾潛遁。奏入。報

聞。

加敘擊敗策妄阿喇布坦綠旗官兵。

上諭兵部曰。遊擊潘至善率領綠旗兵二百人。擊敗策

妄阿喇布坦二千餘眾。當此承平日久。兵革休息時。

乃倉猝間。能如此奮勇直前。殊為可嘉。前雖諭令賞

給。朕心猶為未足。今再加恩。將此二百名兵丁。各給

與把總劄付。其中陣亡兵丁十餘人。亦給與把總劄

付。准伊妻子食俸。著速議具奏。尋兵部遵

旨。議覆遊擊潘至善等。均應越等陞用。奏入。

上從之。

命傳諭各路進剿官兵。

上諭議政大臣曰。著遣侍衛一人。速往諭喀喇沁。此進

剿兵丁。路途遙遠。可俟料理齊備啟行。其調來黑龍

平定準噶爾方略前編卷之一

五

江。索倫。達呼里等兵。可將策妄阿喇布坦兵戰敗逃

去情形傳諭之。祁里德處。亦遣司官一人往諭。令眾

喀爾喀知之。厄魯特額駙阿寶輝特公羅卜藏兵。即

著此司官差人往諭。令其前往哈密駐劄。

乙未。

定西陲用兵之策。

我

世宗憲皇帝時為和碩雍親王。是日與

皇三子和碩誠親王入見。

上籌及邊事。

世宗憲皇帝奏曰。當日天兵誅殛噶爾丹時。即應將策

妄阿喇布坦。一同勦滅。因伊畏罪懾服。備極恭順。是

以特賜生全。今乃漸漸狂悖。居心險詐。背負

聖恩。種種不恭。至於侵擾我哈密。干犯王章。於國法難

平定邊疆略考卷一

五

以寬貸。自當用兵撲滅。以彰天討。

上深然之。

臣等謹案夫討有罪。爰制五刑。負固不服。乃

申九伐。仰惟我

國家撫有方夏。幅員式廓。西北四十九部。自定鼎

以來。畏威懷德。備沐

深仁。並隸編氓。撫如戶闈。厄魯特種類。界連喀爾喀

及哈密諸城堡名為。遐裔。實同近疆。彼漢帝

唐宗。所謂勤兵遠略。固非今日之形勢也。噶

爾丹。梗化陸梁。罔辭於罰。我

聖祖仁皇帝三駕親征。

天戈所麾。如摧枯朽。渠魁底罪。爰宥脅從。

恩威並施。覆載同量。乃策妄阿喇布坦。猶復自外生

成。敢行不逞。擾我哈密。自當大申撻伐。勦除

平定邊疆略考卷一

五

醜類。為永遠枚寧計。時

世宗憲皇帝尚在潛邸。建策與師。允符

聖指。

文謨

武烈。

兩朝一揆。煌煌乎顯承之不訓也。

命籌覈糧餉。詳議三路進兵事宜。

上諭議政大臣等曰。軍中糧務甚屬緊要。前勦噶爾丹時。曾由兩路運米。至翁金河。乃已經熟識之地。而推河與翁金甚近。又從前兩路所運之米。至回軍時。尚未用完。度今所用錢糧。最多不過三四百萬。可以足用。著戶部動支正帑運送。軍務乃係大事。著遣司官二員。分往富寧安。祁里德處。令公同商議。策安阿喇布坦兵已大敗而去。今若三路進兵。或即行進勦。或

平定準噶爾方略前編卷之二

毛

前逼近彼處。遣使招降。著富寧安與將軍提督總兵官。祁里德與喀爾喀汗王台吉等。各詳議具奏。喀爾喀汗王台吉等。若自度兵力。可以進勦固善。或再助以我兵。及黑龍江索倫達呼里兵。更爲妥當。再西安甘肅巡撫處。著將河東鹽課銀四五十萬解往。上又諭曰。殺虎口。藤牌鳥鎗綠旗兵六百名。著副將帶領前往推河。令將軍費揚古統領。

上又諭曰。噶斯口。著先派滿洲綠旗兵各一千。前往駐防。令富寧安就隨去官員內揀一人率領前往。

平定準噶爾方略前編卷之二

天

平定準噶爾方略前編卷之二

康熙五十四年五月甲辰

命賑濟哈密

上諭議政大臣等曰。哈密為策妄阿喇布坦所侵。恐不能生理。著甘肅巡撫遣官運送米糧牛羊往賑。

丁未。

命給八旗軍前効力人。口糧馬匹。

平定準噶爾方略前編卷之二

一

上諭八旗都統曰。此番出兵之路甚遠。請往効力軍前

人內。有不能自備盤費者。查明啓奏。給與糧馬。監禁

中除重罪大盜外。其餘罪輕者。若不能自備。亦給與

糧馬。前去効力。功成。即可以贖罪。誠伊等自新之路

也。

已酉。

甘肅提督師懿德奏赴甘州會議軍務。

師懿德奏言。領兵至西吉木地方。據總兵官

路振聲報稱。策妄阿喇布坦兵已遠遁。隨令

路振聲暫駐哈密候

旨。并撤回涼州官兵。亦領兵暫回肅州。據路振聲云

哈密無牧馬之處。可以駐兵。應去哈密一日程。

移駐塔勒納沁地方。有水草處。思賊雖逃遁。

而哈密勢屬孤單。應令路振聲等。即駐塔勒納

平定準噶爾方略前編卷之二

二

沁地方候

旨遵行。近奉

旨。著吏部尚書富寧安。西安將軍督撫等。率領滿洲綠

旗官兵。前往救援。於五月初一日。自肅州赴甘州。

以備會議軍務。奏入。報

聞。

壬子。

議政大臣等以訊問被擒厄魯特曼濟供詞奏

聞。

議政大臣等奏言^臣等遵

旨詳訊被擒厄魯特曼濟據稱我本土爾扈特人我阿

玉奇汗之子三濟札卜當年與父有隙率一萬

人投策妄阿喇布坦策妄阿喇布坦擒三濟札

卜送還土爾扈特留我等萬人分給所屬宰桑

平定準噶爾方略前編卷之三

三

等至策妄阿喇布坦來侵哈密之故聞準噶爾

老人言去年喀爾喀擒我阿爾台打牲一人殺

一人又我地貿易者為哈密所阻以是欲蹂躪

之其人衆每部落千五百戶計三萬人其徵賦

無定額凡有所需歛諸屬下人皆凋敝自和碩

特土爾扈特輝特都爾伯特台吉屬人外及其

十四部落無不人人怨策妄阿喇布坦去年雪

深三尺餘其所居伊犁等處牲畜盡斃其子往

攻安集延地方之布魯特被殺者五百人還又

多病死再我土爾扈特一萬餘人皆愁苦度日

各有戀土之心常欲乘間脫歸或歸命

天朝方策妄阿喇布坦來侵哈密時衆人皆言其不自

揣量輕犯

天朝若大兵來討何以爲計禍敗已徵猶不耕牧安生

平定準噶爾方略前編卷之三

四

固自取滅亡耳奏入得

旨策妄阿喇布坦處著遣使分兩路齎諭旨前往將喀

爾喀所獲之厄魯特著隨哈密路使臣去哈密所獲

之厄魯特著隨喀爾喀路使臣去

乙卯

命使齎勅宣諭策妄阿喇布坦

時策妄阿喇布坦兵敗潛遁

上諭議政大臣詳籌三路進兵之事。

特頒勅諭宣諭策妄阿喇布坦。

上以勅書示議政大臣等曰。朕經歷軍事甚多。今觀曼

濟所言。策妄阿喇布坦情勢。與朕所預料者相合。乘

彼人馬疲弱之時。應兩路興兵。扼要駐劄。遣使往諭。

至是遣原任員外郎保住由喀爾喀路藍翎克

什圖由哈密路分道齎往。

平定漢軍略疆卷之二

五

諭曰。去年爾眾擅掠我喀爾喀之人。故喀爾喀巡哨之

兵。追逐殺爾打牲一人。擒一人而歸。我哈密之往吐

魯番貿易者。因爾亦不令回。故從吐魯番處行文與

爾。不知曾到與否。今爾無故領兵二千侵我哈密。為

我兵二百人所敗而遁。今我兵已四路雲集。斷難中

止。從前爾雖狂妄啓奏。朕為天下主。無不寬容。况爾

曾奏云。令我等喀爾喀厄魯特青海之眾。皆復舊業。

以安人眾。爾今可令和碩特土爾扈特輝特之人。俱

回原處。與伊兄弟完聚。其在我處之輝特朕亦令回

原處完聚。於阿拉克山居住。拉藏汗之子。爾可速送

還拉藏。爾只領準噶爾之眾。僻在額爾齊斯居住。則

已。再前給爾準噶爾之眾。本我所應有之人。彼等亦

不願屬爾處。爾之人心離異。各為身計。不但眾人皆

知。卽爾亦自知之。爾果欲起兵。此等人朕皆當收養。

平定漢軍略疆卷之二

六

誰不欲享太平。乃肯為爾冒死耶。况我用兵。並無掩

襲。爾常自以為強。可親身前來會盟定議。不然恐爾

又詭稱使臣不能盡達爾言也。前爾屢奏所遣使人

中途為人阻隔。朕因遣使約爾來會。爾又懇奏戶口

無幾。原不足數。且僻在一隅。若相近邊境。有可効力

之處。情愿報効。今何無端食言。侵我哈密。若不來會

盟。斷無了期。兵興之際。受傷生齒必多。爾若畏懼不

來。則爾向稱欲安人衆之言皆爲虛偽。朕必親征。或遣王大臣等領兵直抵爾巢穴。必不容爾信口支吾也。爾其定意。卽於所遣使臣回時具奏。

賜擒送厄魯特之哈密佐領色珀爾等蟒袍銀緞衣服

等物。

戊午。

傳諭俄羅斯楚庫拜姓城頭目。

平定準噶爾方略卷之三

七

上諭議政大臣等曰。策妄阿喇布坦無故侵我哈密。今

大兵進討。應行文曉諭俄羅斯邊界地方。楚庫拜姓

城之頭目。令其加意防守邊界。如有策妄阿喇布坦

之人投向爾處。卽宜收留。授內閣侍讀品級圖禮琛

從前往土爾扈特時。路經俄羅斯。熟識彼處頭目。可

著前往。

酌籌增兵運糧事宜。

議政大臣等奏言。前調西安滿洲綠旗兵五千。

已各遣一千駐噶斯口扼要外。餘兵止有三千。

及甘肅提標兵已還甘肅。由哈密進發之兵稍

覺單弱。應撥甘肅提標兵三千。涼州固原寧夏

兵各二千。遣官率領前進。令席柱富寧安統領。

其支給兵丁糧米。應運肅州等處米二萬石至

哈密。其運米騾馬令支庫帑。在西安甘肅等處

平定準噶爾方略卷之三

八

採買。如不足數。則在青海等處採買。冬寒驅至

甘肅等處餉養備用。進兵時兵丁行糧則米及

牛羊兼給。令甘肅巡撫綽奇隨大兵料理。奏入

得

旨。固原寧夏兵著董大成吳坤率領前進。甘涼兵著師

懿德率領前進。餘如議。

已未。

移駐哈密官兵

議政大臣等奏言據哈密佐領色珀爾稱策妄阿喇布坦兵驟至。城北數村莊田。不得耕種。今官兵駐西喇呼魯蘇台。若北徙托和齊哲克得里等處。則我衆得安耕種矣。請令總兵官路振聲移駐托和齊哲克得里形勝之地。令巴里坤等處要路嚴斥堠。謹偵謀。奏入。

平定漢軍營勦擒之三

九

上從之。

六月庚午。

命給喀爾喀扎薩克王符驗。

上諭議政大臣等曰喀爾喀扎薩克王等著會議給與憑據。伊等所居地方。相隔遙遠。若當有事。即互相救援甚好。况敏珠爾公旗分尤遠。居界外。勢亦單弱。喀爾喀等同係扎薩克。倘遇有事。私去救援。不知是與

不是。大家觀望。事必擔悞。著將給與符驗之處議奏。

議曰推河附近杭愛山陰居住之敏珠爾公等扎薩克。鄂爾昆圖拉居住之喀爾喀圖謝圖汗扎薩克等。如有至推河備兵者。其輜重妻子必留本處。應行文祁里德等。令杭愛山陰及鄂爾昆圖拉居住之扎薩克兵。往額克阿喇勒等處駐劄。杭愛山陽居住之扎薩克兵。往推河駐劄。其間酌量安臺。彼此傳信。令兵部發予令箭。每扎薩克各給十二枝。遇有警。持箭傳諭鄰近扎薩克。即率兵救援。後者按軍法治罪。奏入。

平定漢軍營勦擒之三

十

上從之。

壬申。

命祁里德等移駐官兵。並籌議屯田運餉。

上諭議政大臣等曰今敏珠爾公所住厄德爾齊老圖

地方去推河不遠。應令祁里德等在厄德爾齊老圖左近擇有水草可以耕種。及魚獸繁多之處。移兵駐劄。既便於打牲。又可保護敏珠爾公等眷屬。將米運至駐兵處。不但有益。而進兵亦近。運米事不可遲緩。著卽繕摺具奏。議曰。應行文將軍費揚古散秩大臣

祁里德會同喀爾喀汗王等公議。於敏珠爾公

所居厄德爾齊老圖附近額克阿喇勒科卜多

平定準噶爾方略卷三

十一

烏蘭古木等處。擇要害適中之地。有好水草。可

耕種者。令諸軍駐劄。方今右衛等處。官兵所支

糧雖足一年之用。但糧運不可以不預籌。請運

湖坦河朔細米二萬四千石。令直隸山西支正

帑採買馬騾一萬五千匹。於七月驅至湖坦河

朔。運米一萬二千石。至駐兵處。再令山東河南

亦支正帑採買馬騾一萬五千匹。明年草青時。

驅至湖坦和碩。再運米一萬二千石。至駐兵處。其馬騾運米訖。於進兵時。令馱子母礮位等物。御製子母礮。應運三十位。給將軍席柱處。五十位。給將軍費揚古處備用。奏入。

上從之。

甲戌。

西安將軍席柱吏部尚書富寧安議取吐魯番。

平定準噶爾方略卷三

十二

席柱等奏曰。吐魯番與哈密接壤。且策妄阿喇

布坦咽喉要地。當先取之。沿途設站運米之事。

應於布隆吉爾。巴里坤兩處。各設兵五百。大兵

所用馬匹。先飼養五十日。於七月二十日啓行。

八月十五日前後。至巴里坤。休養數日。從哈密

之北大山後。烏蘭烏蘇路進兵。九月初五六日。

可到闢展吐魯番地方。越山。近臨吐魯番城池。

相機勦撫平定吐魯番後招安蘇爾統等回人

一面傳檄哈薩克布魯特不但吐魯番易取即

策妄阿喇布坦自來亦可勦滅既取吐魯番再

相機進勦策妄阿喇布坦奏入。

上諭議政大臣等曰覽富寧安席柱所奏今年進兵取

吐魯番等語若在甘肅等處將馬匹喂養肥壯於九

月間方取吐魯番則時值冬令且伊地方太近不如

平定邊疆方略卷之二

三

仍照原議明年前進為當祁里德處信息亦應等候

再策妄阿喇布坦會有秋天兵至哈密之語總兵官

路振聲之兵止有一千力量單弱西安之兵既在甘

肅等處喂養馬匹著將甘肅提標營兵二千添發路

振聲處。

丙子。

議撤回鑾儀使董大成。

上命仍往噶斯口。

議政大臣等奏言據尚書富寧安疏奏臣遵

旨撥滿洲綠旗兵各一千令鑾儀衛鑾儀使董大成率

往噶斯口前奉

旨令董大成吳坤領固原寧夏官兵應撤回董大成令

將軍席柱遣西安副都統噶爾璧前往奏入得

旨董大成既已派往不必撤回。

平定邊疆方略卷之二

四

戊寅。

籌辦進勦官兵馬匹。

甘肅提督師懿德奏言吏部尚書富寧安將軍

席柱等奉

命前至甘州與臣等籌議除遣往噶斯路防守之滿洲

兵督標綠旗兵各一千外其進勦時撥滿洲兵

二千督標綠旗兵一千臣標兵二千火器營兵

五百。涼州鎮標馬兵一千。寧夏鎮標馬兵一千。

肅州鎮標馬兵一千。火器營兵五百。其各鎮標

撥遣之兵所需乘騎。及運米馬匹。俱向各鎮取

給。臣標馬步兵二千五百。共需馬五千二百五

十匹。除現存馬匹給與外。尚缺二千匹。請以寧

夏涼州等鎮標下馬協助。但臣所屬各營。俱沿

邊要路。營馬不便空懸。請於料理軍務大臣處

領帑購買補足。奏入。

平定準噶爾方略卷三

五

上命議政大臣等議奏。議如所請。

上從之並

諭曰。現今需用緊急。收取各營馬匹。時價必致騰貴。其

補給價值。務使兵丁得沾實惠。令其速補。

議政大臣等議軍行分駐地方。並運米安臺事

宜。

西安將軍席柱疏言。運米馬匹。請在甘肅等處

飼養。五十日。於七月二十間出口。八月十五前

後至巴里坤。奏入。

上命議政大臣等議奏。議曰。口外八月草將乾黃。且馬

匹飼養僅五十日。亦不甚肥。今塞草方茂。應令

將軍席柱等不必在甘肅飼養。除帥懿德提標

下兵二千往駐防哈密總兵官路振聲軍前外。

平定準噶爾方略卷三

六

其餘兵丁。俱令以次出口。由布隆吉爾塔勒納

沁至巴里坤。擇好水草處分駐。其運送哈密之

米。令巡撫韓琦兼用車運。自嘉峪關尾大兵後

直至巴里坤。兵部理藩院各遣司官一人。於甘

肅州縣調取人馬。安設臺站。遣部院筆帖式往

坐臺。奏入。

上從之。

已卯。

撥運河東米麥。

甘肅巡撫綽奇奏言。臣奉

旨。大兵所需米石交甘肅所在購備。但河西非產米之區。倉厥多貯麥豆。應於河東鄰省採買。奏入。

上命議政大臣等議奏。議曰。應行文巡撫綽奇先行辦給前進兵丁兩三月口糧。此外應運米石。令總

平定漢軍營前總之二

七

督鄂海道官就鄰省倉內所貯米麥。運至綽奇處。再令綽奇陸續運至哈密。奏入。

上從之。

庚辰。

增給運米安臺兵丁。

都統圖思海奏言。臣奉

旨。管理糧運。計自瑚坦和碩至推河。應設臺七十。每臺

須兵三十名。除所撥直隸山西兩省撫標下步

兵各二百。歸化城土默特兩旗。察哈爾右翼四

旗兵六百赴臺外。其不足者。尚一千一百名。請

以土默特察哈爾兵。及直隸山西兩省步兵增

給。奏入。

上命議政大臣等議奏。議如所請。上從之。

平定漢軍營前總之二

六

乙酉。

命撥鎮安將軍潘育龍標兵。屬甘州總兵官袁鈴管轄。

甘肅提督師懿德疏言。奉

旨。命臣率進勦兵丁前往。但臣所屬諸營。並沿邊防守

尤為緊要。請令鎮安將軍潘育龍撥標下馬兵

二千。給甘州總兵官袁鈴管轄。兵部議覆。應如

所請。

上從之。

丙戌。

散秩大臣祁里德等以會議進勦策妄阿喇布坦事覆奏。

祁里德等奏言_臣等集喀爾喀汗王台吉及熟

識路徑之散秩大臣晉巴等會議據喀爾喀汗

王台吉等言我兵從此進勦策妄阿喇布坦有

平定準噶爾方略卷之三

九

兩路。一由布拉罕順額米爾河尋伊犁河過阿

勒坦厄默勒嶺。一由博克達額林哈畢爾噶進

闕勒奇嶺。此兩路俱至額米爾河於博羅塔拉

地方會合。計策妄阿喇布坦兵可四萬人。尚書

富寧安等兵應由哈密至巴里坤向將軍費揚

古等先取吐魯番。進至朱爾都斯之地。我等喀

爾喀兵止一萬。必合內地兵方可深入。請於博

克達額林哈畢爾噶一路設兵一萬五千。布拉

罕一路設兵三萬進勦。我等喀爾喀兵於七月

二十前後啓行。在布魯爾布拉罕口附近駐劄

養馬。其應否即行進勦。或遣使招降。再行請

旨。至哨探處各札薩克令臺站連接。直至推河等語。_臣

計策妄阿喇布坦縱有兵四萬。各處分守。兵亦

無多。若博克達額林哈畢爾噶一路有兵一萬。

平定準噶爾方略卷之三

三

布拉罕一路有兵萬五六千。度可足用。奏入。

上諭議政大臣等曰喀爾喀汗王等所議。意欲增兵助

勢。似屬相宜。今年未便進兵之處。喀爾喀等尚在未

知。其欲令將軍費揚古等兵合并哈密一路。朕意哈

密一路富寧安之兵。甚屬整壯。費揚古兵不必發往

哈密。仍與喀爾喀兵為一路。於明歲進兵時再行添

發可也。

丁亥。

命西安巡撫噶什圖往甘肅。同巡撫綽奇隨軍料理糧餉馬匹等事。尚書富寧安亦令總理。

秋七月甲午朔。

增給和托輝特公博貝兵丁。

大諭議政大臣等曰。近和托輝特公博貝奏請招撫烏

梁海及策妄阿喇布坦所屬厄魯特都爾伯特丹津

平定回疆方略卷之三

三

一千戶人。若伊等抗拒不服。即行攻取等語。似此動

作以張聲勢甚。是。其間設有不睦。致相仇敵。聞博貝

之兵前往。以為大將軍至。紛紛擾亂。便不得被真信。

雖策妄阿喇布坦兵來救援。地方亦遠。更有阿爾台

嶺之雪攔阻。不能前進矣。又據博貝奏臣有兵一千

五百。度已足用。若聖意以為尚應添兵。則有根致扎

薩克羅卜藏所屬翁牛特兵。扎薩克濟納米達兵。扎

薩克台吉阿里雅兵。俱善於攻戰。可以破敵。將此三

扎薩克兵添給足矣。著照博貝所請。將三扎薩克兵

添給博貝帶領前去。遣人往烏梁海處以好言招撫。

若不歸順。逃入樹林深密處。亦無關緊要。相機行事

可也。至都爾伯特丹津處。應再探其情實。或撫或勦。

博貝領兵前往時。若有策妄阿喇布坦兵向我喀爾

喀直衝前來。即著尾其後以牽制之。都爾伯特丹津

平定回疆方略卷之三

三

與厄魯特散秩大臣策凌為弟兄。可令策凌遣一親

信人。寫給書信。爾等將現在所議之事。發與博貝。或

派章京或筆帖式。飛馳前往。并帶車領人同去。即隨

博貝兵一齊進發。

丙申。

賜出征齊齊哈爾副都統白濟索倫總管布珠孔雀翎

銀兩馬匹。

已亥。

命協濟推河一路軍臺馬匹。

上諭議政大臣等曰推河一路臺站俱係歸化城之士

默特三處烏喇特毛明安四子部落之臺站伊等去

年遭雪牲畜損傷軍需事務恐致遺誤既現有運米

大臣所設臺站遇有緊急事務著將運米臺站馬匹

通用。

平定準噶爾方略前編卷之三

三

丁未。

命籌議運餉。

上諭議政大臣等曰軍務糧餉關係甚大天時地利不

可不通徹籌畫現今運米一事朕甚為躊躇近日直

隸河南巡撫奏稱牲口已如數起解又稱因雨水過

多恐泥潭不能即到等語看來今歲雨水實大此項

牲口到瑚坦和碩定疲瘦不堪且前去路遠必值互

寒之時。回時更屬歲暮嚴寒。人與牲口。不慣受冷。必

致損傷。所遣大臣。雖欲竭力圖効。亦無可奈何。著將

此旨發示將軍費揚古。並散秩大臣。祁里德等。滿洲

索倫蒙古兵糧。若能節用。支持到明年五月。則今歲

預備齊畢。來春青草一發。運米前往。於計為得也。著

詳議具奏。議曰。冬行惟駱駝耐寒。計今年運米駱駝

三千。可以足用。其直隸山西驛馬。應暫停其解

平定準噶爾方略前編卷之三

三

送。即令於本省飼養。明年青草將出之前。驅至

瑚坦和碩。交與都統圖思海等。并山東河南驛

馬。運送餘米。隨兵前進。再圖思海等亦應令停

往湖坦河朔。俟來春前去。奏入。得

旨如議。朕有進哨時所用駱駝三百隻。在達卜遜淖爾。

亦取來發往。尋議政大臣等奏曰。今年運米所需駱

駝三千。除官駝一千外。應遣大臣一人。齎帑往

張家口殺虎口鄂爾多斯歸化城等處購買以足三千之數送往瑚坦和碩奏入。

上命吏部侍郎傅紳前往。

戊午。

肅州總兵官路振聲請移兵駐烏克克嶺。

路振聲奏曰。臣奉到部文。臣移駐哈密城後

托和齊哲克得里等處。其地即哈密第三堡西

平定邊疆方略卷之三

三

北之沙棗泉土多濕熱。牧馬不肥。沙棗泉西北

九十里。有山曰烏克克嶺。山下即巴里坤地界。

登山而望。遠近瞭然。臣即移營就要路駐劄。山

峽小徑。各撥兵巡防。俟額駙阿寶輝特公羅卜

藏等兵到日。於巴里坤再相度要地駐劄。奏入。

上命議政大臣等議奏。議如所請。得

旨報可。

辛酉。

命公傅爾丹等監管喀爾喀蘇勒圖喀喇烏蘇等處屯

田事。

先是

上以厄德爾齊老圖地近推河。應屯田駐兵。令將軍費

揚古等與喀爾喀汗王等會議。至是費揚古等

奏言。臣等以屯田事。詢喀爾喀圖謝圖汗等。據

平定邊疆方略卷之三

三

稱蘇勒圖喀喇烏蘇拜達里克河。明愛察罕格

爾庫爾奇勒扎卜罕河。察罕度爾布拉罕口。烏

蘭古木等處。俱可耕種。再。臣等所統兵丁。現駐

察罕托輝扎卜罕河。特斯河一帶地方。應撥土

默特兵善種地者一千。每旗令台吉塔布囊一

人率往屯種。遣大臣一人監管。奏入。

上命議政大臣等集議。議如費揚古等所請。再哈密地

亦可耕請一併行文將軍席柱尚書富寧安將西吉木布隆吉爾等處勘明具奏得

旨如議公傅爾丹情願前往効力即交伊辦理再著原

任都統宗室愛音圖護軍統領達米納侍耶能泰銖

圖同往後都統穆賽等疏言烏蘭古木在新設汎界

之外地並山坡山溝不便耕種其科卜多布延

圖郭勒等處耕種收穫甚多應預備籽粒田器

平定準噶爾方略卷三

七

給與公傅爾丹率土默特人一千及出兵歸化

城之土默特兵一千令往耕種議政大臣等議

如所請

上從之

臣等謹案三代以上寓兵於農漢時始立屯

田以資邊食考漢書所載昭宣之代內則金

城湟陘外則渠犁車師或以兵留耕或用弛

刑募徙之徒領以田官督以校尉都護屯政

莫詳於此蓋屯田之設不特省輓輸兼可盡

地利使虜離居就貧破之勢而我過師有枕

席之安故言邊計者莫要於屯田我

聖祖仁皇帝於西事之初即

勅所司留意趙充國三奏至是

特命大臣經理屯務始則分兵耕種繼更募民田作數

平定準噶爾方略卷三

天

年之後嘉峪關以外化沙積為沃壤裕軍儲

於絕域

世宗憲皇帝御極復開柳林湖諸屯設官置卒鑿石灑

渠灌溉之法益備我

皇上聖武布昭準夷耆定玉門亭障遠越伊犁版章

既古所未開諸胥亦古所未有謹考

兩朝屯田奏報墾闢不下數萬頃歲收率以鉅萬計茲

當西陲底定。諸部歸誠。屯政備修。農功益普。

絕塞無不可耕之土。荒陬無不習耕之人。龍

堆極望。鏃鏑如雲。於以續承。

謨烈。恢宏憲章。猗歟盛哉。

將軍費揚古奏報進兵日期。

費揚古疏言。臣等於五月初二日。率兵啓行。中

途因少水草。分隊而行。七月初十日。臣等先率

平定遠疆方略卷之三

无

前鋒至推河。綽諾和碩地方。後隊陸續卽至。奏

入報。

聞。

八月乙丑。

停運鄰省米麥。

四川陝西總督鄂海奏言。甘肅所貯米麥。及現

在採買米石。足給兵丁。又莊浪西寧鞏昌三處。

舊貯粟米四萬餘石。可運三萬石至甘州。與甘

肅存倉之麥。陸續運至軍前。支給有餘。若從鄰

省運送。路遠費多。應請停止。奏入。

上命議政大臣等議奏。議如所請。又議曰。前令西安甘

肅巡撫俱隨軍料理糧餉。今年既不進兵。應令

一人往軍前。一人駐劄肅州。籌辦糧運。俟明年

進兵。一同隨軍料理。奏入。

平定遠疆方略卷之三

羊

上從之。

庚午。

命尚書殷特布齋帑購買駝隻。

議政大臣等議曰。今年用駝所運米四千八

百石。及明年用騾馬所運米一萬二千石。俱以

預備前往推河之右衛黑龍江兵及藤牌手等

口糧。但明年進兵時。兵數益增。所運米石應益

多計運米惟駱駝行走便利既不多需人夫而所載倍於騾馬高齊特蘇尼特等旗去年牛羊馬匹雖被雪傷而駱駝不損應遣大臣一人齎帑赴各旗購駱駝四千驅至大同宣化交地方官動支帑項飼養肥壯俟明年青草未出之前送至瑚坦和碩亦交與都統圖思海等以備運米之用奏入得

平定準噶爾方略卷之三

三

旨著兵部尚書殷特布去餘如議

乙亥。

訓飭甘肅巡撫綽奇。

綽奇奏請運糧哈密需用嚮導。

上諭大學士等曰據綽奇題請嚮導看來辦事平常隨尚書富寧安前往之人熟識路徑者甚多且有一位領回子駐劄肅州何用再以嚮導奏請况富寧安係

特旨派往辦理軍務糧餉大臣凡事應與合心辦理

豈可各自具奏若一事而內閣兵部理藩院各自行

文巡撫提鎮並不會同富寧安各行具奏則往來需

四五十日必致誤事驛站亦多騷擾此後除軍機要

事外其巡撫提督總兵官所奏之事著會同富寧安

具奏至此等平常事件著將兩三件會為一處遇便

進呈事務不可煩多如將軍費揚古散秩大臣祁里

平定準噶爾方略卷之三

三

德同心辦里事無煩擾殊可嘉也

己卯。

右衛將軍費揚古以病求解任

上諭曰費揚古著帶右衛將軍印徐回右衛今年既不進兵將右衛等處兵交與散秩大臣祁里德喀喇沁塔布囊額駙格勒爾齊齊哈爾副都統白濟右衛副都統齊格公同管理著都統穆賽馳驛前往總理軍

務俟進兵時另派大將軍給與印信。

甲申。

命散秩大臣郭廉等協辦駝隻。

上諭議政大臣等曰購買蒙古各旗駱駝兵部尚書殷

特布一人不能料理著散秩大臣郭廉護軍叅領巴

祿前往協同購買送至宣化大同喂養卽著殷特布

監管俟明春發往軍前。

辛卯。

訓諭都統穆賽。

上諭曰朕以爾爲人可用特令前往統領大兵其右衛

黑龍江喀喇沁察哈爾土默特鄂爾多斯喀爾喀等

處兵丁務令共相和好至管攝兵丁不可失之柔弱

其効力贖罪諸人可分在各滿洲蒙古綠旗兵內勿

任其聚於一處祁里德請練蒙古事務且誠實有膽

平定遠東蒙古方略卷之三

三

氣。妻徵額雖老病會隨朕行兵熟識地利諸事應與

伊等酌議奏聞朕所派往之新滿洲等行走熟練可

令同我兵往汛界哨探再彼處有黃羊沙米等物應

令兵丁採取食用如省一月口糧卽得一月之益總

兵官監理頗驍勇熟諳軍機著隨爾辦事其原有官

爵効力軍前者可揀選署理章京護軍校驍騎校等

官特諭。

壬辰。

命鑾儀衛鑾儀使董大成回肅州。

董大成奏言臣於六月二十二日領兵從肅州

出嘉峪關自嘉峪關至噶斯口三千餘里行至

常馬爾河因山水暴發所有運米牲口及兵丁

所乘馬匹多致傷損倒斃今於八月十二日抵

噶斯口奏入得

平定遠東蒙古方略卷之三

三

旨自邊上至噶斯口一千七百里曾經阿南達奏過今董大成何以又稱有三千餘里噶斯口路徑甚窄策妄阿喇布坦斷不由彼行走今正寒冷之時著董大成將噶斯口迤內放火燒荒領兵回赴肅州

平定準噶爾方略前編卷之三

奉

平定準噶爾方略前編卷之三

康熙五十四年九月戊戌

賞賚右衛官兵

上諭兵部曰遣司官一員齎羊袍狐帽各一千六百件馳驛送往右衛將軍費揚古軍前給右衛兵丁之少冬衣者恐有不足並攜銀二千兩於喀爾喀扎薩克處購買酌量賞給

平定準噶爾方略前編卷之三

一

庚子

以厄魯特貝勒額駙阿寶為席柱等叅贊

議政大臣等奏言厄魯特貝勒額駙阿寶前奉

旨為將軍費揚古散秩大臣祁里德叅贊今阿寶等兵

既令歸將軍席柱等軍伍應令阿寶為席柱等

叅贊奏入

上從之

已酉。

烏梁海歸順。

和托輝特公博貝疏報所招撫烏梁海悉歸順。大學士等奏曰。四年前。烏梁海頭目和羅爾邁。為我哨兵擒獲。

皇上有之不殺。且重賞遣還。以此感恩。早欲來歸。特以攜持妻子不便。恐為厄魯特所迫。遲遲至今耳。

平定遠征方略卷三

二

頃聞策妄阿喇布坦。兵犯哈密。即先遣其子胡洛虎納等。來輸誠。適博貝軍至烏梁海。舉部歸順。此皆由

皇上之恩。淪肌浹髓。故不發一矢。而遠人向化如此。

上曰。前吳三桂遣獐獐數萬到平涼。助王輔臣。與我軍對敵。後來歸順。諸大臣皆欲殺之。朕謂何以殺為。歸順。即良民矣。悉加恩宥。發回原籍。後進四川。至保寧。

賊又欲率伊等與我軍對敵。獐獐頭目陸道清云。我

等雖無知識。前蒙聖主不殺之恩。豈忍對敵。即登山去。平賊之後。伊等方下山。引導我軍。極其効力。再攻取尼布楚雅克薩城之時。俄羅斯數千人。諸大臣亦欲盡殺之。朕從寬遣回。西洋國聞之。皆云。攻其城而遣回其人。亘古未有。今烏梁海歸順。固自然之理也。辛酉。

平定遠征方略卷三

三

賞賚厄魯特降人。特穆爾伯克默特等歸旗編伍。

議政大臣等議覆。西安將軍席柱。吏部尚書富寧安。疏報策妄阿喇布坦屬下特穆爾伯克默特等。首先輸誠。應賞賚袍帽等物。編置八旗。蒙古佐領下為兵。給與糧餉。產業妻室。奏入。

報可。

命將軍席柱。尚書富寧安。駐軍巴里坤。

西安將軍席柱吏部尙書富寧安疏言臣等於

六月二十九日自甘州率兵啟行八月十八日

至巴里坤閱視形勢除總兵官路振聲已於烏

爾圖等處設立哨探外凡烏圖布拉克庫爾默

圖度集等處悉增設哨探再巴里坤東西並大

谷地勢寬衍水草亦佳已令現到之兵自巴里

坤連比立營設置斥堠俟兵悉到時於巴里坤

平定準噶爾方略前編卷三

四

東一百里奎素地方遍置營壘議政大臣等議

曰席柱等所奏毋庸另議外查前哈密伯克額

敏會報言策妄阿喇布坦欲於秋時復來哈密

現今厄魯特降人特穆爾等亦言策妄阿喇布

坦傳令治辦器械預備行糧禁所部不得私騎

騾馬有問者但云向哈薩克出兵今大兵已於

巴里坤一路阿爾台一路整備正欲策妄阿喇

布坦來耳但哨探之地尤屬緊要應令將軍席

柱等嚴加防範不時巡查奏入

上從之

十二月丙寅

命撤噶斯口官兵分駐肅甘二州

吏部尙書富寧安疏言今撤噶斯一路兵回肅

州養馬肅州地狹不足容兵二千且須從他處

平定準噶爾方略前編卷三

五

運草豆甚煩費甘州所在寬敞民房櫛比倉中

有舊貯麥豆且於附近買送草束亦便今令西

安滿洲兵一千駐劄肅州綠旗兵一千駐劄甘

州各令嚴謹約束勿致擾民議政大臣等議覆

應如所請奏入

上從之尋復

諭尙書富寧安將軍席柱等曰朕意撤回噶斯口駐劄

之兵。倘策妄阿喇布坦聞知發兵從噶斯路來襲我

兵之後亦未可定。仍令新滿洲侍衛及厄魯特侍衛

等前往偵探。富寧安覆奏言貝子阿喇卜珠爾及諾

顏綽爾濟等所居色爾騰等處。達顏台吉屬下

之台吉等所居柴達木等處。並通噶斯口之察

罕齊老圖地方。請令新滿洲二等侍衛俄木巴

里厄魯特一等侍衛達克巴臧布等駐劄色爾

平定邊防方略卷三

六

騰柴達木所在形勝處偵探奏入報

聞

壬午。

命護軍統領晏布率兵駐西寧。

侍衛阿齊圖疏言據青海貝勒塞卜騰扎爾來

言貝勒察罕丹津等以去年瑚畢勒罕事。貝勒

阿喇卜坦鄂木布益蘇克汪扎爾塞卜騰扎爾

台吉達顏蘇爾扎等。遵

旨不與同心。今察罕丹津等將與羅卜藏丹津等盟誓

先攻取五家。然後送瑚畢勒罕往西地。議政大

臣等議覆曰。去年里塘新出瑚畢勒罕以來。

皇上睿鑒洞徹。若留此瑚畢勒罕在彼。則青海諸台吉

兄弟必起爭端。

特降勅旨遣侍衛阿齊圖等在移之。今察罕丹津欲送

平定邊防方略卷三

七

瑚畢勒罕往西地。恐塞卜騰扎爾等尾擊其後。

遂謀先攻諸部。事未可定。應發西安滿洲兵一

千。命大臣一人率往西寧。并令總兵官王以謙

預撥標兵三千以待。若察罕丹津果肆猖狂。即

發兵征勦。或塞卜騰扎爾等被攻來奔。即收入

邊內安插。再察罕丹津所居。去松潘止四五日

程。應令四川提督康泰松潘總兵官程正李預

備兵馬。如有送瑚畢勒罕西往消息。卽從後追勦。奏入。得

旨如議。著護軍統領晏布前往。

申申。

命喀爾喀左翼車臣汗衆扎薩克協濟駝隻

散秩大臣祁里德疏言。明年所運軍糧。若用直隸山西山東河南購買馬騾。輓運道遠勞苦。請

令喀爾喀左翼車臣汗衆扎薩克協濟駝隻輓

平定準噶爾方略前編卷之三

八

運爲便。議政大臣等議覆曰。應如所請。令車臣

汗等旗分協濟駝六千隻。於青草未出時。度量

自瑚坦和碩至扎卜堪中途有水草處。屯劄預

備。現今尙書殿特布所買駝四千。益令增買二

千。凡駝六千隻。兩次可運米二萬石。令自瑚坦

和碩運至中途有水草處。再以喀爾喀之駝六

千隻。作兩次運米赴軍。其四省所購馬騾。應就近撥八千匹。於明年草生時。送往甘肅。交尙書富寧安。爲兵丁騎載之用。奏入。

報可。

五十五年春正月辛酉

初用車運。

議政大臣等奏言。尙書富寧安疏請用山西陝

平定準噶爾方略前編卷之三

九

西小車三千輛。每輛用夫三人。自嘉峪關至哈

密安設十二臺。每臺各分車二百五十輛。令其

陸續轉運。應如所奏。可令甘肅巡撫綽奇前往

設臺。奏入。得

旨依議。速行。尋富寧安又奏。巡撫綽奇安設臺站。直抵

哈密。應用駱駝馱載。所運米至巴里坤。哈密至

巴里坤。雖近。中有科舍圖嶺間之。請自巴里坤

至科舍圖嶺北口。設三臺令駐巴里坤步兵牽駝運送。自哈密至科舍圖嶺南口。設三臺令駐哈密兵牽駝運送。即令現今運米官員及發往効力官員等協同管理。議政大臣等議覆如所請。奏入。

上從之。

二月壬戌。

簡撤在營官兵。

先是將軍席柱以兵丁米糧不能接濟具奏。尋尙書富寧安奏言現在所運到米麥六千五百餘石。已於冬季給散各兵有餘。議政大臣等奏曰席柱既以米糧不足行文富寧安速運濟軍。乃不俟富寧安回文遽爾具奏。殊屬不合。俟軍務完日。應將席柱查議。至是。

平定邊疆方略卷三

十

上諭議政大臣等曰運送糧餉安設臺站牧養馬匹等

項。俱係領兵將軍職任。今米糧不能運至。皆由水草不足之故。朕昔親統大兵中路出征時。沿途必留水草之處。以牧運米牲畜。爾等所親知者。身為領兵將軍。此等事不能深曉。領兵直前。致沿途水草如火。燒赤地。後隊兵馬及運米人役牲畜。有不致困乏者乎。朕曾屢諭衆大臣云。領兵將軍甚難。凡事不可不周到。今歲停止進兵。候種地及一應事務預備完畢。審察兩下軍情。再行定奪者爲此故也。且去年駐防哈密二百名兵。戰敗策妄阿喇布坦時。衆大臣俱欲進兵。如果彼時即行進兵。路途遙遠。米糧焉能接濟。現在駐劄食用米糧。尙不能接續。若彼時即行進動。不知作何景況矣。如喀爾喀一路。都統穆賽等所統之兵。俱係滿洲蒙古熟練之人。並無糧餉不足等事。

平定邊疆方略卷三

十一

將軍席柱等所統之兵。尙未熟練。所以如此。倘運糧不至所關甚大。行令將軍席柱提督師懿德等。酌留足用。汎守調遣之兵。其庸懦不堪者。著會議撤回。後席柱等遵

旨議撤西安滿洲兵二百。督標馬兵五百。固原將軍標

及甘肅提標肅州涼州寧夏各鎮標馬步兵四

千三百。令所管官率之各回本營。其巴里坤駐

平定準噶爾方略前編卷之三

十一

劄兵。除種地五百人外。共留滿洲綠旗兵七千

五百。奏入。得

旨噶斯口撤回之滿洲兵丁一千名。綠旗兵一千名。現

在肅州養馬俱已肥壯。於青草盛時。發往巴里坤。再

派綠旗兵三千名預備之處。著行文富寧安令其速

為料理

乙丑。

命副都統蘇爾德管理圖古里克都爾博勒金喀喇烏蘇等處屯田事。

諭議政大臣等曰。巴里坤科卜多烏蘭古木等處種地

之事甚屬緊要。若種地得收。則諸事俱易。著會議具

奏。尋議曰。開墾田地。現今公傅爾丹等率土默特人

一千往烏蘭古木等處耕種。所需牛種田器。應

令都統穆賽等支帑購買。發往軍前贖罪人等

平定準噶爾方略前編卷之三

十三

有願耕種者。許其耕種。俟收成後以米數奏

聞議敘。又前者尙書富寧安奏言哈密所屬布魯爾圖

古里克接壤之處。並巴里坤都爾博勒金喀喇

烏蘇。及西吉木。達里圖布隆吉爾附近之上浦

下浦等處。俱可耕種。應各令人耕種。給與口糧

牛種。再兵丁有願耕種者亦令耕種。俟收成後

以米數奏

聞議敘。尚書富寧安現駐劄肅州。凡肅州附近之西吉

木達里圖布隆吉爾等處。可令富寧安酌量耕

種。圖古里克都爾博勒金喀喇烏蘇等處。耕種

之事。令大臣一人管理。奏入。得

旨依議。著副都統蘇爾德前往管理。是冬蘇爾德奏言

都爾博勒金圖古里克喀喇烏蘇所種地。並收

獲。議政大臣等議。令蘇爾德預備牲畜器械。籽

種。為明年計。奏入。

報可。

三月辛丑。

命使再諭策妄阿喇布坦。罷將軍席柱。以晏布代之。路

振聲為叅贊。

政大臣等曰。差往策妄阿喇布坦處之克什圖

下尊丹巴胡土克圖之使楚揚託音。及策

平定漢蒙野駝圖卷三

十四

妄阿喇布坦差至哲卜尊丹巴胡土克圖處之使人

潘提忠內等來京。朕詢問策妄阿喇布坦情形。皆已

悉知。策妄阿喇布坦乃巨猾奸詭之人。甚屬無恥。以

朕之使臣非係使臣。旨意非係諭旨。是部文等語。今

爾諸大臣等。向克什圖保住等詳詢策妄阿喇布坦

情形。將克什圖保住及楚揚託音潘提忠內等。一同

遣往。其作何遣往之處。爾等會同副都統以上並九

卿大臣。各陳所見詳議。再傳諭漢大臣等。從前但以

兵糧牲畜路遠難到為念。今祁里德處糧米現剩有

二千餘石。而西路之米。亦皆陸續運到。兩處之米。委

屬充裕。無庸計慮。朕從前中路出兵時。曾於沿途按

站留米。令煮粥以養贍營中困乏之步行跟役。并買

易人等。大有裨益。今兩路進兵之站。亦應照此行。將

軍席柱胸中毫無主見。一應軍務糧餉。俱將軍之責。

平定漢蒙野駝圖卷三

十五

伊云。我但統領兵丁。運米之事與我無涉。糧到我即行等語。可見席柱無將軍之才。此處亦著確議。再總兵官路振聲一聞侵犯哈密。卽領兵往救。且聞伊愛養標下兵丁甚屬出力。路振聲著授爲叅贊。據策妄阿喇布坦奏懇遣使一賢能大員等語。克什圖保住出使策妄阿喇布坦處所。已經數次。今加伊等大街前去。卽係大員矣。再凡爲使臣者。果能一體同心。於

平定準噶爾方略前編卷三

夫

事方克有濟。若內有不睦。互相掣肘。彼此言語矛盾。一有差失。則無益於事。伊等有不合處。卽當明言爲是。再派出在京一人。偕克什圖保住前去。此處亦著會議。書諭旨時。令克什圖保住等面看繕寫。伊等俱以爲宜。其再明示諸大臣。我兩路兵馬牲畜糧米。一應俱已齊備。兩處軍中業已種地。收穫可期。此番使臣到策妄阿喇布坦處。得其確實情形。卽將大兵逐

漸進至伊地。告以會講遣往。並非進剿之兵。亦無不可也。尋議政大臣等遵

往。頒示

諭旨。彼若怙惡不悛。現今阿爾台巴里坤兩路大兵已集。應於明年草發時進剿。克什圖保住及同往之原任郎中奔璽。應加品級。候

平定準噶爾方略前編卷三

七

旨酌定。再策妄阿喇布坦行文與哲卜尊丹巴胡土克圖。應令哲卜尊丹巴胡土克圖。給與回文。仍令楚揚託。首攜往。現今兩路軍前糧米充裕。應行文都統。福恩海。尙書富寧安等。從容輸運。前中路出兵時。因奉

上諭沿途按站留米。於步行跟役及貿易人等。大有裨益。今亦應令每站留米。交與驛站官員。令其煮

粥養贍。席柱無將軍之才。應遣大臣一人往代。總兵官路振聲愛養標下官兵効力行間。應授為叅贊。奏入。得。

旨依議。著護軍統領晏布前往代將軍席柱。是月侍衛

滿泰。疏劾席柱缺少甲仗。倒斃馬匹。副都統吳

坤年老疲憊。議政大臣等議曰。席柱應革去將

軍調取來京。嚴行察議。吳坤亦應撤回。更遣總

平定漢書卷之三

大

兵官管理。奏入。得。

旨著總兵官張弘印馳驛前往。代副都統吳坤。餘如議。

癸丑。

命土爾扈特貝子阿喇卜珠爾率兵防守噶斯口。

阿喇卜珠爾奏請軍前効力。

上諭議政大臣等曰。阿喇卜珠爾所居之處與噶斯口

甚近。伊既奏請往軍前効力。著帶領伊屬下兵丁五

百名。於青草發時。前往噶斯口防守。設有策妄阿喇布坦往來之人。令其擒送。并行令青海台吉達顏貝勒益蘇克汪扎爾亦派兵百名。協同防守。

戊午。

命貴州巡撫劉蔭樞赴軍前。

劉蔭樞題請緩圖北征。

上命九卿等集議。至是議覆曰。劉蔭樞本不知兵。且遠

平定漢書卷之三

尤

在天末。未悉邊界情形。妄行陳請。應交與該部

議處。奏入。得。

旨策妄阿喇布坦無知蠢動。侵擾我哈密。應發大兵。即

行殄滅。但朕好生為念。不忍驟加勦除。因備兵邊地。

遣使宣諭。俟其悔罪自新。為中外生靈計。其萬全。措

置之際。必籌其前後。慮及久遠。防微杜漸。始合機宜。

自策妄阿喇布坦侵擾哈密以來。朕從容與大小臣

工。公同商酌辦理軍務。並未嘗有逞一己之怒。形諸聲色。及統兵親勦之處。劉蔭樞聽信訛傳。邸抄妄行具奏。以為分清邊界。便可畢事。如策妄阿喇布坦乘間竊發。邊民能保不受害乎。劉蔭樞尚未衰邁。著乘驛前赴軍前。盡心周閱。矢公詳議具奏。

閏三月壬戌。

罷鑾儀使董大成。

平定準噶爾方略卷三

壬

先是大成疏言。臣至噶斯口巡視。絕無來往人

迹。噶斯地勢。三面雪山。中有一線水草。並蘆葦。

其大路在得卜特爾西南走藏。東南走青海。西

寧大通河。半月即到永固城。西北走柴達木。吐

魯番等處。乃策妄阿喇布坦出入咽喉要路。又

據管總吳通保等各報兵糧兩月已完。運米官

又不能悉運至彼。是以臣於九月十一日移駐

得卜特爾。奏入。得

旨。董大成已有旨著回肅州。到後著勒限馳驛來京。其

官兵交尙書富寧安統轄。至是兵部題稱前阿南達

奏言。自邊界至噶斯口一千七百里。今鑾儀使

董大成奏言。自嘉峪關至噶斯口三千餘里。董

大成誤信協領吳通保導引。不由阿南達所由

之路。繞道紆行。以致兵丁勞苦。馬匹損傷。請罷

平定準噶爾方略卷三

壬

董大成鑾儀使。奏入。

上從之。

癸亥。

命湖廣總督額倫特署理西安將軍事務。并協同川陝

總督辦理軍餉。

己卯。

命使諭青海二翼台吉。

侍衛阿齊圖疏言青海台吉等初言送瑚畢勒罕往紅山寺繼又請送往宗喀巴寺始終推諉不令起程自奉

旨令護軍統領晏布統兵駐劄西寧四川提督康泰松

潘總兵官程正李等整兵預備復屢諭青海台

吉等若等始懼於三月十五日送瑚畢勒罕至

宗喀巴寺但青海二翼台吉今雖和睦恐不能

平定遠覽覽覽卷三

三

久請令羅卜藏丹津察罕丹津達顏管理右翼

事務額爾德尼額爾克托克托兼阿喇卜坦鄂

木布管理左翼事務再遣大臣同郎中長受主

事巴特瑪至青海會盟令其永遠和睦議政大

臣議覆如所請得

旨依議著公策旺諾爾布侍衛布達理前往翼日又

諭議政大臣等曰前令西寧駐劄之晏布往噶斯口防

守今派晏布令代將軍席柱可將西寧駐劄之西安滿洲兵選五百名令侍衛阿齊圖護軍叅領欽第由統往噶斯口形勝之地防守現在瑚畢勒罕之事俱已就緒其四川松潘等處預備兵丁著撤回

庚辰

尚書富寧安奏撥巴里坤綠旗預備官兵

富寧安疏言巴里坤官兵庸懦不堪者已撤回

平定遠覽覽覽卷三

三

五千人遵

旨噶斯口撤回之滿洲綠旗兵二千已於四月內發往

巴里坤外其預備綠旗兵三千請撥西寧鎮標

馬兵一千火器營步兵五百涼州鎮標馬兵七

百火器營步兵三百甘肅提標馬兵三百火器

營步兵二百令副將等官預備調遣其應給馬

請以甘肅等處營馬給之議政大臣等議覆如

所請得

吉西寧地方關係甚要。現將西寧之兵派出五百名向阿齊圖前往。則西寧兵丁不必再派。著仍於固原寧夏兵丁內選擇派出。餘如議。

夏四月。戊戌。

命兩路軍前各嚴防範。

上諭議政大臣等曰。兩路兵駐劄已久。軍中哨探之事。

平定準噶爾方略前編卷三

西

甚屬緊要。倘有疎忽。致策妄阿喇布坦之人在邊境私自往來。則大有關係。其嚴加防範之處。著速議具奏。尋議曰。各防守處。選幹練官校。不時巡查。若策妄阿喇布坦之人。有歸順前來者。作速解送來京。其私往來者。卽行拘執。奏入。

上從之。

五月。丁卯。

賞賚巴里坤留駐官兵。

四川陝西總督鄂海疏言。巴里坤留駐官兵。營帳衣帽等物。多已敝壞。請於西安布政司所貯軍需庫銀。借三月兵餉製辦。每月於給賞時扣償。兵部議覆。應如所請。得。

旨著動正項錢糧製造。速行運給。不必扣除抵還。

六月。壬子。

平定準噶爾方略前編卷三

五

設倉於布隆吉爾。尙書富寧安疏言。布隆吉爾等處所種田禾。俱可豐收。應造倉廩。及收貯農器房屋。請遣官預爲修理。議政大臣等議。如所請。奏入。

上從之。

秋七月。辛未。

命侍衛阿齊圖駐兵察罕烏蘇。

阿齊圖疏言臣於六月初六日到察罕烏蘇地

方。據台吉達賴等言察罕烏蘇地勢寬濶。水草

亦佳。宜於駐兵策妄阿喇布坦使人到青海。路

必由此。若往西藏。必由察罕托輝。此兩路設兵

防守。則噶斯口以內。不能飛越矣。再自噶斯口

過達卜遜戈壁有地名噶順。可進塞爾騰地方。

此處亦當設兵。臣遣人往視噶斯口。果無可以

平定邊防方略卷三

夫

駐兵之處。今將分兵為四營。駐劄察罕烏蘇。令

護軍叅領欽第由等領兵駐劄噶順。奏入。報

聞。

丁亥。

募民屯田於嘉峪關外。

尙書富寧安疏言臣遵

旨於達里圖等處耕種。田苗茂盛。豐收可期。但軍需莫

要於糧米。臣復細訪。自嘉峪關至達里圖可耕

之地尙多。肅州之北口外金塔寺地方。亦可耕

種。請於八月間。臣親往遍行踏勘。會同巡撫綽

奇募民耕種外。再令甘肅陝西文武大臣及地

方官。捐輸耕種。無論官民有願以已力耕種者。

亦令前往耕種。俟收穫之後。人民漸集。請設立

衛所。於邊疆大有裨益。得

平定邊防方略卷三

毛

旨著議政大臣九卿詹事科道會議具奏。尋議曰。令富

寧安會同督撫等。向往踏勘。詳議具奏。奏入。

上諭議政大臣等曰。踏勘墾種地方。及設立衛所之事。

令富寧安會同督撫。踏勘之議不合。富寧安係駐劄

肅州。管理軍務之人。不宜派往。著巡撫綽奇將可以

墾種地方。前往勘明。會同富寧安確議具奏。尋富寧

安疏報。巡撫綽奇勘閱肅州迤北。可以開墾之

處甚多。度量河水所溉田。金塔寺可種三百石。

自嘉峪關至西吉木。可種一百三十石。達里圖

可種一千一百餘石。方城子等處。可種五百餘

石。臣查今歲西吉木達里圖布隆吉爾三處耕

種。共收糧一萬四千餘石。明年諸處請動正帑。

遣官募民耕種。議政大臣等議如所請。從之。

八月壬辰。

平定準噶爾方略前編卷三

天

撥解軍前馬匹。

先是。

上諭議政大臣等曰。富寧安處需用馬匹。可將八旗添

設之馬。及直隸山東山西河南喂養之馬。酌量撥給。

著議奏。至是議曰。四省之馬。前後已撥一萬四千八

百匹。送尙書富寧安處。至八旗添設之馬。應停

其撥送。奏入。

上從之。

九月辛巳。

命撥盛京吉林等處兵赴軍。

上諭議政大臣等曰。盛京吉林二處。著揀選兵丁一

千名。於伊等弟兄親戚內擇可用之人。每一名。派與跟

役二名。於三月十八日前來京。給與馬匹器械。前赴

祁里德軍前。再延綬總兵官李耀會奏請軍前効力。

平定準噶爾方略前編卷三

无

著伊帶領所屬兵丁五百名。於青草發時。亦前赴祁

里德軍前。

冬十月癸巳。

蠲免山陝沿邊衛所額徵銀米。

上諭戶部曰。朕統一寰宇。無分中外。皆欲久安長治。共

樂昇平。宵旰孜孜。五十餘年。未嘗頃刻去懷也。策妄

阿喇布坦前曾頻行請安。遣使來往。近忽狂悖。侵擾

哈密哈密已經編置佐領。卽與內地無異。若不遣發

師旅置之不問。斷乎不可。故特徵兵備邊。一切飛芻

輓粟。悉支正項。毫無累及閭閻。然而行軍置驛。及諸

凡輓運。皆由邊境。今歲山陝二省。雖年歲豐收。喜登

大有。但邊民効力轉輸。在所宜恤。茲特大沛恩膏。將

山西屬前衛右衛大同懷仁馬邑朔州保德等州縣

衛陝西屬府谷神木安塞綏德米脂安定吳堡保安

平定縣野駝驛卷三

三

榆林保寧常樂雙山魚河歸德嚮水波羅懷遠威武

清平山丹高臺古浪莊浪西寧肅鎮寧夏左屯中屯

平羅中衛靈寧平涼固原鎮戎西安慶陽阜城甜水

河州蘭州洮州等州縣衛所堡。康熙五十六年額徵

銀八萬六千一百兩零。糧米豆穀三十一萬七千七

百二十五石零。草二百七十六萬五千九百束零。通

行蠲免。并將從前積年逋欠。亦悉與蠲除。諭旨到日。

該督撫卽徧行張示。使遐陬僻壤。莫不周知。仍嚴飭

所司。實心奉行。以副朕加厚邊民至意。其或陽奉陰

違。澤不下究。該督撫提叅從重治罪。爾部卽遵諭行。

蠲免山陝綠旗官兵借帑。

上諭兵部曰。國家綏靖邊圉。剪除賊寇。必須士馬飽騰。

方克立奏膚功。恤兵之道。宜亟講也。朕御極五十餘

年。無時不以愛養士卒爲念。內而八旗禁旅。外而各

平定縣野駝驛卷三

三

省綠旗兵丁。視同一體。或代還私債。或遣官犒賞。或

嚴禁尅減。所以體恤之者。惟恐不至。近策妄阿喇布

坦。狂逞跳梁。侵我哈密。故特徵兵預備。旣以轉輸糗

糧。又復頒給馬駝。籌畫倍周。加惠尤渥。而山陝綠旗

兵丁。首奉調遣。遠途跋涉。資用維艱。因而預借公帑。

朕念從軍兵丁。披堅執銳。戮力戎行。又責以還帑。深

可憫惻。其綠旗兵丁所借帑金四萬八千八百餘兩。

咸與蠲除。並嚴飭統轄將領實心奉行。倘有仍行私扣者。該督撫據實指叅從重治罪。以仰副朕軫恤邊兵至意。爾部即遵諭行。

甲辰。

宥劉蔭樞罪。仍回貴州巡撫任。

先是蔭樞至軍前。疏言臣遵

旨親赴巴里坤軍前。閱視滿漢官兵。共立二十三營。週

平定準噶爾方略前編卷三

三

圍二百餘里。軍勢雄壯。首尾相應。但巴里坤地方居雪山之後。聞入冬大雪。動深數尺。倘道路壅阻。糧何以運。草皆覆壓。馬駝何以牧放。臣不勝憂懼。謹密奏

聞。奏入。

上諭大學士等曰。軍機事務關係重大。一言可以鼓勵

士氣。一言可以退縮人心。本朝自

太祖高皇帝

太宗文皇帝

世祖章皇帝迄今百有餘年。所向成功。事事上應

天心。以正討逆。巡撫劉蔭樞乃讀書之人。年已八十。非

屬無知。初以朕為不能忍怒。及至軍前無可奏對。又

稱嗣後雪至三四尺。糧何以運。駝馬何食。於此愈知

其無能矣。外藩蒙古共有百餘扎薩克。人無一分糧

平定準噶爾方略前編卷三

三

餉。馬無一束草乾。自古及今極寒之地。何以各安生業。觀其一經雪後。驚惶失措。忘其身為巡撫管轄文武之責。如敵稍強。必至效曹申吉羅森方光琛輩所為也。朕三統大兵。曾當嚴寒酷暑。久行沙漠。不毛乏水之地。於軍機事務以至調養駝馬無不熟悉。然後知古人論兵。不得其道。多無成功。每至敗事。深為太息。朕中路統兵。至商都博洛和屯。於三月十六等日

遇雨雪風霰自京師運米山口馬匹肥者倒斃反多。

兵丁馬匹不甚傷損蒙古馬匹如常。於此愈知古人

乘春以圖蒙古之失策也。朕近訓兵校獵。至烏里雅

蘇台。八月十六日嶺巔雪深尺許。至行營中惟深七

寸。駐蹕二日雪已全消。此去京師七百里即如此矣。

設劉蔭樞見黑龍江東海北海等處冰結八尺之處。

必至奏請毀城郭棄地方。盡行移徙矣。古人云雪盈

平定邊防要略卷三

雪

尺表瑞。過尺成災。劉蔭樞今奏稱巴里坤地方雪深

三四尺。或係伊親見。或係何人告伊之處。並未聲明。

仍著劉蔭樞前去。雪深三四尺果屬親見。著據實奏

聞。倘聽信他人妄誕恐嚇之語。亦著據實奏聞。蔭樞

疏覆言臣妄奏軍前雪深。奉

旨令臣親往閱視。但臣年老患病不能親往。謹在甘州

候

旨奏入得

旨劉蔭樞前奉旨親赴軍前。並未周閱營壘。即稱患病。

不候諭旨。回至甘州。且云入冬後雪深數尺。恐懼奏

陳。今令伊親閱彼處積雪情形。具實陳奏。又不遵旨

往閱。仍托病求回原籍。若伊意欲乞休。久當奏請。乃

未奉旨之前。顧戀官職。不請休致。及至軍前。稍經寒

雪。即舉動失措。違旨退縮。奏請回籍。理應從重治罪。

平定邊防要略卷三

雪

但伊年老居官以來。操守尚清。覽伊奏摺。情辭甚屬

可憫。諭旨到時。著即回貴州辦事。從寬免其議處。

丁未。

命護理西安將軍總督額倫特。及尙書富寧安等各率

兵分備要地。

侍衛阿齊圖疏報策妄阿喇布坦賊徒潛來馬

廠偷盜馬匹。官兵擊敗。賊徒遁去。臣隨遣官兵。

會同駐劄噶順汎界之護軍叅領欽第由追緝踪跡始知賊由山後過沙拉於欲來盜馬之時先執青海台吉羅卜藏丹濟卜而去奏入。

上諭議政大臣等曰策妄阿喇布坦賦性狡詐知我兵在巴里坤阿爾台等處防守嚴密若探聽噶斯口兵勢單弱由噶斯口來犯侵擾青海亦未可定不可不預為防備朕意派西安滿洲兵及督標兵二千名著護理西安將軍印務總督額倫特帶往西寧預備如策妄阿喇布坦由噶斯口來犯著西寧預備之兵與青海左翼台吉等會合提督康泰帶領四川之兵與右翼台吉等會合兩路協守策妄阿喇布坦斷不敢來犯倘自嘉峪關外及布隆吉爾等處以彼微弱之卒驚我大兵之後亦未可定著行文富寧安令選兵一千名預為防備朕意以為策妄阿喇布坦知祁里

平定準噶爾方略前編卷之三

美

德之兵今值冬季雨雪之時決不前進或由公博貝之後以微弱之卒潛來驚擾亦未可定著行文曉諭爾等速議具奏尋議曰欽遵

上諭各行預備外應行令西寧總兵官王以謙撥派西寧綠旗兵二千名預備王以謙非諳練軍務之人應令固原提督潘育龍將伊標下副將叅將等官員內有熟練軍旅者派出數員遣往西寧聽尙書富寧安侍衛阿齊圖調遣至主事巴特瑪熟練青海之事令與提督康泰一同協理事務再西寧駐劄之郎中長受亦熟練青海之事令與總督額倫特會同商議不時偵探倘有調遣之處將貝勒益蘇克汪扎爾等兵酌量調遣護軍叅領欽第由已經進追賊徒若請接續之兵令阿齊圖等即調遣西寧預備之兵前進奏

平定準噶爾方略前編卷之三

毛

入。

上從之。尋富寧安疏言遵

旨撥甘州提標及涼州肅州鎮標馬步兵共一千名。令

叅將等官率往布隆吉爾防守。並令沿途居住之貝勒貝子台吉等遣人不時偵探奏入。報

聞。

庚戌。

平定邊防方略卷三

三

命侍衛尤吉爾達等馳驛赴軍前。

上諭議政大臣等曰。一等侍衛尤吉爾達狄納。二等侍

衛佛替。藍翎發喀拉哈爾哈代著往富寧安處聽用。

二等侍衛諾里爾達色爾圖都墨策德爾格爾格色

立。三等侍衛額爾必赫西喇扣尼布齊爾罕。藍翎南

代查倫插著往阿齊圖處聽用。俱令馳驛前往。

乙卯。

命散秩大臣阿喇納赴軍前在叅贊行走。

上諭議政大臣等曰。散秩大臣阿喇納著前往西路於

八旗察哈爾兵丁內揀選人材壯健並從前隨過阿

南達出兵舊人共四百名。帶往巴里坤軍前著阿喇

納在叅贊行走。此次派出察哈爾官兵亦照從前蒙

古官兵之例給賞。

十二月丁亥。

平定邊防方略卷三

三

揀選八旗漢軍道府以下官往軍前。

吏部議覆尚書富寧安疏言兵餉錢糧事務甚

繁現在官員不足辦理。請揀賢能官員前來肅

州以便調用。應將陝西鄰近之河南山西湖北

等處各揀選五員發往。奏入得

旨將八旗漢軍丁憂候補道員以下知縣以上官員。九

卿揀選三十員發往富寧安處。遇缺題請補授。

丙午。

命侍衛郎泰等傳諭尙書富寧安。

先是

上諭議政大臣等曰。朕綜理軍務年久。經歷甚多。且曾親統大兵。安定邊塞。衆議欲於明歲進兵。又慮路遠糧米難運。其見不可謂非。但大兵進剿。策妄阿喇布坦勢不能當。必致逃避。明年著暫停進兵。加意耕種。

平定準噶爾方略前編卷三

甲

將糧餉馬匹預備整齊。後年再行進兵。其盛京寧古塔兵丁照舊發往。京城之兵著暫停止。策妄阿喇布坦詞雖卑遜。竟遣人盜我噶斯口兵丁之馬。我兵豈可坐守。著將空圭扎卜堪兵內揀選精騎。由阿爾臺作三四路襲擊。巴里坤兵內揀選精騎。作兩路襲擊。此襲擊之兵。遇可擊之處卽行襲擊。可取則取。應退則退。相機而行。襲擊後仍回駐兵處。策妄阿喇布坦

地方必然震動。其餘黨或有變端。以致逃亡。亦未可

定。我兵如此一舉。其道路地勢皆可悉知。將此詢滿

漢大臣。若仍欲明歲進剿。爾等將原議具奏。尋議曰

明年應暫停進剿。令空圭扎卜堪之兵移近汎

界駐劄。加意耕種。然我兵與其坐守。不如兩路

派兵襲擊。至所派兵丁數目由何路襲擊。及派

領兵官員。應令軍中大臣酌議奏

平定準噶爾方略前編卷三

甲

聞奏入。

上從之。至是

上諭侍衛郎泰等曰。爾等往諭尙書富寧安。明歲暫停

進兵之故。朕親加籌度。復命議政大臣等詳議。已降

旨於兩路出征大臣矣。遣兵襲擊之處。爾等與富寧

安彼處大臣及公傅爾丹并厄魯特喀爾喀工貞勒

貝子公等會同詳議具奏。至厄魯特等。甚屬狡詐。指

稱投誠。或潛來侵犯。亦未可定。此處應加意防範。如果實心率眾來投。將彼為首之人。解送來京。其餘令在克爾倫河地方遊牧。交與左翼喀爾喀扎薩克等酌量安插。所遣襲擊兵丁。將擒獲賊犯釋放一二人。告彼云。汝輩盜竊中國馬匹。所以邊上駐劄之兵。並未候旨。即行追勦前進。今朝廷深憫汝輩。降旨不許肆行殺戮。因此各回汎界。再傳諭公博貝。此處正伊効力之所。著益加勤慎。厄魯特喀爾喀公內。亦有身材壯健者。著將和托輝特等處兵派出。一同前往襲擊。如此則策妄阿喇布坦情形。自然顯露矣。然軍機事務。臨期酌量。難以預揣。惟在領兵大臣善為籌度耳。爾等會同定議後。速行奏聞。

命散秩大臣阿喇納與郎泰等傳諭祁里德。

先是祁里德疏言。巴里坤之兵。若前進。必易得

吐魯番。乘勢即可攻取朱爾都斯地方。相應選兵一萬六千。分為兩路。一由布拉罕河。一由額林哈畢爾噶前進。兵丁食用。駐劄與行走無異。必於明年進兵。始為有益。及是。

上并諭議政大臣等曰。祁里德奏請明年必宜進兵。意見亦是。在祁里德必有確見之處。或一應糧餉馬匹俱已齊備。有易於成功之機會。亦未可定。著阿喇納與郎泰保住。同往祁里德處。會同眾喀爾喀王貝勒貝子公等。并軍中大臣。一同詳議。議定後。阿喇納等再往巴里坤軍前。會同彼處大臣詳議。倘明年進兵之處。稍有遲疑。即照朕從前諭旨。將襲擊之處。詳議具奏。

乙卯。

命封羅卜藏丹津等。

上諭理藩院曰青海已故親王扎什巴圖爾自效順以

來一心向化伊子羅卜藏丹津人材亦優著封為親

王其台吉達顏係達賴巴圖爾之孫為人誠實感朕

深恩實心辦事甚屬勤勞著封為貝勒台吉巴爾珠

爾阿喇卜坦拉扎卜阿喇卜坦俱著封為貝子台吉

丹津著封為輔國公察罕丹津之婿台吉阿喇卜坦

格勒克著封為一等台吉

平定準噶爾方略前編卷三

四

平定準噶爾方略前編卷之四

康熙五十六年春正月壬申

增設噶斯路駐防官兵

上諭議政大臣等曰據青海多羅貝勒達顏奏稱噶斯

路兵勢單弱應添兵駐劄所奏甚是添兵之處爾等

議奏尋議噶斯路駐劄兵僅一千聲勢稍弱應以西

安兵二千及西寧鎮標兵一千撥噶斯路駐劄

平定準噶爾方略前編卷之四

一

其兵應分兩班更番行走令各攜口糧以省挽

運之費一切駐劄設哨分兵防守應令領兵侍

衛阿齊圖詳議具奏奏入得

旨依議噶斯路軍前現今止阿齊圖一人著侍衛和善

前往阿齊圖處一切軍務公同商酌而行再著石匣

副將趙坤河間副將卜應奎前往管領換班綠旗兵

丁等和善疏言噶斯路駐劄官兵前議分兩班更番

行走春季更番之兵。攜八月糧。冬季更番之兵。

攜四月糧。臣查西寧至察罕烏蘇計四十日程。

往返須八十日。其春季更番兵。雖攜八月糧。除

往返日期餘糧僅支一百六十日。冬季更番兵。

雖攜四月糧。除往返日期。餘糧僅支四十日。且

噶斯地甚緊要。防守兵丁不可一日空缺。又兵

丁往返十月以後。沿途不得水草。養馬甚難。臣

平定遠圖略前編卷四

二

請更番之兵。一年一調。自西寧赴汎兵丁令五

月起程。六月至察罕烏蘇。其察罕烏蘇回汎兵

丁。於更番兵到後。即令起程。七月中回至西寧。

每年如此。兵丁口糧。止增給八十日。而防守可

無一日空缺。又兵丁往返。在夏秋時。沿途水草

足用。於養馬亦有裨益。議政大臣等議如所請。

奏入

上從之。

命增給領侍衛內大臣公傅爾丹軍前農具。許八旗廢

官自請前往効力。

傅爾丹疏言。臣等所攜耕器。用敝者三分之二。

請益購買。於本年未播種前。送至軍前。現今在

事開墾諸人。臣等督令竭力耕種外。請益遣効

力者來軍。以佐耕務。議政大臣等議如所請。所

平定遠圖略前編卷四

三

購農具。令山西有司。運送軍前。其請益墾種之

人。八旗廢官有願往効力者。許其具呈發往。奏

入。

上從之。

二月乙未。

命副都統丁壽圖喇率盛京吉林兵一千赴祁里德軍

前。

辛亥

誥諭廷臣

上諭九卿等曰去年劉蔭樞所奏軍前之事並無實見徒飾虛語搖惑人心以致將軍晏布亦為所惑任事不如從前渠意不過屢屢言之希圖僥倖或有所中去冬之雪止有尺餘天氣亦和暖渠云雪深三四尺米糧難運水草缺乏今糧亦運到馬亦甚肥此其虛妄之明驗矣劉蔭樞若有人心亦當慚愧朕從前中路出兵與將軍費揚古於五月十五日會齊及至克爾倫地方即有以運糧艱難阻朕勿往者彼時高士奇陳元龍隨從亦勸朕回朕意以出兵時祭告

平定準噶爾方略前編卷之四

四

天

地

宗廟

社稷而費揚古已經先去豈可違約不相繼而往乎所以決意前往糧米亦不遲誤遂成大功若聽人言則必有悞大事矣

三月戊寅

以尚書富寧安為靖逆將軍公傅爾丹為振武將軍散秩大臣祁里德為協理將軍分路進兵擊賊

先是富寧安疏報巴里坤一路選兵八千五百分兩路襲擊策妄阿喇布坦邊界烏魯木齊吐魯番等處奏入得

平定準噶爾方略前編卷之四

五

旨軍務關係緊要著將尚書富寧安授為將軍給與印信共署理西安將軍事務總督額倫特現在西寧駐劄彼處事件無多著額倫特前往駐兵之處與富寧安會同商議料理總兵官王以謙係旗人曾歷任西

安副都統。彼處又有郎中長受。將駐劄西寧之西安滿洲兵。綠旗兵。令王以謙長受管轄。肅州地方甚屬緊要。延綏總兵官李耀。停其前往穆寨等處。令將伊所帶之兵。前赴肅州駐劄看守。今既遣兵前往襲擊策妄阿喇布坦之汎界地方。其留後接應及緊要形勢之地。安營看守接運糧餉等事。關係重大。富寧安額倫特二人內。著一人帶領襲擊之兵前去。留一人

平定回疆方略卷四

六

料理事務。若吐魯番地方可取則取。將伊處米石。充作口糧食用。遂以彼力協同看守。倘力稍單弱。有由額林哈畢爾噶一路所進五千之兵。即將此兵酌量調往併力看守。過冬之時。運送米糧。牧放馬匹。及防敵人之潛劫襲後等處。務須詳加籌畫。看守吐魯番之兵。不可撤回。別路襲擊之兵。作何張大軍勢。著兩路大臣公同確議。在於要緊適中之處。暫行駐劄。若

易取而難守。則仍照前議。令其襲擊而回。烏魯木齊布魯爾布拉罕額林哈畢爾噶四路之兵。亦令襲擊而回。此等軍務。萬里之外。不便請旨遵行。此處亦難遙度指示。令軍中大臣等酌量詳議。作速遣人知會阿爾台路之大臣等。互相約定日期。相機而行。著議政大臣都統滿漢大臣等各抒已見。詳議具奏。尋又

平定回疆方略卷四

七

之。即與哈密相類。盡入國家版圖。既入版圖。不得不善為保護。若襲擊之兵。勢覺單弱。或策妄阿喇布坦擁眾而來。救援吐魯番。或吐魯番等更變。彼時不能看守。則得而復失。關係甚大。著軍中大臣詳加籌畫。如有難處之勢。仍照前議。襲擊回來為是。又軍務應相機而行。若此兵襲擊。能使策妄阿喇布坦軍中內亂。分散來歸。則竟行襲擊。不必請旨。將此訓旨曉諭

軍中大臣。至是議政大臣等議曰。今尚書富寧安進兵如吐魯番地。易攻易守。則取之。不然。仍如前諭。襲擊而還。奏入。得

旨。依議。軍前革職効力之人甚多。伊等俱係小人。如偽

造浮言。搖動衆心。應加嚴禁。總兵官李耀帶領駐劄

肅州之兵。令富寧安酌量調遣。巴里坤一路。授富寧

安為將軍。給與靖逆將軍印。阿爾台一路。授公傅爾

平定準噶爾方略前編卷之四

八

丹為將軍。給與振武將軍印。祁里德授為協理將軍。

令都統穆賽率阿爾台兵三千出汎界。於三路要緊

適中地方。以備應援。其襲擊之兵。兩路應互相約會。

路遠者先行。路近者接續起程。俱於七月前進兵。乘

秋季而回。馬匹方可過冬。著郎泰滿泰克什圖保住

等將朕旨傳示兩路將軍。

臣等謹按傳曰。天生五材。廢一不可。兵者威

不軌而昭文德。惟聖人為能用之。欽惟

聖祖仁皇帝大度深仁。卓越三五。葉芽不靖。

天討必申。於時朔漠耆定之後。策妄阿喇布坦搆毀干

誅罪在不赦。而一時廷臣。如提督師懿德巡

撫劉蔭樞等。或以道遠雪深。罷兵勿用之說

進仰賴

聖神獨斷。力排羣議。

平定準噶爾方略前編卷之四

九

特命重臣富寧安等。出師討罪。克奏大功。我

皇上纘

武集勳。永清西極。收自古以來未收之地。臣自古以來

未臣之人。累洽重光。無思不服。伏讀

聖祖寶訓。有云。初兆既吉。終無不吉者。於今大告

武成。信如響卜。易曰。天之所助者順也。韓愈亦曰。惟

斷乃成。夫惟成之以斷。而上協

天心

神人助順其斯為

王者之師無疆惟休也歟。

已卯。

以常關係為副都統往布魯爾。

上諭議政大臣等曰布魯爾一路常關係委署副都統

借公博貝前往常關係員缺令軍前將軍大臣另行

平定漢噶爾丹略編卷四

十

題補由額林哈畢爾噶一路前往。

夏五月癸酉。

諭振武將軍公傅爾丹。

上諭曰烏梁海與禽獸等耳有無總無關係現今掃滅

策妄阿喇布坦之事乃屬緊要若大處不理止將烏

梁海收取遷移以為緊要一經舉動之日向何地驅

逐耶策妄阿喇布坦若一搖動烏梁海自俱為我有

凡謀大事者應將小處暫置現今羅卜藏達什之信亦尚未來也。

庚寅。

振武將軍公傅爾丹奏阿爾袞固哲等處屯務

傅爾丹疏奏今歲除耕熟之田已經播種外其

阿爾袞固哲西巴里鄂希納馬爾濟呼勒克察

罕郭勒等處地土肥厚現在開渠引水一體增

平定漢噶爾丹略編卷四

土

種五月中又遇甘霖霑足所種青稞小麥大麥

各極暢茂奏入報

聞。

已亥。

靖逆將軍富寧安奏報進兵。

富寧安疏言臣等選兵八千五百分三隊往烏

魯木齊襲擊首隊兵令散秩大臣阿喇納等領

之臣自領二隊都統晏布等領三隊各持六十

日糧以次前進聞伊勒布爾為策妄阿喇布坦

汛界即令阿喇納等於所領首隊兵選五百人

夜行晝伏往擒其守汛者又調延綏總兵官李

耀尾大軍後於色畢特烏蘭烏蘇等要地設營

防守李耀標下兵少請撥巴里坤五百助之并

令侍衛哲爾德等往會阿爾台一路將軍約期

平定準噶爾方略前編卷四

上

並進旋據阿爾台將軍公傅爾丹等覆言彼路

會奏令原撥兵由布魯爾布拉罕額林哈畢爾

噶三路進發今巴里坤既分三隊往襲烏魯木

齊則彼路所撥額林哈畢爾噶之兵可勿往即

以益布魯爾布拉罕兩路令侯巴里坤進兵之

期同發亦各攜六十日糧至額爾齊斯河烏圖

等處相機襲擊議政大臣等議如所奏奏入得

旨從前議進兵時帶四十日口糧不令深入今又議帶

六十日口糧深入襲擊時漸寒冷兵回時恐馬匹疲

瘦應令於何處過冬并進兵道路多有與吐魯番相

通處應作何防備之處著再行詳議具奏尋議巴里

坤阿爾台兩路進兵應如原議攜四十日糧到

烏魯木齊及額爾齊斯河烏圖等處應擊則擊

應取則取如有不便仍整兵而回其總兵官李

平定準噶爾方略前編卷四

上

耀兵恐單弱應撥兵五百尾後策應凡進兵道

路與吐魯番有相通之處遵

旨行文領兵將軍加意防守其回兵時於何處過冬伺

養馬匹令將軍等詳酌而行奏入

上從之

秋七月辛未

靖逆將軍富寧安奏報擒賊於烏蘭烏蘇及通

郭巴什

富寧安疏言臣等分兵三隊於六月二十六日由巴里坤進發令散秩大臣阿喇納等率兵一千三百餘為首隊往擊厄魯特邊境擒其生口。臣統大兵尾其後於七月初四日將至阿克塔斯。據阿喇納報言我等率兵夜行晝伏初三日至烏蘭烏蘇擒獲策妄阿喇布坦哨兵二人一人名阿籌拉克一人名吹扎卜應即檻送京師。以此二人熟識路徑臣等方率兵前往襲擊誓用為嚮導行且遣還所部宣諭

平定漢軍方略編卷之四

古

聖訓或前途更有俘獲令歸宣諭即檻送二人至京俟臣等至烏魯木齊後酌量而行奏入得

旨朕年日增血氣漸衰故此事遲疑至今如當朕少壯

時早已成功矣然朕以老年之人籌畫調遣無不符

合者此即軍機之吉兆也。初兆既吉終無不吉矣。此疏著示諸皇子及眾大臣翼日大學士馬齊奏言觀將軍富寧安所奏我兵襲擊策妄阿喇布坦直抵邊境擒其哨兵不出

皇上睿算之中諸酋更相驚恐從此捷音接踵至矣

上諭曰策妄阿喇布坦之人皆烏合之眾其心不一我大兵一到即或降或散朕經理軍務已久每事慎重

平定漢軍方略編卷之四

五

所以用襲擊之兵劉蔭樞并不知此意聽傳聞之言即勸朕息怒休兵用兵之事如此妄奏可乎伊不過用此空言作文章而已無知之徒即由此互相傳播從來遇賊迎降即此等空言作文之輩流賊李自成進京之際明文臣迎降稱頌李自成奏表云邁湯武而無慚德比堯舜而多武功本朝兵至復降本朝逆賊吳三桂叛時貴州巡撫曹申吉降而提督李本深

亦降。四川巡撫羅森降。而提督鄭化蛟亦降。王師至
箆食壺漿迎之。賊兵至亦箆食壺漿迎之。誠可恥也。
又

諭曰。蒙古等感戴本國之恩。忘身以奉事者甚衆。當索

約爾濟河地方與噶爾丹交戰時。阿魯科爾沁之棟

牛特台吉自戰場出謂衆曰。我等受皇恩甚深。若稍

退縮。有何面目以見聖顏乎。率伊屬兵三百名復進

平定準噶爾方略前編卷之四

六

皆歿。此內祁里德族中數人亦戰歿。朕甚憫之。近日

綠旗武官亦好遊擊。潘至善駐防哈密。策妄阿喇布

坦二千兵來侵。潘至善率伊屬兵二百名。卽行擊敗。

臨陣時。潘至善奮然一手持刀。一手持弓。笑曰。是我

等報皇上之日也。哈密回子及被獲厄魯特等。無不

言潘至善漢人而有勇如此。爲之極口稱贊。頃者總

督滿保摺奏。自旅順口逃去之賊。從浙江而來。福建

遊擊鄭勤領兵追及。跳上賊船。或斬或擒。綠旗武官
感朕之恩。皆有捐生敢死之心。朕慮其奮勇太過。或
致有傷。殊以爲念耳。是月富寧安又疏報。臣等於七

月初十日。至烏魯木齊。擒獲回人。探問準噶爾

消息。卽於十一日率師前進。至通郭巴什。分兵

搜其山林。擒獲回衆男女一百六十九人。所獲

駝馬牛羊無算。其烏魯木齊賽音塔拉。毛塔拉

平定準噶爾方略前編卷之四

七

等處田畝。悉蹂躪之。於十二日整兵而歸。奏入

得

旨。著議政大臣議奏。尋議靖逆將軍富寧安等統兵襲

擊策妄阿喇布坦。至其邊界烏魯木齊等處。搜

勦山林。多所俘獲。振旅而還。實能遵奉

聖訓。奮勉可嘉。應令註冊。俟事定日。大臣以下各予議

敘。奏入。

上從之

壬申

命理藩院尚書赫壽書諭拉藏

上諭赫壽曰爾可以已意作一勸諭書送於拉藏汗云
蒙皇上之恩將我補授理藩院尚書昔時曾到爾處
汗甚愛敬我念彼此相好之情盡我之心作書相告
頃者統領駐劄巴里坤地方兵丁將軍富寧安等率

平定邊疆方略卷四

大

先鋒兵問罪於策妄阿喇布坦之境拏獲策妄阿喇
布坦哨兵厄魯特阿籌拉克吹扎卜二人問之云策
妄阿喇布坦仍住伊本處與俄羅斯哈薩克布魯特
皆為讐敵拉藏之子娶策妄阿喇布坦之女三年已
經生子達賴喇嘛班禪及拉藏之使俱在策妄阿喇
布坦處聞布木之子策零敦多卜托卜齊都噶爾三
都克等率六千兵去年往阿里克處助拉藏汗征布

魯克巴至今未回以此思之策妄阿喇布坦之奸狡

甚不可信或助爾征布魯克巴或侵爾以取西邊地
方俱未可定再頃者爾呈部之文有部中若不料理
我等除爭之外別無他法等語由此觀之爾或欲侵
戴青和碩齊羅卜藏丹津以引導策妄阿喇布坦之
兵亦未可定爾誠受我主之封食我主之祿而侵我
邊疆之貝勒我四川等處所有三萬兵丁與貝勒戴
青和碩齊同在一處又豈有坐視爾臨諾木琿烏巴
什穆魯烏蘇等處侵青海之理乎至彼時我兵助戴
青和碩齊與爾交戰我雖有禁止之文亦無及矣將
此作書可也

平定邊疆方略卷四

九

癸酉

追贈輝特台吉扎木畢為輔國公

靖逆將軍富寧安疏言臣等自烏魯木齊回兵

往畢留圖。遇厄魯特兵三百餘人。尾我兵後。臣即整兵迎勦。賊眾奔竄深山。此戰輝特台吉扎木畢首先奮勇。以鎗刺賊。賊墜馬擒之。復進追賊。賊發鳥鎗中扎木畢之胸而死。奏入。得

旨。扎木畢首先奮勇勦賊。以至陣亡。甚屬可嘉。著追封

輔國公。以其子承襲。

八月壬午朔。

平定準噶爾方略前編卷之四

三

命署西安將軍總督額倫特。駐軍西寧。

先是靖逆將軍富寧安疏報擒獲回人阿都瑚。里言策妄阿喇布坦。令其宰桑都噶爾。三都克策零敦多卜。托卜齊等。領兵六千。於去年十一月。由阿里克路向西進發。其欲襲拉藏。或助之。未定。疏入。得

旨。策妄阿喇布坦。由阿里克地方發兵一事。雖虛實未

知。朕意料之。甚屬可惡。策妄阿喇布坦。先曾向哲卜尊丹巴胡土克圖之使者云。拉藏汗。係嗜酒無用之人。不足介意。羈留其子。并留達賴喇嘛班禪之使。不令前去。今此兵或征取拉藏。收取西邊地方。或幫助拉藏。侵犯青海。俱未可定。若係征取拉藏。其兵於去年十一月前往。今已成讐。我兵欲救援拉藏。恐地方遙遠。策妄阿喇布坦之兵。若幫助拉藏。向來侵犯青海。則不可不備兵協助迎勦。現今巴里坤有富寧安阿喇衲等。一應軍務。俱已諳練。行兵甚易。應將額倫特撤回。仍駐劄西寧。將協助兵丁。與青海之人。一同豫備。著議政大臣等議奏。至是議覆曰。

平定準噶爾方略前編卷之四

三

聖諭周詳。應令署理將軍總督額倫特。速往西寧料理

軍務糧餉。西寧總兵官王以謙。侍讀學士查禮

渾等在松潘備兵。提督康泰主事巴特瑪等時

時遣人密往青海偵探。若得消息。一面奏

聞。一面彼此知會。相機而行。其駐劄噶斯之侍衛阿齊

圖。霍善等。令加意周防。探賊踪跡。奏入。

上從之。

乙酉。

振武將軍公傅爾丹。奏報擊賊回軍。

傅爾丹等疏言。臣等撥兵。分隊襲擊。公博貝於

平定縣野路編卷四

三

六月二十九日。至博羅布爾噶蘇。見有賊踪。即

追斬厄魯特五人。生擒四人。投順者十六人。額

駙吳爾袞都統穆賽。令喀爾喀台吉益楚克。及

婁徵額等。分路尋探。各無賊踪。於七月十七日

回兵。奏入。報

聞。

丙申。

命將軍富寧安。傅爾丹等。詳議防範事宜。并量撤在營

官兵。

上諭議政大臣等曰。三路襲擊軍兵。俱遵朕指示成功

整旅而還。其將軍蒙古王。貝勒。貝子。公。台吉等。及武

職大臣。官員以下。軍兵以上。俱到極邊之處。回來。凡

地方。遠近道路。平險。水草多少。以至敵人情形。大略

悉知。著逐一繕摺奏聞。再令將軍。兵作何料理之處。

平定縣野路編卷四

三

令將軍蒙古王。貝勒。貝子。公。台吉等。及武職大臣官

員。各抒已見。具奏。並行文將軍富寧安。傅爾丹等。三

路之兵。俱已回來。或敵人侵犯。哨汛。偷竊。搶奪。事未

可定。我軍應作何防範。著詳議以聞。尋會議曰。自逆

賊策妄阿喇布坦。起釁以來。一切軍務。悉皆

皇上。睿慮。預行指授。將軍大臣等。發兵三路襲擊。擒俘

策妄阿喇布坦。部落厄魯特。回入。獲其馬。駝。牛

羊等物蹂躪所部田禾賊眾不支驚駭逃竄今三路兵各奏功旋師應令將軍富寧安傅爾丹等於所屬兵及鄂爾多斯右衛西安綠旗兵丁中簡其羸弱者遣還以

聞奏入。

上從之。

丁未。

命撥荊州滿洲兵赴成都太原滿洲兵赴西安。

平定準噶爾方略前編卷四

十四

議政大臣等議覆西寧駐劄侍讀學士查禮渾等疏言據西邊拉藏汗咨文云策妄阿喇布坦於七月初四日發兵掠其納克禪邊內波木寶部人且令策零敦多卜率兵萬人來取拉藏我兵不可不備應令松潘西寧兵出口駐營奏入得

旨依議但地方遼遠俟信息到時始行調兵恐或不及

可派荊州滿洲兵二千名發往成都派太原滿洲兵五百名發往西安

九月壬子朔

諭諾爾布色楞布達理等

諾爾布色楞布達理奉

命往青海恭請

訓旨

平定準噶爾方略前編卷四

十五

上諭曰爾等俱往來青海路途已熟所以派往今拉藏若能敗策妄阿喇布坦之兵信到即可調回爾等倘拉藏被策妄阿喇布坦所敗爾等即與青海台吉等協力征討明白曉諭務令合而為一使伊等絕無猜疑不致生變方善或拉藏與策妄阿喇布坦之兵會合欲征戴青和碩齊須諭知青海眾台吉等云策妄

阿喇布坦與我大軍為敵。今拉藏與之合一。是顯為
讐敵。聖主始終仁愛保護。顧實汗之子孫。直至於今。

實係聖主天高地厚之恩。此時正當奮發報効。與我

并力而行。甚易易也。今四川西寧等處邊界之兵有

十萬。現在又調荊州滿兵二千在成都預備。調太原

等處滿兵在西寧預備。我兵實不可勝用。將此情亦

明白諭知。戴青和碩齊策妄阿喇布坦之兵先侵拉

平定藏圖略

五

藏方去圖謀。達賴喇嘛必以此告知。再將軍額倫特

才略過人。爾等凡事一體同心。若有聞見。務必共同

商議而行。

丁巳。

發帑預給在營兵餉。

議政大臣等議覆靖逆將軍富寧安奏言來歲

進征滿洲漢軍官兵及各綠旗兵當先期整理

馬匹軍器等物。借支俸祿錢糧。計銀二十五萬

六千兩有奇。請如數借給。俟事定之日扣除。奏

入得。

旨。此次官兵雖未臨陣克取地方。然同心効力。甚屬可

嘉。將朕內庫銀兩發出二十六萬。令其整理馬匹器

械。如恐路遠不能即達。將附近地方所有錢糧著戶

部速行料理。成功時此項銀兩不必扣除。若無効力

平定藏圖略

五

之處空回各本汛者。如議政大臣所議。仍行扣除。現

將內庫銀兩照數交與戶部。此項錢糧係朕特恩。其

另造檔案。務令清楚。是月四川陝西總督鄂海疏言

西寧鎮標官兵前往噶斯路駐防時。借餉六月。

今代歸。當如數扣除。兵丁無以自給。請於每季

扣除一月。留兩月糧。給本兵贍養。又現往噶斯

路官兵。亦請每季發兩月糧餉。至軍散給。留一

月糧養其家口。俟還西寧之日。陸續扣除。奏入。
得

旨噶斯路換班回來。並現往駐防官兵。所借糧餉。著暫
停扣除。俟功成事竣。作為朕所賞賜。如不成功。照該
督所題扣除。其行月糧餉。送至軍前。并存留贍養家
口之處。著照該督所題給放。該部知之。

壬申。

平定準噶爾方略前編

天

增給靖逆將軍富寧安官兵。

富寧安疏言。進勦兵一萬三千外。請增喀爾喀

兵三千。

上諭議政大臣等曰。將軍富寧安處。派察哈爾兵一千。

京城八旗護軍一千前往。所派護軍內。將烏鎗手護
軍派五百名。此兵到時。將彼處綠旗兵之不整齊者。
著將軍酌量撤回。再西安滿洲兵。派往軍前者甚多。

將京城驍騎兵內。每佐領各派三名。前往西安駐劄。
預備調遣。尋又

諭議政大臣等曰。派往西安預備驍騎兵丁。每佐領三
名。三名內。火器營兵丁一名。此火器營兵丁。著護軍
統領瑚錫圖帶領前往。甘州駐劄。

冬十月乙酉。

命戶部左侍郎梁世勳

平定準噶爾方略前編

天

盛京兵部侍郎海壽督理。巴里坤屯田。

乙巳。

命都統和禮往雲南。護軍統領溫普往打箭爐。

上諭議政大臣等曰。現在西邊用兵之處。與雲南及打
箭爐地方。道路相通。應預為防備。著都統和禮前往
雲南。護軍統領溫普前往打箭爐。各帶護軍。參領及
侍衛部員二人。即行馳驛前往。

命公策旺諾爾布將軍額倫特侍衛阿齊圖率兵分駐青海要地。

青海親王羅卜藏丹津疏報策妄阿喇布坦遣策零敦多卜等率兵三千欲取西藏拉藏汗整兵與戰兩無勝負策零敦多卜兵自遠道衝雪而來士卒凍餒馬駝倒斃沿途食人犬兵悉徒步三千兵中厄魯特人少烏梁海人多到者二

千五百耳其餘疲極不能悉到也奏入。

平定藏圖略附編卷四

三

上諭議政大臣等曰西藏之地達賴喇嘛所蓄糧餉頗

多器械亦備且西藏人眾守法今策妄阿喇布坦無故欲毀教占藏衆人豈肯容伊且策零敦多卜等之兵疲敝已極除陣亡病死外未必滿二千又安能取得拉藏城池但策零敦多卜等自分攻取則兵力不支撤兵而回亦無生路或因情急恣行侵掠亦未可

定不可不加意防備爾等其確議具奏尋議曰著青

海台吉等即率兵前往令內大臣公策旺諾爾布將軍額倫特侍衛阿齊圖等統兵駐劄青海要地松潘之兵亦令駐劄要地以便哨探萬一有警彼此相應相機而行并速行文將軍富寧安等奏入。

上從之。

平定藏圖略附編卷四

三

靖逆將軍富寧安請停撤駐營官兵。

先是。

上諭富寧安等曰今年襲擊回駐兵丁內有殘疾者應查出撥還原汛并將撥補發往之處爾等速議具奏。至是富寧安等疏言現在巴里坤兵中殘疾者少且來年進兵此時議撤未便請止兵丁勿回原汛奏入。

上從之。

丙午

兵部左侍郎李先復通政使司右通政魏方泰
運米回京復

命。

李先復魏方泰入奏。

上曰運米事難易如何李先復奏曰臣等向未至口外。

平定準噶爾方略前編

三

初以為難。今二年運米往返六次處處悉得水
草始知其易。

上諭九卿等曰口外路遠未經者輒畏其難伊等運米
兩年便知其易明年若再運米益不啻輕車熟路矣。
口外有一定當行之路水草足用若不諳路徑則難
於前進所以行路先須酌量形勢策妄阿喇布坦所
住之處即古陽關哈密以西即古瓜州沙州所通之

地甚廣前有以守邊界之說進者勢必將邊牆之外

棄去斷斷不可即如臺灣南澳人以為孤懸海外無

關緊要自得其地福建廣東之賊便無容身之地所

係匪輕然海中之路亦有一定福建至盛京沿海一

路會令詳細繪圖島嶼停泊皆有定所口外亦是如

此彼處行路宜於冬不宜於春夏昔人用兵以為春

間口外馬瘦內地馬肥殊不知春間馬一出口肥者

平定準噶爾方略前編

三

先壞受累不小凡人平時易出大言臨事多畏縮遂

巡口外行走遇大雨大雪即驚惶無措趙弘燦曾在

川陝地方屢經行陣後廣東苗蠻竊發伊率綠旗兵

四百往勦俱畏怯退縮伊亦甚倉皇可見用兵須主

意堅定若主將倉皇人心皆為搖惑矣趙申喬前在

偏沅征紅苗挺身前進新滿洲令其在後以避烏鎗

伊云即有不測我後人尚可得磨襲與我身在何異

趙申喬並不嫻軍旅。但立定主意便無畏怯。從前耿

逆變亂。李之芳守衢州亦是身先士卒也。當初西路

用兵。滿兵已先進。綠旗兵畏死欲退。將軍孫思克諭

云。滿兵前發。並未傷損一人。汝等且看滿兵若有死

傷再退未遲。衆始前進。因成大功。

十一月甲戌。

命甘肅提督師懿德留京。

平定縣勦賊方略卷四

三

上以甘肅提督師懿德議不可進兵。一摺。示滿漢大學

士學士九卿詹事科道等。

諭曰。此事彼處督撫不奏。師懿德獨奏。亦是仿劉蔭樞

之意。且將師懿德等留京。用兵之事原要機謀。非拘

執不通者所能辦理。當中路出兵時。人云地寒馬瘦。

到彼處馬匹必致凍死。又包衣大力言糧餉未到。難

以前進。朕卽止之云。此中機謀非爾等所知。如再妄

言。卽律以軍法。朕來時祭告

天

地

宗廟。必見噶爾丹方回。又與伯費揚古約兩路合兵。今

不前進。如何先回。朕親率大兵深入敵境。算在必勝

也。噶爾丹使人來。朕留營中七日。諭來使云。不見噶

爾丹必不輕回。鼓兵前進。差人往視噶爾丹已遁去

平定縣勦賊方略卷四

三

二日。再差人往視。已盡棄廬帳器械遠遁矣。朕乃回

兵。今策妄阿喇布坦本屬小醜。不足為慮。但怙惡不

悛。侵陵哈密。前曾以二百人敗其二千餘人矣。今因

其移兵到藏。道路甚遠。又無接應。自去年十月起行。

今年七月方到。過三層冰山。噶斯等處實為難行。然

彼既可以到藏。我兵卽可以到彼處。兵亦不用多。二

百餘人便可破之矣。人奏彼處雪深八尺。兵不可住。

今李先復係漢人。自阿爾台口外來。氣色甚好。云途中並不見有病人。是邊外水土原可居住。故復議明歲三四月出兵。用兵惟以安寧百姓保護地方為先。故各省督撫奏摺來。俱批先固內地緊要。不可聽小抄以惑人心。我朝驛遞之設最善。西邊五千餘里。九日可到。荊州西安五日可到。浙江四日可到。三藩叛逆吳三桂輕朕年少。及聞驛報神速。機謀深遠。乃仰天歎服曰。休矣。未可與爭也。

平定準噶爾方略前編卷四

三

臣等謹按古者置郵傳命。漢唐驛馬並三十里一置。歷代以還其制寔密。詔書日行五百里。然或不能如期傳布。宋時設急脚遞。金初置急遞舖。並日行三百里。自古郵傳無至五百里以上者。固由俗狃便安。不習馳驟。亦在上者立法之未善也。我

聖祖仁皇帝時乘六龍。翦除羣醜。於時軍書迅速。數千餘里之程。計日即達。逆藩奪氣。大勲速成。聖謨所垂。仰見

國家制度。實足超越千古。

皇上觀光纘緒。耆定西陲。羽檄飛馳。驛遞六百里。至六百里以上。絕域所至。稟承

平定準噶爾方略前編卷四

七

廟謨。指授機宜。不爽晷刻。拓地二萬餘里。成功不越五年。易曰。惟神也不疾而速。不行而至。聖天子之設施。豈尋常擬議所能窺測。萬一者乎。五十七年春正月甲寅。

賞賚松潘鎮屬各土司。

四川松潘鎮總兵官路振揚疏言。松潘所屬黃勝關無斥埃。向於漳臘營設一遊擊。統兵六百四十駐劄。管轄雜番。迤南為雜谷安撫土司部。

種繁多俗號勇悍其南境直抵打箭爐與天全

招討司明正土司接壤土司良爾吉死其子班

弟爾吉尚未襲職臣來備兵初密令所在土司

選其部屬防守隘口班弟爾吉尤稱勤順請許

其襲職加以賞賚又有加渴瓦寺安撫土司桑

郎溫愷所部羌番亦衆接近漢地現今募夫運

糧其部人居六七又漳臘營所轄之祁命上下

平定藏野略輯卷四

天

包坐司等土官土兵習於戰鬪熟諳邊情臣曾

令預備土兵一千聽候調遣咸各踴躍並請各

加賞賚如有調發計其支給口糧議政大臣等

議覆悉如所請其班弟爾吉請予襲職令都統

法喇等查明議奏奏入

上從之

庚申

命護軍統領溫普率荊州滿洲兵駐打箭爐

都統法喇等疏言打箭爐道狹米糧難到去年

荊州滿洲兵來時路遠馬瘦俟飼養稍肥臣選

滿洲兵五百遣官率往駐劄又選建昌鎮綠旗

馬步兵七百化林營綠旗馬步兵八百令於所

在預備以便酌量調遣議政大臣等議曰應如

所請令護軍統領溫普等率荊州滿洲兵五百

平定藏野略輯卷四

天

往打箭爐駐劄令巡撫年羹堯遣官辦理糧餉

奏入

上從之

戊辰

撤松潘等處兵入口駐劄

侍衛查什遵

旨以松潘等處兵馬應撤與否往問察罕丹津察罕丹

津奏云。大兵西進策妄阿喇布坦。決不敢來。方今天寒草枯。馬匹難行。軍士甚勞苦。不若令四川松潘兵撤回原所。牧養馬匹。休息士卒。議政大臣等議覆曰。現今兵丁駐劄阿爾錫。巴勒錫等處。去口不遠。應令副都統寧古禮總兵官路振揚。撤兵於松潘口內附近駐劄。不時遣人至青海偵探消息。奏入。

平定準噶爾方略前編卷四

早

上從之。

壬申。

命侍郎色爾圖駐甘州。總兵官范時捷署甘肅提督事。

同理軍務。

上諭議政大臣等曰。去年朕欲派一大臣在甘州駐劄。辦理軍務。今額倫特既在西寧。諸事可以無虞。且自有軍機以來。凡事朕皆預為籌畫調度。後亦無不相

符者。近經將軍富寧安奏請兵餉。朕已下旨賞給銀

二十五萬兩。今提督師懿德奏請撤兵。此銀付之空

處。不知朕於軍機事務。並不惜錢糧。已動用過數百

萬兩矣。又甘肅等處綠旗兵丁。自出兵以來。曾賞過

馬匹錢糧口糧。并給在家之妻子米糧。此等恩澤。會

否均霑。其間有無尅扣尚未明晰。如兵丁之在家妻

子未霑恩澤。朕心亦不能安。朕思固原地方提督潘

育龍乃年久之將軍。諸事諳練。自可無虞。其甘州地

方甚屬緊要。須派大員在彼駐劄。查明此等事務。且

所處既近。可以互相應援。尤為有益。又派滿洲兵一

千名。喂養馬匹肥壯。春間天暖。不令由口外前去。著

令由內地到肅州駐劄。尋議政大臣等開列大臣職

名具奏。奏入。得

旨。著派侍郎色爾圖。前往寧夏總兵官范時捷署理

平定準噶爾方略前編卷四

早

甘肅提督事務亦令前往甘州。偕色爾圖一同辦理。其寧夏總兵官員缺。令范時捷舉伊所知之賢能副將護理。

乙亥。

右衛將軍費揚古以病乞休。許之。

戊寅。

特給在軍官兵內製衣。

平定議製駱駝鞍轡

聖

上諭議政大臣等曰。兩路軍兵駐劄邊塞。二三年矣。勞苦殊甚。衣服亦將損敝。朕深加軫念。特令製衣二萬襲。現今所有一萬襲。派侍衛一員。由內地驛站送至將軍富寧安軍前。賞給軍兵。再一萬襲。候製造完日。送至將軍傅爾丹軍前。著爾等大臣查驗裝載牢固。發往。如尚有不敷。計算軍兵數目。照此衣服將庫貯布疋賞給。令其自行製造。

二月戊子。

命總督額倫特等定撥噶斯路更番兵。

西寧總兵官王以謙疏言噶斯路更番兵止於鎮標所屬撥往數實不敷。議政大臣等議覆曰。應於都統胡錫圖率往兵丁及固原涼州所備綠旗兵丁內。均勻調撥。前往西寧。奏入。得

旨噶斯一路兵丁換班。現有總督額倫特公策旺諾爾

平定議製駱駝鞍轡

聖

布侍衛阿齊圖等在彼處。著行文令伊等定議具奏。己丑。

設赤金靖逆二衛及柳溝所。

靖逆將軍富寧安疏言西吉木設赤金衛。達里圖設靖逆衛。各增設衛守備一員。西喇郭勒設柳溝所。增設守禦所千總一員。再增設同知通判各一員。兼管二衛一所。其駐防兵丁武職等

官令肅州鎮管轄。衛所等官令肅州道管轄。議政大臣等議如所請。奏入。

上從之。

庚寅。

命侍衛色楞等率兵援西藏。

先是總督額倫特疏報據拉藏使人和喇奇云

前者與策妄阿喇布坦兵交戰。斬獲賊衆二百

平定準噶爾方略前編卷四

聖

餘人。策零敦多卜及準噶爾人等不習水土。徧

身病腫。現今拉藏同達賴喇嘛班禪額爾德尼

在布達拉處固守。令我齋疏往奏

聖主。又大喇嘛芻爾齊木藏布喇木扎木巴奏稱我等

由剛諦沙還至拉薩。拉藏告云。策妄阿喇布坦

令策零敦多卜等率兵六千餘至淨科爾庭山

中扼險來戰。中夜越嶺而至。遂據達木地方。尋

侍衛阿齊圖等又疏報據拉藏使人胡喇奇云

拉藏蘇爾扎前與策妄阿喇布坦兵交戰。殺獲

甚衆。今拉藏蘇爾扎等已自達木悉至招中。議

政大臣等議曰。令侍衛阿齊圖總督額倫特等

謹防速備。遠偵賊情。相機進剿。奏入。得

旨。依議速行。至是拉藏奏稱。臣世受

聖主洪恩。不意逆賊策妄阿喇布坦發兵六千與我土

平定準噶爾方略前編卷四

聖

伯特兵交戰兩月。雖各無勝負。而敵兵又復入

招。臣現率兵守護招地。但土伯特兵少可慮。若

賊兵入據喀木衛藏地。竊恐黃教殄滅。以此籲

求

皇上聖鑒。速發兵并青海兵。即來策應。議政大臣等又

議曰。拉藏係顧實汗裔。維持黃教。今來求援。應

令西寧。松潘。打箭爐。噶斯等處。各備兵馬。并土

司楊如松所屬兵同發。現今青海王台吉等撥

兵六千。於正月初十日啓行。非益以滿洲兵不

可。應令侍衛色楞侍讀學士查禮渾選西寧滿

洲兵二百。綠旗兵二百。及土司兵一千。率往青

海。會同青海王台吉等商酌行事。其青海王台

吉等發兵後。家屬無人守護。應令公策旺諾爾

布總督額倫特與青海王台吉等妥議於屯兵

平定藏野略前編卷四

吳

處加意安輯。奏入。

上從之。尋又

諭議政大臣等曰。侍衛色楞等既統兵進征西藏。沿路

汛守防護哨探。以及單身行走認識路徑等事。甚有

關係。會令侍衛扎克巴藏布將侍衛等酌量派往。再

於都統瑚錫圖所帶兵丁內。將慣習行走漢仗好之

新滿洲及烏拉齊索倫揀選幾名。即於彼處發往色

楞軍前。

遣劉蔭樞軍前種地。

刑部議奏原任貴州巡撫劉蔭樞供稱臣年老

昏愚。茫無知識。伏見

皇上用兵西陲。妄行奏摺。及命臣赴軍前。周閱營壘。誑

言適逢大雪。墜馬傷足。病甚難行。又不請

旨徑回甘州。蒙

平定藏野略前編卷四

吳

恩寬恕。令臣仍往看雪。又不遵行。妄求寬免。蒙

恩令臣赴任。彼時病勢漸減。遂爾直行前往。種種乖謬。

罪應萬死。劉蔭樞應革職擬絞立決。但議政大

臣等前於不肯進兵之提督師懿德議以立絞

奉

旨暫停治罪。劉蔭樞亦應暫行停決。發往侍郎海壽處

種地。俟大兵回日治罪。奏入。得

有劉蔭樞豈可復行發往陝西著發往傅爾丹等地方
種地

已酉

陝西涼州總兵官康海奏報邊防

康海疏言紅番薩馬喇木扎木巴等聞拉藏被
傷不無恐怖又貝勒羅卜藏亦遣人來言狀臣
所巡南山一帶去大通河百餘里即通青海西

平定準噶爾方略前編卷四

聖八

藏噶斯之要路扁都口酸茨河寬溝等處邊隘
險要並宜防守臣令所屬兵丁在城飼養馬匹
一有用處聽候調遣臣與督臣會商安撫防備
奏入報

聞

平定準噶爾方略前編卷之五

康熙五十七年春三月癸亥

訓飭總督額倫特公策旺諾爾布

額倫特疏言前者侍衛色楞言請及唐古忒部
人計慮未定率大兵進穆魯烏蘇駐劄賊衆必
不敢輕入我青海界青海人心既定然後遣探
偵探賊情如賊易攻取相機進剿否則遠設汛

平定準噶爾方略前編卷五

一

界嚴加防守議政大臣等議以為色楞所統滿
洲綠旗土司兵及自西寧調往者兵止二千四
百數少力弱應以臣額倫特等處所有綠旗兵
二千益之進發且令臣額倫特及公策旺諾爾
布等以守青海兵隨後助勢其噶順古木二地
無駐兵應令都統瑚錫圖率兵一千到彼分撥
駐劄臣謂西寧抵藏有三路一珠爾墾一庫庫

塞一拜圖。惟珠爾墾路狹難行。其兩路並可進兵。應令侍衛色楞等率原撥滿洲綠旗及各土司與青海兵從一路進。臣自率博羅和碩調來西寧綠旗兵二千。以及綽克來那木扎爾等所發唐古忒兵一萬。從一路進。若賊衆一路敵我。則我以一路兵直取藏地攻其尾。若賊衆兩路敵我。彼勢既分。無難剪滅。議政大臣等又議以

平定回疆方略卷五

二

為策妄阿喇布坦偵我師欲取西藏。或由噶斯路潛兵以來未定。應令侍衛阿齊圖防守噶斯。令侍衛等偵賊消息傳報。臣竊見都統瑚錫圖率兵自京師來。馬匹未休息。難以出口。現今西寧有西安滿洲兵二百。督標兵三百。馬匹飼養肥碩。可用。再於固原發往西寧兵一千。中選五百。都統瑚錫圖所率兵中選一千。並揀馬匹赴

侍衛阿齊圖等處。補其疲瘦殘缺。我軍於噶順古木噶斯等處。或防守駐劄。或相機行事。於軍務大有裨益。又內大臣公策旺諾爾布疏言。聞議政大臣等議如侍衛色楞所請。令臣與總督額倫特都統瑚錫圖在噶順古木所在分兵駐劄。但青海既有彼二人。無庸顧慮。臣願隨進。勦兵稍圖報効。奏入。得

平定回疆方略卷五

三

旨。朕閱額倫特策旺諾爾布陸續所奏。伊等並未相商。各自陳奏。此處既難議斷。而彼處亦難遵守。此一人云我如此。具奏奉行。彼一人云我如彼。具奏奉行事務。舛錯不能畫一。伊等俱係大臣。理應會商妥協。况相隔不甚遼遠。嗣後一應事務。著伊等同意相商。定議舉行。

夏五月丁巳。

總督額倫特奏擒策零敦多卜使人羅卜藏等
 先是侍衛阿齊圖統兵至柴達木於正月初二
 日遇伊達木扎卜等率拉藏之子蘇爾扎素日
 招敗還云去冬準噶爾兵犯達木與我土伯特
 兵交戰數次各有傷殺至十月三十日厄魯特
 之噶隆沙克都爾扎卜以小招叛入準噶爾我
 衆解散時台吉那木扎爾等在布達拉北城開
 門納賊賊衆擁入十一月初一日拉藏被害其
 子蘇爾扎率兵三十人潰圍欲出亦為所擒我
 等間道來此阿齊圖以

平定準噶爾方略前編卷五

四

聞議政大臣等議曰西藏已失蘇爾扎之妻等來投我
 師應令總督額倫特郎中長受即給與馬匹口
 糧於博羅冲克克地方安插奏入
 上從之至是總督額倫特疏報四月初五日獲策零敦

聞

多卜之使人羅卜藏等八人訊之云我等自去
 年正月由特幾斯起程十月至布達拉於二十
 八日夜攻取大招小招次日圍布達拉殺拉藏
 執其幼子及所屬宰桑等送策妄阿喇布坦處
 其長子蘇爾扎遁走為土伯特所擒拘達賴喇
 嘛於扎克布里廟班禪仍住喇什倫布今取使
 人羅卜藏等令主事奈曼代沿途防護檻送京
 師奏入報

平定準噶爾方略前編卷五

五

命前鋒叅領伍林帕等率兵鎮里塘

壬申

都統法喇等疏言打箭爐外地日里塘舊為拉
 藏所轄里塘之外為巴塘近聞策零敦多卜密
 傳語與里塘營官喇嘛誘之歸藏臣等恐若等

為其搖惑。即令員外郎巴特瑪等速往宣布

聖主威德。今已輯服。既而里塘喇嘛格隆阿旺拉木喀

來言準噶爾五百人。已至察木多。現今察罕丹

津所遣宰桑居里塘。與準噶爾潛通。又護軍統

領溫普密報云。窺堪布之心。猶豫未定。請備之。

臣等酌議。速令溫普於打箭爐選滿兵一百。令

前鋒參領伍林帕等領之。選緣旗馬兵一百。為

平定回疆方略卷五

六

鎗兵三百。令化林協副將趙弘基等領之。同往

里塘彈壓。相機擒剿。又聞自里塘以外抵西藏。

其人敬瑚畢勒罕如神。今瑚畢勒罕之父。現居

西寧宗喀巴寺。應令其父遣人傳諭管官喇嘛

及居人等。使知駐兵里塘。乃

聖主保護瑚畢勒罕。不使賊人擾其鄉土。無他意如此

則里塘巴塘所在。悉為川省邊隘矣。議政大臣

等議覆曰。里塘距打箭爐察木多並近。應如所

奏。即令前鋒參領伍林帕等守里塘。偵探消息。

並諭察罕丹津所遣宰桑。告以準噶爾肆行殘

虐。致干

天討。如察木多有準噶爾兵來。令伍林帕等詳計行事。

奏入。

上從之。

平定回疆方略卷五

七

六月壬午。

命暫停兩路進兵。

先是議政大臣等議覆振武將軍公傅爾丹等

奏請兩路大兵進剿。奏入。得

旨爾等議欲兩路進剿。但聞策妄阿喇布坦遣策零敦

多卜前往西藏之時。曾有令伊等剪滅拉藏即在藏

駐劄。彼復身至西藏。再攻取衛藏巴爾喀木之人等

語。雖其虛實未可懸定。而傳聞拉藏有陣亡之信。若策妄阿喇布坦果帶妻子前往西藏而去。我國大軍。卽至伊犁地方。恐屬徒然。朕意今卽令色楞額統率軍兵。征剿西藏。稍俟此軍消息。本年暫停進剿。此皆有闕軍機糧餉。爾等再議具奏。尋傅爾丹疏言。進剿軍

兵悉整備。與其置之閒處。莫如仍令襲擊。以驚

賊界。今選滿洲蒙古漢兵九千。喀爾喀兵三千。

平定準噶爾方略卷五

八

凡一萬二千。臣與祁里德各率兵六千分兩路。

齋五月糧。於五月中起程。餘兵令都統穆賽副

都統羅察轄之。留駐汎界。富寧安疏言。去年七

月。臣等自巴里坤領兵至烏魯木齊。其地多蚊

蝨。天時已熱。執厄魯特人訊之。云方夏。達什等

覓涼處居之。往哲爾格斯遊牧。比收穫時。仍還

烏魯木齊過冬。請備兵如去年。俟達什還所部

時。臣卽率兵七千。齋四十日糧。於閏八月起程。

留兵三千。駐劄烏蘭烏蘇濟爾瑪台等處。其四

千兵。令輕裝晝夜兼行。到烏魯木齊等處。擊賊。

議政大臣等議覆曰。兩路襲擊。所以揚我軍威。

使賊震懼。自當約期並發。彼此應援。今發期不

符。持糧各異。應令兩路將軍。速定議行。至是富

寧安奏言。臣一路兵。請於七月二十一日。臣親

平定準噶爾方略卷五

九

率之。裹糧啟行。襲擊烏魯木齊而還。傅爾丹又

奏言。我軍由布拉罕一路襲擊。若不深入。則烏

圖和博克薩里等處。並無策妄阿喇布坦一人。

何以擒賊。不如由布魯爾一路。直抵額爾齊斯

河。逼近賊界。擊之便。臣擇七月十三日。由汎界

啟行。議政大臣等議曰。策零敦多卜所遣往青

海台吉等處使者。近令其傳

旨聽諭策妄阿喇布坦。令回奏。今哲卜尊丹巴胡土克

圖之使者楚揚託音。自策妄阿喇布坦界來。言

策妄阿喇布坦自云。

大國皇帝。大度如天。恕我之罪。去年邊上統兵將軍。三

路擊我。蒙

聖主洪恩。卽頒

諭旨。罷之。誠懼誠慰。賊情如是。請暫罷今年襲擊兵。俟

平定邊疆略編卷五

十

其回奏。如尚不順。明歲勦之。並敕兩路將軍牧

養馬匹。整理器械。謹守汛界。以防策妄阿喇布

坦之詐。奏入。

上從之。

辛丑

設里塘驛傳。

四川巡撫年羹堯奏。言拉藏被害。里塘地無所

屬。臣等飛咨護軍統領溫普等。速選滿漢官兵

赴里塘駐防。請置驛站。以達軍機。自打箭爐至

里塘。應增十站。每站增馬六匹。如打箭爐養馬

例。倍付草料。另撥銀兩支給。兵部議覆。應如所

請。奏入。

上從之。

秋七月己未。

平定邊疆略編卷五

十一

給喇嘛鄂木布年扎卜印。

四川巡撫年羹堯等疏。言喇嘛鄂木布年扎卜。

向居墨裏廟。為阿旺袞楚克弟子。前提督岳昇

龍。兵至打箭爐。阿旺袞楚克獻墨裏地。岳昇龍

恐地為拉藏所屬。却之。今拉藏已為準噶爾部

所害。而鄂木布年扎卜復以墨裏來歸。應納地

給印。於建昌邊境有益。兵部等議覆。應如所請。

奏入

上從之。

八月庚寅。

設四川成都府駐防滿兵。

先是四川巡撫年羹堯疏言四川所在近邊。內聚土司番人。外接西藏青海。地屬要害。雖向設提鎮。而選兵多他省人。與土居者心志不同。難

平定準噶爾方略前編卷五

三

於訓練。現今滿洲兵駐劄荊州者與民甚相安。臣請留之成都。省城西門之外有隙地。可置屋。足駐兵一千。如增設一副都統轄之。再請量選章京等官留駐。一以宣威邊疆。一以防守內地。方今用兵。此事可暫緩。其修葺城垣。蓋置屋舍。應先時料理。奏入。得

旨。年羹堯欲於四川地方。設立滿洲兵丁。似屬甚是。著

議政大臣等會議具奏。至是議覆曰。川省調遣防守。

滿洲兵一千恐不足。應益兵六百。俟軍務畢。令巡撫年羹堯會同副都統寧古禮於現駐荊州。滿洲兵二千中。照數撥留。每二旗設一協領。每旗各設二佐領。防禦各二人。驍騎校各二人。留駐四川。再增設一副都統轄之。其兵丁屋舍等務。年羹堯預為料理。奏入。

平定準噶爾方略前編卷五

三

上從之。

閏八月丙午朔

總督額倫特奏報敗賊於齊諾郭勒

先是額倫特疏言。臣與侍衛色楞額。穆魯烏蘇。地方洶漲難渡。聞多倫鄂羅木。有七叉河可渡。色楞額率兵先往。臣擇水草佳處稍息。士馬即行。六月十八日。自穆魯烏蘇至圖爾哈圖。駐劄。河

水雖深。中流甚緩。乃造皮船。三日。土馬悉渡。至七义河。尋色楞渡河踪跡不見。遇運米同人達爾漢伯克云。運米來時。先期遣人告色楞其人。渡七义河去。六日無消息。近聞色楞自拜圖進發。臣聞自七义河至拜圖。山嶺險峻。無路可通。若還兵改趨拜圖路。往返須二十餘日。與色楞勢不相及。臣於六月二十四日自七义河向庫

平定邊防方略卷之五

古

庫塞一路進兵。沿途整肅行伍。遠設偵探。若遭賊兵。則奮力勦滅。如前行至博克沙克。遇色楞兵。則會合前進。奏入。報

聞。至是額倫特又疏言。七月十六日。臣等自們贊西里

克啟行。至齊諾郭勒駐營。十七日四鼓時。賊兵逼營。臣即遣遊擊王汝載等擊之。賊眾大敗。賊又從東南分兩路並進。臣親率兵與賊對壘。鎗

礮齊發。自寅至巳。賊從山坡敗走。臣等追擊十餘里。見賊兵多而官兵少。四面山溝。路悉可通。恐有伏而止。獲賊一人。訊之。云賊會托卜齊都噶爾二人。率兵四千。由喀喇烏蘇河西小路薄我。臣即檄公策旺諾爾布。速率兵來應。臣仍渡喀喇烏蘇河。至狼臘嶺。如與色楞遇。合兵進擊。否則相機而行。奏入。得

平定邊防方略卷之五

五

旨。據奏大敗厄魯特賊兵。殺傷甚多等語。額倫特率領兵丁頗少。直抵從古未到之絕域。奮勇直前。建立膚功。殊非尋常軍功可比。現在賞賚軍前人等家屬外。事定後。著從優議敘。

丁未。

侍衛色楞奏報敗賊於喀喇烏蘇。

先是色楞密奏言。臣近接額倫特書云。奉

旨差扎卜往察罕丹津處令伊遣人將準噶爾之兵誘

來俟所遣之人回信然後進兵臣愚以為準噶爾殘

害西藏其人望我師如望雲霓不容刻緩况聞

準噶爾散處無紀若輩伎倆不過乘夜襲營偷

盜馬匹而已臣統兵二千有餘器械堅銳馬肥

糧足今於五月十三日已至穆魯烏蘇河水淺

涸策鞭可渡又聞距此五百里有準噶爾哨兵

平定邊防方略編卷之五

六

正當乘機剿賊收復藏地若復駐留俟額倫特

兵到恐日久糧罄進退兩難臣請即陸續進兵

議政大臣等議曰令色楞相機行事再令額倫

特等速進兵策應奏入

報可尋色楞疏言唐古忒人等原為達賴喇嘛所屬自

去年厄魯特部奪其牲畜掠其婦女日夜望兵

救援一聞大軍至莫不歡躍投誠台吉卓里克

圖之子貝瑪松台吉丹津綽音達克等率眾來

降但臣未知額倫特軍出何路即令新滿洲侍

衛諾里爾達等以投誠之沙克扎宰系為導往

探額倫特消息臣在喀喇烏蘇俟其到時合兵

前進達木奏入得

旨下所司知之至是色楞又疏言七月二十日臣等兵

至喀喇烏蘇駐營二十一日據新降台吉貝瑪

平定邊防方略編卷之五

七

松等報言現在厄魯特賊人向所部索糧謀襲

我兵臣即率滿洲綠旗兵分三隊擊之賊眾衝

入我師分道夾擊連敗之奪其三處山梁賊兵

竄走臣統兵追殺二十里斬賊二百餘殺傷無

算奏入得

旨該部從優議敘

乙卯

議建科卜多烏蘭古木城。

議政大臣等議曰。科卜多烏蘭古木等處築城駐兵。以衛喀爾喀。遣有罪者往種地。謹奉

旨。遵行外。論現在將軍傅爾丹。祁里德等。駐師年久。悉知所在地形勢。應令將軍傅爾丹等於科卜

多烏蘭古木所在。果宜築城墾田。及建置屋舍。

詳悉相度具奏。至於驛站。尤關緊要。自殺虎口

平定邊疆方略卷之五

六

至科卜多烏蘭古木。並宜設立驛站。其車輛馬

匹。亦應增設如例。但未便懸擬。請遣堂官一人。

往同相度。確議具題。到日再議。奏入。得

旨。依議。現今員外郎保住在彼。不必另遣堂官。其築城

墾地。添設驛站等項。俱交與保住。會同將軍詳議具

奏。

戊辰。

蠲免陝西通省田賦。

上諭戶部曰。朕臨甯五十七年。凡行師轉餉。及災祲偶見。靡不屢懷憂切。蠲免賑濟。稠疊加恩。蓋治安天下。

惟期民生得所。而欲民生得所。必以敷恩寬賦為急也。三年以來。因策妄阿喇布坦。狂逞跳梁。發遣大兵。

屯駐西邊。一切軍興征繕。雖動支正供錢糧。不使累

及閭閻。而轉輸輓運。陝西百姓。勞苦急公。實堪憫恤。

平定邊疆方略卷之五

九

又莊浪等處地震。隨經特遣部院堂官。馳往察賑。而

用兵之後。尤宜格外施仁。撫綏黎庶。應將陝西巡撫

甘肅巡撫所屬通省。各府州縣衛所錢糧米豆草束。

悉予蠲免。目今係有軍務之時。除米豆草束外。其康

熙五十八年。應徵地丁銀一百八十八萬三千五百

三十六兩有奇。并歷年積欠銀四萬七百五十七兩

有奇。著一概蠲免。爾部速行文該撫通行曉諭。實心

奉行務裨均沾德惠。以副朕篤念民勞。拯恤災傷至意。如有不肖官吏。蒙混私徵。澤不下逮者。該撫嚴察指叅。從重治罪。

九月己卯。

命都統阿爾納總兵官李耀駐兵柴達木

上諭議政大臣等曰。在噶斯一路駐劄之阿齊圖等帶

領兵丁一千業已進藏。所剩兵丁一千有西安之佐

平定準噶爾方略前編卷之五

平

領禪播等帶領。駐劄柴達木地方。今屆秋時。探知策

零敦多卜等設兵處。便可發大兵進剿。若謂彼趁冬

雪之際。輕兵來至噶斯一路。驚擾青海。而遽將進取

西藏之兵撤回噶斯。則彼且謂得計。亦未可定。朕意

駐劄肅州之總兵官李耀漢仗好。今閒住肅州。若令

李耀帶領兵丁。前赴噶斯。今冬在彼防守。似有裨益。

爾等公同確議具奏。尋議覆曰。噶斯地屬緊要。若止

增撥李耀兵五百不足。現今西寧駐劄兵多。應

以都統阿爾納所領滿洲兵八百至西寧者。發

往柴達木駐劄。給與鳥鎗火器等物。即令阿爾

納轄之。與總兵官李耀護軍叅領神保酌議行

事。則防守之兵。既增聲勢。而柴達木水草甚佳。

馬匹過冬亦便。又穆魯烏蘇惟副都統宗扎卜

等兵駐劄。其間各站設兵尚少。恐賊人盜竊馬

平定準噶爾方略前編卷之五

三

匹。斷截文郵。且運送大兵糧餉出此。尤可慮。應

撥甘肅撫標鳥鎗步兵六百八十八人往。除古木

一站。有土司兵三百駐防外。其餘十七站。各增

設兵四十。以資防守。奏入。

上從之。

命撥山西兵赴甘州。

上諭山西巡撫日。平陽總兵官大同總兵官各標下。著

派步兵一千名。令副將叅將等管轄。發往甘州。若明年進兵。可用之於看守之處。此發往之兵。各賞給銀兩。

己丑。

封察罕丹津為多羅郡王。

理藩院議奏曰。青海貝勒戴青和碩齊察罕丹津等來朝。應賚以鞍馬銀幣如例。奏入。得

平定邊疆方略編卷之五

三

日。察罕丹津當人心疑懼之際。委身効順。甚屬可嘉。著

封為多羅郡王。

己亥。

議敘屯田官郎中蘇赫等。

侍郎海壽疏言。臣與將軍富寧安新舊所墾都

爾伯勒津圖古里克。及回子扎薩克額敏所種

塔勒納沁地。所餘青稞。悉令備倉收貯。令巡撫

上從之。

噶什圖緯奇充給軍糧。其郎中蘇赫等。急公耕種。請約計所入穀石多寡。量予議敘。議政大臣等議如所請。奏入。

甲辰。

總督額倫特。自喀喇烏蘇軍營遣千總柳時昌等。齎奏擊賊固守情形。

平定邊疆方略編卷之五

三

先是額倫特與侍衛色楞合兵遇賊。屢戰皆捷。後賊眾益至。相持於喀喇烏蘇。額倫特疏言。臣

於七月十八日。至齊諾郭勒擊賊。賊敗之。二十八

日。抵喀喇烏蘇河。與色楞軍相及。臣閱其近河

設營處所。僅據小山。四面受敵。不如還軍渡河。

營於對面山上。色楞不聽。臣言。二十九日。賊眾

據山抗拒。而我軍所調公策旺諾爾布兵未到。

八月二十日。賊兵退八十里。臣又與色楞急議

移營。色楞以為然。既又不可。閏八月初一。至初

七日。賊眾大至。築壘放鎗以犯我軍。我軍糧乏。

與賊固守。事在危急。此皆由色楞冒險急進。臣

不能與之協心。以至軍出失援。惟有竭力殺賊。

以圖報効。至是。千總柳時昌及其家人吳木拜

等齋疏至京。具言額倫特繕疏畢。屬時昌等赴

平定準噶爾方略卷五

孟

京呈

奏。即自挺身率兵衝陣馳擊。斃賊甚眾。矢盡戰益

力。賊兵圍之數匝。額倫特以額中鳥鎗沒於陣。

事

聞得

旨額倫特喪。准其進城。至時五阿哥十二阿哥出城迎

奠。其本旗王貝勒貝子公等。俱出城迎接。

冬十月丙辰。

命皇十四子固山貝子允禩為撫遠大將軍。

庚申。

命大軍分三路西征。

先是。

上諭議政大臣等曰。明歲大軍進剿。將軍富寧安一路。

滿洲兵丁頗少。宜再增添以壯兵勢。著將京城之滿

平定準噶爾方略卷五

孟

洲兵每佐領派五名發往。至甘肅等處駐劄。喂養馬

匹。整備。以便臨時調遣。此派往之人。每佐領派護軍

二名。委充護軍一名。披甲二名。除行圍用過馬匹外。

其餘佐領下喂養之馬匹。並戶部從前所買之馬匹。

令其查明。再令戶部將庫銀撥十萬兩。購買馬駝應

用。尋議政大臣等奏請。兵行由何路進發。奉

旨。往西安一路為第一起。往寧夏一路為第二起。往宣

府大同神木榆林沿邊一路為第三起。如此三路前去。則易於應付草束。及是奏請出兵日期。

上命護軍統領吳世巴著護軍統領噶爾弼率第一起

兵於十一月十五日起程駐劄莊浪。副都統宗

室赫石亨寶色率第二起兵於十一月十九日

起程駐劄甘州。撫遠大將軍允禔率第三起兵

於十二月十二日起程駐劄西寧。各於駐劄所

平定邊疆方略編卷之五

美

在飼養馬匹。屆期

上御太和殿。設鹵簿。自出征之王以下。並戎服。在京王

貝勒以下。並蟒服侍。

上親詣

堂子行禮。鳴角祭纛。禮畢還

宮。

甲子。

以四川巡撫年羹堯為總督。增撥成都駐防滿兵。

上諭議政大臣等曰。四川巡撫年羹堯自軍興以來。辦

事明敏。又能度量。西去進剿之兵。會同青海公丹衷

之人。運食物米糧。接濟殊屬可嘉。從前四川地方。亦

曾設總督。年羹堯係巡撫。止理民事。無督兵責任。現

今軍機緊要。將年羹堯授為四川總督。如明年大兵

平定邊疆方略編卷之五

毛

前進。則由松潘一路進發。而在成都駐劄之滿洲兵。

止有二千。為數甚少。將荊州之滿洲兵。再派一千。前

往成都駐劄預備。此滿洲兵。俱令都統法喇管轄。所

派一千兵之缺。著挑選餘丁一千名。令其披甲充補。

甲戌。

都統延信奏。以土司楊如松等軍前効用。

延信等疏言。八月二十一日。土司楊如松率兵

五百運糧至穆魯烏蘇陡遇準噶爾賊人突至傷我千總把總三人兵丁四十八人楊如松等衝突而出今願効力行間又土司陸華齡祁顯那率土兵赴軍已數月並言受

聖主深恩不敢徒食糧餉自求効力即令楊如松駐劄那蘭撒蘭陸華齡等駐劄古木踪跡賊人其被賊傷害之千總等及兵丁俟核明議奏奏入

上從之。

平定準噶爾方略前編卷之五

天

都統和禮奏獲賊黨彭蹶達幾。

和禮等疏言據鶴麗總兵官趙坤報言閏八月初四日有底巴達克節屬人彭蹶達幾潛從九

人至中甸貿易臣以底巴達克節投順策妄阿喇布坦且為之用是以執彭蹶達幾拘之以

聞得

旨彭蹶達幾著解來京。

十二月壬子。

運平鞏寧夏等處糧備軍需。

陝西總督鄂海疏言西寧等處駐劄大兵所需米豆關係緊要若臨時採買恐米價騰貴請於平鞏寧夏等處各倉所貯糧石撥米四萬石。豌豆六萬石。運至蘭州莊浪以備軍需。戶部議覆如所請。奏入。

平定準噶爾方略前編卷之五

天

上從之。

癸丑。

罷正紅旗副都統祖維新。

撫遠大將軍允禩疏劾祖維新奉

旨送軍前礮位。推諉不前。除另遣官送礮位外。祖維新應革職。議政大臣等議如所請。奏入。得

旨祖維新革退副都統。授為三等侍衛。仍著軍前効力。

乙卯。

撫遠大將軍允禩率兵起程。

先是。

上諭議政大臣等曰十四阿哥既授為大將軍。領兵前去。其纛用正黃旗之纛。照依王纛式樣。簡親王之子永謙令其帶伊父之纛前往。將上三旗侍衛派出二

平定邊疆聖鑒卷之五

辛

十員。莊親王之護衛。既於一切處俱不行走。如其護衛并親軍中有情願告往効力者。爾等親加揀選。奏聞。弘昉屬下之人。亦著照此。凡有子弟出兵之王等外。其不出兵之王等。亦令各選護衛三員。貝勒貝子各二員。公等各一員。隨十四阿哥前往効力。步軍協領愛哈那行走。熟諳令其統轄王等之護衛前去。尋開列諸王等護衛散騎郎典儀共三十六員親

軍校四員。親軍二十六名具奏。奏入。報

聞至是。

上命內閣大臣頒給大將軍敕印於

大和殿。其出征之王貝子公等以下。悉戎服侍

大和殿前。其在京王貝勒貝子公並二品以上大臣

等。悉蟒服侍

午門外。允禩上

平定邊疆聖鑒卷之五

壬

殿跪受敕印謝

恩行禮出。諸王以下。二品大臣以上。隨至列兵處。允禩

望

闕叩首。肅隊而行。

庚午。

發黑龍江。索倫達呼里寧古塔吉林及

盛京兵赴軍前。

上諭議政大臣等曰派黑龍江兵五百名索倫達呼里

兵五百名寧古塔兵五百名吉林兵五百名盛京兵

一千名共兵三千名令於來年三四月間青草發生

時各帶馬匹由索約爾濟地方至喀爾喀河下流上

克爾倫河而去其一路行糧著先派人前往車臣汗

一帶令不曾派兵之二十二處扎薩克幫助馬羊再

於達里剛愛羣內取羊撥給其盛甲器械著於京師

平定準噶爾方略前編

三

製造給予此所派之兵俱發往將軍傅爾丹處再將

傅爾丹向時所領之休息兵丁三千名撥過富寧安

處至於瑚錫圖英柱領去之兵並未到所止之處亦

無勞績將伊等帶去之每佐領下護軍一名披甲一

名亦發往富寧安處効力再有派往取吐魯番之兵

今既不取應於吐魯番界口並烏蘭烏蘇等形勢之

處著設兵一枝修築城垣四遠哨探加意防守則可

得一切緊要信息亦可常得逃入自此直至巴里坤

地方沿途修築墩堡每堡設兵四五百名令其堅守

而大兵仍照常駐劄巴里坤如敵兵來少則即行殲

滅若多則相機進剿如此則我兵永占要地可以待

賊兵之自斃矣此各處邊境駐守之兵每年不過用

銀一二百萬兩將此等事爾等公同詳議具奏尋議

覆曰請於將軍傅爾丹所將兵二萬三千四百

平定準噶爾方略前編

重

中撥

盛京及烏拉兵丁並幫丁三千益將軍富寧安軍

於都統瑚錫圖副都統英柱等所領兵中撥効

力者交都統延信亦率之赴富寧安軍令其効

力合計富寧安軍有兵一萬七千二百有餘一

切調遣無不足用再者取吐魯番兵既不行可

令富寧安移之於吐魯番界口烏蘭烏蘇等處

築城防守。相機進剿。其大兵仍留巴里坤駐劄。

至烏蘭烏蘇等處如何設兵。如何修城立堡。令

富寧安詳議具奏。奏入。

上從之。

平定準噶爾方略前編卷之五

書

平定準噶爾方略前編卷之六

康熙五十八年春正月戊戌

議築城於鄂勒錐圖郭勒。及茂岱察罕度爾。

振武將軍傅爾丹等疏言。鄂勒錐圖郭勒。土田

肥沃。四時寒暑與內地同。宜築城駐兵。其設立

驛站。員外郎保住。已自殺虎口。至鄂勒錐圖郭

勒。一路詳視。水草甚佳。應設三十六站。議政大

平定準噶爾方略前編卷之六

臣等議如所請。奏入。得

旨。鄂勒錐圖郭勒。居喀爾喀游牧地方之中。與大兵駐

劄處。相隔千里。今欲衛護喀爾喀。應於阿爾台科卜

多等處築城。遠立哨兵。方是。伊等既奏。鄂勒錐圖郭

勒之田地肥饒。寒暑與內地相同。應築城以貯糧餉。

或於科卜多地方。另築一城。駐兵。看管充發人等耕

種。其應否築城之處。著問保住。及喀爾喀王貝勒貝

子公等會議具奏。尋議臣等遵

旨詢保住。及自軍前來喀爾喀王等。據言科卜多地隔

大河。水漲時輒阻行。且材木難致。修築不便。近

科卜多地。白茂岱察罕。水草佳美。木亦易

購。且其地去鄂勒錐圖郭勒千里。與喀爾喀接

壤。應於其地更築一城屯兵。於衛護計尤便。其

間宜設幾站。及發人往耕種者。並宜安插。應令

平定準噶爾方略前編卷之五

二

將軍傅爾丹等詳視地形。確議具奏。奏入。

上從之。是秋八月。傅爾丹等疏言。茂岱察罕。度爾及鄂

勒錐圖郭勒二地。各築一城。每城置屋二千間。

自鄂勒錐圖郭勒至茂岱察罕。度爾。宜設十一

站。議政大臣等議。應如所奏。令理藩院遣司官

一人。往同將軍。設立驛站。其夫馬車輛。並視前

者。古北口外。設站例。耕種之人。於築城建房畢

時陸續發往。俟耕種一年。再遣官兵駐防。奏入
得

旨依議。設立驛站之處。甚屬緊要。著兵部尚書范時崇

前往料理。

癸卯。

命額駙吳爾袞赴軍前。

先是額駙吳爾袞。以母喪召還。至是仍

平定準噶爾方略前編卷之六

三

命赴軍。

諭曰。今年大兵既不前進。若發兵襲擊。則策妄阿喇布

坦情形自露。著派盛京烏拉察哈爾索倫喀喇沁及

內地喀爾喀兵一萬。自前年進兵處。往彼襲擊。出兵

時。不必派厄魯特王車凌旺布公多爾濟塞卜騰之

人。又前欲令盛京三千兵。越過巴里坤地方。今暫行

停止。此次襲擊之兵。令六月發往。及秋而回。倘今年

不便襲擊。來年另為籌度。爾到傅爾丹處詳議後。即差人到巴里坤將軍處會議具奏。

二月壬戌。

靖逆將軍富寧安奏請築城於庫克車勒。

富寧安奏言烏蘭烏蘇四面皆山地。隘不可以多駐兵。庫克車勒形勢寬衍。且去烏蘭烏蘇近。應擇庫克車勒地。有水草處築城浚池。駐兵二

平定邊疆方略卷六

四

千。遣大臣二人管理。鄂隆吉。噶順。哈洪等處。並

築堡。各駐兵一千。所在各遣大臣一人管理。約

洛圖。烏蘭。烏庫爾。默圖二地。去噶順。哈洪不遠。

亦築堡。各駐兵五百。庫爾默圖築堡。駐兵三百。

並令侍衛及副將等官管理。諸處悉不產材木。

應築土堡。每堡相間處築烽墩。酌量置兵。令其

瞭遠。遞送消息。庫克車勒等處。與巴里坤相間

約三百里。應酌量派兵。於鄂什希慶集等處設

營以為應。大軍駐劄巴里坤如故。自烏爾圖哈

畢爾噶一路。至庫克車勒。鄂隆吉。凡設六站。臣

躬率大臣侍衛。往庫克車勒等處相度。何處可

築城堡烽墩。及展汛界。設臺站。牧放牲畜等務。

一面修築城堡烽墩。一面令兵駐劄。奏入。得

旨。下議政大臣知之。

平定邊疆方略卷六

五

癸亥。

命分牧駝隻於鄂爾多斯。

議政大臣等議曰。解往甘肅駱駝五千。應送寧

夏。令巡撫綽奇。撥官及兵丁於察罕托輝。水草

佳處牧放。冬時進口。於寧夏支草料飼養。奏入。

得

旨。此事議未周詳。駱駝何必交付漢人。仍令蒙古大臣

侍衛。並兵丁看守牧放。冬時亦在與駱駝相宜之處牧放。何必支領草料。著另行詳議具奏。尋議曰。應令

沿途撥兵。遞送駱駝至鄂爾多斯。其散秩大臣

殷扎納策凌並侍衛等。送駱駝者分兩路。一出

張家口。一出殺虎口。徐徐驅至鄂爾多斯。率彼

處官兵。擇水草佳處牧放。冬時亦於駱駝相宜

處牧放。以備巡撫綽奇侍郎色爾圖調撥。奏入。

平定準噶爾方略前編卷之六

六

上從之。

辛未。

命都統法喇招撫里塘。護軍統領噶爾弼赴四川辦理

軍務。

法喇等疏言。里塘去打箭爐甚近。若遣官招撫。

必當歸順。巴塘民心與里塘亦相似。請遣官一

人。先至里塘。宣示威德。彼若向化。即收其地戶

口清冊。至巴塘亦如之。若有觀望不至者。於草

長時。以兵臨之。彼必不敢我抗。應選成都滿兵

五百。令協領等領之。綠旗提標兵一千。化林永

寧兵五百。令永寧副將領之。并力深入。雖巴塘

以外。亦可傳檄而定。若察木多亦來歸順。則去

藏不遠矣。便當會兵取藏。一而檄知西寧雲南

領兵大臣。一面星夜請

平定準噶爾方略前編卷之六

七

旨。議政大臣等議曰。應如所奏。即令法喇率兵赴打箭

爐。駐劄。遣人招撫。如有觀望不至者。令法喇率

兵。進攻里塘。巴塘。即駐劄巴塘。其護軍統領溫

普。應調取來京。成都既有滿洲兵丁。應自京師

遣大臣赴成都。令其管領。奏入。得

旨。軍前大臣甚多。著派護軍統領噶爾弼。就彼馳驛。作

速前赴四川。與年羹堯一同辦理軍務。法喇離打箭

爐切近。即令領兵前往。餘依議。

癸酉。

定茶禁。

都統法喇疏言。蒙古及西藏所在。悉資茶養生。賊人即據藏地。非茶斷難久居。我

皇上憫念青海與里塘巴塘人眾。非茶不生活。以如何

分別禁止。令臣等詳議。臣等思唐古忒人。悉為

平定邊疆方略卷之六

八

賊所迫脅。不當禁其養生之物。但今松潘路。茶

價甚賤。青海一帶積茶必多。應暫嚴禁。俟彼懇

請。再酌定數目。令其買運。至打箭爐外。最近者

為里塘。遣官招撫。令營官收其所管番寨戶口

清冊。酌量定數。許之買運。巴塘以外。亦如此例。

其打箭爐一路。當視番情向背。分別通禁。議政

大臣等議如所奏。奏入。

上從之。

三月辛巳。

命永寧道高其佩赴打箭爐。

上諭議政大臣等曰。四川總督年羹堯奏。據西藏之第

巴達克咱報稱。策零敦多卜等。將被截取藏之五百

名兵丁。自巴爾喀木一路送來。其或確實送來。或借

送來之便。相度地勢。探聽信息。俱未可定。不可不預

平定邊疆方略卷之六

九

為防備。此所請甚是。爾等詳議具奏。尋議曰。年羹堯

請自率兵往備之。但四川省及松潘打箭爐兩

路軍務並緊要。年羹堯自往不便。現今議令都

統法喇於青草發時。率兵招撫里塘巴塘。如第

巴達克咱所報確實。應以兵五百。屬永寧道高

其佩往會法喇軍相機而行。如借此窺探我內

地。即以兵勦之。設所報虛。令高其佩率兵還。奏

入

上從之。尋年羹堯疏報。臣等前聞西藏送還官兵消息。

恐賊有詐。會奏請令永寧道高其佩前赴辦理。

今官兵陸續至里塘者三百七十人。其未到者

不過數十人。高其佩可毋往里塘。至官兵到省

時。臣等令滿兵入荊州。滿兵中漢兵入臣標。一

同操練。以待將來調遣。議政大臣等議如所請。

平定邊疆方略前編卷六

十

奏人。

報可。

乙未。

罷吏部侍郎色爾圖都統瑚錫圖以噶什圖辦

理糧餉。

撫遠大將軍允禩疏劾吏部侍郎色爾圖。現今

奉

旨經理西寧兵餉。並不實心辦事。恣意遲延。推諉縱家

人與筆帖式戴通。包攬運米。通同扣剋。請下色

爾圖等所司。嚴審擬罪。再色爾圖虧空甚多。糧

餉所關緊要。請更遣大臣赴西寧料理。議政大

臣等議悉如所請。現今巴里坤有巡撫綽奇噶

什圖二人。應調噶什圖赴西寧料理糧餉。其噶

什圖所辦事。令侍郎海壽兼管。奏入。

平定邊疆方略前編卷六

十

上從之。允禩又疏劾都統瑚錫圖進藏時。兵無紀律。還

時。又不自率兵。先行進口。請革瑚錫圖職。嚴審

議政大臣等議覆如所奏。尋色爾圖擬斬。解京

監候。奏入。得

旨色爾圖依擬應斬。鎖禁西寧。遇有苦差之處。差遣。瑚

錫圖擬枷號鞭責。奏入。得

旨瑚錫圖鎖禁西寧。遇有効力之處。効力。

夏四月乙巳。

命撫遠大將軍允禩駐兵西寧。

允禩疏言據都統延信等稱準噶爾與青海部人。世為婚姻。大將軍若將兵出口。我軍眾寡。青海人知之。準噶爾亦知之。今年既不進兵。我軍可毋出口駐劄。又叅將述明等自喀喇烏蘇來云。準噶爾賊人即與我戰。其實懼甚。土伯特人與我兵對壘時。其烏鎗輒高舉放過。乘賊不見。向我營但發空鎗。觀此知土伯特特為賊所迫。其人心實感。

平定邊疆方略卷之六

十一

聖恩。今我軍號稱三十萬進剿。遣使前往。大功可成。議政大臣等議曰。都統延信等既謂大軍不必出口。應於西寧駐劄。至一切料理駐劄及留兵若干。所用之馬於何處收放。悉令大將軍酌定。奏

入。

上從之。尋允禩疏言臣遵

旨駐劄西寧相機而行。令每佐領下烏鎗護軍各一人。公策旺諾爾布領之。涼州所在每佐領下護軍各一人。副都統寶色領之。喀喇沁等處蒙古兵在寧夏者。都統楚宗領之。悉赴索羅木駐劄。令莊浪所在每佐領下馬兵各一人。都統汪悟禮副都統伊禮布領之。涼州每佐領下所餘烏鎗馬兵各一人。副都統宗室赫世亨宗扎卜領之。悉赴博羅和碩駐劄。以張聲勢。再令平郡王訥爾素公諾音托和揆慧簡親王之子永謙鎮國將軍敬順蘇爾臣奉恩將軍華玠散宗室吳爾琿等往博羅和碩駐劄。諸路兵馬俱令於四月杪啟行。九月入口飼馬。自阿什罕站起至索

平定邊疆方略卷之六

十二

羅木。置十五站。站各置馬二十四匹。自索羅木傍

通柴達木路。置五站。站各置馬十五匹。每站撥

固原綠旗兵各十人。青海兵各十人。又據策旺

諾爾布報。若調青海兵六百於軍營附近駐劄。

則於巡守。並汎界差遣。一切尤便。乃令青海首

領於所部兩翼。各撥兵三百。蘭州所餘護軍一

百二十九人。馬兵八百七十一人。悉赴西寧駐

平定邊境方略卷之六

古

劄。議政大臣等議曰。現今調兵出口駐劄。汎界

巡守事甚要。應令所調青海兵六百於汎界處

不時防守。仍令聲言大兵即日進勦。奏入。

上從之

庚申。

命靖逆將軍富寧安。振武將軍傅爾丹。即軍中自授章

京等官。

富寧安疏言。現今用兵之地。西安察哈爾旗下

員缺。請於從征官兵中。按其資格。並素有勞績。

及人材勇健。勝鈴束之任者。具名舉報。與內地

職官一并入奏。議政大臣等議如所請。奏入。得

旨。朕曾有旨。此次大兵在外。如遇章京並護軍校驍騎

校缺出。令大將軍即行補授。今若照富寧安所奏。出

兵地方所出之缺。又將軍前人等與內地之人。一併

平定邊境方略卷之六

去

開列具奏。必致重複。富寧安傅爾丹兩路軍中所出

官員之缺。將出征之官兵內。所有應陞及人材勇健

善於鈴束。素有勞績之人。令富寧安傅爾丹等。即行

遴選補授。俟事竣之後。再補行引見。如外省駐防官

缺出。仍將在內人等題補。

壬戌。

增哈密及巴里坤驛馬。

靖逆將軍富寧安疏言自巴里坤至哈密每站

並設馬匹哈密以外自塔勒納沁起至布隆吉

爾中間伊托特巴勒楚特等十處並戈壁每站

遇事輒用駱駝傳送前者策妄阿喇布坦部人

來投及彼部遣使人至京輒先以巴里坤站馬

送至哈密又自額敏撥馬送至布隆吉爾始乘

驛馬至京自今來投順者衆或彼部之使再來

平定邊勇略編卷之六

六

巴里坤驛馬及額敏馬必不足供請令甘肅巡

撫綽奇於預備設站馬匹中撥一百三十四匹

里坤站益馬五十哈密站益馬八十不得以應

他務止以給自策妄阿喇布坦處來歸者及其

使人乘騎議政大臣等議如所請奏入

上從之

五月癸未

命振武將軍公傅爾丹於軍前量撤官兵

傅爾丹等疏言據巴林多羅郡王額駙吳爾琿

等言內地扎薩克官兵各備米糧牛羊馬匹至

軍一年以後月給官兵羊兩隻予銀一兩跟役

羊一隻予銀五錢現今羊價騰貴所給不足供

食用請自今內地扎薩克官兵及跟役當給羊

一隻者以銀一兩給之其喀喇沁兵一千歸化

平定邊勇略編卷之六

七

城土默特兵一千及土默特種地兵一千當得

羊價亦視此支給議政大臣等議曰將軍傅爾

丹等軍前現增發黑龍江等處兵三千今兵暫

止不進當於滿洲蒙古綠旗官兵中簡其殘弱

老病者遣歸千餘以其餉量給蒙古兵丁奏入

上從之是秋八月傅爾丹疏言臣等遵

旨簡右衛索倫等處官一百一十人兵丁二千一百六

十八人。並老病。應遣還。至効力來軍。原任副都統常關係等六十八人。悉老有疾。亦應遣還。台吉蘇克都爾所屬十一佐領中。司屯種官二人。

撥什庫甲兵七十八人。應遣還。令於驛站行走。兵丁還者。其行月糧及羊價。悉增給內地。二十三部扎薩克。並喀喇沁及種地土默特兵跟役。數尚不足。請每月增銀六千兩。每給羊一隻。以

平定邊疆方略卷之六

太

銀一兩與之。議政大臣等議覆。悉如所請。奏入。

上從之。

辛卯。

定西吉木等處疆界。

差往西吉木等三處。定設疆界。理藩院員外郎巴福壽疏言。臣傳集厄魯特貝子阿喇卜坦。並其所屬台吉阿爾薩郎。及貝勒額爾德尼額爾

克所屬宰桑庫魯克。貝子車臣所屬護衛車臣。藏布等。會同西吉木等三處官。示以設立疆界。情狀。據貝子阿喇卜坦等云。青海人等荷

聖主恩甚厚。何惜隙地。地可耕者。聽兵民悉耕之。但留我等游牧處所足矣。臣案西吉木等三處。故為西喇郭勒蒙古部人游牧所在。兵民先已耕種。其隙地。令蒙古人等游牧如故。達里圖地。有車

平定邊疆方略卷之六

尤

臣貝勒屬人。與兵民依水道相雜耕種。以西吉木水源。並淖泥草墩地。不可耕。蒙古人等游牧其間。循水而下。則兵民與貝勒額爾德尼額爾克。及貝子阿喇卜坦等屬人。悉在兩岸。交錯耕種。地。臣即會同所司。並台吉宰桑等。令於交錯耕種處立界。不得逾越。議政大臣等議。令巴福壽以所設之疆界。交明巡撫。綽奇而還。奏入。

上從之。

六月甲辰。

命靖逆將軍富寧安振武將軍傅爾丹預備明年進兵

傅爾丹等疏言臣等遵

旨遣貝勒丹津多爾濟等往與將軍富寧安等議巴里

坤並阿爾台兩路官兵馬畜軍器口糧俱已足

用今年可進兵襲擊但今已使人到策妄阿喇

平定邊疆方略編卷六

千

布坦處俟使者還如策妄阿喇布坦仍前飾詞

推托來年即令兩路兵進剿今歲可暫停襲擊

兵議政大臣等議曰兩路兵馬駐劄有年前歲

軍未深入今年雖遣使臣往宜乘馬肥士集會

議襲擊但歲候已遲應停襲擊兵令兩路將軍

預備來年進剿奏入

上從之。

丁未

四川總督年羹堯護軍統領噶爾弼奏報西藏

軍情

年羹堯疏言近者偵西藏諸部落以貝勒達顏

病故人人有相吞併意又聞策零敦多卜現令

左哨頭目春丕勒率兵六百餘過喀喇烏蘇河

往青海又聞發兵八千來藏已至葉爾羌克勒

平定邊疆方略編卷六

主

底雅臣思自藏至打箭爐南路險遠北路平近

里塘現駐大兵南路可以無虞惟北路宜預為

之防臣等已調兵防守中渡河口又酌調提標

兵丁於打箭爐附近駐劄防守霍耳一路尋年

羹堯噶爾弼又疏報偵策零敦多卜率兵六千

止二千為準噶爾部人餘悉脅之俱來者且其

同將兵三濟舉動輕躁與策零敦多卜不和其

一郭莽喇嘛卽策零敦多卜之弟也。臣等遙揣賊情。策零敦多卜深知策妄阿喇布坦殘忍。又與三濟不和。懼不自保。近者調夫修築布達拉城池。其意欲得爲藏王。卽率衆歸附矣。臣以爲可密諭策零敦多卜。速來歸順。使守西藏。令除三濟以自効。奏入。報

聞。

平定邊疆方略正編卷六

三

丁巳。

都統法喇奏報平里塘進撫巴塘。

法喇等疏言臣等遵

旨令副將岳鍾琪率綠旗兵先行。臣親率滿洲兵至打

箭爐。據副將岳鍾琪等云。一至里塘。卽傳集達

瓦喇木扎木巴第巴塞卜騰阿住等。且撫之。若

等支吾抗拒。不肯獻其戶籍。卽擒達瓦喇木扎

木巴第巴塞卜騰阿住。及其從人以來。臣等卽

數其窺探我師之罪。恐遲則滋事。不俟奏請。已

取其七人。以軍法誅之。撫慰里塘所屬。並宣示

巴爾喀木處。復令副將岳鍾琪率綠旗兵一千。

進取巴塘。議政大臣等議曰。都統法喇統兵招

撫巴塘。受撫之後。卽駐其地防守。不可不增兵

策應。請令護軍統領噶爾弼及總督年羹堯於

平定邊疆方略正編卷六

三

現駐打箭爐滿洲綠旗兵中。邊調益法喇軍。於

成都滿洲兵中。撥往打箭爐駐劄。巴塘與雲南

中甸相近。請令都統武格偵探準噶爾消息。率

兵接應。松潘與打箭爐相近。請令副都統寧古

禮等。亦偵探準噶爾消息。率兵接應。奏入。

上從之。尋年羹堯噶爾弼疏言。據副將岳鍾琪等報。里

塘就撫後。卽遣人至巴塘招撫。及率兵行至巴

塘所屬立登三木巴地。遇前遣往招撫之人。率領喀木布第巴所遣之人來歸。已受之。更令喀木布第巴書其所屬戶口人數。俟大兵到巴塘。獻之。議政大臣等議覆曰。巴塘既已就撫。應令都統法喇仍駐劄巴塘防守。奏入。

上從之。是秋年美堯鳴爾弼又疏言。據遣往巴塘知府

遲維德等報。乍丫察木多察哇三處胡土克圖

平定邊疆方略卷之六

丙

羅布藏那木扎爾等欲歸順。舉其所屬喇嘛民

人戶口來獻。即遣郎中鄂賴遊擊黃喜林等持

銀牌茶緞。輕騎前赴三處撫諭犒賞。更令詳察

三處形勢。還報。議政大臣等議。今年美堯等。俟

郎中鄂賴等還。即以彼處情形。及所得一切消

息奏

聞奏入

上從之。年美堯鳴爾弼又疏言。前議政大臣等議。令於

駐劄打箭爐滿兵中。選撥益法喇軍。及發成都

滿兵。駐打箭爐。今里塘巴塘並投順。而乍丫察

木多察哇亦相繼來歸。里塘巴塘現今所駐滿

漢兵二千七百。且偵探賊兵。一無消息。請停調

撥原駐打箭爐滿兵。議政大臣等議。如所請。奏

入報

平定邊疆方略卷之六

壬

聞

秋七月癸酉。

命都統武格議駐赴滇滿兵。

武格等疏言。江寧兵已抵沅州。沅州地狹。不可

久駐。遂以湖南湖北雲南貴州諸營馬。先給江

寧兵四千九十八匹。前鋒自為一起。八旗官兵

為四起。令副都統吳納哈率之赴雲南。俟浙江

兵到亦視此行。令副都統噶什率之赴雲南。臣等即馳至雲南。詳視駐兵形勝處。及如何安置兵馬。再入奏。議政大臣等議曰。請令都統武格俟兵馬悉到。與所在有司集議。於附近雲南形勝處。酌定駐劄。仍以時偵探準噶爾消息。令其策應法喇。奏入。

上從之。

九月乙未。

命封新瑚畢勒罕為達賴喇嘛。以兵送至西藏。

先是大將軍允禩疏言。扎穆楊善木巴等自西藏來歸。公策旺諾爾布等送之至西寧。詢扎穆楊善木巴等云。策零敦多卜三濟等領兵駐藏。聞三濟將於三月間還策妄阿喇布坦處。再策零敦多卜聞大兵分路進勦。恐不能支。欲於五

月間逃歸。奏入報。

聞至是。

上諭議政大臣等曰。此次差往西邊。瑚必圖等前來回稱策零敦多卜等及土伯特眾喇嘛民人。俱言在西寧。見有新瑚畢勒罕。實係達賴喇嘛之瑚畢勒罕。天朝聖主將新瑚畢勒罕安置在達賴喇嘛禪榻上座。廣施法教。實與眾人相望之意允協。且土伯特處時

有瘴氣。厄魯特之子孫不能滋生。多生疾病。有何貪戀之處。惟懇天朝聖主將法教速為廣施。觀此情形。似易結局。今將新瑚畢勒罕封為達賴喇嘛。給與印冊。於明年青草發時。送往藏地。令登達賴喇嘛之座。送往時著大臣帶滿洲兵一千名。蒙古兵一千名。土番兵二千名。綠旗馬兵一千名。步兵一千名前去。其行糧牲畜接續之處。令大將軍辦理。再由巴爾喀木

平定準噶爾方略前編卷六

天

平定準噶爾方略前編卷六

毛

帶四川滿洲兵一千名。綠旗兵一千名。土番兵的量派往。其行糧牲畜接續之處。今年羹堯辦理。青海王貝勒貝子公等。亦帶領屬兵。或一萬。或五六千。送往前去。策零敦多卜等。若實為法教。自必俟達賴喇嘛登禪榻後。然後前去。若不行等候遁去。即為無恥之賊。此行大將軍帶領兵馬。在校羅木週圍水草佳處駐劄。兼令其照管青海家屬。四川兵二千名。出口駐

平定邊境略考卷六

天

劄。兼照管王察罕丹津行裝。事關甚大。將此旨傳諭大將軍處。令伊等公同確議具奏。又青海王台吉等。令大將軍傳集一處。曉諭唐古忒國內達賴喇嘛班臣法教。原係爾祖上設立。今策妄阿喇布坦無故將拉藏殺害。令寺內喇嘛。各自散去。將眾鄂里格一路截斷。令達賴喇嘛禪榻空虛。從前爾將此新瑚畢勒罕。稱為達賴喇嘛之瑚畢勒罕。若安置在達賴喇嘛

禪榻。為法教廣施之事。我等願捨命効力。業經保奏。土伯特之喇嘛民人。及阿木島地方喇嘛等。俱亦稱為達賴喇嘛之瑚畢勒罕。皇上將此瑚畢勒罕。特封為達賴喇嘛。於明年一同送往藏地。令登禪榻。將法教廣施。放開眾鄂里格一路。令其販賣茶布。此正宜効力之時。爾等應各帶兵丁。與送去之大臣會同一處前去。爾等之意如何。令伊等各陳己意。會盟畫一具奏。俟會盟完時。令都統延信。楚宗公策旺諾爾布。侍讀學士常授等。由固關來京具奏。

平定邊境略考卷六

天

平定準噶爾方略前編卷之七

康熙五十八年冬十月丙寅

訓飭議政大臣

先是督理軍餉侍郎敦稗疏言臣等於康熙五十六年八月中收都統圖思海等先後運到米三萬五百石已散給官兵一萬七千二百五十餘石存米一萬三千二百四十餘石足支八月

平定準噶爾方略前編卷之七

一

但道遠不可不預為儲備請明年仍輓送如故靖逆將軍富寧安復疏言都爾博勒津歷年所收穀令滿洲蒙古綠旗官兵自運至軍圖古里克官種所收穀用駱駝以次運至軍並未支用正帑今主事達理等捐種青稞一千八百餘石當自輓運至軍乃止送哈密復動支帑銀七千二百餘兩始運至營請令侍郎海壽責達理等

如數繳納富寧安又疏言自哈密至巴里坤今

已成通衢當減自哈密輓糧至軍腳價計糧一石減銀五錢額敏在塔勒納沁所種青稞輓送哈密計一石減銀三錢自哈密輓運至營計一石減銀五錢凡減銀四千四百兩有奇今當給銀三萬九百兩有奇請令甘肅巡撫綽奇如數速解令侍郎海壽運哈密所貯糧及額敏於塔勒納沁所種青稞至軍其在圖古里克諸處捐種人等應納穀令侍郎海壽使人自輓運至軍議政大臣議悉如所請至是

平定準噶爾方略前編卷之七

二

上諭議政大臣等曰爾等皆係議政大臣凡議政諸事並不留心俱草率議奏聞自備運米人員親身並未前往將官駝所運米石以為本身運到竟邀議敘自備種地人員並未種地交糧而管理種地之人希圖

利益。捏稱交糧入倉。亦邀議敘。現今倉內米石已致
缺乏。所以侍郎敦稗等奏請。明歲運米。應作速運到。
以補缺乏。爾等於諸事不甚留心。草率議奏之處。朕
已屢降諭旨。嗣後爾等須加意恪遵。

十二月丙辰。

命議政大臣及大將軍等詳議進藏軍務。

議政大臣軍前召至大臣九卿等集議進藏一

平定邊疆方略編卷之七

三

事奏入得

旨此議尙未周詳。只議西地進兵。並未議及阿爾台巴
里坤兩路之兵。兩路兵會合。取吐魯番。若烏魯木齊
難以堵塞。看守。應將兩路之兵會合襲擊。或各減騎
進入震懾。從呼爾達爾之處襲擊。則彼必畏懼。自然
棄此牧放牲畜之處而去。再聞知西地大兵進勦。並
兩路兵襲擊。不但驚惶無措。亦且首尾不能相顧矣。

額駙阿寶所屬厄魯特兵五百名。察哈爾兵四百名。
令帶往取藏。此柴達木所有之兵。亦令前往取藏。大
將軍留駐穆魯烏蘇。三千兵內。令派兵一千前進。大
將軍處之兵若少。將京師每佐領下。派出護軍二名。
馬兵一名。於二月內起程前往西寧。今新瑚畢勒罕

奏稱各處俱有禪林。皆可安設。若為我興兵。實關係

衆生。此或是新瑚畢勒罕之意。或是青海台吉等畏

平定邊疆方略編卷之七

四

懼策妄阿喇布坦。密囑新瑚畢勒罕奏。亦難預知。倘
新瑚畢勒罕。與青海台吉等意同。此新瑚畢勒罕。不
可送往青海台吉等。若無此意。必將新瑚畢勒罕。送
往安設禪林。廣施法教。令土伯特之衆。誠心歸向。則
策零敦多卜。自畏勢逃遁。我師進藏。定立法教之後。
或留兵一二千。暫行看守。或久住。則土伯特之衆。即
如我兵。縱策妄阿喇布坦。策零敦多卜。發兵前來。伊

係勞苦之兵。我則安逸之兵。即可勦滅。朕意如此事。關重大。不可急迫。從容周詳。定議為是。今若照眾大臣議。惟行看守。自西寧至四川雲南內外土番。雜居一處。西藏之人。皆係土番。伊等俱是一類。倘藏地被策。零敦多卜占據。則藏兵即是彼之兵丁。而邊疆土番。豈能保全。爾等暫且看守之議不合。著另行周詳定議具奏。尋議覆曰。護送新瑚畢勒罕兵止八千。勢

平定準噶爾方略前編卷之七

五

稍弱。當益兵四千。令額駙阿寶親率厄魯特兵五百。副都統常齡率察哈爾兵四百。更於柴達木駐防。都統阿爾納所屬兵二千中。撥千五百人。令侍衛阿齊圖等率之。大將軍留駐穆魯烏蘇兵三千中。撥兵千六百人與俱。凡兵萬二千。遣大臣一人。授以將軍印勅。令統諸軍進發。封新瑚畢勒罕為達賴喇嘛。應給印勅名號。令所

司議奏。都統延信。楚宗公策旺諾爾布侍讀學

士常授等還時。令與大將軍集議。青海台吉等

若誠心護送。即令新瑚畢勒罕與馬兵同發。若

必俟事定日送往。令暫居滾穆布木廟中。先遣

大兵攻取藏地。令阿寶所領兵五百。及察哈爾

兵四百。滿漢兵二千。青海兵二千。並駐劄防守。

更令都統法喇等酌量統兵。由巴爾喀木一路

平定準噶爾方略前編卷之七

六

進。令噶爾弼年羹堯撥兵二千。赴法喇軍。於都

統武格所統兵中。選滿兵一千。綠旗兵二千。滿

兵令都統武格副都統吳訥哈統之。綠旗兵令

總兵官趙坤馬會伯統之。與法喇軍會。軍當於

何日發。及會於何地。令大將軍檄諸軍定奪。更

於阿爾台二萬兵中。選兵一萬五千。令持三月

糧。於六月杪。自布拉罕布魯爾兩路進。若策妄

諭旨奏入得

旨此議甚詳事務關係重大著行令大將軍等與青海台吉等公同定議具奏

戊午

運大同府倉米一萬石至軍

山西巡撫蘇克濟疏言兵部行文來年仍運瑚

寧等處提督總兵官中遣何人往伏候

平定邊疆方略編卷七

七

阿喇布坦無備即深入襲擊若彼覺之即引兵還於巴里坤一萬三千兵中選兵一萬令三千人輕騎襲吐魯番二千輕騎襲擊烏魯木齊餘兵五千徐徐前進令於襲擊烏魯木齊軍後策應軍中人悉持二月糧於七月初與阿爾台兵約期同進其襲擊兵及駐劄兵當以何人統之進藏兵於軍前諸大臣中以何人為將軍及西

上從之

坦和碩米一萬石至軍臣按往者運米自大同購募夫車赴瑚坦和碩所需駱駝及鞍屐等物費銀萬餘若以大同府大有倉所貯米由得勝路輓運道里既近且省夫車之費議政大臣等議如所請奏入

已未

都爾伯特固山貝子阿金卒以其子巴圖襲爵

平定邊疆方略編卷七

八

庚申

調古北口宣化二鎮兵赴西寧

上諭議政大臣等曰古北口宣化二鎮兵丁壯健著每

處各派兵五百名發往西寧爾等議奏尋議曰令古

北宣化二鎮各撥兵五百古北口兵令副將韓

良輔率之宣化兵令副將陳棟率之並於二月

啟行赴西寧奏入。

上從之。

辛酉。

蠲免陝西沿邊州縣衛所來年田賦。

上諭戶部曰朕惟治天下之要務首以安民生為先故自御極以來於閭閻疾苦無不博諮廣詢渙敷庥澤其有動民力之處尤惻然軫念刻不能忘蓋六十

平定準噶爾方略前編卷七

九

年如一日也。比年因策妄阿喇布坦狂逞跳梁興兵征勦遠歷邊陲其沿邊數處師旅屯駐一切雖皆支用正項錢糧而協辦轉輸行齎運送之事民力勞瘁朕心時切憫念會將陝西甘肅所屬康熙五十八年額徵地丁銀一百八十八萬兩零歷年舊欠銀四萬兩零特沛恩綸悉行蠲免而沿邊各州縣衛所軍行既多飛輓之勞辦賦復滋催科之擾若非格外加恩

小民恐致失業所有沿邊一帶陝西所屬府谷神木

安塞綏德米脂安定吳堡保安榆林保寧常樂雙山

魚河歸德響水波羅懷遠威武清平葭州龍川鎮靖

鎮羅寧塞靖邊柳樹澗安邊磚井定邊饒陽水堡高

家堡甘肅所屬山丹高臺古浪莊浪西寧肅鎮寧夏

左屯中屯平羅中衛靈州寧州平涼衛固原州鎮成

西安阜城甜水河州蘭州洮州寧夏前衛平涼縣固

平定準噶爾方略前編卷七

十

原衛河州衛蘭州衛慶陽涼州衛永昌衛鎮番衛甘

州左衛右衛肅州衛鎮彝所等六十六州縣衛所堡

康熙五十九年錢糧米豆草束俱宜蠲免但目今係

有軍務之時除米豆草束外將康熙五十九年額徵

銀九萬八千一百兩零盡行蠲免爾部行文該督撫

通行曉諭實心奉行務俾均沾德惠以副朕曲軫邊

民之至意倘或借端科派澤不下究該督撫嚴察指

叅從重治罪。爾部即遵諭行。

壬戌。

撥在京滿洲兵赴西寧。

議政大臣等遵

旨議奏。京城滿洲兵。每佐領撥烏鎗護軍一名。護軍一

名。烏鎗馬兵一名。以護軍統領一人。副都統二

人領之。每旗遣護軍叅領一人。每翼遣烏鎗護

平定遠東略編卷之七

十一

軍叅領一人。驍騎營所屬火器營。各遣叅領一

人為長。即赴西寧。所遣大臣等官。給五年俸。兵

丁給二年錢糧。驍騎營兵為一隊。以副都統一

人領之。護軍為一隊。以護軍統領一人。副都統

一人領之。悉於明歲二月啟行。再前者令山西

大同平陽等處。綠旗步兵一千。在甘州備調。今

發兵萬二千人進藏。明年若送達賴喇嘛登禪

榻。即令甘州兵一千。前赴防衛。奏入。

上從之。

康熙五十九年春正月壬申。

誥諭滿漢大臣。

上諭議政大臣等曰。

太祖

太宗時。滿洲兵。凡遇征戰。馬匹口糧。自備行走。所向立

平定遠東略編卷之七

上

功。並無遲悞。今官兵行走處。馬匹口糧器械等。俱給

帑置辦。且以為不足。而怨咨生焉。此皆由該管官。不

行嚴飭之故也。朕辦理軍務。閱歷甚多。向時攻取岳

州。但從陸路抵禦。許久不克。朕諭令於洞庭湖務備

船隻。以水路遏賊。貝勒察尼奏湖中風浪甚大。船不

能行。恐有礙於兵丁。請撤戰船。朕諭以岳州城已被

困不久。即下。若將戰船撤回。賊得由水道往來。何能

有得岳州之期哉。於是不撤船兵嚴飭看守。未幾而岳州下矣。再征討雲南時。滿漢官兵合計四十餘萬。貝子章泰等離雲南城四十里安營。一面臨湖。一面抵山。並未設兵湖中斷其水路。致賊寇米糧照舊運。行城內並無危急。後趙良棟率寧夏兵至云我等大兵連營四布。不就近速戰。迨至日久。米糧不繼。滿兵無妨。綠旗兵何以存立耶。章泰云皇上參養之滿洲。豈可輕進委之於敵。且爾兵遠來亦宜休養。何可令其傷損。趙良棟不從章泰之言。自率標兵前往力戰。奪取得勝橋。而趙良棟之兵亦瘁甚矣。章泰又向趙良棟云。爾兵已瘁。應暫撤回。令總督蔡毓榮率兵看。趙良棟云我死戰所得之地。肯交與他人看守乎。因此章泰亦進軍圍城。賊兵被逼而出。在桂花寺地方與我兵接戰。大敗之。吳世璠等倉皇失措。無所逃。

平定準噶爾方略前編卷之七

三

匿乃自殺。餘賊獻城投降。此亦由決於進戰。乃得成功也。再出征烏蘭布通時。阿密達因天晚撤兵。云皇上必不以撤兵故遂殺我等。將兵撤退。索額圖明珠選勇士數百人。近身防護勇士云。挑選我輩。原擬或戰或追。詎意止令防護。共生忿怨。後中路出兵時。令大臣官員等會議進兵之處。眾皆謂不可。獨朕與費揚古以兵為可進。決意進兵。及至科圖地方。眾皆不欲前發。大臣等勸朕撤兵。朕諭以祭告。

平定準噶爾方略前編卷之七

丙

天

地

太廟

社稷親統兵前來。不見賊踪如何驟行撤去。不允所請。將兵前進。噶爾丹聞我兵威。甚是驚懼。鼠竄而去。朕選兵令馬思喀為將軍。尾追噶爾丹。又遇西路兵攻。

擊大敗之。朕將中路初次運到之米。遣明珠速送。至費揚古軍前。二次米亦即令續送。三次米內朕但留十八日口糧。餘俱送西路軍前。是以西路兵丁未至。饑饉得保全而回。彼時若輕信大臣等言。中道撤兵。則兩路兵丁安得立功奏凱耶。今觀領兵大臣官員等。祇為保身之計。不以國事為重。內存私意。彼此爭論不和。又向兵丁等沽名市恩。多取口糧。及不能馱

平定邊疆方略卷之七

五

載。至於拋棄。全無珍惜之意。如此居心行事可乎。朕之滿洲兵。俱極精練。全在領兵者將國家之事。專心辦理。不圖安逸。賞罰嚴明。則斷無錯悞。進兵西藏時。色楞不候衆人。獨自前往。額倫特亦隨後追至。為國家奮不顧身。雖至失機。豈可論伊等進兵太速乎。今策旺諾爾布。係差往策應之兵。而遲延不前。雖伊所統兵丁善全而歸。伊屬下之兵。固然感念於國事。有

何裨益。惟西路陣亡兵丁。朕甚為憐憫。當分別加恩。至大臣官員等。在部院衙門。亦能清廉自守。若行軍大事。又非僅清廉自守者能勝任也。朕年少時。每於講武練兵等事。違命者必懲以法。內外大小悉知儆惕。由此觀之。訓練之事。不可疎忽也。茲衆喀爾喀及青海等。俱服朕之風化。而策妄阿喇布坦之人。竊占藏地。毀其寺廟。散其番僧。青海台吉理應棄命忘身。

平定邊疆方略卷之七

六

奮勇致討。乃伊等口稱維持黃教。却無實心効力之人。策零敦多卜。領兵在藏。以我兵隔遠。不能往救。朕思伊等兵。步行一年有餘。忍饑帶餒。尚能到藏。我兵顧不能至乎。今滿漢大臣咸謂不必進兵。朕思此時不進兵安藏。賊寇無所忌憚。或煽惑沿邊諸番。部將作何處置耶。故特諭爾等安藏大兵。決宜前進。

臣等謹按。夏后恭行天罰。實賞用命。文王赫

怒整旅以篤周祜夫命之所出決之一心而其祜及於世世聖人所稱我戰則克者也伏觀我

聖祖仁皇帝於西藏之役既

命將軍等出師擊賊至是復

諭中外大臣以決策進兵之意詳舉下岳州討雲南征

烏蘭布通及中路進兵一切大功之成並由

平定準噶爾方略前編

七

獨斷且申言色楞額倫特等之力戰可嘉而

策旺諾爾布之遲緩全師為無益於事洋洋

聖謨所以作三軍之氣而為萬世長久之計者何其至

也於時自六月出師以後八月甲辰將軍富

寧安以擒賊之台吉垂木拍爾聞癸亥將軍

祁里德以降其宰桑塞卜騰等聞甲子富寧

安又以收關展城及吐魯番部聞九月壬午

將軍傅爾丹以擒賊之宰桑貝肯等聞十月庚戌將軍噶爾弼奏克西藏乙卯撫遠大將軍允禩亦奏將軍延信敗賊入藏揆厥所由惟我

聖祖先幾默運既命靖逆將軍富寧安振武將軍傅爾

丹征西將軍祁里德分軍三道並進以擊策

妄阿喇布坦邊境令賊驚擾首尾不能自顧

平定準噶爾方略前編

六

然後定西將軍噶爾弼一軍自拉里入平逆

將軍延信一軍自青海入不數月間克有藏

地收復疆圉式廓販章成功之捷為自古所

未有夫藏地西直厄魯特南帶諸番形勢互

為犄角固勝算所必爭由是而平青海戡準

夷定回部恭逢

今日肅清西極之閔規實啟於此而推溯

當年用兵始末則

廟謨之神速。

貽謀之宏遠。不皆於此可觀歟。

丁酉。

命撫遠大將軍允禩率前鋒統領弘曙移駐穆魯烏蘇。

管理進藏軍務糧餉。

授都統宗室延信為平逆將軍。率兵進藏。以公策旺諾

平定邊疆方略卷之七

九

爾布副都統阿琳寶額。阿寶隨印侍讀學士

常授提督馬見伯總兵官李麟。叅贊軍務。

調西安將軍宗扎卜。駐防西寧。平郡王訥爾素駐防古

木等地。

調出征和碩裕親王保泰子廣善。和碩簡親王雅爾江

阿子。承謙。崗山貝子魯賓。護國將軍敬順。回京。

准原任西安將軍席柱。赴軍効力。

席柱呈請自備鞍馬。赴軍前戴罪効力。議政大

臣等議如所請。發往阿爾台軍前効力。奏入

上從之。

二月癸丑。

以護軍統領噶爾弼為定西將軍。

上諭大學士等曰。總督年羹堯自軍興以來。盡心効力。

訓練川兵。甚是整齊。可速行文與年羹堯。令伊帶領

平定邊疆方略卷之七

十

兵丁進藏。授為將軍。如有能署理總督事務於地方

不致生事者。今年羹堯奏聞署理。如地方緊要。不得

署理之人。著護軍統領噶爾弼為將軍。帶領雲南四

川兩處兵馬前進。定西將軍印。速行送往。尋年羹堯

奏言四川總督印務。一時無可署理者。請授噶

爾弼為定西將軍。給以印信。令率兵進藏。并調

都統法喇於打箭爐駐劄防守。奏

上從之。

命封新瑚畢勒罕為弘法覺衆第六世達賴喇嘛遣兵

送往西藏。

先是撫遠大將軍允禴奏言臣遵

旨傳集青海王台吉等議進兵及送新瑚畢勒罕往藏。

青海王台吉等皆同心協力願率兵從征并請

封新瑚畢勒罕護持黃教至是

平定準噶爾方略前編卷七

王

命封新瑚畢勒罕為弘法覺衆第六世達賴喇嘛發滿

漢及青海兵送之西行其四十九旗扎薩克及

喀爾喀哲卜尊丹巴胡土克圖等亦令遣使護

送。

三月己丑。

雲南都統武格奏報率兵赴藏。

都統武格疏言雲南一路滿漢官兵奉調赴巴

爾喀木與將軍噶爾弼合兵進藏臣等於二月

十二日自雲南啟行又麗江土知府木興請出

兵効力臣選其土兵五百令木興之子率之從

征奏入報

聞。

丙申

靖逆將軍富寧安征西將軍祁里德奏報分路

平定準噶爾方略前編卷七

王

進兵。

富寧安疏言今歲議發大兵進勦西藏其阿爾

台巴里坤兩路兵亦相約進擊準噶爾邊境令

賊擾亂可以相機行事臣請率兵三千自烏魯

木齊路進分兵四千自吐魯番路進其領兵大

臣請

旨命往又兩路進兵後請更發兵三千策應餘兵留者

暫令副都統雅圖侍郎海壽等管轄奏入得

旨令議政大臣等議奏尋議應如所奏其分路襲擊吐

魯番兵令散秩大臣阿喇納率之進發奏入

上從之祁里德疏言臣請將阿爾台路兵七千由布魯

爾路進將軍傅爾丹將八千人由布拉罕路進

襲擊準噶爾邊境餘兵請更遣大臣統轄奏入

得

平定邊疆方略編卷之七

三

旨令議政大臣等議奏尋議應如所奏其兵留者應令

將軍顏壽都統穆賽等統轄擇形勝地駐劄奏

入

上從之

夏四月壬寅

以巴塘里塘暫歸四川省管轄

四川總督年羹堯疏言近者雲貴督臣蔣陳錫

請以巴塘里塘地歸麗江土知府管轄臣按巴塘里塘舊為西藏侵據臣宣示

聖主恩威招撫投順雖歸蜀歸滇莫非王土但四川現

值用兵一切運糧調遣道經巴塘里塘地關扼

要撥歸土司則呼之不應移文滇省則往返遲

延請仍歸四川管轄以利軍行又都統武格移

文云雲南進藏兵當接運三月口糧山高路狹

平定邊疆方略編卷之七

三

難於輓運請以四川所運米支給按今滇蜀兩

省並進兵而蜀省發兵七千滇省發兵三千多

寡相懸恐蜀省所運米不足供滇省用議政大

臣等議日應如年羹堯所奏令雲南督撫速運

米以濟雲南兵如武格等所領兵已與噶爾弼

軍會或雲南運米未到暫撥四川餘糧支給即

以雲南所運米如數補還其巴塘里塘地當暫

歸四川統轄。俟竣事日。如原議改隸雲南。奏入。上從之。

丙寅

命靖逆將軍富寧安即軍中簡署副都統管轄駐營滿洲兵。

富寧安疏言巴里坤現駐西安滿洲兵二千八百。令都統晏布副都統鄧其章統轄。晏布雖大

臣。西安非其所轄。鄧其章為漢軍副都統。事竣後。兵丁還西安。不知孰為有功。孰為無功。至未

親行陣者。更或濫舉邀賞。請於西安滿洲協領中。每翼以一人委署副都統稽察。可杜一切弊

寶如蒙

俞允。請於軍中。西安滿洲協領中。選列銜名。候旨簡用。奏入。得

旨簡用。奏入。得

旨令議政大臣等議奏。尋議應如所請。西安滿洲兵。應

以西安滿洲協領委署副都統轄之。即令富寧

安選委。奏入。

上從之。

五月辛巳。

命議政大臣等行文傳諭各路將軍。

上諭議政大臣等曰。今歲稍早。應速行文與各路將軍。或管中亢旱。馬匹未肥。或進兵之路甚早。水草不敷。俱未可定。勿謂既經議定。進兵不敢復以亢旱為辭。奏請停止。朕念軍務所關甚大。從前屢諭爾等及領兵大臣。凡軍機之事。有今日定議。明日又改者。未可拘執。要在相其機變而行。朕於用兵之事。必熟思而後頒發旨意。若無旨意。又恐軍中之大臣難於奉行。

平定準噶爾方略前編卷之七

三

也。然軍前或因亢旱而無水草。馬匹倒斃。則兵丁如何前進。如何回旋。明年又如何進兵耶。總之雨水及時。牧草果好。前進自無艱阻。應即行進兵。倘或亢旱。馬匹疲瘦。雨水不調。牧草不堪。則即以不宜進兵之處。令軍中之大臣等定議具奏。斷不可以今歲若不進兵。來年亦可再進。作游移之語陳奏也。路途遙遠。恐發去文書遲延遺失。亦未可定。須於明日行文一次。續後再行文一次。有一處不可進兵。即著將此一處奏請停止。

平定邊疆方略編卷七

七

壬申。

命調右衛副都統覺羅圖喇參贊振武將軍傅爾丹軍

務。

以征西將軍祁里德軍前副都統穆克登署前

鋒統領事。

戊寅

以成都徵糧支給駐防滿洲兵月米。

年羹堯疏言向例蜀省兵米。以銀抵給。聽兵自

購。今成都駐防滿洲兵。需米甚多。年歲豐歉不

一。恐一時買食增值。請令成都近地州縣。有水

路者。田糧勿以銀代。悉令輸米。酌給運費。載赴

成都。作滿洲兵月米。議政大臣等議如所請。奏

平定邊疆方略編卷七

天

入。

上從之。

六月癸卯。

靖逆將軍富寧安等奏報進兵日期。

靖逆將軍富寧安振武將軍傅爾丹征西將軍

祁里德疏報。巴里坤。阿爾台。兩路駐兵之處。雨

水調和。兵馬騰壯。又偵探沿途。並有水草。當如

原議進擊賊境。巴里坤兵於七月初一日啟行。阿爾台兵於六月十六日啟行。奏入。報

聞。

秋七月乙亥。

命漕運總督施世綸赴陝西勘視黃河運道。

上諭大學士等曰朕先巡幸陝西。曾問黃河水路由河

南通至陝西之處。地方官回奏不能行走。朕思上古

平定準噶爾方略卷七

三

大禹鑿龍門。通濟水道。漢唐之時。俱經輓運。豈有不能行船之理。故特遣皇子允祉往勘。允祉乘騎渡黃河。至砥柱龍門查看。竟可行船。由龍門至黃河直通渭河。可至西安北門。從絳州汾河。可至山西太原。彼時山西陝西河南將軍督撫等。亦會令會看。今總漕施世綸居官素優。歷年漕船。俱催趲全完。並無遲悞。本年漕船。已經過淮。更無他事。漕運印務。著暫交與

總河趙世顯署理。施世綸速赴豫省。將河南府至西安黃河輓運路徑。勘明具奏。陝西現存穀石數目。亦著查奏。今陝西正值軍需之際。施世綸暫留陝西。令協同鄂海辦理糧餉事務。

八月甲辰。

靖逆將軍富寧安奏報敗賊。擒其酋都爾伯特

台吉垂木拍爾。

平定準噶爾方略卷七

三

富寧安疏言。臣於七月初一日。率襲擊兵七千啟行。初二日。駐廋集。選精兵一千。輕騎趨烏爾圖。晝伏夜行。初六日黎明。兵抵烏爾圖蘇之源。及烏蘭烏蘇口。托和木圖諸處。悉無賊哨。四向搜捕。亦無踪跡。初七日。駐兵烏爾圖蘇口內。此暮令一等侍衛哲爾德等。率兵赴阿克塔斯。二等侍衛克什圖。一等侍衛阿玉錫等。率兵赴伊

勒布爾和碩。分擊賊哨。類行時。臣密囑哲爾德等。烏蘭烏蘇與阿克塔斯相距七十里。與伊勒布爾和碩。相距百餘里。爾等至阿克塔斯近地。潛兵以待。度克什圖兵。已至伊勒布爾和碩。卽發兵合擊之。慎勿急進。令賊人覺。又與克什圖等約。令沿戈壁邊界進兵。於天未明時。卽抵伊

平定邊界

三

勒布爾和碩。圍擊賊哨。臣率署前鋒統領法璠。副都統常壽等。繼進。初八日。侍衛哲爾德等。擊阿克塔斯賊哨。賊懼甚。望風走。我師急追之。獲一賊。餘入深山潰散。侍衛克什圖等。擊伊勒布爾和碩賊哨。見賊有馬在谷中。阿玉錫率十餘騎入谷。奪賊馬百餘匹而還。賊以我兵掩至。據高山險絕處。藏身樹石間。發鎗抵拒。克什圖等率兵奮擊。阿玉錫衝入賊中。手刃三人。我兵殺

賊三十餘人。生擒二十四人。所獲馬匹器械。臣卽以分犒官兵奮勇者。擒獲賊酋都爾伯特台吉。垂木拍爾。以身負重傷。暫送巴里坤副都統雅圖營。俟師還。卽檻送垂木拍爾至京。餘賊檻送與否。請

旨定奪。奏入。得

旨將軍富寧安。圍擊賊哨。生擒賊二十餘人。著行文副

平定邊界

三

都統雅圖。派兵送來京師。沿途嚴加看守。勿致逃亡。其垂木拍爾。暫停起解。俟瘡痍愈後。再行解京。

癸丑。

征西將軍祁里德。奏報敗賊。降其宰桑塞卜騰等。

祁里德疏言。臣率官兵進襲。恐厄魯特烏梁海等。賊邀我師後路。卽分兵千二百人。留阿保塔

卜沁防厄魯特賊人往來。及索烏梁海賊人潛伏山谷中踪跡。擒厄魯特烏梁海賊四百餘人。

復於七月二十九日。率兵自鏗格爾河進。偵厄魯特宰桑塞卜騰等率賊眾赴鏗格爾河。據山

守險。臣遣人招降。賊恃險拒敵。我師分兩道夾擊之。賊眾大潰。竄守山麓。次日復遣人往。宣布

聖主威德。宰桑塞卜騰等率二千餘人降。所獲馬駝牛

平定準噶爾方略前編卷之七

三

羊萬餘隻。其宰桑塞卜騰等俟師還。遣官兵解

送京師。奏入。得

旨。此次擒獲之人。及投降之宰桑塞卜騰等。派官兵解

送時。著喀爾喀協濟。先送至歸化城。將其中頭目數

人。驛送至京。其餘烏梁海之人。交與公博貝等設法

護視。勿致逃竄。

甲子。

靖逆將軍富寧安奏降賊眾及關展城吐魯番部。

富寧安疏言。散秩大臣阿喇衲等於七月初八

日。兵進齊克塔木。遇賊兵據營。擊破之。擒殺二

十餘人。賊眾悉降。初十日。至關展城。有回子兵

守城。官兵進擊。擒回部一人。即遣歸。令諭眾回

平定準噶爾方略前編卷之七

三

人輩。我師為征勦。策妄阿喇布坦而來。與爾無

涉。若速歸順。即赦勿誅。否則破城。悔無及矣。是

日。關展城回部會長。率三百餘人來降。十三日。

大兵至吐魯番。吐魯番部阿克蘇爾坦及總管

會目沙克扎拍爾等。悉率眾降。凡獲烏鎗五百

五十桿。駝四十隻。馬五百匹。阿喇衲等於七月

十六日。率沙克扎拍爾等。及官兵凱旋。奏入。得旨。將軍富寧安所奏。著發抄京城。傳諸王滿漢大臣等

公同閱看

九月壬申

靖逆將軍富寧安奏報凱旋回營

富寧安疏言臣於七月十八日至烏魯木齊不

見賊哨卽遣兵逼索亦無踪跡有烏魯木齊及

喀什噶爾諸處逃出回人先後來降詢以策妄

阿喇布坦消息據言若等乃哈密屬人爲賊所

平定回疆方略卷之七

五

掠是月十一日賊目徹格爾得自伊勒布爾和

碩奔還云

天兵已至台吉垂木拍爾所率兵勦殺無遺以故烏魯

木齊所居垂木拍爾屬人及厄魯特衆各震駭

奔竄若等乘間逃出來降又言烏魯木齊今年

早牲畜死者甚多臣遣人詳悉偵探與回人言

無異其阿喇納襲擊吐魯番兵先於七月二十

四日至烏蘭烏蘇臣所領兵於八月初二日亦

至烏蘭烏蘇初三日合兵凱旋初十日抵巴里

坤奏入得

旨令議政大臣知之

戊寅

罷雲貴總督蔣陳錫雲南巡撫甘國璧

蔣陳錫甘國璧奏都統武格將軍噶爾弼自察

平定回疆方略卷之七

美

木多啟行撥用四川雲南二省糧餉奏入得

旨蔣陳錫甘國璧皆係地方大臣雲南進藏之兵各項

糧餉應預先料理如期運送今蔣陳錫甘國璧於糧

餉之事並不留心料理幾至遲悞及大兵進藏之後

伊等方以運送米糧之事繕摺奏聞四川之米若不

到雲南之兵從何就食蔣陳錫甘國璧顯然有悞軍

機俱著革職令自備口糧運米進藏若遲悞不能抵

藏卽行正法。其雲南貴州總督事務。著貴州提督張文煥署理。雲南巡撫事務。著貴州布政使楊名時署理。貴州提督事務。著河南南陽總兵官張致署理。南陽總兵官事務。著河南巡撫楊宗義於本省副將內揀選一人題請署理。伊等俱著速行赴任。

壬午。

振武將軍傅爾丹奏報敗賊擒其宰桑貝肯等。

平定準噶爾方略前編卷七

七

傅爾丹疏言臣率兵至格爾額爾格厄魯特人

聞大兵卽至。委棄行帳什物。四路奔潰。臣等分

兵進剿。於七月二十一日追及之。殺賊二百餘

人。擒宰桑貝肯等百餘人。招降三百餘人。獲馬

駝器械無算。又偵知烏蘭呼濟爾爲厄魯特人

屯聚耕種之所。臣親率兵躡之。焚其所積糧草

一空。整隊而還。賊尾我師來襲。我師截擊之。賊

大敗遁。請以宰桑貝肯等檻送京師。奏入。得

旨將軍傅爾丹所奏。著抄發京城。傳諸王文武大臣。公同看閱。

平定準噶爾方略前編卷七

八

平定準噶爾方略前編卷之八

康熙五十九年冬十月庚戌

定西將軍噶爾弼奏克西藏

噶爾弼疏言臣等率兵至拉里聞春丕勒宰桑

率賊兵二千六百人自章米爾戎一路來拒我

師臣等議乘其不備先取墨朱工喀於八月初

四日臣率兵自拉里進王師所至望風響應朱

平定準噶爾方略前編卷之八

一

貢之胡土克圖先獻地降次日進取墨朱工喀

賞賚第巴頭目安輯民人臣遣千總趙儒等在

諭第巴達克咱來降又喇嘛鍾科爾頭目並相

繼來降臣等即令第巴達克咱聚集皮船於八

月二十二日渡河復令侍衛訥泰等率兵分爲

三隊二十三日五鼓起程進取西藏集藏中大

小第巴頭目並各寺廟喇嘛宣示

聖主拯救西藏民人至意凡達賴喇嘛倉庫悉封之於

附近要地駐營發兵固守以截準噶爾部人往

來及斷其糧道頃之三廟坎布盡擒各廟所在

準噶爾喇嘛凡一百一人以獻其中首惡喇嘛

五人據第巴達克咱及三廟坎布等言五人者

並受策零敦多卜逆命爲總管即取五人斬之

其喇嘛九十六人悉令拘禁奏入得

平定準噶爾方略前編卷之八

二

旨噶爾弼等遵朕指授率領官兵歷從古用兵未到之

絕域各加奮勵克取藏地將準噶爾人等信用之逆

惡番僧五人正法撫綏唐古忒土伯特人民甚屬可

嘉在事將軍以下兵丁以上俱著從優議敘

賞賚四川雲南取藏官兵

上諭兵部曰朕惟國家綏乂地方愛養兵民實係緊要

朕自臨御以來夙興夜寐無時不以軍民生計爲念

比年策妄阿喇布坦蠢動跋扈。侵我哈密。殲及拉藏。占取藏地。騷擾土伯特唐古忒人民。再吐魯番之人。皆近四川雲南一帶邊境居住。準噶爾人等若將吐魯番侵取。又將土伯特唐古忒人民煽惑。侵犯青海。不但難以應援。亦且難於取藏。是以調四川雲南滿漢官兵。由拉里前發。西路大兵。由青海進藏。官兵俱感朕豢養之恩。遵朕指授。各加奮勵。直抵險遠絕域。克取藏地。殊堪軫念。應大沛恩澤。四川雲南滿漢官兵。從前所領俸餉。俱著免其扣取。仍遣堂官將取藏之四川雲南官兵。每人賞銀十兩。卽給本人妻子。以示朕軫恤官兵勞苦之至意。爾部卽遵諭行。

平定準噶爾方略前編卷之六

三

乙卯。

撫遠大將軍允禩奏報平逆將軍延信敗賊進藏。

允禩疏言平逆將軍延信等於八月十五日率兵駐劄布克河。策零敦多卜等乘夜來犯。擊敗之。奪其馬匹器械。十九日。自卜克河進。二十日。駐齊諾郭勒。三更。有賊二千餘人襲我。我師嚴整禦之。賊衆久持不能當。遂奔北。二十一日。自齊諾郭勒進。二十二日。次綽瑪喇。是夜五更。賊兵千餘來奪營。營中四面哨兵。鎗礮矢石齊發。賊兵死者甚衆。遁去。延信等旋率滿漢官兵。於九月初八日。自達穆發。送新封達賴喇嘛至藏。前達賴喇嘛博克達留藏不便。應遣還京師。奏入得。

平定準噶爾方略前編卷之六

四

旨前遣大兵進藏。議政大臣及九卿等俱稱藏地遙遠。路途險惡。且有瘴氣。不能遽至。宜固守邊疆。朕以準噶爾人等現今占取藏地。騷擾土伯特唐古忒人民。

再吐魯番之人皆近雲南四川一帶邊境居住若將

吐魯番侵取又鼓動土伯特唐古忒人眾侵犯青海

彼時既難以應援亦且不能取藏朕決意獨斷著靖

逆將軍富寧安振武將軍傅爾丹征西將軍祁里德

管領兩路官兵前往策妄阿喇布坦邊境驚擾襲擊

又遣定西將軍噶爾弼領雲南四川滿漢官兵由拉

里前進平逆將軍延信領西路官兵由青海前進又

平定噶爾弼略編卷六

五

遣大將軍總領大兵駐劄穆魯烏蘇調遣官兵辦理

糧餉伊等俱各加奮勵兩路襲擊之兵至策妄阿喇

布坦邊境屢次大勝勦殺賊兵擒獲人畜招撫數千

準噶爾人眾茲覽大將軍奏延信等三次將策零敦

多卜殺敗賊兵逃竄殊屬可嘉在事將軍以下兵丁

以上俱著從優議叙

丁巳

命大將軍等會議明年進兵勦賊

靖逆將軍富寧安疏言今歲阿爾台巴里坤兩

軍襲擊策妄阿喇布坦邊境將軍延信等進兵

安藏悉遵

皇上指授大振軍威賊人聞之心膽俱碎或以窘迫故

遣使乞降為緩兵計臣愚以為賊性好詭即受

降不足信請乘勝於來年大舉進勦現在巴里

平定噶爾弼略編卷六

六

坤及固原甘肅等處兵約萬有七千請選八千

人由額林哈畢爾噶路進六千人由吐魯番阿

爾台路進各持三月糧其設置驛站令巡撫綽

奇預為料理又巴里坤草廠較勝他處一切設

臺運米及調兵所用駝馬若早驅至巴里坤收

放三月則駝馬肥壯有益軍務其來年進兵程

期並如何策應臣再與阿爾台路大臣會議奏

聞奏入得

旨交議政大臣尋議政大臣議曰應如將軍富寧安所奏來年大兵進剿一切軍務悉宜預備至進兵時或直搗賊巢或扼據形勝臨期相機而行大將軍所領兵中應更撥三千益富寧安軍并令與阿爾台路將軍約如何會合進發其詳議以聞奏入得

平定準噶爾方略卷之八

七

旨此事著行文允禮及富寧安傅爾丹祁里德等將來年進兵之處互相商酌詳加定議具奏

辛酉

罷駐守噶斯布特爾及青海兵仍以兵二千防

青海

撫遠大將軍允禮疏言八月二十三日我師進

藏偵知策零敦多卜等先自克勒底雅遁請罷

噶斯布特爾及青海駐守之兵議政大臣等議覆曰應如所請但策零敦多卜等狡甚雖已遁去或恐乘隙來侵擾青海應令大將軍仍撥兵二千駐劄青海附近處偵探防守奏入上從之

癸亥

預給官兵明年俸餉

平定準噶爾方略卷之八

八

靖逆將軍富寧安疏言據軍前副都統覺羅英柱常壽提督路振聲等云明年大兵進剿一切軍器馬匹悉應預備請借支官兵一年俸餉銀凡三十五萬九千四百二十兩有奇於每季每月給發俸餉時扣除如蒙

俞允乞

勅諭甘肅巡撫綽奇運送軍前如數如明年或不進兵

即留軍前備。每年軍餉之用。議政大臣等議如所請。奏入。

上從之。

十一月丙子。

四川總督年羹堯奏劾麗江土知府木興。

年羹堯疏言。里塘巴塘。為蜀省出兵運道。奉

旨屬四川管轄。乃雲南麗江土知府木興。數遣人恐喝

平定邊疆將領卷六

九

巴塘所屬喇皮等處。令歸雲南。番人咸懼。現在

四川。募夫陸續運米。悉不敢前。八月二十日。木

興率蠻兵至喇皮。番自巴桑以已歸四川為詞。

木興殺之。又威脅番人令之歸已。以致番蠻各

思構兵。巴塘之運道遂阻。木興狂悖生變。殺良

阻運。請革職拘禁雲南。俟西藏既平。嚴訊擬罪。

議政大臣等議曰。平藏大兵。尚未入口。年羹堯

所劾木興之案。請俟師旋日。遣京師大臣一人往訊。奏入。

上從之。

辛巳。

命大學士學士九卿等詳考西南徼外山川地名。

上諭大學士學士九卿等曰。朕於地理從幼留心。凡古

今山川名號。無論邊徼遐荒。必詳考圖籍。廣詢方言。

平定邊疆將領卷六

十

務得其正。故遣使臣至崑崙西番等處。凡大江黃河

黑水金沙。瀾滄諸水發源之地。皆目擊詳求。載入輿

圖。今大兵得藏。邊外諸番。悉心歸化。三藏阿里之地。

俱入版圖。其山川名號。番漢異同。當於此時考證明

核。庶可傳信於後。大概中國諸大水。皆發於東南。諾

莫璉烏巴西達罕內外。其源委可得而縷析也。黃河

之源出西寧外庫爾坤山之東。泉泉渙散。不可勝數。

望之燦如列星。蒙古謂之敖敦塔拉。西番謂之索羅木。中華謂之星宿海。是為河源。匯為薩陵鄂陵二澤。東南行折北復東行。由歸德堡積石關入蘭州。岷江之源。出於黃河之西。巴顏喀喇嶺齊齊爾哈納。番名岷尼雅克撮。漢書所謂岷山在西徼外。江水所出是也。而禹貢導江之處。在今四川黃勝關外之乃褚山。古人謂江源與河源相近。禹貢岷山導江。乃引其流。

平定準噶爾方略前編卷之八

十一

非源也。斯言實有可據。其水自黃勝關流至灌縣。分數十支。至新津縣復合而為一。東南流至叙州府。與金沙江合流。金沙江之源。自達賴喇嘛東北烏尼尹烏蘇峯流出。烏尼尹烏蘇峯。中華謂之乳牛山也。其水名穆魯烏蘇。東南流入喀木地。又經中甸入雲南塔城關。名金沙江。至麗江府又名麗江。至永北府會打衝河東流。經武定府入四川界。至叙州府流入岷

江。經夔州府入湖廣界。由荊州府至武昌府與漢江合。漢江源出陝西寧羌州北嶓冢山。名漾水。東流至南鄭縣為漢水。入湖廣界。東南流至漢陽縣漢口。合岷江。此諸水在東南諾莫琿烏巴什達罕之內。源發於西番。委入於中國也。瀾滄江有二源。一源於喀木之格爾幾雜噶爾山。名雜褚河。一源於濟魯肯塔拉。名鄂母綽河。二水會於察木多廟之南。名拉克褚河。

平定準噶爾方略前編卷之八

十二

流入雲南境為瀾滄江。南流至車里宣撫司。名九龍江。流入緬國。瀾滄之西。為喀喇烏蘇。即禹貢之黑水。今雲南所謂潞江也。其水自達賴喇嘛東北哈喇淖爾流出。東南流入喀木界。又東南流入怒彙界為怒江。入雲南大塘隘更名潞江。南流經永昌府潞江安撫司境。入緬國。潞江之西為龍川江。龍川江之源。從喀木所屬春多嶺流出。南流入雲南大塘隘。西流為

龍川江至漢龍關入緬國。此諸水在東南諾莫璋烏
巴什達罕之外。皆流入南海也。又雲南邊境有檳榔
江者。其源發自阿里之岡底斯東達木朱喀巴卜山。
譯言馬口也。有泉流出為雅魯藏布江。從南折東流。
經藏危地。至日噶公噶兒城旁。合噶爾招穆倫江。又
南流經公布部落地。入雲南古勇州為檳榔江。出鐵
壁關入緬國。而岡底斯之南。有山名郎千喀巴卜。譯

平定邊界圖卷六

三

言象口也。有泉流出入馬皮木達賴。又流入耶喀淖
爾。兩河之水。西流至桑南地。岡底斯之北。有山名僧
格喀巴卜。譯言獅子口也。有泉流出西行亦至桑南
地。二水合而南行又折東行。至那克喇蘇木多地。與
岡底斯西馬卜家喀巴卜山所出之水會。馬卜家喀
巴卜者。譯言孔雀口也。其水南行至那克喇蘇木多
地。會東行之水東南流至額訥特可克國。為岡噶穆

倫江。即佛法所謂恒河也。佛國記載魏法顯順恒河
入南海。至山東之渤海入口。應即此水矣。梵書言四
大水。出於阿耨達山。下有阿耨達池。以今考之。意即
岡底斯是。唐古忒稱岡底斯者。猶云衆山水之根。與
釋典之言相合。岡底斯之前。有二湖連接。土人相傳
為西王母瑤池。意即阿耨達池。又梵書言普陀山有
三一在額訥特可克之正南海中。山上有石天宮。觀

平定邊界圖卷六

四

自在菩薩遊舍。是云真普陀。一在浙江之定海縣海
中。為善財第二十八叅觀音菩薩說法處。一在土伯
特。今番名布塔拉山也。亦謂觀音現身之地。釋氏之
書。本自西域。故於彼地山川。亦可引以為據也。禹貢
導黑水至於三危。舊註三危為山名。而不能知其所
在。朕今始考其實。三危者猶中國之三省也。打箭爐
西南達賴喇嘛所屬為危地。拉里城東南為喀木地。

班禪額爾得尼所屬為藏地。合三地為三危耳。喀喇烏蘇。由其地入海。故曰導黑水。至於三危。入於南海也。至於諸番名號。雖與史傳不同。而亦有可據者。今之士伯特。即唐之突厥。唐太宗時。以公主下降。公主供佛像於廟。今番人名招。招者譯言如來也。其地猶有唐時中國載去佛像。明成化中。烏斯藏大寶法王來朝。辭歸時。以半駕鹵簿送之。遣內監護行。內監至四川邊境。即不能前進而返。留其儀仗於佛廟。至今往來之人。多有見之。此載於明實錄者。爾等將山川地名。詳細考明具奏。

平定準噶爾方略前編卷之六

五

臣等謹按唐一行言。天下山河之象存乎兩戒。北戒負終南地絡之陰。自北而東。為北紀。南戒負終南地絡之陽。自西而南。為南紀。此特就中國之地。以終南山分兩戒。而其說未

盡也。考禹貢所導大川有四。河與江漢同入東海。而三水之源。並在諾莫琿。烏巴西達罕。以內。惟黑水入於南海。而其源則在諾莫琿。烏巴西達罕以外。幹以外者南。幹以內者東。所謂兩戒之說也。然而自古以來。未有知而言之者。惟我

聖祖仁皇帝五十六年。

平定準噶爾方略前編卷之六

六

詔遣喇嘛楚兒沁藏布喇木占巴。及理藩院主事勝住等。徧歷西海西藏所在。量測星野。圖畫地形。於江河諸水。無不盡得其源委。復

命廷臣。詳考名實。載之職方。傳信萬世。皇哉備矣。方今諸番回部。內隸臣僕。西極之壤。盡入版圖。直包烏斯藏西南以外。皇上命使。候星辰。度道里。圖寫職方。用資

乙覽。莫不以照以歸歸我同文之盛。極從古未到之

絕域。考歷代未拓之遠猷。又豈止於都護所

領。榮木所譯而已哉。

壬午。

命四川總督年羹堯酌定官兵凱旋入口諸路。

年羹堯疏言大兵平藏後。有從征把總哈元成

還。言自西寧進藏路。瘴氣獨盛。現在平藏師旋。

平定藏軍略圖卷六

七

並欲由巴爾喀木一路。度凱旋軍士所攜口

糧。計日尙有餘。所慮馬匹至中途疲甚。雖有口

糧。或不能裹負而行。謹飛檄各處。多運米以備

接濟。議政大臣等議如所請。奏入。得

旨依議。年羹堯奏進藏大兵由巴爾喀木一路凱旋朕

念武格等所領滿兵由雲南出口進藏。今回兵時。若

仍令往雲南則路途遙遠。著即同四川省凱旋之兵。

從四川入口。其雲南綠旗兵丁。著年羹堯擇路近之

處。發往雲南西寧進藏兵。著從松潘一路行走。至松

潘後。相視道里遠近。或從口外前往西寧。或從口內

行走。俱着年羹堯酌量辦理。

丁亥

增給征西將軍祁里德軍前滿洲兵。

上諭議政大臣等曰。將軍祁里德奏伊軍前滿洲兵少。

平定藏軍略圖卷六

六

請將將軍傅爾丹處所領右衛滿兵。酌量撥給。朕思

傅爾丹處之兵。不必調遣。可將右衛烏鎗兵派五百

名。京城烏鎗兵。每旗派四十名。發往祁里德軍前。又

富寧安軍前滿兵亦少。傅爾丹駐兵之處。與巴里坤

相近。或將傅爾丹所領滿兵。量撥富寧安軍前。又祁

里德傅爾丹兩路官兵。或合為一處。爾等議奏。尋議

曰。應發右衛滿兵五百。八旗滿兵三百一十。令

副都統瓦哈里率之赴祁里德軍。其傅爾丹所屬滿兵調給富寧安軍。至祁里德傅爾丹兩路兵。或應合一。路請令大將軍會議奏。

聞再議。奏入。

上從之。

十二月庚申。

振武將軍傅爾丹等請預給官兵明年俸餉。

平定準噶爾方略前編卷之八

九

傅爾丹等疏言明年大兵進勦。請借支官兵一年俸餉銀。凡二十六萬三千四百兩有奇。於每季每月扣除如數。議政大臣等議如所請。奏入。得

官軍興時。需用錢糧甚多。爾等於傅爾丹奏請之處。應相度機宜。詳核定議。明年果否進兵。及官兵之馬匹器械。會否齊備。糧餉作何運送。將軍等並未奏聞。爾

等亦未議及。止議借支餉銀。倘明年不進兵。至後年進兵。將再借乎。否乎。從前運到軍前之米。及種地所收之糧。果否足用。又各官自備牛種。交收之糧。或係空名。亦未可定。官兵惟以借餉為事。不思借無底止。則錢糧易至匱乏矣。如聽信兵丁之言。預期借餉。又徵俸明年撤兵。或謂功成之日。必邀恩免。此豈將兵之道乎。爾等不加詳核。罷軟從議。亦屬不合。軍務本無年限。必詳加籌度。使糧無匱乏。乃於軍務有益。此本著再議具奏。尋議曰。傅爾丹奏請支餉一年。即給不便。應令大將軍等會議。明年當進兵與否。及傅爾丹一路兵餉。可否支給。具摺奏。

平定準噶爾方略前編卷之八

十

聞再議。奏入。

上從之。

康熙六十年春正月辛巳。

議叙勦撫生番官兵。

四川總督年羹堯疏言。打箭爐外。里塘所屬上下牙色。上下雅尼。巴塘所屬桑阿壩。林卡石等處。生番出沒不常。數行剽掠。臣遣兵勦撫。悉降之。議政大臣等議。俟軍務告竣。官兵悉予議叙。奏入。

上從之。

平定回疆方略卷之六

三

癸未。

撫遠大將軍允禩奏報平逆將軍延信兵送達賴喇嘛至藏。

允禩疏言。據平逆將軍延信報。大兵送達賴喇嘛赴藏。道出雷東。噴多等處。喇嘛人眾感激。

聖恩。罔不踴躍。男婦老幼。望我天兵。襁負走迎。羣來環

繞。競奏種種樂器。合掌跪云。自準噶爾賊入。據

土伯特以來。父子夫婦。劫掠離散。人人凍餒。自謂此生不能再覩天日。今

聖主興師勦賊。拯我土伯特人。出之水火。更享昇平之福。生死月骨。無以仰報。紛紛來言。出於至誠。

奏入。報

聞。既而允禩又疏言。西藏已定。駐防尤急。今兵留者。扎

薩克蒙古兵五百。額駙阿寶兵五百。察哈爾兵

平定回疆方略卷之六

三

五百。雲南兵二百。四川兵千有一百。以公策旺

諾爾布轄之。至空布所在。第巴阿爾布巴。率先

効順。從軍取藏。阿里所在。第巴康濟鼐。與準噶

爾仇讐。擒賊部人。斷賊歸路。第巴隆布鼐。以身

來歸。並請授以職銜。伏候

諭旨。奏入。得

旨。第巴阿爾布巴。第巴康濟鼐。著俱授為貝子。第巴隆

布彙著授為輔國公。

三月己丑。

命平逆將軍延信等統兵駐藏。

上諭議政大臣等曰藏地甚屬緊要。現在吐有蒙古綠旗兵三千名駐彼。但延信已將將軍印信帶回。並無將軍統管兵馬。又無滿兵駐劄。不可不加籌畫。雲南有副都統噶什所領滿兵一千著派五百名並四川

平定準噶爾方略卷六

三

歇息之綠旗兵五百名發往。速行文延信令其前往藏地。延信及雲南四川兵到藏如彼地食物米糧稀少。可將喀喇沁翁牛特兵撤回西寧。公策旺諾爾布仍駐彼處。著議奏。尋議政大臣等議曰江寧杭州滿兵留雲南者。令都統武格副都統吳納哈率五百人。即由雲南取道進藏。綠旗兵在四川休息者。令總督年羹堯將軍噶爾弼遣一總兵官一

副將率五百人。即由打箭爐進藏。將軍延信可

毋往西寧。令佩將軍印還四川。率四川兵進藏。

統諸軍駐劄。奏入得

旨依議。前令原任雲南總督蔣陳錫巡撫甘國璧接應進藏兵糧餉。贖罪効力。若尙未去。令與此兵同往。如已赴藏地。令應付此兵糧餉効力。

庚寅。

平定準噶爾方略卷六

四

命大將軍允禔會同三路將軍定議進剿。

允禔疏言據三路將軍報稱各路馬駝糧餉俱

充足。器械俱備。官兵咸思奮勇進剿。乘策妄阿

喇布坦人心震動。即此進兵擒賊。可以直入。蕩

其巢穴。奏入得

旨著議政大臣滿漢九卿詹事科道會同詳議具奏。尋

議曰令靖逆將軍富寧安調兵至烏蘭烏蘇駐

劄。卽軍中選七千人令散秩大臣阿喇衲甘肅

提督路振聲領之。自烏蘭烏蘇路進取吐魯番。

如得其地卽令富寧安撥阿喇衲所領兵守之。

但進取吐魯番。士馬恐不足。當於振武將軍傅

爾丹軍。選三千人。益富寧安軍。傅爾丹及征西

將軍祁里德各於所在駐劄候調。再於祁里德

軍中選三千人。進略地。收取策妄阿喇布坦及

平定準噶爾方略卷六

五

烏梁海逃竄者。無人則撤還。合軍一路。設此時

策妄阿喇布坦部內有變。偵得消息。三路將軍

卽相時乘機。統大兵進勦。奏入。得

旨。議政大臣等所議甚是。朕意亦如此。籌算。將此行文

與大將軍令三路將軍各行定議具奏。

平定準噶爾方略前編卷之九

康熙六十年夏四月癸巳。

命副都統噶錫率赴滇兵還

上諭議政大臣等曰。從前令副都統吳納哈噶錫帶領

江寧杭州之滿洲兵二千名前往雲南。聽候調遣。後

派一千名進征西藏。尙有一千名留駐雲南。此內已

著武格吳納哈帶領五百名前往守藏。其餘五百名

平定準噶爾方略卷九

一

及原議自藏撤回。令至成都之一千名。今已回滇。著

噶錫俱帶回本處。

辛亥。

議輯烏梁海人衆。

征西將軍祁里德等疏言。副都統鄂三領兵出

烏蘭古木汛界。收撫烏梁海部人甚衆。議政大

臣等議曰。烏梁海人並於所在遊牧。今聞處軍

中不便。當送至巴顏珠爾克安置。再兩路將軍

去年師旋。未以策妄阿喇布坦消息報知。今年

進取吐魯番探聽賊人消息尤要。乘此雪消草

長時宜令官兵收復烏梁海散亡之衆。更於汎

界偵探機宜。奏入。

上從之。

庚申。

平定準噶爾方略前編卷之元

二

平逆將軍宗室延信以病還京。

命定西將軍噶爾弼率兵駐藏。

延信疏言遵

旨辦理。事竣還至中途。病劇不能赴藏駐防。議政大臣

等議曰。請調延信還京師。令署四川總督噶爾

弼於年羹堯還任之日。仍受定西將軍印。敕統

兵赴藏駐守。仍以都統武格叅贊。奏入。

上從之。

五月壬戌。

命撫遠大將軍允禩統兵移駐甘州。

允禩疏言。方今駐劄巴里坤兵。進取吐魯番。策

妄阿喇布坦部人必震恐。以漸來歸。但甘州肅

州等處。滿洲綠旗兵悉調赴巴里坤。臣所統兵

宜進甘州。肅州駐劄聲援。議政大臣等議曰。肅

平定準噶爾方略前編卷之元

三

州地狹甘州稍廣濶。當令大將軍允禩統領現

在西寧兵。赴甘州駐劄。經理調遣機宜。西寧地

亦扼要。宜遣大臣一人駐劄。奏入。得

旨依議。著大將軍允禩派一要緊大臣駐劄西寧管理。

甲子。

靖逆將軍富寧安奏請駐兵於伊勒布爾和碩。

富寧安疏言奉

旨令臣駐兵烏蘭烏蘇進取吐魯番更令臣定議具奏

伏思烏蘭烏蘇地狹小難駐大兵惟伊勒布爾

和碩地去烏蘭烏蘇百餘里水草既佳有險要

可據薩爾海文為通吐魯番路高處可以瞭遠

當於其地駐兵馬匹需用者留之餘馬悉於烏

蘭烏蘇色畢特地界令官兵牧放至進取吐魯

番兵當如議政大臣所議選七千人但今已議

平定邊疆方略卷之九

四

於阿爾台路撥兵三千至巴里坤如有機會可

自吐魯番進剿請更於阿爾台所撥兵增一千

人計兵八千令散秩大臣阿喇衲及提督路振

聲統之進取吐魯番更令率京城兵副都統一

人率阿爾台兵大臣一人西安副都統及總兵

官現住巴里坤者各一人同往並令阿喇衲統

轄奏入

上從之

戊寅

命諸路暫停進兵

上諭議政大臣等曰從前議欲今年大兵進剿後經議

政大臣等議進取吐魯番扼其要地再偵探策妄阿

喇布坦實信相機而行已行文大將軍允禩及三路

將軍近據大將軍允禩密奏以軍務重大欲俟明年

平定邊疆方略卷之九

五

進兵朕意亦如此今年大兵著暫停進剿其進取吐

魯番扼住要地之處俱著停止行文各路將軍將器

械馬匹口糧諸務俱令預備整齊俟來年進兵其間

如有可乘之機富寧安駐兵之處相近著即酌量而

行

甲申

以侍讀學士常授為理藩院額外侍郎駐西寧

撫遠大將軍允禩疏言奉

旨令大臣一人駐劄西寧辦事查西安將軍宗扎卜嘗

調駐西寧又侍讀學士常授任青海事有年可

否令其駐劄奏入得

旨常授著授理藩院額外侍郎駐劄西寧辦事宗扎卜

著赴大將軍允禩處聽候調遣

乙酉

平定準噶爾方略前編卷五

六

以年羹堯為陝西四川總督

上諭大學士等曰陝西總督鄂海著辦理軍前糧餉四

川總督年羹堯著兼理四川陝西總督事務原任侍

郎革職色爾圖著署理四川巡撫事務皆馳驛速行

赴任

庚寅

命調黑龍江吉林新滿洲索倫達呼里兵及和托輝特

喀爾喀烏梁海各台吉貝勒兵赴軍前

上諭議政大臣等曰大將軍允禩明年欲行進兵或今

年冬季策妄阿喇布坦處廢敗事出有機會可乘亦

未可定應令副都統穆克登將黑龍江吉林之新滿

洲索倫達呼里官兵揀選五百名和托輝特公博貝

之弟台吉圖巴於伊兵內酌量派出幾人再喀爾喀

貝勒丹津多爾濟揀選伊屬下兵丁烏梁海扎薩克

平定準噶爾方略前編卷五

七

台吉托穆克帶伊屬下兵丁俱赴巴里坤軍前預備

調遣著速議具奏尋議黑龍江吉林之新滿洲索倫

達呼里官兵當令穆克登統領進發喀爾喀兵

當令貝勒丹津多爾濟統領進發奏入

上從之

甲午

居烏梁海降人於巴顏珠爾克

征西將軍祁里德等疏言新撫烏梁海二千五百三十一人。應以滿洲兵三百。喀爾喀兵二百。送至巴顏珠爾克居之。更於車臣汗等旗所統兵選三百。以台吉一人。副台吉二人。同駐防守。議政大臣等議如所奏。奏入。

上從之。

六月丙申。

封平逆將軍延信為輔國公。

上諭宗人府曰。平逆將軍延信。朕親伯之孫。朕之姪也。

此番統領滿洲蒙古綠旗兵丁。過自古未到之烟瘴。惡水。無人居住之絕域。殲滅醜類。平定藏地。允稱不辱宗支。克展勇略。深屬可嘉。著封為輔國公。

撥涼州披甲者駐西寧。

撫遠大將軍允禩疏言。臣今赴甘州。率西寧兵。

平定邊疆方略卷之九

八

往。請調滿洲兵自西寧進藏。還者赴西寧駐劄。議政大臣等議曰。滿洲官兵自西寧隨平逆將軍延信進藏。還者前已奉諭旨令還京師。請撥駐劄涼州。喂馬披甲者數百人。於西寧駐劄。即令侍郎常授管轄。奏入。

上從之。

壬子。

以覺羅伊禮布署西安將軍。

西安將軍宗扎卜疏言。臣遵

旨赴撫遠大將軍允禩軍。但今西安左翼滿洲副都統

常壽。漢軍副都統鄧奇章。悉在巴里坤軍前。右

翼滿洲副都統缺未補。漢軍副都統班岱老病。

請遣大臣一人。赴西安署將軍印務。議政大臣

等議曰。西安右翼滿洲副都統缺。已授駐劄西

平定邊疆方略卷之九

九

寧副都統覺羅伊禮布應以將軍印令伊禮布署理。班岱老病應令還京奏入。

上從之。

乙卯。

命靖逆將軍富寧安收撫吐魯番。

先是富寧安疏言吐魯番歸附回人阿喇卜坦等訴言各城潛藏回人約五百餘悉願歸誠宜

平定準噶爾方略前編卷之九

十

即派兵收撫。但他哈爾齊哈喇沙爾諸處與吐魯番近。聞大兵到回人必悉欲歸誠。不得不派兵防守。而輓運糧餉甚難。以此尚未發兵收撫。奏入報。

聞至是又奏吐魯番回人阿里木和卓等訴言策妄阿喇布坦將衆回人遷赴哈喇沙爾。回人相率逃歸。準噶爾之人來追。回人併力擊退之。現駐魯

克察共議以托克托瑪木特等為首。令我等祈請速為救援。臣等議衆回人景慕德化。悉願來歸。當即遣兵收納。但策妄阿喇布坦未滅。將吐魯番回人收納。勢必屯兵守護。恐糧運艱難。尚未遣兵收納。奏入。

平定準噶爾方略前編卷之九

十一

上諭議政大臣等曰據富寧安奏稱策妄阿喇布坦將吐魯番回人托克托瑪木特等遷往哈喇沙爾地方中途逃回在魯克察地方駐劄等語。現今歸順之回人與準噶爾之人爭鬪。將準噶爾之人殺害。取甲來獻。觀此情形。策妄阿喇布坦似略無報復之意。或伊同黨內有不睦。亦未可定。此機不可輕失。朕意策妄阿喇布坦將伊等不能遷往哈喇沙爾。又不能護衛準噶爾之人。足見萬不能敵我兵。今收復吐魯番若不看守。則策妄阿喇布坦處歸順之人。以及來使逃

人有回人居中倘行殺掠此路必致阻隔爾等速議行文富寧安派綠旗兵一千名察哈爾厄魯特蒙古回兵一千名前赴吐魯番收納歸降回人照舊駐劄

將歸順之人及來使逃人往內解送之處牢設哨汛今回人歸降於我與厄魯特世成仇敵即係我民其巴里坤相距吐魯番止六百里為途不遠如果策妄阿喇布坦率眾侵擾我兵前去救援不遲著富寧安

平定邊疆方略卷九

三

預行轉飭回人等於我軍尚未抵境之時若有策妄阿喇布坦處來使逃人萬勿隱匿侵犯即行解送著議奏尋議回人頭目托克托瑪木特等來歸當遣兵防護行文富寧安等遵

諭旨行至蒙古回兵令輝特公巴濟率往察哈爾兵以巴爾虎侍衛阿玉錫為副都統與侍衛克什圖同率往綠旗馬步兵令富寧安選派總兵官

人率往更令散秩大臣阿喇納統轄同往所需兵糧如何輓運令富寧安等酌議行奏入

上從之又

諭議政大臣等曰得今年歸順之厄魯特回子之信及西邊歸順之厄魯特信息知從前策妄阿喇布坦地方甚是震動但去冬至今策妄阿喇布坦移駐伊犁地方未得確信倘策妄阿喇布坦處果有變亂核會

平定邊疆方略卷九

三

斷不可失著行文將軍富寧安傅爾丹祁里德等用心偵探確實信息具奏

臣等謹按逋寇將殄其與必孤譬木之就稿則枝葉零落先之唐不受悉怛謀降竟以委敵失策甚矣吐魯番地近巴里坤為準噶爾部來使必經之路今傾慕聖化率先內附此足徵準噶爾之殘暴不能撫眾也是

時任事諸臣。有以調兵輓餉為慮者。賴我

聖祖仁皇帝睿謨內斷。燭照幾先。遂撫其眾。且護以兵。

準噶爾瓦解之勢。已基於此。我

皇上因策凌策凌烏巴什等來歸。即予收納。撫順討

逆。

神機默運。威行絕域。用能殄數十年之逋寇。而諸蕃

綏靖。跡接響臻。所以閔紹

平定準噶爾方略卷之九

古

前猷。垂光萬禩。後先一揆。何其盛歟。

庚辰。

遣兵救護歸順回眾。

撫遠大將軍允禩疏言據靖逆將軍富寧安呈

報和勒博斯額穆齊宰桑率五百厄魯特兵。將

回人圍困。彼此互有殺傷。若遣兵救援。厄魯特

勢必逃竄。回人必乞留兵護守。但留兵少。則無

益於事。多則糧運艱難。不留兵。則魯克察克有

回人萬餘。勢必隨入內地。不收撫。則旋師後。恐

厄魯特乘之。欲收撫。又恐無以資口食。屯駐哈

密則地狹小。扎薩克額敏亦不能收郵。移至布

隆吉爾達里圖各處安置。則戈壁難行。需糧亦

多。以此籌畫再四。未即救援。臣即檄行富寧安

云。收撫回人事。蒙

平定準噶爾方略卷之九

五

皇上睿鑒。令發兵二千赴吐魯番。

諭旨到即派兵速往。視形勢要隘。設汛哨。嚴防守。至輓

運糧米。巡撫綽奇。已在其事。議政大臣等議曰

當如所奏。更令統領官兵散秩大臣阿喇納。以

所得消息報富寧安。有當救援之處。令富寧安

酌行奏入。

上從之。尋富寧安疏云。臣遵

旨派兵二千防守吐魯番令散秩大臣阿喇納率往。又

烏蘭烏蘇以內有科舍圖色畢特各處為赴吐

魯番隘口。且與戈壁聯界。臣專派署前鋒統領

法璫等率兵一千。據守要害。又恐賊眾由戈壁

後路來襲法璫等屯兵則科舍圖以內有地曰

鄂隆吉亦為扼要。當於鄂隆吉設哨兵二百令

侍衛哲爾德率往。議政大臣等議如所奏。奏入。

平定邊疆籌辦卷元

六

上從之。

辛丑

命副都統穆克登貝勒丹津多爾濟率兵五百名赴巴

里坤軍前。叅贊軍務。

九月辛卯。

命簡撤各營官兵。

上諭議政大臣等曰。各路隨征兵丁內有殘疾年老者

虛耗糧餉。無濟軍務。應行文大將軍將軍等查明撤

回。并令派官管領。回兵之時。勿致沿途生事。富寧安

尋奏於巴里坤官兵內查出年老病廢不能効

力者官七人。護軍披甲二百二十五名。察哈爾

兵一百八十名。即於其中官員內簡派管轄遣

還。至吐魯番科舍圖鄂隆吉各處及巴里坤留

駐兵共二萬一千一百。其遣還兵缺可以不補。

平定邊疆籌辦卷元

七

議政大臣等議如所請。奏入。

上從之。又祁里德疏奏遣還軍中年老病廢之人。得

旨軍中年老病廢之人著查明遣回。副都統巴勒年老

亦令回京。其在軍中亡故之人骸骨著送回各原籍

埋葬。尋都統圖刺等奏吉林署營總齊理布等四十

五人兵五百七十二名。及自以資斧赴軍効力

藍翎侍衛綽爾海等二人。當遣還。其官兵缺停

補奏入。

上從之。

甲午。

以公策旺諾爾布代噶爾弼為定西將軍赴藏。四川陝西總督年羹堯疏言定西將軍噶爾弼率兵赴藏。至瀘定橋。病不能進。奏入。得

旨。噶爾弼患病調養尚需時日。其將軍印著齋付公策

平定準噶爾方略前編卷元

六

旺諾爾布署理。額駙阿寶都統武格俱著叅贊軍務。

戊戌。

命大將軍允禩靖逆將軍富寧安等進守吐魯番。

征西將軍祁里德疏言遵

旨令叅贊副都統鄂三派遣官兵往阿爾台。哈道里各

處。遇厄魯特烏梁海之人即為擒之。探得消息

亦即馳報。又遣和托輝特公博貝所屬察胡賴

等往洪郭壘哈撒勒扎爾圖喇各處探取策妄

阿喇布坦消息。據叅贊副都統鄂三所遣官兵

還報前路哨探絕無行人踪跡。據察胡賴等還

報云。詢洪郭壘哈撒勒扎爾圖喇居人言策妄

阿喇布坦已死。子噶爾丹策零收聚部下之厄

魯特及居於阿爾台之烏梁海等不知遷徙何

處。臣復遣察胡賴等往探。如得實即行文將軍

平定準噶爾方略前編卷元

九

富寧安傅爾丹等同率大兵乘機進剿疏入。

上諭議政大臣等曰。上年策妄阿喇布坦將伊邊界之

人收去。又將吐魯番回人移往哈喇沙爾。其阿爾台

烏魯木齊等處無一哨汛因其寂然以處。遂有策妄

阿喇布坦身死之信。然不可據以為實也。覽將軍祁

里德奏策妄阿喇布坦若果身死。則機不可失。請預

備進兵。爾等行文大將軍及靖逆將軍富寧安等。今

歲將吐魯番堅守為要。又阿爾台吐魯番一帶汎地均宜加意防守。冬令雪降草枯之際。不可貪功輕進。且將兵丁馬匹一應什物整齊備辦。以俟來年大舉征勦。此旨著即行抄錄。傳諭軍前大臣等知之。

庚子。

命靖逆將軍富寧安進兵伊勒布爾和碩。

先是。

平定遠疆方略卷之元

三

上諭議政大臣等曰。阿喇納看守吐魯番地方。恐兵勢單弱。應行文將軍富寧安酌派官兵遣往吐魯番駐劄。至是富寧安疏言。臣奉

諭旨。派兵二千。令副都統莊圖率領。於八月十六日啟行。赴吐魯番。今又派兵二千。令副都統穆克登等率領。於九月初三日啟行。赴吐魯番。昨據散秩大臣阿喇納報云。十月雨雪之際。擬乘賊無

備。進兵襲擊。雖吐魯番兵勢不弱。但恐賊兵乘我軍後。請親率兵四千進駐伊勒布爾和碩。調遣策應。巴里坤留兵三千。請令都統睦森率領。奏入得

旨。令議政大臣等議奏。尋議應如所請。但今冬雨雪時

祇可就近地襲擊。不宜深入。奏入

上從之。

平定遠疆方略卷之元

三

戊申。

增給在營兵官羊。

靖逆將軍富寧安疏言。康熙五十七年。

皇上恩賚。巴里坤官兵羊七萬隻。經進兵襲擊。及派兵吐魯番。諸處撥用之外。存羊二萬餘。今吐魯番屯駐官兵。宜續運口糧。每石需運費銀幾三十兩。若以一羊抵米一斗。值止一兩五錢。而解送

上從之。

尤易請再撥官羊數萬。送巴里坤軍前。不惟吐魯番諸處軍餉。羊米兼給。省費甚多。即於來年進勦軍儲亦有益。議政大臣等議如所請。奏入。

癸丑。

靖逆將軍富寧安奏報敗賊於吐魯番。

富寧安奏言據散秩大臣阿喇納報九月初八

平定準噶爾方略前編卷之九

主

日探知策妄阿喇布坦遣人犯吐魯番城。即派侍衛克什圖等率兵迎戰。阿喇納親率官兵尾其後。至中途見賊二千餘人與克什圖兵列陣交戰。遂以所領策應兵分為三隊奮勇衝擊。賊不能敵。敗入林中。官兵追勦入林。賊復棄騎步戰。我師鎗礮齊發。擒殺賊百餘人。獲軍械馬匹。無算。賊衆奔逃。我師追捕數十里。因時已薄暮。

不便深入。乃派公巴濟等率兵五百伏林中偵探防守。餘兵撤還。伏思吐魯番地恐賊人窺伺。已先奉

旨添兵駐劄。今果如

聖算奏捷。請於科舍圖駐劄處更增兵五百。鄂隆吉駐

劄處增兵三百。防賊人由戈壁犯我哨汛。且科

舍圖鄂隆吉地近阿爾台。有事接應調遣尤便。

平定準噶爾方略前編卷之九

主

又前以阿喇納報今冬雨雪時欲進兵襲擊。故疏請移駐伊勒布爾和碩。為之聲援。今賊人敗潰。盡知我師在吐魯番諸處。其邊境必懼而防守。未可襲擊。阿喇納兵。今冬宜姑緩勿進。臣仍統兵駐巴里坤。俟來年大舉進勦。議政大臣等議如所奏。奏入。

上從之。

丁巳。

詔立碑西藏。

蒙古王貝勒貝子公台吉及土伯特酋長等奏

西藏平定請於招地建立豐碑以紀盛烈昭垂

萬世。

上允所請。

御製碑文曰昔者

平定邊疆

舌

太宗文皇帝崇德七年班禪額爾德尼達賴喇嘛顧實

汗謂東土有

聖人出特遣使自人跡不至之區經仇敵之國閱數年

始達盛京至今八十載同行善事俱為施主頗極安

寧後達賴喇嘛之歿第巴隱匿不奏者十有六年任

意妄行拉藏滅之復興其法因而允從拉藏青海羣

衆公同之請中悶策妄阿喇布坦妄生事端動準噶

爾之衆肆行奸詐滅壞達賴喇嘛并廢第五輩達賴

之塔辱蟻班禪毀壞寺廟殺戮喇嘛名為典法而實

滅之且欲竊據土伯特國朕以其所為非法爰命皇

子為大將軍又遣朕子孫等調發滿洲蒙古綠旗兵

各數萬歷烟瘴之地士馬安然而至賊衆三次乘夜

盜營我兵奮力擊殺賊皆喪胆遠遁一矢不發平定

西藏振興法教賜今朔畢勒罕冊印封為第六輩達

平定邊疆

舌

賴喇嘛安置禪榻撫綏土伯特僧俗人衆各復生業

於是文武臣工咸謂王師西討歷瘴癘險遠之區會

未半載輒建殊勲實從古所未有而諸蒙古部落及

土伯特酋長亦合詞奏曰皇帝勇略神武超越往代

天兵所臨邪魔掃蕩復興蒙古向所尊奉法教坎麻

藏衛等部人衆咸得拔離湯火樂土安居如此盛德

大業非臣下頌揚所能宣罄請賜御製碑文鐫勒招

地以垂永久。朕何功焉。而羣衆勤請不已。爰紀斯文。立石西藏。俾中外知達賴喇嘛等三朝恭順之誠。諸部落累世崇奉法教之意。朕之此舉。所以除逆撫順。綏衆興教云爾。

議勦郭羅克番。

駐劄西藏額駙阿寶。報青海索羅木之西。有郭羅克部落唐古忒等。肆行劫掠。往來行旅。曾盜

平定準噶爾方略卷之九

庚

駐劄索羅木兵馬匹。郭羅克與內附之多隆汗地相近。當檄令多隆汗宣示之。令遵守法度。毋復肆橫。倘不遵戒約。請即以兵懲其首惡。令多隆汗於部內選才能者。使領郭羅克衆。則西寧青海諸處來使及商販俱稱便。議政大臣等議如所請。奏入。得。

旨。額駙阿寶請將郭羅克部落懲治。所言甚當。郭羅克

地方近四川松潘一路。與多隆汗接壤。應行文總督年羹堯。提督岳鍾琪等。著向多隆汗處。詳詢郭羅克地方形勢。若何發兵進勦。用力幾何。如易於攻取。即令岳鍾琪。帶領松潘兵進勦。倘地險勢衆。應酌量派遣滿洲蒙古兵丁。及附近之察罕丹津處。亦令派兵協助。前往進勦。著大將軍允禩。侍郎常授。總督年羹堯。提督岳鍾琪。會同定議而行。尋年羹堯疏言。郭羅

平定準噶爾方略卷之九

壬

克各寨。有隘口三。悉險峻。宜步不宜騎。若調兵多。則邊外聞之。賊得潛為備。不如以番攻番。酌遣官兵。率領為便。臣素知近郭羅克如雜谷諸處。土司土目亦病其肆惡。願以兵助勦。臣與岳鍾琪議。遣官與雜谷土司等約。適額駙阿寶移文奉

旨。命臣與岳鍾琪酌議進勦機宜。臣即移提臣令速赴

松潘選領鎮兵。及督率土兵進發。議政大臣等
議如所請。奏入。

上從之。

冬十月丙寅。

命理藩院侍郎常授甘肅按察使巴襲。管理西寧柴達

木諸處軍餉事務。

撫遠大將軍允禔。奏請赴京。

平定邊防方略卷之九

夫

許之。

撫遠大將軍允禔疏言。賊厄魯特侵犯吐魯番。

為我兵所敗。鼠竄而去。來年當大舉翦滅。請容

輕騎赴京。請

訓旨。議政大臣議如所請。奏入。得

旨。大將軍允禔令其來京。將印交與平郡王訥爾素。此

際若策妄阿喇布坦屬下。有自相離潰。率眾來歸者。

則大將軍停止來京。可速赴肅州。將軍祁里德亦令

來京。將印交與都統圖喇。將軍傅爾丹軍前之前鋒

統領丁壽。護軍統領覺羅涂喇亦令將伊等事務交

明來京。將軍富寧安亦令於軍中派一可托大臣來

京。俱於年內到京。以便指示來年大舉進勦方略。

戊辰。

運河南湖廣米豆赴甘州涼州。

平定邊防方略卷之九

元

辦理糧餉事。陝西總督鄂海疏言。遵

旨。至甘州料理糧餉。甘州各處山多田少。所獲糧草無

幾。不得不為多備。今河南湖廣糧已運至陝西。

請於其中撥米六萬石。豌豆四萬石。以其半送

甘州。半送涼州。如豌豆不足。即以米抵之。議政

大臣等議如所請。奏入。

上從之。

乙亥

增墾烏蘭古木地

征西將軍祁里德疏言於今春三月遣官兵在

烏蘭古木之特里河邊耕種每麥種一斗收麥

二石有餘烏蘭古木地煖土肥請於來年多墾

之可望大收所收糧用駝自特里運至烏巴薩

池更以過渡小船由特里河至營費省而於餉

平定準噶爾方略卷之九

三

有益議政大臣等議如所請奏入

上從之

十一月壬辰

命原任總督額倫特侍衛色楞副都統查禮渾等世職

准予承襲兼議卹提督康泰等

上諭大學士等曰原任總督額倫特侍衛色楞副都統

查禮渾皆陣亡伊等世職俱著承襲又陣亡提督康

泰總兵官康海司九經俱著議敘伊等有世職亦著

承襲西安佐領扎木素漢仗好在軍中頗出力索倫

藍翎扎倫察漢仗好交戰時頗勇猛射死數賊身受

重傷自盡俱著交部議敘

十二月壬申

四川提督岳鍾琪奏平郭羅克番

岳鍾琪疏言勦撫郭羅克番已平得

平定準噶爾方略卷之九

三

旨據岳鍾琪奏賊番伏兵千餘突出對敵被我土兵連

敗數陣逃奔過河復攻取下郭羅克之吉宜卡等二

十一寨殺死賊番甚多連夜進兵直抵中郭羅克之

納務等寨賊番猶敢對敵我兵奮不顧身自卯至酉

連克一十九寨斬殺三百餘人擒獲賊首酸塔爾榜

索布六戈復親督官兵抵上郭羅克之押六等寨止

欲攻取該寨頭目旦增等將首惡假磔併為從格羅

等二十二名綁縛獻出。率領闔寨男婦老幼叩頭乞

命。只將為從賊番。盡行正法。首惡酸塔爾榜索布六

戈。假磕解送等語。殊屬可嘉。在事官兵。著議敘具奏。

癸未。

命陝西總督鄂海。按察使永泰。赴吐魯番墾地。

上諭議政大臣等曰。吐魯番現駐官兵。其可種之地甚

多。總督鄂海。按察使永泰。在大將軍處。無甚事務。著

平定準噶爾方略卷之十

三

前往吐魯番地方。種地効力。議政大臣等奏。鄂海管

理甘州糧餉。今往種地。糧餉事。請令綽奇管理。

奏入。

上從之。

平定準噶爾方略前編卷之十

康熙六十一年春正月庚子。

命齋諭哲卜尊丹巴胡土克圖暫停進兵。

上諭議政大臣等曰。策妄阿喇布坦之兵。屢被我師擊

敗。死傷頗多。策零敦多卜等賊眾。亦大半死亡。棄藏

竄走。仍回伊犁地方。固守三嶺。若我滿洲兵至。則舍

命交戰。勢有不敵。又思逃避他所。希圖存活。此等情

平定準噶爾方略卷之十

一

形瞭然可睹。朕數日來。細加尋繹。伊犁山蹊險隘。我

朝大兵。雖欲今年進剿。倘為三嶺阻隔。遲延時日。或

策妄阿喇布坦戰敗。帶領妻子逃往。則我師應否追

剿。不可不詳加定議。今策妄阿喇布坦之伎倆。悉已

深知。策妄阿喇布坦亦稔知天朝兵威所加。勢必不

能自存。但此時遽遣使向策妄阿喇布坦處招撫。彼

不知我寬仁之意。反以為不能取彼。復生他心。亦未

可定爾等可議寫發往策妄阿喇布坦之書著哲卜尊丹巴胡土克圖選派好喇嘛為使作速差往其差往之人過阿濟嶺由吐魯番一路前往不久可到彼處信息情形亦即得聞知如胡土克圖之使者善為曉諭策妄阿喇布坦畏懼天討將拉藏妻子家屬并從前被擄之人送來請罪誠心投順永不敢侵犯邊隅如此可另行商酌倘策妄阿喇布坦已死或伊處內變生亂除向天朝投奔外彼將焉往則我兵進發亦不可緩即一面進兵一面差使亦無耽擱之處今各路兵丁或向伊犁前進或於吐魯番固守漸近烏魯木齊等處駐劄營寨相機而行或幾路前往襲擊以及大兵糧餉作何運到之處著議政大臣軍前調回將軍大臣會同核議妥確具奏尋議曰將齋諭胡土克圖發往策妄阿喇布坦書呈

平定準噶爾方略前編卷之二

二

覽令胡土克圖選派喇嘛齋往且覘其消息果誠心歸順即馳報駐劄吐魯番協理將軍阿喇衲相機行事似宜暫緩進兵伊犁至於吐魯番駐兵固守或進烏魯木齊等處立營駐劄請令將軍富寧安阿喇衲等遵行並將收放牲畜耕種地畝修造城池及巡防汛界輓運糧餉之事詳議入奏但自吐魯番往哈喇沙爾取道有二或沙漠水少或山巒險隘若進兵襲擊需兵幾何糧餉輓運若何亦令富寧安阿喇衲等議奏今駐巴里坤綠旗步兵五千當發吐魯番築城種地駐防令即啓行其軍糧農器令將軍富寧安總督年羹璽巡撫綽奇辦理奏入得旨依議其向伊犁進兵之事議令暫停姑待機會行事此議甚是其綠旗步兵五千名議令發往吐魯番亦

平定準噶爾方略前編卷之二

三

甚是。巴里坤距吐魯番不遠，催趨行走。六七日可到。但綠旗兵丁，每二人共馱馬一匹，所馱乾糧，俱於此馬馱載。若有倒斃，勢必用他馬分馱，惟恐負重，以致馬匹多損。漢人不能喂養馬匹，著將此綠旗兵丁乾糧，俱於官馬馱載。另分隊伍，令人管轄輓送，再交與哲卜尊丹巴胡土克圖，發往策妄阿喇布坦之書，詞句稍繁，俟朕刪改發往。

庚戌。

平定回疆方略卷之十

四

命侍郎敦禪都統圖思海等輓運軍餉。

敦禪等疏言：去年七月，都統圖思海等運到米

撥給布魯爾一路之外，其布拉罕一路，存糧尚

足支一年。但路遠軍儲宜預，又接都統圖思海

文云：前運糧至郭多里巴勒噶遜，曾以喀爾喀

駝接換馱載，運至察罕度爾諸處，但來年輓運

更多，請以大同宣府飼養之駝，增給更換，令都

統圖思海等，以糧運至察罕度爾後，駝仍送還

大同宣府牧養。議政大臣等議如所請，奏入，得

旨：軍前運送米糧，係敦禪薩哈布圖思海公同之事，今

敦禪薩哈布在彼處無事，著調回，與圖思海等一同

輓運。彼此看管，運至察罕度爾將軍處交納，其帶回

駝隻，公同看管，送至大同宣府交納處，再往軍前。

二月壬申。

平定回疆方略卷之十

五

命詳議協理將軍阿喇衲征西將軍祁里德所奏軍事。

阿喇衲疏言：臣等遵奉

諭旨，將賊人形勢難易之處密奏。臣觀賊人進退雖熟，

踪跡甚輕。雖有烏鎗鉛藥甚少，我兵鎗礮悉備，

鉛藥充裕。此勝賊者一也。賊人雖有鎗戟，少弓

箭。我兵鋒刃鈔利，弓馬強勁。此勝賊者二也。賊

衆臨陣易敗。惟恃乘隙侵掠。我兵部伍整齊。無間可乘。此勝賊者三也。賊衆以乘夜盜馬爲得計。我兵有備。彼不能入。此勝賊者四也。賊衆遊牧我地。似若便易。我兵一至。輒爲妻子牲畜所累。狼狽相顧。不能一心迎戰。此勝賊者五也。從此直至伊犁。搗其巢穴。掃蕩匪難。惟是賊人路徑處處可通。我駐兵後路。賊來一夕可到。我兵

平定準噶爾方略前編卷之十

六

遠設汎界。或被攔截。反致消息阻隔。卽今所種吐魯番地畝。亦須防其侵擾。今大兵或前移烏魯木齊。駐劄。臣等亦前移吐魯番布刊近地。駐劄。彼此接應。旣可斷賊人潛襲之路。而屯地亦無虞侵擾。謹以勘丈吐魯番相近地形。繪圖呈覽。爲進兵計。可分爲三路。阿爾台一路。由科卜多沿河

越額爾齊斯河進發。巴里坤一路。由烏魯木齊

進發。吐魯番兵。由阿勒揮口。越那拉特嶺進發。每路可用兵一萬五千。賊若三路來迎。則勢分易敗。若一路來迎。則我以一路兵與戰。以兩路兵直抵其妻子屯駐之地。彼必不能兼顧。且其所恃爲阻隘者三嶺。然可步而上。非若棧道之險也。彼所恃以資生者牛羊與乳。若悉衆聚於一地。水草無多。牲畜易盡。勢必人自謀食。紛紛

平定準噶爾方略前編卷之十

七

離散。旣散之後。不能復聚。乘此勦滅之。其勢甚易。但時日未可預定。軍糧亦宜預籌。今歲吐魯番墾種之地。不能多獲。若米糧未卽運到。不若暫以諸路兵撤至哈密阿爾台新城駐劄。聚積軍糧。操演兵力。俟賊人內變勦滅。似於國帑民力悉便。又祁里德疏言策妄阿刺布坦逞虛妄之詞。集烏合之衆。天兵一至。勢必瓦解鼠竄。若

我兵如前整備。調集土馬。持四月糧。由吐魯番

烏魯木齊。霍爾山前山後。四路約期同進。則軍

威震疊。彼必不能支。或即歸順。或各逃亡。策妄

阿喇布坦。無計遠遁。若竄入阿拉克山。必成擒

矣。倘以伊犁路遠。我兵尚煩跋涉。姑俟其內變。

乘機進取。請以阿爾台。兩路兵。前移伊勒布爾

和碩地。會巴里坤兵。秣馬裹糧。駐劄以待。又或

平定邊疆方略卷之十

八

以賊人竄處窮邊。暫停天討。以恤生靈。請於駐

兵處。整肅兵馬。墾種地畝。為久駐計。奏入。得

旨。令議政大臣議奏。尋議協理將軍阿喇納陳奏甚詳。

能得肯綮。將軍祁里德所見相同。但近日哲卜

尊丹巴胡土克圖。既遣使往策妄阿喇布坦。當

俟其還報定奪。至大兵前移烏魯木齊。堅立營

寨。修城種地。可否駐劄防守。令將軍富寧安阿

喇納。速議入奏。其阿爾台一軍。今年在伊勒布

爾和碩。牧養馬匹。俟來年由烏魯木齊。分四路

進發。當如祁里德奏行。奏入。得

旨。令在京議政大臣會議。尋議曰。將軍阿喇納祁里德

所奏。與扈從諸王大臣所議甚詳。今吐魯番駐

兵種地。多積米糧。悉關機要。蒙

恩賜給吐魯番種地人牛羊。又令哈密回人。一同墾種。

平定邊疆方略卷之十

九

尤於軍糧有益。惟所墾之地。或恐策妄阿喇布

坦。潛來侵犯。宜嚴防守。請令將軍阿喇納等酌

留馬兵。以資捍禦。兼備擒勦。奏入。

上諭議政大臣等曰。今年大兵前進。駐劄烏魯木齊地

方。爾等僉慮米糧不能接濟。或致遲悞。彼時撤兵不

可。駐兵不可。似有煩難之處。朕亦慮及。但我兵預備

數載。去年曾議進兵。而竟不果。今年若再駐劄不進。

則策妄阿喇布坦得以休息一年從此或生他志。如乘此預備之兵。仍照從前令阿爾台。巴里坤。兩路兵。丁照常襲擊。前進至烏魯木齊地方。兩兵會合。如策妄阿喇布坦。果有兵來。正可勦滅。若畏懼不敢前來。即將我兵收回。各往本處駐劄。如此每年襲擊。驚擾賊衆。彼或生內變。亦未可定。爾等會同酌議具奏。

平定準噶爾方略前編卷之十

十

尋議巴里坤一軍。由烏魯木齊進勦路近。往返甚便。阿爾台一軍。亦進至烏魯木齊。其間沙漠間隔二千餘里。路遠在返較遲。况賊衆偵知我兵。克取吐魯番。悉竄匿伊犁。俟其內變。統兵進取。策尤便。至一切糧馬事宜。已令將軍富寧安等查明定議。請俟奏至再議。奏入。得

旨。我兵連年預備。若今年進兵。甚屬從容。今爾等既稱口糧可慮。著依議行。

夏四月。戊午。

議設兵屯田於布隆吉爾。

靖逆將軍富寧安疏言。嘉峪關外布隆吉爾之西。古瓜州。沙州。燉煌郡地也。昔曾建築城池。屯兵耕種。今舊址尚存。土廣可牧馬。且有河水。若於此屯田。駐綠旗兵三四千。設總兵官一人。統之。可扼通黨色爾騰之路。而於諸處調遣。悉便。議政大臣等議曰。請令將軍富寧安總督年羹堯提督路振聲定議入奏。奏入。

平定準噶爾方略前編卷之十

十

上從之。

己巳。

命撫遠大將軍允禴復往軍前。先是允禴於康熙五十七年十一月。由軍前至京。至是遵

旨復往。

五月癸巳

議給吐魯番軍糧

靖逆將軍富寧安疏言。接部文。今歲大兵移駐烏魯木齊。糧馬牲畜備否。來年大兵進勦。糧馬牲畜能接濟否。發往阿爾台官兵一萬二千及從人。自十月起支軍糧。如不足供。當如何增運。

令與總督年羹堯巡撫綽奇定議入奏。按康熙

平定回疆方略卷之十

十一

五十四五兩年。臣在肅州辦餉。月給官兵之外。又備進勒裏糧二萬一千餘石。運貯軍前。自去年三月運到軍糧缺少。令道員王全臣將原貯糧散給。復以羊給吐魯番官兵。繼此運到軍糧愈少。又令王全臣購買米穀青稞及銀散給。以是自去年秋至今年夏。軍糧無悞。今巴里坤吐魯番科舍圖鄂隆吉四處。滿洲蒙古綠旗官兵。

共二萬一千一百計。從役共三萬三千四百九

十月。需糧六千六百九十餘石。自阿爾台遣往

官兵一萬二千計。從役約二萬五千。月需糧五

千石。今年巴里坤布種青稞。用籽粒二千石。秋

成可獲糧二萬石。吐魯番新墾之地。收穫未可

預定。今給吐魯番官兵糧。自五月後不能接濟。

已令協理將軍阿喇衲乘回人種地成熟。於六

平定回疆方略卷之十

十一

月初。趣其收穫。借給官兵。俟糧到。如數償還。或以我兵在吐魯番種獲之糧補給。庶可接濟。議政大臣等議曰。應如富寧安所奏。惟吐魯番種地之處。前議遣步兵五千防守。今年若進兵至烏魯木齊。令將軍等留兵防守。若暫緩進兵。則防守地畝。有兵不可無馬。請令將軍等將馬兵酌留。兼備追勦侵犯賊人。至軍糧足供與否。亦

上從之。
令將軍富寧安查明議奏。奏入。

六月庚申。

以總督鄂海副都統克什圖管理吐魯番墾地事。

靖逆將軍富寧安疏言吐魯番等處種地儲糧為要在事大臣。恐有乘機征勦之責。請專派大

臣一人領其事。奏入。得

旨著交總督鄂海副都統克什圖一同管理。若有軍務等事照常遣用。

乙丑。

廕授藍翎達爾第喀等世職。

吏部奏言正白旗藍翎達爾第喀鑲白旗護軍

校委署章京奔祿鑲紅旗護軍校委署章京吳

勒俱進藏至索羅木地界與賊戰陣亡。當各投為雲騎尉。正藍旗藍翎委署前鋒章京查倫插進藏至喀喇烏蘇地界與賊戰。射殪數賊。被創自盡。當以陣亡例。授雲騎尉。悉令本旗以當襲之人奏襲。奏入。得

旨依議。查倫插臨敵奮勇身故。著給與騎都尉。

秋七月甲申。

議先給吐魯番軍糧。

靖逆將軍富寧安疏言前將青稞糜米籽種。運

至吐魯番。給兵播種。今據大定總兵官張弘印

呈報。回人之田。向於正月種植青稞糜子。悉已

滋長。我兵種植逾期。今苗復被旱。又據協理將

軍阿喇納呈報。籽種到遲。未及播種。作兵糧支

給。伏思回人播種成熟。可促令刈割。借給官兵。

上從之。

俟糧到償還。但必至八月收穫。此時正須預給。吐魯番官兵當給糧米六分。青稞麥四分。今悉以米運到。運送六分之外。其青稞麥四分。請令潼商道王全臣購買麥麩分給。議政大臣等議。應如所奏。至四川陝西總督年羹堯甘肅巡撫綽奇疏言吐魯番駐兵地遠。非巴里坤比。請乘炎熱草盛時。多運糧積貯。請即令總督年羹堯等將起運之糧。星夜飛輓。奏入。

平定糧粵督積麥十

六

乙未。

分運軍營糧餉。

靖逆將軍富寧安疏言。前因大舉進勦。當備裹帶隨運糧二萬二千餘石。至軍營。但今月給兵糧。亦當及時運赴。若一時並輓。運費價銀亦同。

上從之。

給。不特需費多且恐承運官領餉易溢。今巴里坤牧駝悉肥壯。又於喀爾喀購買駝。至八月皆肥。以駝運糧甚便。臣入奏。即移川陝總督年羹堯乘炎熱草盛時。將月給兵糧如前速運軍營。至進勦裹帶隨運糧。分起派官領運。酌減運費。南路至哈密。北路至圖古里克。遣官防守。俟年羹堯文到。即撥官兵以駝前赴哈密圖古里克。馱運軍糧。至軍營收貯。議政大臣等議如所奏。奏入。

平定糧粵督積麥十

七

丙申。

資敘進藏從征官。

吏部議曰。從定西將軍噶爾弼進藏各官功列一等者。逾當遷之職。一等即用。其次以陞階。卽

用。又其次在任官以陞階先用。候補候選者以本職先用。奏入。

上從之。

丁酉。

命都統圖喇屯守烏蘭古木等處。

征西將軍祁里德疏言前移都統圖喇等令速

諭總理屯種事蘇永祖赴烏蘭古木等處。平治

平定準噶爾方略前編卷之十

文

田畝。開濬溝渠。乘時播種。復派委署前鋒統領

卜柱及扎薩克台吉根敦等統兵一千。前赴烏

蘭古木。度形勢。立營伍。以資防守。隨據蘇永祖

呈報烏蘭古木一路。地土肥饒。水泉雖少。儘可

引溉。今農事已畢。若撤軍還大營。過冬。俟來春

往。為時稍遲。不如以屯種五百官兵。即於烏蘭

古木等處。立營伍。謹汛防。乘農事畢。引水入地。

來春凍開。及時播種。可增闢田畝。又據扎薩克

台吉根敦等還報。自喀爾奇喇之巴顏鄂博處

起至塔拉托羅海止。共二百五十餘里。設哨汛

七。臣與都統圖喇等酌議。如蘇永祖議。屯種官

兵。冬時不必撤還。即駐烏蘭古木等處。牧放馬

畜。但屯地悉在哨汛以外。賊人聞之。或乘隙侵

擾。請更派滿洲官兵及烏喇索倫科爾沁喀喇

平定準噶爾方略前編卷之十

文

沁喀爾喀官兵五百。亦於烏蘭古木等處屯劄。

彼此應援。二營各設子母礮四。派大臣一人統

轄官兵。以時巡警。有散秩大臣殷扎納願往任

事。請令自効。議政大臣等議如所請。奏入。得

旨。殷扎納不堪。著都統圖喇前往屯守。

壬寅。

命署西安布政使塔琳署四川巡撫色爾圖馳驛赴藏。

四川陝西總督年羹堯疏言據駐西藏喇嘛楚

爾齊木臧布及西藏辦事知府石如金等呈報

在藏官兵不睦因公策旺諾爾布性委靡副都

統常齡侍讀學士滿都員外郎巴特瑪等任意

滋事謹將原文封奏若大兵未可即撤請令滿

都巴特瑪自備資斧由西寧邊外撤還若大兵

撤還當派官留藏偵探消息沿途仍設驛站以

平定回疆方略編卷之十

羊

速郵傳更於察木多設兵聲援以安達賴喇嘛

等衆議政大臣等議曰西藏被賊擾害蒙

聖主獨斷發兵征勦今藏地已定土伯特唐古忒等悉

賴拯救留兵防守乃年羹堯聽信喇嘛及知府

飾詞妄報阻撓毀謗將軍大臣擅請撤兵冒昧

殊甚請以年羹堯飭所司嚴議奏入得

侍讀學士滿都員外郎巴特瑪與知府石如金喇嘛

楚爾齊木臧布俱著由西寧一路前來滿都員缺著

署理西安布政使事塔琳往藏跟隨將軍印務効力

其在藏駐劄之四川綠旗兵丁恐其生事著署理巡

撫事務色爾圖進藏管轄在彼駐劄色爾圖塔琳著

年羹堯速行文令其馳驛前往四川巡撫員缺朕另

行補授至西安布政使事務著年羹堯舉伊所知之

人令其署理員外郎巴特瑪員缺行文大將軍將彼

平定回疆方略編卷之十

羊

處章京撥派一員即令速行進藏與公策旺諾爾布

一同辦事

壬子

預借從征官兵俸餉

靖逆將軍富寧安疏言接部文大兵移駐烏魯

木齊各營軍器馬匹是否足用令臣入奏今據

都統睦森副都統薩爾禪知勇甘肅提督路振

聲等報云所屬護軍驍騎綠旗兵一切軍器馬匹皆足用。又據副都統英柱常壽等呈報前襲擊吐魯番等處馬駝缺。已將俸餉借抵購買補足。以備進剿。今二年餘。汛防撥用馬駝。又稍有缺。仍於見支行糧之外。借支庫銀。購買補足。以將來當給行糧償抵。請如其議。借支官兵銀十二萬六千九百九十五兩。令其購買虧缺馬駝。

平定準噶爾方略前編卷之十

三

上從之。

九月乙酉。

誥諭廷臣。

上諭議政大臣等曰。從前曾有以朕每年出口行圍勞

苦軍士條奏者。不知國家承平雖久。豈可遂忘武備。

前噶爾丹攻破喀爾喀。并侵擾我內地扎薩克。至烏

蘭布通。朕親統大兵征討。噶爾丹敗走後。又侵犯克

爾倫。朕統兵三路並進。至招摩多。剿滅之。今策妄阿

喇布坦無端侵犯哈密地方。朕徵發阿爾台及巴里

坤兩路兵進剿。策妄阿喇布坦聞之。心膽俱碎。乃遣

策零敦多卜等潛往西藏。劫掠毀壞寺廟。土伯特地

方。已被殘盡。朕又遣大兵前往擊敗策零敦多卜等。

復取西藏。救土伯特於水火之中。我兵直抵西藏。立

功絕域。此皆朕平時不忘武備勤於訓練之所致也。

若聽信從前條奏之言。憚於勞苦。不加訓練。又何能

遠至萬里之外而滅賊立功乎。爾等諸臣咸宜知之。

臣等謹按王制著三田之禮。周官垂四隙之

平定準噶爾方略前編卷之十

三

文蓋以習勞講武。處無事而不忘有備也。伏

惟

聖祖仁皇帝三駕親征。

德威遐邇。於運籌決策之中。猶諄諄以平時不忘訓練

為誠。用能招攜懲叛。近則諸藩受庇。遠則西

藏吐魯番接踵底定。成遠至邇安之

懋績。我

平定邊疆方略前編卷之十

五

皇上繩

武集勲。無時不以覲揚

光烈為心。是以

時巡所至。

親閱戎行。復歲舉

獮狩之典。俾近臣禁旅。莫不警宴安而嫻武備。迨乎

命將出師。

庸功迅奏。為前古所未有。良由遠近蕃部。親見

六師震疊。罔不悚息嚮服。不率者既大申撻伐。來歸

者皆願効前驅。於此仰見

家法繩承。訓行有素。豈偶然哉。

戊子。

量撤守藏綠旗官兵。

署理四川巡撫色爾圖疏言。前西藏平定。留兵

平定邊疆方略前編卷之十

五

防守。自打箭爐至拉里。曾以四川綠旗土司番

兵共留三千五百餘名。輓運糧餉。今貯藏糧餉

足支二三年。且藏地糧米。購買可得。不必重煩

輓運。但自打箭爐至拉里。設六十六站。需兵防

守。統計各站酌駐官兵。更以土司番兵亦入數

中。共需兵一千九百。其餘一千六百。若撤還則

糧亦可省。議政大臣等議如所請。奏入。

上從之。

冬十月辛未。

增給科卜多烏蘭古木。特里諸處農器。并覈地畝數。

征西將軍祁里德疏言。據總理屯種事蘇永祖呈稱。科卜多烏蘭古木。特里諸處。可種之地。悉乘時和開墾。坤都倫河諸處。可種之地。亦悉開

平定準噶爾方略前編卷之十

五

墾。今年種麥。所獲數倍。往年來年更可添種。但農器恐不足供。乞早發給。謹以所收麥麩。令侍讀學士阿禮等恭齋呈

覽。所資農器。請令大同府知府購備。奏入。得

旨。據所奏。在科卜多。烏蘭古木等處。開墾耕種。因土沃水裕。今年所得麥子。一倍收有六倍。爰請明年添種千石。及詢問齋呈麥麩之阿禮等。據云。科卜多。烏蘭

古木地方廣濶。開墾之處頗多。原係厄魯特等耕種

好地。今應將歉收之茂岱察罕。度爾等處。耕種人力

移至科卜多。烏蘭古木耕種。可以多收。再種地所用

犁鋤。鐮子。鋤。鋤。等器。每年給發不少。何以一年之間

即俱損壞。鐮。鋤。鋤。俱係鐵器。軍前或難於備辦。犁

係木器。何地蔑有。若隨伊所請。藥行給發。路途遙遠

著人送往。頗費錢糧。再軍前種地人員。稟報所收糧

平定準噶爾方略前編卷之十

五

數。一倍得有數倍等語。甚不明晰。應照內地。或一畝

一晌。收得米石若干。如此稟報。方得明晰。其科卜多

烏蘭古木地方。添種田畝。所給犁鋤。鋤。鋤。等物之處

著議政大臣。詳加議奏。尋議。用兵以軍儲為重。種地

多則積貯亦多。將軍祁里德奏。今年種麥多收

請令來年。於科卜多。烏蘭古木。及坤都倫河諸

處。可耕之地。以今年所收。用為籽粒。增種。倘不

足用更以鄂勒錐圖郭勒等處所收糧給與增

種至茂岱察罕廋爾種地歉收請以所用人力

器具悉移為科卜多烏蘭古木耕種之用茂岱

察罕廋爾地分與發配罪人開墾至鏵鋤鋤

諸器皆須用鐵請勅部行文山西巡撫令即製

造購駝付侍讀學士阿禮等攜往秋收後以時

收貯所用之犁軍前有木可造令伊等自製更

平定準噶爾方略前編卷之十

文

行文將軍傅爾丹等將開墾地丈量頃畝計算

籽粒及秋收糧數詳報今科卜多烏蘭古木有

種地兵及駐劄兵五百值農隙時令多伐林木

為修築大城及室廬倉廩之地奏入

上從之

平定準噶爾方略前編卷之十一

康熙六十一年冬十一月乙未

命撫遠大將軍王允禴馳驛赴京輔國公延信管理大

將軍印務

上諭總理事務王大臣等曰西路軍務大將軍職任重

大十四阿哥允禵勢難暫離但遇

皇考大事伊若不來恐於心不安著速行文大將軍王

平定準噶爾方略前編卷之十一

令與弘曙二人馳驛來京軍前事務甚屬緊要公延

信著馳驛速赴甘州管理大將軍印務并行文總督


年羹堯於西路軍務糧餉及地方諸事俱同延信管

理年羹堯或駐肅州或至甘州辦理軍務或至西安

辦理總督事務令其酌量奏聞至現在軍前大臣等

職名一併繕寫進呈爾等會議具奏尋議日應速行

文大將軍王暫以印敕付平郡王訥爾素署理



卽與弘曙來京。奏入。得

旨副都統阿喇納著隨大將軍王來京。副都統阿林保著隨弘曙來京。

辛亥。

靖逆將軍富寧安奏報巴里坤等處屯田收穫

青稞一萬五百七十石有奇。

十二月戊辰。

平定準噶爾方略前編卷之十一

二

侍郎查克旦以罪罷。留軍前効力。

上諭議政大臣等曰大將軍王來時。朕止令副都統阿

喇納隨來。弘曙令副都統阿林保隨來。旨意甚明。侍

郎查克旦係叅贊大臣。擅自違旨前來。是何意見。著

議政大臣詢問明白具奏。尋議曰。查克旦違

旨私從軍前來京。應革職。枷責如例。其輕車都尉世職。

應另請承襲。奏入。得

旨查克旦理應治罪。但係

皇考簡用。官至侍郎。此數年軍務。伊亦効力。著革職留任。並帶伊世職。令其自備資斧。速回軍前効力贖罪行走。

行。走。

乙亥。

喀爾喀哲卜尊丹巴胡土克圖率達什春丕勒

託音多爾濟託音至京。恭弔

平定準噶爾方略前編卷之十一

三

大行皇帝喪。並獻駝馬。納之。

已卯。

簡撤噶斯路駐守兵。

上諭總理事務王大臣等曰噶斯遣兵駐劄。特爲防範

策妄阿喇布坦之人侵犯青海。今噶斯一路官兵無

事可將駐劄年久之人撤回。其新往官兵內。驗看漢

仗好者。移至巴里坤効力。再量留兵丁。駐防噶斯一

路之處。爾等詳議具奏。尋議曰。噶斯現駐滿洲綠旗

兵一千六百八十七人。應令將軍宗扎卜選兵

五百暫於噶斯一路駐防。餘兵並撤回所在。貝

勒塞卜騰扎爾益蘇克旺扎爾達顏之子達什

策零等駐守所在。既與噶斯相近。如用兵時。令

伊等兵與青海西寧等處兵一同調遣。奏入。

上從之。

平定遠噶斯等處將軍

四

雍正元年。癸卯。春正月。辛巳朔。壬辰。

封青海台吉策凌棟羅卜為貝勒。

上諭總理事務王大臣議政大臣等曰。青海台吉策凌

棟羅卜著封為貝勒。自西陲用兵以來。青海之王以

下。台吉以上。各著勞績。

皇考會降旨。俟凱旋之日。再行計功。今青海王台吉等。

歷年効績。作何加封施恩之處。察明議敘具奏。

丙申。

上親弔哲卜尊丹巴胡土克圖遣使護其喪歸國。

先是理藩院奏曰。哲卜尊丹巴胡土克圖黃教

中第一流人也。數世行善。垂九十年。當噶爾丹

叛時。率七旗喀爾喀等來歸。最有功。其家世喀

爾喀汗之子。土謝圖汗之弟。遭逢

聖朝。叠膺殊遇。前年

平定遠噶斯等處將軍

五

聖祖仁皇帝面諭之曰。歲癸卯。朕年七十。爾年九十。是

年爾必來。無食言。胡土克圖承

旨還。今遵

諭來京。謁見

梓宮。志願已遂。泊然示寂。請如達賴喇嘛班禪額爾德

尼例。賜以名號印冊。用示優典。奏入。得

旨。給與名號印冊。既而

上且臨弔。喀爾喀圖謝圖汗等請勿往。

上諭曰。胡土克圖極蒙

皇考聖祖軫念。禮遇加隆。

皇考聖祖升遐。係甲午日。今胡土克圖圖寂。亦係甲午

日。佛果

聖因。證明不昧。胡土克圖非尋常僧人比。朕躬親往懸

帕供茶以盡朕心。將此旨傳與喀爾喀汗王額駙及

平定準噶爾方略前編卷之十一

六

胡土克圖徒屬人等知之。至是理藩院以送哲卜尊

丹巴胡土克圖龕座還。請大臣等護行。奏入。

上特命敦郡王允祿世子弘晟齋賜印冊奠儀。又

命散秩大臣尚崇廙等。護龕座行。所過蒙古部落。禁止

騷擾需索。

丙午。

命傳諭策妄阿喇布坦使臣吹納木喀等。

策妄阿喇布坦使臣吹納木喀等朝見。

上命都統喇錫理藩院尚書特古忒傳諭曰。爾國台吉

在我

聖祖皇考時。雖有微勞。亦多罪戾。乃無故侵我哈密。發

兵往招。殺害拉藏。毀壞佛教。惟天子統御萬邦。理宜

興師問罪。我

聖祖皇考至仁如天。但令陳兵邊境。俟其深悔前非。即

平定準噶爾方略前編卷之十一

七

加恩寬宥。並無意於殄滅爾國也。其後哲卜尊丹巴

胡土克圖為策妄阿喇布坦再三求救。我

聖祖皇考追念舊日微勞。又曲鑒胡土克圖老人懇款

之意。允其所奏。令遣使往諭。待其伏罪自陳。即降

恩旨。今

聖祖皇考升遐。朕繼承大寶。胡土克圖老人遠來再為

奏請。是以復遣使於爾。若爾台吉即遣親信之人誠

懇陳辭。朕卽寬宥。以寧爾土宇。若冥頑不靈。仍構兵端。亦可明言其意。如欲廣我

聖祖皇考之仁恩。惟爾台吉欲振我

聖祖皇考之武烈。亦惟爾台吉。朕仰承丕緒。行我軍威。

爾台吉詎不稔知。今胡土克圖大喇嘛。又已圓寂。從

此亦無有爲爾台吉奏請者矣。可作速定奪來奏。若

仍前支吾。則兵由爾起。無與於朕也。爾非專使。故不

平定漢書卷之十一

八

與爾勅書。爾其謹識朕言。一一往諭。

二月壬子。

命量撤各路官兵。

上諭各路將軍等曰。策妄阿喇布坦。無故起釁。用兵八

載。兵丁甚屬勞苦。從前雖將老弱者撤回。今又歷一

二年矣。夫兵不務多。惟在精耳。須將實堪効力者。存

留足用。裕其糧餉。方有裨益。現令爾等各處兵丁。不

拘滿洲蒙古漢人。擇其精練者。存留軍營。其年老殘廢者。於今年草青之時。令其各回本處。

丙辰。

命駐柴達木將軍宗扎卜。赴署大將軍延信軍効力。都

統宗室西綸圖。往柴達木辦理撤兵事務。

庚午。

命追擒察哈爾厄魯特佐領羅卜藏錫喇卜等。

平定漢書卷之十一

九

上諭理藩院曰。據察哈爾總管諾爾布奏報。察哈爾厄

魯特佐領羅卜藏錫喇卜。藍翎侍衛春丕勒等。逃遁

等語。著作速傳知將軍等。令其派兵各路。要截捕擒。

再著喀爾喀蘇尼特。嚴令各處哨汛。追勦擒獲。其現

在厄魯特。恐伊等妄生疑慮。著一等侍衛達鼐郎中

鄂賴。前往照管。俟將羅卜藏錫喇卜等擒獲之後。再

回京。

乙亥。

封賞青海王台吉等。

總理事務王大臣等遵

旨議曰。自西陲用兵以來。青海王台吉等。並効力。應加

封賞。親王羅卜藏丹津。加俸銀二百兩。緞五疋。

郡王戴青和碩齊察罕丹津。封親王。貝勒額爾

德尼額爾克托克托。封郡王。貝子巴爾珠爾

平定準噶爾方略前編卷二十一

十

阿喇卜坦。墨爾根。戴青。拉察卜。封貝勒。輔國公

鳴爾丹。達什敦多卜。達什。封鎮國公。吹喇克諾

木齋。亦封貝勒。其貝勒阿喇卜坦。溫布。加俸銀

一百兩。公諾爾布。彭蘇克。加俸銀五十兩。其餘

率兵進藏。及駐防噶斯。柴達木人等。應令各路

將軍核實具奏。分別加賞。奏入。

上從之。

丙子。

賞賚土默特蒙古。

上諭總理事務王大臣等曰。從前土默特。因遷移臺站。

殊為擾累。伊等於用兵之際。知係國家大事。看守臺

站。毫無遲誤。甚屬可憫。除照例賞給米糧外。應按人

數。再加恩賚。此前往給賞之處。或另委人員。或即交

與管理臺站人員辦理。著議奏。尋議曰。土默特蒙古

平定準噶爾方略前編卷二十一

十一

坐臺者。人給銀五兩。公鄂倫岱。軍臺事竣。可無

往。亦不必更遣人往。其當給銀。即令管理臺站

人員辦理。奏入。

上從之。

已卯。

副將軍阿喇納。奏報羅卜淖爾。回人等歸附。

阿喇納。奏言羅卜淖爾。所在回人古爾班等。率

哈喇庫勒薩達克圖哈喇和碩三處戶口千餘人。輸誠投順。奏入。得

旨下部知之。

三月甲申。

命撤駐藏官兵。

上諭總理事務王大臣等曰。在藏之兵。或撤回。或於通藏之路駐劄。及西寧所餘官兵撤回之處。集議以聞。

平定回疆方略卷之十一

十一

尋議曰。西藏所在。以策妄阿喇布坦擾亂。用申撻伐。平藏之後。留兵防護。恐屯劄日久。唐古忒等。供應繁費。應盡罷之。察哈爾及額駙阿寶。應令公策旺諾爾布都統武格。阿寶等統之。由西寧路還。阿寶在軍年久。令與策旺諾爾布等並來京。其江寧杭州兵。令副都統吳納哈率之。由雲南還。四川綠旗兵。令副將李現光率之。由

打箭爐還至察木多為通藏大路。應於四川綠旗兵中選千人駐防。令總督年羹堯於川陝總兵副將中揀選管轄。再阿里地屬扼要。今康濟龜赴藏。阿里一切無人辦理。應令康濟龜舉効力者以

聞給與職銜。協助防守。再西寧有綠旗兵六千。足以防守。其都統汪悟禮所率京師兵。應撤還。奏入。得

平定回疆方略卷之十一

十一

旨額駙阿寶令其帶領兵馬前往游牧地方休息數日。再令來京。餘如議行。

川陝總督年羹堯條奏川省事宜。年羹堯疏奏。一打箭爐外。中渡河口為通西藏要隘。不可無兵彈壓。請以分駐嵐州之化林協守備移駐中渡。建立土城。令把總一人。兵二百人分防。一保縣在大河南。當土番出入隘口。防

汎不可不增。請撥威茂營千總一人。率兵百人。移駐保縣。以資防禦。其應支月糧。卽以威州所徵糞糧就近支給。一松潘口外。各番部落不一。而阿樹一處最要。今止給以委牌。暫令土目管理。不足見信於羌番。請給長官司職銜。以資鈐束。一建昌所屬越鶴衛。地甚寥濶。蠻獮往往出沒搶奪。今僅設守備一人。兵二百五十人。實難

平定準噶爾方略卷二十一

四

分撥防禦。請改設一遊擊。現在守備卽爲中軍。再增一千總。一把總。兵二百五十。凡五百人。分防彈壓。一金川土司之土舍莎羅奔。嘗出兵羊崗。著有勤勞。請給以安撫司職銜。以分小金川土司之勢。一烏蒙土府地界最廣。奸目達木等。自土司祿鼎乾旣死。輒逞兇暴。土舍祿鼎坤。祿爲固願擒之以獻。俟二人擒獻達木。給以土職。

各管其地。一川省滿城營房。有官生捐資蓋造者。請予議敘。一川省軍前。有武進士武舉等。自備鞍馬資糧効力者。武進士請補守備。武舉請補千總。兵部議。均如所請。奏入。

上從之。

已亥。

命議敘喀爾喀王貝勒等追捕厄魯特逋逃者。

平定準噶爾方略卷二十一

五

上諭理藩院曰。追勦厄魯特羅卜藏錫喇卜等之王貝勒貝子公台吉大臣侍衛暨兵丁等。一聞厄魯特潛遁。俱各奮力追勦賊衆。斬獲無遺。伊等皆因感戴聖祖皇考仁恩。爲朕抒誠効力。朕已深悉伊等忠誠。甚爲欣悅。凡効力之人。著查明具奏。朕將特加恩賚。將此旨繕寫通行傳諭。至緝賊身亡受傷之人。一併查奏。尋又

諭理藩院曰厄魯特春丕勒等逃遁蒙古人遇之俱各

努力追擒伊等感激

皇考覆育深恩竭誠仰報朕覽奏章為之墮淚嘉歎不

已將此旨繕寫發與達鼐令查明効力人等具奏毋

使一人遺漏朕將加以特恩又

諭都統喇錫曰追擒逃遁厄魯特之効力人員已諭令

議敘其收管未曾逃遁厄魯特之人員亦著查明議

平定邊疆方略卷二十一

六

敘於是封喀爾喀貝勒旺扎爾為多羅郡王公策卜

登車木楚克納木扎爾為多羅貝勒追贈陣亡

蘇尼特台吉進達克為輔國公給察哈爾副總

管官額遜騎都尉世職護軍校多爾濟喀爾喀

塔布囊巴賽宰桑喀爾占巴圖爾雲騎尉世職

官兵等各賞卹有差其收輯厄魯特未逃者一

等侍衛塞下騰藍翎侍衛納木扎等悉加賞賚

辛丑

蠲免陝西全省未完銀米豆草

上諭戶部曰陝省自軍興以來大兵駐劄運送糧餉供

支草豆無一不需民力

皇考每為軫念今當大沛恩膏于惠元元所有康熙六

十年以前陝西全省除借給籽種著該督撫查明定

議分年帶徵外其餘凡有民屯衛所實在未完銀米

平定邊疆方略卷二十一

七

豆草悉予蠲免倘有不肖官吏以虧空捏稱民欠濫

邀曠典者一經發覺罪在不赦該部作速行文毋得

遲留

夏五月庚子

命預籌青海事宜

上諭總理事務王大臣等曰青海台吉兄弟不睦儻邊

境有事大將軍延信駐劄甘州相隔遙遠朕特將一

切事務俱降旨交年羹堯辦理。若有調遣軍兵。動用糧餉之處。著防邊辦餉大臣。及川陝雲南督撫提鎮等。俱照年羹堯辦理。邊疆事務。斷不可貽誤。并傳諭大將軍延信知之。

撤布魯爾從征綠旗兵。

布魯爾所在綠旗官兵從征者。令山西大同總

兵官馬觀伯撤回。

平定準噶爾方略前編卷二十一

六

六月庚戌。

命加總兵銜李如栢總兵官韓良輔等。赴年羹堯軍。

上諭總理事務王大臣等曰。三屯營副將李如栢著賜

總兵銜。與天津總兵官韓良輔。前往總督年羹堯處

聽用。原任前鋒統領蘇丹。原任都統噶爾弼。俱賜原

銜。令往年羹堯處効力贖罪。蘇丹噶爾弼。韓良輔。李

如栢。每人各賞內庫銀一千兩。

庚申。

赦免川陝續補駝馬價銀除額外徵收銀米。

上諭戶部兵部曰。朕惟治安天下。欲兵民共得其所。必

以敷恩減賦為要。比年以來。策妄阿喇布坦。狂逞逆

命。發師致討。四川陝西進藏官兵。歷經險遠。往返萬

有餘里。甚屬勞苦。朕深憫念。其倒斃馱載馬匹價銀。

及口外沿途與西藏留駐兵丁。續補駝馬價銀。著悉

免追賠。又西陲軍興以來。民間急公趨事。供應差役。

實厪朕懷。聞陝西甘肅二屬。各州縣衛所地丁銀兩。

每一錢額外徵收三釐。米每斗額外徵收三合。以為

備荒之用。此項徒有加賦之名。而無賑濟之實。著自

雍正元年始。將額外徵收銀米。永行停止。如有舊欠。

亦悉予蠲除。務俾均霑實惠。以副朕篤念兵民至意。

壬戌。

平定準噶爾方略前編卷二十一

九

署撫遠大將軍貝子延信奏報青海郡王額爾德尼額爾克托克托鼐率其妻子來奔。

延信奏言據青海郡王額爾德尼額爾克托克

托鼐來言。羅卜藏丹津等率兵來侵。交戰四次。

屬人多陣亡。餘或逃散。牲畜輒為所劫掠。今率

妻子來奔求援。臣令暫居蘇油口內。奏入。報

聞。翼日又奏言青海公噶爾丹達什來甘州。率弟台吉

平定邊疆方略卷之十一

十一

鄂齊爾台吉阿旺達克巴率兵與貝勒阿喇卜

坦温布等相拒。師敗來奔。臣令噶爾丹達什暫

與其叔額爾德尼額爾克托克托鼐同居。奏入。

報

聞。

戊辰。

命遷故青海貝子丹衷家屬於游牧舊處。令親王察罕

丹津管轄。其宰桑等舊著勤勞。俟秋涼時來京加賞。

秋七月己卯。

命駐劄西寧辦青海事務兵部左侍郎常授勸諭青海。

上諭常授曰據貝子延信奏報。親王羅卜藏丹津貝勒

盆蘇克盱扎爾等率兵四千。搶奪王額爾德尼額爾

克托克托鼐等。爾宜遣人勸阻。令其和好。若羅卜藏

平定邊疆方略卷之十一

十一

丹津借此侵犯邊塞。則不可不加懲治。此事或爾親

往和解。或遣賢能官員喇嘛等往彼和解。爾悉心籌

畫。與年羹堯商酌而行。

丁亥。

命各路將軍選舉官弁遇缺補用。

副將軍阿喇訥疏言察哈爾兵現在行間者。雖

於軍前補用。但軍前缺少。其於本處員缺。例不

得補轉以未嘗効力或軍前撤還者補用為護軍校驍騎校等揆諸情理似未允當議政大臣等議覆曰嗣後應令阿喇納即所領察哈爾官兵中効力者核明咨送各旗遇察哈爾所在有缺請補至其缺久懸不便可揀選現在應用者

引
見暫令署理奏入得

平定準噶爾方略前編卷二十一

圭

旨自有策妄阿喇布坦之事已經八載凡出征之在京八旗及盛京黑龍江寧古塔西安右衛等處滿洲綠旗官兵內有宣力行間分內應陞者若於各本處補授恐致懸缺不敷看守是以將現在之人揀選補授以致軍前効力官兵轉壅滯其陞遷之路著行文諸路將軍等於滿洲蒙古漢軍綠旗官員兵丁內有宣力行間分內應陞人等查明選舉在京者咨送該旗

外省咨送各將軍綠旗咨送各該督撫提鎮嗣後遇伊等應陞缺出令該處即行題補至補授軍前之人其缺不便虛懸著該處即行揀選人員奏請委署其補授之人若再陞轉此委署之人亦可得陞如此則軍前効力人等既獲陞遷之路即各本處才力可用人員亦不至於壅滯將此交兵部著徧行八旗諸路將軍及外省將軍督撫提鎮等知悉

已丑

平定準噶爾方略前編卷二十一

圭

命署撫遠大將軍貝子延信慰諭額爾德尼額爾克托克托克托克托克托等

上諭延信曰爾移書與額爾德尼額爾克托克托克托等稱欽奉諭旨青海台吉皆係顧實汗之嫡孫自我朝太宗皇帝時顧實汗與達賴喇嘛和好恭順効力至今百年蒙我

皇考施以恩寵。加封名號。普加庇護。後經策妄阿喇布坦敗壞黃教。圍困西藏。殺害拉藏。且復謀侵爾等。於是我

皇考遣發大兵。同爾等送達賴喇嘛至藏。振興黃教。今羅卜藏丹津無故稱兵。以王等不入伊黨。自相侵害。朕仰體

皇考眷念顧實汗子孫之意。其罪未明。尚不忍即加征

平定回疆方略卷之十一

舌

討。已遣侍郎常授往問羅卜藏丹津所行情事。若羅卜藏丹津知罪悔過。朕當定其是非。和解爾眾。仍令爾兄弟照舊居住青海。如果羅卜藏丹津不遵朕旨。侵犯邊塞。豈可不遣兵征勦。今王之屬下人等。盡被搶擄。窮困投至甘州。朕聞之不勝惻然。特遣郎中通智辦給于公并屬下人等。廩餼牲畜。令從豐厚。王等在彼安居。不須憂慮。朕斷不使爾等稍有拮据也可。

如是往諭。并譯蒙古文發往。翼日。延信奏言。額爾德

尼額爾克托克托魏之子阿喇卜濟索諾木達什來言。率兵與賊人交戰。相拒六七日。賊退。率兵五百。及妻子共千餘口來投。臣已遣赴額爾德尼額爾克托克托魏處居住。奏入。報

聞

丙午。

平定回疆方略卷之十一

舌

諭飭自藏進口領兵大臣等。

上諭大學士等曰。藏地兵馬已撤。計程將至內地。從前統領兵馬之大臣。怠忽者多。縱兵橫行。騷擾民人。種種無恥之行。朕所深知。著嚴行該地方官。並統領兵丁之大臣。若不各自約束。仍縱所屬兵丁跟役任意。或前或後行走。逞強搶奪。肆無紀律。地方官於何處拏獲。即將該管官。一併拘留該處請旨。將統領之大

臣從重治罪。若地方大臣徇情隱蔽。朕別有訪聞。將地方大臣官員。一併治罪。將此諭旨。明白曉諭兵馬。經行各路軍民知悉。

平定準噶爾方略前編卷之十一

庚

平定準噶爾方略前編卷之十二

雍正元年秋八月甲子。

敘平藏功。

兵部分別議敘陝西四川雲南官兵。平定西藏功奏入得。

旨。平定西藏。乃自古未至之絕域。所以

皇考曾有從優議敘之

平定準噶爾方略前編卷之十二

一

旨。况

皇考當春秋高邁。備兵於極邊。宣揚威略。峻德鴻功。允

垂億萬斯年之美政也。此一次議敘軍功。前固無例

可援。後亦不得為例。將軍延信著封為貝勒。兩路率

領八旗官員進勦之將軍等。著給與世襲三等輕車

都尉。叅贊大臣給與騎都尉。副都統營總等。給與雲

騎尉。其護軍校驍騎校。給與頭等功牌二面。仍加一

級綠旗官員經大將軍等咨送冊開頭等者照攻取打箭爐功加一倍。二等者功加五等。三等者功加二等。至於滿洲漢軍綠旗之外委官俱係一體効力人員。無論由部委外委。概行從優議敘。以仰副我

皇考恩綸特沛從優議敘之

諭旨。

丙寅。

平定回疆方略卷十二

二

命賞察哈爾厄魯特散秩大臣羅卜藏錫喇卜等來謁

梓官者馬匹行糧。

庚午。

侍郎常授奏青海情形。

常授奏言臣於七月二十二日抵沙拉圖。至覲

王羅卜藏丹津駐牧處。恭宣

諭旨。令若等兄弟罷兵和睦。據羅卜藏丹津訴言。戴青

和碩齊察罕丹津額爾德尼額爾克托克托鼐。

欲據招地。詭言我遣使準噶爾與策妄阿喇布

坦背叛。欲讒害我。是以衆台吉等不服。會盟與

兵。且備言戴青和碩齊察罕丹津等過惡。擬於

數日渡河。與決勝負。情形如此。勢難歸好。後據

察罕丹津訴言。羅卜藏丹津與兵逐額爾德尼

額爾克托克托鼐於內地。脅衆台吉稱兵於巴

平定回疆方略卷十三

三

爾托羅海。其意欲獨有西招青海之地。計其兵

不過萬二三千。其黨率多脅從。若渡河來。我當

盡力拒之。又據衆蒙古來言。羅卜藏丹津脅令

諸部呼已爲達賴混台吉。其餘台吉悉呼故號。

不得稱王。貝勒貝子公封號。其意先滅額爾德

尼額爾克托克托鼐。次滅察罕丹津。然後集衆

台吉奏請賜彼汗號。駐劄招地。遙制青海。叛形

已見。臣問其遣使準噶爾消息。或云。聞準噶爾以青海人等不足信。又云。準噶爾兵聞已至噶斯口。度九月可至青海。臣謹卽所見情形。與羅卜藏丹津所呈蒙古字奏章二冊。並與臣蒙古字書一封密奏。奏入。得

旨此事甚大。行在總理事務王大臣議政大臣詳議。并

發往在京之總理事務王大臣議政大臣等。詳議具

奏。

平定準噶爾方略卷三

四

甲戌。

命川陝總督年羹堯辦理西路軍務。

總理事務王大臣等遵

旨議奏曰。羅卜藏丹津久蓄異心。糾眾盟誓。

皇上念其祖額實汗。恭敬效順。不卽加誅。特遣侍郎常

授往諭以利害。爲之和解。羅卜藏丹津不聽其

上從之。

言欲與戴青和碩齊察罕丹津交戰。又欲要請汗號。且自稱爲達賴混台吉。背逆莫甚。今方欲往察罕丹津處決戰。應調西寧兵。俟羅卜藏丹津兵涉黃河。卽於渡口。截其後路。且請令提督岳鍾琪率松潘兵往援。以張聲勢。其西路軍務。應今年羹堯詳議辦理。奏入。

平定準噶爾方略卷三

五

駐劄西寧侍郎常授奏報青海親王戴青和碩

齊察罕丹津來奔河州。

常授奏言親王戴青和碩齊察罕丹津率兵與

羅卜藏丹津相持久之下。敵率妻子及所屬百

四十餘人。至河州老鴉關外。臣卽令入居邊內。

餘人令其宰桑約束。於邊外要隘防守。奏入。報

聞。

丙子。

諭蒙古諸王貝勒貝子扎薩克吉塔布囊等。

上諭曰自爾先世歸附

太祖

太宗蒙被聖化於茲五六代矣世締國姻恩深祿重兄

弟主臣洽比保聚安居樂業百有餘年其間厄魯特

噶爾丹猖獗弄兵破喀爾喀七旗侵及內扎薩克蒙

平定邊疆略圖卷五

六

古蹂躪游牧之地

皇考為爾等三次自將出師乃滅噶爾丹使爾等永享

太平之福六十餘年以來爾等屬下偶有饑饉災傷

莫不發帑與糧資給畜牧更派富戶屯田代耕使饑

者復安散者復聚

皇考養育爾等蒙古恩澤重矣大矣義者和洛霍漸以

歲饑聞朕仰體

皇考聖意即遣大臣前往發倉賑救賞給牛羊今喀喇

沁翁牛特八旗又以歲饑聞復遣大臣前往即速查

明饑口動用正項錢糧買米散賑夫一時阻饑朕雖

賑之常年貧乏之民在爾各君長於本旗內哀多益

寡互相調恤以養育之庶幾得所耳若仍然厚斂重

徭納之於阡危之域使之至於散亡孰為爾等納賦

孰為爾等供徭愛民惠下是第一要務不可不知也

平定邊疆略圖卷五

七

連歲災旱頻仍今年又遭饑饉爾等各子其民者如

何減賦如何輕徭如何裕其農功如何孳其畜牧爾

等王貝勒大臣等議定務使各得生理以仰副我

皇考聖心以慰朕心定議之後倘有顯背公議仍然重

賦苛役者國法具在非朕所得而私也我

皇考目覩爾等長成愛如子孫事事包容處處軫恤爾

等視

皇考如祖父侍

皇考之慈愛每事懈逸朕新卽位務須各盡爾職謹慎

小心管轄屬下訓練兵丁嚴禁盜賊奉公守法循分

安生仰報我

皇考軫愛之恩俾朕得以仰法

皇考慈惠爾等至意始終保全永永勿替朕之願也今

日特於

平定準噶爾方略前編卷之五

八

皇考梓宮前諭爾等知之

九月甲申

賜準噶爾降人博羅特達什扎卜侍衛翎

理藩院奏言準噶爾策妄阿喇布坦屬下明噶

特人博羅特達什扎卜巴圖蒙克多爾濟哈喇

瑪克達巴什六人來降奏入得

旨若等來歸可嘉其博羅特達什扎卜率先向化著

與侍衛翎若等稱有近族兄弟在貝勒博貝處為護衛卽以此六人給與博貝加意撫輯

丁亥

命川陝督標中軍副將田峻為陝西涼州總兵官赴軍

協助提督路振聲辦事以陝西固原提督楊盡

信署理涼州總兵官

巳丑

平定準噶爾方略前編卷之五

九

命川陝總督年羹堯整備軍務

上諭年羹堯曰侍郎常授奏報親王羅卜藏丹津攻王

察罕丹津已渡黃河肆行猖狂或遣使於策妄阿喇

布坦約期作亂或欲窺取西藏皆事所必有軍務宜

預先籌度爾宜令西寧松潘甘州等處軍兵整備務

期勦滅羅卜藏丹津自夏間作亂以來人馬疲乏若

不乘時擊之遲延日久則賊人得以蓄養氣力爾其

盡心籌畫。克奏膚功。

辛卯。

議撤阿爾台諸路兵。

上諭川陝總督年羹堯曰。自今策妄阿喇布坦甚屬恭

順。我兵在外已久。著將阿爾台兵丁如何撤回。永固

疆圉。應駐兵若干。駐劄何處。或作戍兵迭更。或令永

遠駐防。應將何處兵丁移駐。爾等可詳加確議具奏。

平定邊疆方略卷三十一

十

再吐魯番巴里坤布隆吉爾等處兵丁俱著照此行。

丙申。

以軍前副將軍阿喇納為鑲紅旗蒙古都統。

乙巳。

卹贈台吉進達克為頭等台吉封其子噶爾瑪

遜多卜為輔國公。

理藩院奏言台吉進達克陣亡蒙

恩優加卹典。其子噶爾瑪遜多卜等謝恩奏入。得

旨蘇尼特王吹濟拱蘇隆旗下台吉管理旗務官進達

克率所屬兵與厄魯特逃者羅卜藏錫喇卜等鏖戰

身亡甚屬可嘉。此並非出兵時亦未嘗令其率眾追

賊也。而進達克奮勇前行。臨敵致命。朕用交部議敘。

部議一等台吉加一等當授為頭等台吉具奏。朕已

平定邊疆方略卷三十一

十一

特降諭旨施恩。其子噶爾瑪遜多卜著授為輔國公。

冬十月戊申。

以川陝總督年羹堯為撫遠大將軍貝勒延信

為平逆將軍。

上諭兵部曰據川陝總督年羹堯奏稱青海羅卜藏丹

津恣肆猖狂。臣領兵於九月二十日自甘州起程。十

月初間至西寧相機行事等語。總督年羹堯既在西

密辦理軍務。其調遣弁兵之任。甚屬緊要。須給大將軍印信。以專執掌。著將貝勒延信護理之。撫遠大將軍印。即從彼處送至西寧。交與總督年羹堯。其貝勒延信。現有防守甘州沿邊等處事務。將庫內現存將軍印信。著該部請旨頒發一顆。送給。尋議曰。應以平逆將軍印授貝勒延信。奏入。

上從之。

平定準噶爾方略卷五十一

十一

敕諭撫遠大將軍年羹堯。

上諭曰。我朝自創業以來。皆效法

列祖用兵紀律。無往不施仁德。孟子云。仁者無敵。統兵

者之大義。莫要於此。羅卜藏丹津係青海一。台吉。自

乃祖顧實汗。歲時請安進貢。至扎什巴圖爾台吉。慕

聖祖仁皇帝德化。叩覲

天顏。蒙

聖祖仁皇帝念及顧實汗從前敬謹恭順。晉封扎什巴

圖爾為親王。疊沛隆恩。及病故後。合其子羅卜藏丹

津襲封。羅卜藏丹津宜仰體寵眷。效法祖父。敬奉法

紀。乃妄逞強梁。弟兄骨肉。自相仇敵。欺陵親王戴青

和碩齊察罕丹津。郡王額爾德尼額爾克托克托。等

等。恣行倡亂。朕甫聞其事。即遣侍郎常授前往。令伊

等講和修睦。羅卜藏丹津等宜遵朕旨。式好無尤。乃

平定準噶爾方略卷五十一

五十一

肆意稱兵。侵襲親王戴青和碩齊察罕丹津。郡王額

爾德尼額爾克托克托。等。殺戮抄掠。以致察罕丹

津等。情急投入內境。顯負朕恩。悖逆天常。擾害生靈。

誅戮不可少緩。故加天討。遣發大兵。以聲羅卜藏丹

津之罪。朕欲拯救西域生靈。大張天威。特命爾為撫

遠大將軍。統領滿洲蒙古綠旗大兵。一切事宜。爾與

蘇丹岳鍾琪。常授等。酌定方略。公同計議而行。勿當

事會而致失機宜勿恃兵強而輕視逆寇密偵遠探

罔或疎虞各路大兵暨蒙古兵丁聽爾調遣凡遇有

警即遣發官兵應援撲勦防備詐降如羅卜藏丹津

敢於抗拒即行勦滅其黨內亦有懼羅卜藏丹津之

勢脅從其行者伊等果悔罪來歸即行寬宥有能擒

斬羅卜藏丹津來歸者分別具奏有情急來歸者加

意撫恤其不抗拒者無加殺戮須嚴禁將士凡經過

平定回疆方略卷之三

古

地方勿得騷擾百姓勿離人父子夫婦勿淫人婦女

勿掘人墳墓附降者勿得侵取其物勿拆毀廬舍祠

宇勿擾害廟內番僧副朕戡亂靖逆之意官兵或臨

陣退縮貽誤軍機爾會同商議官員以下即以軍法

從事示眾官兵犯小過者徑行處治勿畏沒官兵功

績勿寬縱違犯之人賞罰務極嚴明爾酌量調遣各

路大兵將羅卜藏丹津殲勦廓清安靖邊圉斯稱委

任爾務宜殫竭心力早奏膚功欽哉故敕

臣等謹案羅卜藏丹津自其祖顧實汗父扎

什巴圖爾台吉蒙被

國恩備膺寵賚襲爵親王乃敢猖狂跳梁殘擾青

海諸部罪在不赦

世宗憲皇帝命以川陝總督年羹堯為撫遠大將軍四

川提督岳鍾琪為奮威將軍

平定回疆方略卷之三

五

親授方略聲討其罪雍正元年十月出師自冬徂春降

其貝勒貝子公台吉等二十餘人及其部眾

無算

聖諭猶以羅卜藏丹津束身來歸可予全宥乃復怙惡

不悛易服投荒子身延喘

天戈所指賊眾大潰羅卜藏丹津之母并其惡黨吹喇

克諾木齊等皆就擒獲獻俘奏凱青海悉平

計師行采入。自雍正二年二月八日。至二十

有二日。僅旬有五日。成功之速。為史冊所未

有。

皇上續承

先緒。耆定西陲。

鴻圖式擴。羅卜藏丹津通逃遺孽。當伊犁既平。并其

子巴朗等。以涸轍窮鱗。顛轅乞命。復糜尺組。

平定準噶爾方略卷三

夫

皇上念邊隅永靖。此筑筑殘息。不足以膏齊谷。復仰

體

世宗憲皇帝來歸全宥之

殊恩。待以不死。於是益見

聖朝聲靈震疊。當日狡焉餘醜。雖遲之數十年之久。

終不得日逃於

天網。而

國家服遠之

神威與綏遐之

至德。所由並越隆古也歟。

以翰林院侍讀學士綽爾岱辦理北路軍營糧

餉

已西。

復歸化城。土默特兩旗都統等官。

平定準噶爾方略卷三

七

上諭歸化城都統丹津曰。前

聖祖皇考由寧夏親征漠北時。巡狩歸化城地。見歸化

城土默特兩旗官兵。土衆委靡。弓馬不嫻。法度廢弛。

因將兩旗都統革退。選在京都統副都統參領等員

管轄。歷年訓練有方。軍律嚴整。舊習漸改。是以數年

來。將在京選用之例停止。今爾保送之官兵人等。盡

皆弓馬嫻熟。且兩旗兵弁。行伍整齊。凡有行圍及出

征等事與內地兵丁一體効力此皆我

皇考教育所致也歸化城土默特兩旗原在四十九扎

薩克內其都統副都統等官皆係國初歸附之士默

特功臣子孫世職今既已棄咎從忠允宜遵復舊例

楚宗著授京城額外都統楚宗員缺著原任都統阿

必達之子副都統根敦補授根敦員缺著丹津將爾

兩旗內應補人員與原任都統副都統世家子孫及

平定漢軍營勦擒逆王

大

叅領內人材可用儀表修偉向能管轄兵丁曾經効

力行間人等查明保送引見以便簡擢

甲寅

敘平郭羅克功

封川陝總督年羹堯為二等公給四川提督岳

鍾琪騎都尉世職遊擊姚文玉周瑛以下十五

員及外委官馬萬倉等九十七員並以所得功

加二等餘各賞賚有差

壬戌

撫遠大將軍年羹堯奏請以蘇丹岳鍾琪為叅

贊

年羹堯奏言兵自西藏撤還者額駙阿寶所率

蒙古兵馬匹軍器並不堪用且阿寶有殘疾應

令還所在定西將軍公策旺諾爾布所領察哈

平定漢軍營勦擒逆王

九

爾兵精壯請簡四百人留與都統武格管轄餘

令策旺諾爾布率之啟行再都統西倫圖現統

京城兵駐東郭爾廟甚無益其兵在外日久馬

匹器械並缺乏可令侍衛班領阿齊圖率之還

西倫圖漢仗尙壯請留軍前令管轄察哈爾前

鋒兵西寧現駐滿洲兵無多應令署西安將軍

公普照撥烏鎗驍騎四百前鋒百人令副都統

覺羅伊禮布率赴西寧。再者軍中不可無叅贊大臣。前鋒統領蘇丹經事頗多。岳鍾旗總統綠旗土司兵丁。請以叅贊授之。至青海事并請令侍郎常授一等侍衛達雅叅議奏入報

閱。

乙丑。

以郎中眾佛保為內閣學士使準噶爾。

平定準噶爾方略卷三

三

上諭怡親王允祥等曰策妄阿喇布坦來使將至。朕亦欲遣使臣與其來使同往。理藩院郎中眾佛保著授為內閣學士前去。

丙寅。

授厄魯特公茂海為固山貝子。

上諭理藩院曰厄魯特公茂海與其伯王丹津阿喇卜

坦來時。我

皇考深加眷愛。授以公爵茂海今在軍前輸誠効力。有年。著授為固山貝子。

丁卯。

撫遠大將軍年羹堯奏調諸路兵。

年羹堯奏言青海羅卜藏丹津等煽集各台吉肆行邊外。臣已劄令察木多總兵官周瑛率兵截其往藏路。但羅卜藏丹津急則遁走穆魯烏

平定準噶爾方略卷三

三

蘇等處未定。臣令靖逆將軍富寧安調都統穆森往吐魯番駐防。調吐魯番駐防副將軍阿喇衲率滿洲蒙古綠旗兵二千。由噶斯一路截之。若羅卜藏丹津實心歸順。即令此二千人暫駐布隆吉爾。再布隆吉爾所在。駐兵甚少。四圍並連厄魯特。賊人喇卜坦巴蘇泰軌令所屬要奪我台站馬駝。應調綠旗兵二千往布隆吉爾。令

聞。

叅將孫繼宗管轄。若用兵則令率所轄兵勦滅喇卜坦巴蘇泰。與副將軍阿喇衲兵會進勦羅卜藏丹津。如此賊人不得逃遁。而布隆吉爾所在。亦可完固。奏入。報。

癸酉。

撫遠大將軍年羹堯奏敗賊於鎮海堡。

平定回疆方略卷三十一

三

年羹堯奏言十月十九日賊人來侵鎮海堡。臣令都統武格率察哈爾兵西安滿洲兵救之。二十日厄魯特兵二千番賊千餘圍堡。自二十一日至二十三日賊益增兵日夜轉戰。臣以前鋒統領蘇丹所率兵令叅將宋可進等將之。并率軍前効力滿洲綠旗等官於二十五日往援。賊衆六千餘人。或據堡前山上。或伏谷中。我兵分

聞。

隊攻賊。賊中斃死者甚衆。賊走。鎮海堡中滿洲察哈爾綠旗兵盡出截擊。賊人四向逃去。所殺傷賊六百餘。我軍陣亡五人。被傷者六人。又多巴之囊素阿旺丹津前叛歸羅卜藏丹津。今已爲我擒。當正法。以軍務未畢。暫令監禁。奏入。報。

十一月戊寅。

平定回疆方略卷三十一

三

撥鄂爾多斯等處兵協駐甘州。撫遠大將軍年羹堯疏言羅卜藏丹津率衆數千攻入西寧之南川口。會守口兵少。守備馬有仁等據申中堡禦之。賊圍堡。堡人囊素將鑿牆以納賊。臣令叅將宋可進遊擊元繼善等往援。賊還兵迎戰。我師出堡夾攻。殲賊九十餘人。賊遁去。囊素與賊通。已誅之。所獲器械馬匹。給與

兵丁。我兵陣亡七人。卽加賞卹。俟諸路兵調集。

臣卽日相機勦滅。方今甘州兵少力弱。乞調喀

爾喀。爾喀德尼王各扎薩克蒙古兵三千。協駐

甘州。以壯軍勢。總理事務王大臣等議覆曰。喀

爾喀等。雖近甘州。但方冬嚴寒。所在散處。調之

勿便。請就近撥鄂爾多斯兵五千。副都統花色

等領之。歸化城土默特兵五百。副都統查克旦

平定準噶爾方略卷五十一

五

領之。大同鎮兵一千。總兵官馬觀伯領之。令往

駐甘州。奏入。

上從之。

丙戌。

命議敘北川新城及莊浪等處破賊官兵。

撫遠大將軍年羹堯奏言。有賊二千餘。據北川

新城。遊擊馬成輔攻之。多所擊殺。臣令副將王

高等。以兵三千助之。賊扼山相拒。我兵奮擊。破

其六營。賊敗走。又莊浪當河西五路要害。東西

兩山。賊人游牧所出入。賊中謝勒蘇種最強。額

勒布種。助之爲害。高山密林。以爲巢穴。其碁子

山茨爾溝兩地尤險惡。臣調集涼州及土司魯

華齡兵各鄉兵。凡四千。令涼州總兵官楊盡信

等率之。四面仰攻。斬賊數百級。俘其妻子。賊奔

平定準噶爾方略卷五十一

五

入鐵保城。生擒額勒布賊首魯木受等。及謝勒

蘇賊首坎柱等。俱正法。我軍陣亡者。守備王福

晉把總陳昌及兵丁二十餘人。其被傷者。俟核

實奏報。奏入。得

旨。據奏侵犯西寧之南川西川鎮海堡北川等處逆賊

厄魯特羅卜藏丹津被官兵協力奮攻。勦殺殆盡。賊

衆墮膽逃竄。並將莊浪等處截路行劫之賊番擊敗

擒獲大將軍年羹堯調遣指授官兵俱各奮勇實心効力殊屬可嘉此次立功報効陣亡受傷官兵俱著註冊俟事平之日該部從優議敘。

丁亥。

撫遠大將軍年羹堯奏撫勦西寧北川回人及移察罕丹津於蘭州。

年羹堯奏言蒙古回人據有西寧北川上北塔

平定回疆方略卷五十一

天

下北塔兩地數百里潛蓄異志臣令千總馬中

孝往下北塔招下其三十村莊令率兵一千勦

上北塔獲其頭目阿卜多烏園額爾克喀等正

法餘人悉降馬中孝等請俟大兵凱旋議敘又

奏言察罕丹津向住河州苦為羅卜藏丹津所

劫臣令少卿花善率察罕丹津妻子及其屬人

移住蘭州奏入報

聞。

靖逆將軍富寧安奏報吐魯番等處屯田收穫麥糜九千三百三十石有奇奏入得

旨下部知之。

辛卯。

命封青海台吉索諾木達什為貝子。

上諭理藩院曰據大將軍年羹堯奏稱青海台吉索諾

平定回疆方略卷五十一

毛

木達什在布隆吉爾地方由羅卜藏丹津處脫身來

歸等語向者索諾木達什盡忠効力乃被羅卜藏丹

津誘擒今聞伊已來歸良慰朕懷索諾木達什先與

駐劄柴達木地方之官兵一處効力繼又往西藏軍

前竭誠報國深屬可嘉特沛殊恩著封為貝子給與

上等產業加意撫綏併著大將軍傳諭俾知朕意

癸巳。

撫遠大將軍年羹堯奏剿賊番於奇嘉寺。

年羹堯奏言厄魯特番賊往來劫奪新城堡等

處。守備李國強外委馮光永陣亡。扣總李孝被

傷。臣調西寧總兵官黃喜林等率兵進剿。羅卜

藏察罕等賊。殺奇嘉寺賊五百。喇嘛番子千餘。

獲賊頭目七人。器械馬匹牛羊無算。方冬寒。臣

令黃喜林等撤兵至西寧。奏入報。

平定準噶爾方略卷之三

天

聞。

已亥。

命鑄辦理布拉罕軍前糧餉事務關防。給翰林院侍讀

學士綽爾岱。

議進勦青海事宜。

撫遠大將軍年羹堯奏言進勦青海。一請備兵。

請選陝西督標西安固原寧夏四川甘州大同

榆林土默特鄂爾多斯巴里坤吐魯番等處兵

凡一萬九千。令提督岳鍾琪等分領之。由西寧

松潘甘州布隆吉爾四路進勦。一防守邊口。令

土司兵二千。及西寧滿洲兵五百。留守西寧各

邊口。陝西撫標兵五百。防守永昌。西安滿洲兵

五百。防守甘州。其布隆吉爾舊有兵一千。應仍

留駐防。至副將張成龍現率兵五百。防守巴塘。

平定準噶爾方略卷之三

天

其里塘駐防兵僅五百。請以四川撫標兵三百

益之。再令署松潘鎮副將張英副都統黑色率

兵一千五百。出松潘口。駐劄黃勝關。雲南提督

郝玉麟率兵二千。駐劄察木多。則羅卜藏丹津

等。必不敢至巴爾喀木等處矣。一購買馬駝。臣

於陝西買馬一千。不足用。請於歸化城張家口

採買。或請以太僕寺商都達卜遜淖爾等生馬

匹撥送三千匹。巴里坤選駝二千。甘涼肅州等處採買一千五百赴軍。則於兵丁進勦之期無悞。一貯備軍糧。臣在西安。慮青海有事。已預買米六萬石為備。一精煉火器。請以景山所製火藥給軍。并給駝一百。每駝載百八十觔。於明年正月。送至西寧。奏入。得。

旨總理事務王大臣議政大臣會議具奏。尋議曰。大將

平定縣勇略將軍

辛

軍條奏事宜。悉應如所請。其所請馬數外。增送一千匹。火藥於所請數外。增給一倍。再行文郝玉麟。令由中甸率兵往察木多駐劄。其中甸應令總督高其倬。選總兵官一人。率兵五百駐劄。奏入。

上從之。

壬寅。

命撥振武將軍傅爾丹營兵。赴巴里坤駐劄。以傅爾丹兼統祁里德軍。征西將軍祁里德為叅贊。

上諭總理事務王大臣等曰。撫遠大將軍年羹堯進勦羅卜藏丹津。將巴里坤吐魯番兵調往五千名。朕恐巴里坤兵力單弱。著於振武將軍傅爾丹軍營兵丁內。撥派二千名。令前鋒統領丁壽都統根敦帶領。於

明年二月內。前往巴里坤駐劄。總理事務王大臣等

平定縣勇略將軍

壬

議曰。傅爾丹營中兵。既撥往巴里坤。阿爾台兵少。不敷調遣。請以祁里德所領兵。與傅爾丹軍合。以一將軍統之。奏入。得。

旨兩處將軍。倘有合行處。著傅爾丹總統。祁里德令在叅贊上行走。

以翰林院侍讀學士綽爾岱為內閣學士兼禮部侍郎。仍留軍前。辦理糧餉事務。

甲辰。

召諭策妄阿喇布坦使臣。

策妄阿喇布坦使臣根敦等朝見。

上召入諭曰爾台吉於

聖祖皇考時有獲罪之處亦有効力之處爾台吉今悔過引罪朕甚嘉之。所貢方物朕酌量收納。俟爾回日另降勅諭。

平定準噶爾方略前編卷之三

五

平定準噶爾方略前編卷之十三

雍正元年十二月戊申。

議敘軍前効力蒙古人等功。

封厄魯特多羅貝勒額駙阿寶為多羅郡王。台

吉沙畢多爾濟為固山貝子。喀喇沁一等塔布

囊噶爾瑪色楞扎薩克一等台吉沙克都爾扎

卜並為輔國公。餘各擢賞有差。

巳酉。

平定準噶爾方略前編卷之十三

一

靖逆將軍富寧安奏報巴里坤屯田收穫青稞

二萬一千六十石有奇。奏入。得

旨下部知之。

癸丑。

安插察罕丹津等屬人來歸者。

撫遠大將軍年羹堯奏言王察罕丹津屬下額

爾克扎爾固齊阿勒達爾和碩齊拉布木三人

共殺羅卜藏丹津之守者率其戶口千餘來歸

貝勒塞卜騰扎爾率青海左翼公策凌之弟台

吉巴爾珠爾等及其屬人二千來歸臣即宣布

皇仁赦其脅從之罪安插於西川口外尋又奏言察罕

丹津之婿喇卜坦宰桑巴圖等屬下千四百餘

戶及丹衷屬下七百餘戶並自羅卜藏丹津處

平定回疆方略卷之三

二

脫身來歸仍令歸其所部奏入報

聞

戊午

撫遠大將軍年羹堯奏請訊勘墨爾根戴青拉

察卜父子及誅堪布諾們汗

年羹堯奏言墨爾根戴青拉察卜二子察罕喇

卜坦旺舒克喇卜坦率眾來投云我父墨爾根

戴青拉察卜聞大兵來已脫奔巴爾喀木矣又

堪布諾們汗亦率所屬來臣以墨爾根戴青拉

察卜嘗助羅卜藏丹津劫掠察罕丹津有罪已

令其子遣人招之到日勘實請

旨堪布諾們汗乃近邊塔兒寺喇嘛且察罕丹津之姪

也既煽羅卜藏丹津為叛又敢令喇嘛與我兵

戰勢窮來投罪不可貸到日即正法奏入報

平定回疆方略卷之三

三

聞

辛酉

命賞給諸路軍前兵丁行糧一月

撫遠大將軍年羹堯奏敗賊於布隆吉爾進勦

郭密諸部

年羹堯奏言賊兵三千餘人來侵布隆吉爾參

將孫繼宗遊擊孫超節率兵迎戰兵既交副將

潘至善以兵至。併力擊賊。殺傷甚衆。所獲器械

無算。尋又奏言西寧一帶番賊已勦滅。惟南川

口外郭密九部肆行劫掠。臣先招下其沙克都

爾阿喇卜坦等三部。餘部肆掠如故。其呈庫和

爾嘉二部。暴橫尤甚。岳鍾琪所率瓦斯雜谷兵

熟習山路。臣前令岳鍾琪往歸德堡。於上寺東

策卜下寺東策卜賊番助惡者。或勦或撫。各已

平定準噶爾方略卷之三

四

安插。卽移師進勦郭密番賊。搜其巢穴。呈庫一

部。攻殺略盡。和爾嘉諸部。首惡已誅。餘衆悉降。

奏入報。

閱

雍正二年甲辰春正月丙子朔。

策妄阿喇布坦使臣根敦等隨班朝賀行禮。

上命賜宴。

丁丑。

諭免烏梁海民借餉。

上諭理藩院曰。朕問貝勒博貝管轄之烏梁海人民近

時何以資生。據奏在將軍祁里德處借餉一萬八千

五百六十兩。買牲分給。各得產業。今勝於昔。其所借

餉銀。伊將俸銀逐年抵補等語。朕思博貝歷年宣力。

勲績卓然。且烏梁海等衆均係朕之百姓。豈有養育

平定準噶爾方略卷之三

五

朕之百姓而借餉於朕之理。所借銀兩不必扣還著

行文將軍祁里德知之。

命治侍郎常授罪。議敘筆帖式多爾濟。

先是千總馬超羣從侍郎常授往羅卜藏丹津

處。超羣還言羅、藏丹津與常授約於察罕托

羅海會議。常授行至和爾處。會日暮。有賊二、三

千人突至。刼常授及輜重去。筆帖式多爾濟憤

激抽及自刎。常授被執在堪布廟中。至是無遠

大將軍年羹堯奏言。十二月十三日。羅卜藏丹

津送侍郎常授回營。并呈奏章一函。筆帖式多

爾濟仗節捐軀。請予優卹。奏入。得

旨。侍郎常授乃簡任西寧辦理青海事務之員。伊並不

將羅卜藏丹津謀叛情形奏聞。一切軍務悉推諉於

年羹堯。又擅棄西寧。輕往青海。為羅卜藏丹津所獲

平定回疆方略卷之三

六

及羅卜藏丹津將伊釋放。復覩顏生還。溺職已甚。著

將常授拿解西安監禁。至筆帖式多爾濟被賊擒獲。

不屈身死。甚屬可嘉。著交部照殉節例議敘。仍著大

將軍年羹堯照例子祭。

戊寅。

命撫遠大將軍年羹堯申討羅卜藏丹津及其同謀逆

黨。

上諭年羹堯曰。朕前曾降旨。羅卜藏丹津被困時。必將

常授送回請罪。今果將常授送回矣。羅卜藏丹津從

此。又以甘言巧懇。阻滯吾兵。亦未可定。羅卜藏丹津

乃辜負國恩。與吾兵對敵之叛賊。國法斷不可宥。不

得因伊曾封王爵。稍存疑慮。再與羅卜藏丹津同謀

之王貝勒貝子公等。既經背叛。其爵即宜削除。伊等

或來歸順。或被擒獲。不必更論。其先曾封爵。但論其

平定回疆方略卷之三

七

行事之輕重。可寬者從寬。應治罪者治罪。辦理奏聞。

甲申。

勅諭中外喇嘛。

上諭理藩院曰。西海逆賊羅卜藏丹津一事。喇嘛等理

宜將叛亂之人。善言開導。令其和輯。不致起事。戕害

生命。是為維持佛教。如其不能。亦應呈明。該將軍等

各自閉戶安居。豈意反助西海悖逆之人。竟糾合數

千喇嘛手持兵刃公然抗拒官兵。及至潰敗。猶不降順。入廟固守。以致追殺覆滅。有玷佛教甚矣。欽惟

太宗文皇帝時第五輩達賴喇嘛遣使入覲。極為恭順。

及

世祖章皇帝時。將第五輩達賴喇嘛延至京師。封為瓦

齊喇達喇達賴喇嘛。蒙被殊禮。百年以來。法教興隆。

皆我朝之恩賜也。前者準噶爾寇犯招地。殺戮僧徒。

平定準噶爾方略前編卷之三

八

拆毀寺廟。

聖祖仁皇帝遣發大軍恢復招地。俾達賴喇嘛重安法

座。佛教復興。如此隆恩。喇嘛並不感激。反助悖逆之

人。凶惡已極。於佛門之教尚可謂遵受奉行者乎。將

朕此旨遍諭各處寺廟喇嘛。并住居蒙古扎薩克處

之大小喇嘛等知之。

丙戌

賞給巴里坤滿洲察哈爾綠旗種地兵丁銀兩有差。

丁亥。

授四川提督岳鍾琪為奮威將軍。

戊子

封喀爾喀鎮國公策旺諾爾布為固山貝子。

辛卯。

命賞副將孫繼宗破青海賊功。

平定準噶爾方略前編卷之三

九

上諭兵部曰。副將孫繼宗領兵在布隆吉爾等處。同遊

擊潘至善大敗青海逆賊。孫繼宗著賞給總兵官職

銜。俟有陝西總兵缺出題補。

壬辰。

命鑲白旗蒙古都統武格總管殺虎口至阿爾台一路

軍臺事務。

癸巳。

上諭總理事務王大臣等曰。額駙策凌奏稱伊自阿爾
台軍營來時。副都統勒欽圖原任將軍席柱年俱衰
邁。原爵公德贍在軍營患病。請將此三人撤回等語。
席柱勒欽圖著撤回。德贍係前往効力贖罪之人。俟
軍務告竣。再令伊回京。

甲午。

撫遠大將軍年羹堯奏破喇嘛於郭隆寺。

平定邊疆方略卷三

十

年羹堯奏言章嘉胡土克圖瑚畢勒罕住西寧
東北郭隆寺。所屬喇嘛甚衆。與羅卜藏丹津阿
喇卜坦温布陰相結好。今年正月郭隆寺喇嘛
忽羣聚演兵。臣方行禁止。而寺中喇嘛號召東
山一帶番人。約於十一日拒戰。臣見反狀已露。
即遣提督岳鍾琪會同前鋒統領蘇丹副都統
覺羅伊禮布等統兵進勦。兵未到郭隆寺。而賊

衆已於十二日駐營哈喇直溝迎戰。我軍直前
衝擊。斬賊數千。據其三嶺。焚其十寨。副將宋可
進總兵官吳正安黃喜林等各有斬獲。沿途又
焚其七寨。及所居屋七十餘所。次日抵郭隆寺
外。繞寺並山谷。伏賊千餘。望見我軍。悉入洞逃
匿。我兵鎗礮並發。益薪縱火焚之。賊盡熏死。計
前後殺賊六千餘。燬郭隆寺。并詰問章嘉胡土
克圖瑚畢勒罕消息。諸喇嘛已先期挾之。往大
通河西維隆處矣。臣即取達克瑪胡土克圖斬
之。此次効力官兵及陣亡被傷者核實咨部。奏
入得

平定邊疆方略卷三

十一

旨効力官兵。俟事竣議敘。其勞績尤著之官弁。俱著加
銜二等。

辛丑

封喀爾喀一等台吉衮布扎卜為輔國公。

癸卯。

喀爾喀多羅貝勒恭額喇卜坦卒。封其子佛保

為固山貝子。

二月丙午。

喀爾喀扎薩克多羅貝勒吹扎木察卒。以其子

納木扎爾車素隆襲爵。

平定準噶爾方略卷之三

三

壬子。

撫遠大將軍年羹堯請分路進勦羅卜藏丹津。

年羹堯奏言青海貝勒羅卜藏察罕貝子濟克

濟扎卜台吉衮布色卜騰。納罕伊什來歸。羅卜

藏察罕之母。率諸部妻屬及貝勒策零敦多卜

之姊恣至西寧。隨給子茶葉大麥等物。令往口

外駐劄。臣思羅卜藏丹津欲威脅諸部。以益兵

力。眾心未服。若不乘機進兵。則來投之人勢難

保全。臣令提督岳鍾琪總兵官吳正安黃喜林

侍衛達鼐副將王嵩宋可進紀成斌等。率兵六

千分路進勦。前鋒統領蘇丹留西寧軍營辦事。

奏入報。

聞

戊午。

平定準噶爾方略卷之三

三

命議阿爾台撤兵駐防事宜。

上諭總理事務王大臣等曰。青海之事。不日告竣。而策

妄阿喇布坦亦屬恭順。其撤回各路之兵。及固守地

方之事。應預行定議。額駙策零貝勒博貝俱在阿爾

台駐劄年久。地方情形。皆所悉知。現皆在京。可詳詢

阿爾台一路兵丁如何撤回。及駐防兵丁應於何處

安設之處。確議具奏。尋議曰。策妄阿喇布坦。以使臣

吹納木喀既還。中心悅服。遣使復來。意甚恭順。然永固邊陲之策。不可不預為籌畫。方今阿爾台一路。振武將軍傅爾丹軍中兵三千八十二人。征西將軍祁里德軍中兵六千九十八人。並應撤回前奉

聖祖仁皇帝諭旨。喀爾喀邊疆。係與策妄阿喇布坦及俄羅斯接壤。交將軍及喀爾喀王等會議。時議以茂

平定邊疆方略卷之三

古

岱察罕度爾扎克拜達里克二地。並要害。宜駐兵。已卽其地築城。後以烏蘭古木地廣土肥。可以屯田。乃遣哨兵治城屯駐。但烏蘭古木直抵阿爾台山。與茂岱察罕度爾扎克拜達里克及喀爾喀游牧所在。相隔千里。不便請罷之。仍於茂岱察罕度爾扎克拜達里克兩處撥滿洲兵二千防守。四年而代。蒙古兵二千永駐其地。滿

平定邊疆方略卷之三

圭

洲兵於京城佐領下選一千七百四十二人。不足則以八旗漢軍礮手充補。蒙古兵於八旗游牧察哈爾佐領下選一千人。右衛佐領下選七百人。不足則以歸化城土默特佐領下兵丁撥補。凡兵四千。令一將軍一副都統領之。將軍駐劄察罕度爾。副都統駐劄扎克拜達里克。令所司鑄給將軍印信。其察哈爾右衛歸化城蒙古兵二千。設總管等管轄。令於兩城左右游牧駐劄。阿爾台軍前。現有喀爾喀扎薩克兵二千。請暫留駐。令王丹津多爾濟額駙策凌貝勒博貝等統領調遣。丹津多爾濟應鑄給管轄喀爾喀左翼兵丁副將軍印信。策凌應鑄給管轄喀爾喀中路兵丁副將軍印信。博貝應鑄給管轄喀爾喀右翼兵丁副將軍印信。軍營一切鎧仗。令

兵部工部製給俸餉馬駝等物令戶部支賞京城滿洲兵於明年四月啓行令將軍副都統率之出張家口由中路察喀爾右衛歸化城兵令總管率之擇便宜游牧而前其兩地屯田俟將軍到撥兵耕種令官商范毓積等輓輸米石以備支給口糧之用其屯種事務奏遣大臣一人辦理鑄給辦理茂岱察罕廈爾扎克拜達里克兩處兵餉關防更四年與將軍俱代再請令傅爾丹於阿爾台兩路選兵五千留駐其餘令征西將軍祁里德於今年七八月統領撤回并上征西將軍印敕至阿爾台所設軍台道路荒僻且戈壁遼濶水草不佳查張家口去珠勒輝翁吉推河甚近水草充裕請遣大臣一人從此路移設臺站庶于兵丁畜牧均有裨益奏入得

平定準噶爾方略卷之三

六

旨爾等所議令傅爾丹處暫留兵五千名阿爾台既有喀爾喀之兵著留四千名餘依議并行文大將軍年羹堯知之

撫遠大將軍年羹堯奏獲阿喇卜坦溫布等賊年羹堯奏言據岳鍾琪報二月初八日率兵出口聞巴爾珠爾阿喇卜坦在烏蘭博爾克即分兵三路進剿比到賊已遁去遂令總兵官吳正安由北路總兵官黃喜林副將宋可進由中路岳鍾琪侍衛達鼐由南路率兵追賊副將王嵩紀成斌各率兵搜山岳鍾琪追至伊克喀爾吉阿喇卜坦溫布竄入哈爾吉山中我兵入山獲之黃喜林亦擒獲巴爾珠爾阿喇卜坦及其叔伊克喇卜坦趣令追賊首羅下藏丹津勿脫即攜所擒獲阿喇卜坦溫布等三賊進剿并收撫

平定準噶爾方略卷之三

七

逃散諸部落奏入報

聞

已未。

子陣亡原任湖廣總督額倫特祭葬諡忠勇。

先是。

上命兵部議敘總督額倫特。兵部議奏應給騎都尉兼

一雲騎尉。額倫特前以招摩多功已給雲騎尉。

平定邊疆方略卷五十五

六

應并為三等輕車都尉。令其長子愛三承襲。請

諡忠勇。至是予諡。

特賜祭葬。且

命入昭忠祠。

甲子。

撫遠大將軍年羹堯奏擒阿岡部落賊番。

年羹堯奏言羅卜藏丹津背叛。阿岡部落賊番

輒採取內地信息報之。臣令涼莊道蔣洞等率

兵四路進剿。斬獲人口牲畜無算。即取賊首阿

岡囊蘇正法。奏入。得

旨將洞著加按察使銜。

丙寅。

中甸番夷內附。

雲貴總督高其倬疏言中甸故屬麗江。後為青

平定邊疆方略卷五十五

九

海所據。嘗受逆賊羅卜藏丹津偽劄。臣遵

旨令提督郝玉麟率兵駐其地。番夷悉上所受偽劄。歸

誠納土。現在安撫其人。清理疆界。奏入。得

旨郝玉麟遵旨率兵至中甸。揚威駐劄。宣布德意。中甸

番夷頭目。歡忭感激。率眾三千五百戶男婦一萬七

千五百名。喇嘛一千十四人。投誠納土。高其倬復遣

官安撫。殊屬可嘉。俟青海事竣之日。議敘具奏。

撫遠大將軍年羹堯奏擒吹喇克諾木齊屬下
都喇勒宰桑及扎什敦多卜之母。

年羹堯奏言據岳鍾琪報二月十四日兵至西

爾哈羅色。知吹喇克諾木齊在天城察罕哈達。

卽進兵擒獲人口牲畜甚衆。吹喇克諾木齊於

十四日夜以三百人遁走噶斯。其屬下都喇勒

宰桑及扎什敦多卜之母。將其所屬人馬竄走。

平定準噶爾方略卷之三

三

台吉益蘇克旺扎爾等獲之來獻。卽各賞予銀

緞。令率蒙古兵五百往噶斯路追擒吹喇克諾

木齊。并令守備劉廷彥率兵與俱。謀知羅卜藏

丹津仍居故所。大兵約於十九日直抵賊所在

進剿。奏入報

聞。

丁卯。

撫遠大將軍年羹堯奏勦喇嘛番賊於石門寺。

年羹堯奏言據涼莊道蔣洞報石門寺喇嘛

囊蘇山丹等所屬多卜藏瑪嘉諸部落詭辭降

我。潛與謝勒蘇額勒布兩部逃入倚石門寺爲

巢穴。往來劫掠。臣卽令蔣洞率綠旗土司及民

兵分五路薄石門寺。奮勇齊發。擊殺喇嘛番賊

六百。搜獲寺內盛甲五千。刀鎗散袋諸物無算。

平定準噶爾方略卷之三

三

卽火其寺而還。奏入報

聞。

癸酉。

命巴里坤管理屯種事務原任江西巡撫王企靖回籍

以正紅旗蒙古副都統雅圖總理屯種事務。

楚克賴納木扎爾內附。

撫遠大將軍年羹堯奏言。楚克賴納木扎爾率

聞。

其子策零敦多卜。及屬下一千餘戶來歸。臣給予茶葉大麥諸物。仍令往伊克烏蘭和碩等處居住。奏入。報

三月己卯。

喀爾喀扎薩克輔國公策凌達什卒。以其子敦

多卜額林沁襲爵。

平定青海剿擒逆裔

三

癸未。

平定青海。

撫遠大將軍川陝總督年羹堯奏言。二月初八

日遣奮威將軍岳鍾琪率大軍進勦青海逆賊

羅卜藏丹津。由布爾哈屯直抵賊巢額穆訥布

隆吉爾處。分兵一千到北路柴達木。斷賊走嚀

斯路。岳鍾琪率兵由南路尾賊後。二十日謀知

賊眾逃往烏蘭穆和爾。我兵跡之賊復逃往柴

達木。又分兵一千追賊。大軍隨之進擊。擒獲羅

卜藏丹津之母阿勒泰喀屯。及其妹夫格勒克

濟農藏巴濟扎卜等。弁人口牛羊無算。二十二

日軍至柴達木。羅卜藏丹津率二百餘人逃匿。

即分兵至烏蘭白克。擒獲吹喇克詰木齊。扎什

敦多卜。盡收其人戶駝馬。其助亂之八台吉等

平定青海剿擒逆裔

三

悉擒之。羅卜藏丹津母及賊黨阿喇卜坦温布

等八人。並降者益蘇克旺扎爾等四人。俱檻送

軍前。青海部落悉平。奏入。報

聞。

甲申。

命策平定青海功。賞賚官兵有差。

上諭總理事務王大臣等曰。青海逆賊羅卜藏丹津之

事。大將軍年羹堯奮威將軍岳鍾琪以及兵丁皆奮勇殺賊。於十五日內即能將逆賊剿滅平定。殊為可嘉。年羹堯著授為一等公。再賞一子爵。岳鍾琪授為三等公。凡効力官兵俱加優恩策勲外著戶部動用錢糧二十萬兩送至大將軍年羹堯處分別官兵効力等次賞給以示格外加恩之意。

封大將軍年羹堯之父年遐齡為一等公加太

平定準噶爾方略前編

卷

傅銜賜緞九十疋

乙酉

命原任將軍宗扎卜總管殺虎口至阿爾台一路軍臺

井辦理遷置臺站事務

丁亥

以平定青海

命詳定告功

祀典

裕親王保泰等遵

旨議曰平定青海應如平定吳逆噶爾丹例遣官告祭

天

地

宗廟

社稷

平定準噶爾方略前編

卷

永陵

福陵

昭陵

暫安奉殿

孝陵

孝東陵

景陵并

奉先殿奏入得

旨是尋各遣官所在告祭如禮。

命內閣學士鄂賴自藏至西寧辦理蒙古事務。

壬辰。

勅諭策妄阿喇布坦。

上勅諭準噶爾台吉策妄阿喇布坦曰爾前者無故侵擾我哈密疆界罪在不赦。

平定回疆方略卷之三

天

皇考聖意。止令於邊地防守。雖各路發兵原無勦滅準

噶爾之意也。其後哲卜尊丹巴胡土克圖為爾奏懇

皇考欲施恩寬宥。所以遣使楚揚託音等諭爾。前年爾

所遣吹納木喀布窄等。至哲卜尊丹巴胡土克圖處。

轉至總督年羹堯軍前送至京師。朕定爾平生功罪。

開示大義。面諭遣回。今爾深省前非。歸誠請罪。遣使

根頓同楚揚託音前來。奏辭恭順得遂。

皇考初心。朕意嘉悅。爾所奏稱惟祈休養生靈。闡揚正

教。為第一要務等語。爾台吉不過準噶爾一部落之

主。尚欲休養生靈。闡揚正教。何況朕為四海臣民之

主。普天之下皆朕土。率土之濱皆朕臣乎。用是特遣

御前總管京城喇嘛班第副扎薩克大喇嘛達爾漢

楚揚託音內閣學士衆佛保副都統扎什喇嘛錫喇

卜格楚爾等宣諭。若台吉果欲輯寧爾國。尚其誠一

平定回疆方略卷之三

天

乃心。與朕所遣大臣等申定疆圻。諸事循理妥議。歸

於和順。朕必施恩軫念。永加眷顧。仍前通市使命往

來。爾台吉誠能以鮮終為戒。其必惟和惟順。無貳無

疑。披瀝悃忱。以期永好不特克協於朕休養生靈至

意。爾台吉游牧地方。亦永永無虞。安居樂業矣。特此

諭示。並賜各色緞二十七疋。爾其祇承。

撫遠大將軍年羹堯奏擊敗阿喇卜坦蘇巴泰

等

年羹堯奏言據副將軍阿喇納報阿喇卜坦蘇
巴泰等要路劫奪。急當殲除。臣令總兵官孫繼
宗喀爾喀扎薩克通摩克等。率兵抵喀喇淖爾。
聞賊逃往阿魯巴爾虎。即進兵及之。推默爾賊
兵拒戰。為我兵所擊敗。盡棄牛羊。率其妻子遁
去。奏入報。

平定準噶爾方略前編卷五

天

聞。

命議防邊八事。

撫遠大將軍年羹堯遵

旨議奏曰防守邊口八事。一大兵駐巴里坤吐魯番地

久。今策妄阿喇布坦恭順遣使。事雖未竟。而兵
可暫罷。臣請於巴里坤吐魯番兵中選滿洲蒙
古綠旗兵二千人。於巴里坤駐劄。一千五百人

於吐魯番駐劄。再令綠旗兵二千人駐劄哈密。

餘兵悉罷之。一布隆吉爾築城為駐兵防守之

界。請令一總兵官統兵五千駐劄。分為五營。其

遊擊守備以下等官增設如例。沙州去伊遜察

罕齊老圖口相近。最要害。應分兵設一營駐劄。

哈密地隘。容兵無多。請於巴里坤吐魯番所駐

兵撤後。撥鎮標遊擊一人。千總一人。把總二人。

平定準噶爾方略前編卷五

天

兵五百人防守。每年更代其駐兵新城乞

欽定嘉名。以垂永久。一布隆吉爾去嘉峪關五百餘里。

口外募兵。一時難集。請以甘涼肅三州所罷兵。

即駐其地。其眷屬官為給路費遣往。如兵缺以

營中餘丁選補。一布隆吉爾駐劄官兵俸餉。由

內地轉輸多費。不便。前者赤金衛柳溝所等處

嘗募人種地。今請於每營撥餘丁二百。每丁官

給牛二頭籽種四石口糧三石次年給半三年

但給籽種之半嗣後勿給其田即為耕者恒產

無論米麥青稞計收三石以為兵丁月餉一布

隆吉爾沙州請設官以理民事赤金靖逆二衛

舊設通判同知應令通判兼管二衛更於布隆

吉爾增設一衛守備沙州增設一千總令專管

種地事務其靖逆衛同知令移駐布隆吉爾並

平定邊疆方略卷之三

手

屬肅州道統轄一肅州總兵官四營有兵三千

二百肅州居口內今大兵已駐劄布隆吉爾肅

州兵止於口內分守臺站事少應撥肅州鎮標

兵一營八百人往布隆吉爾再撥柳溝所兵一

百靖逆衛兵一百往益布隆吉爾軍靖逆衛設

一都司赤金及柳溝各設一千總並屬布隆吉

爾總兵官管轄一布隆吉爾沙州故蒙古地赤

金衛柳溝所嘗為蒙古部人游牧所出入方大

兵在外我軍士向已耕種駐劄其地若兵撤後

仍聽諸蒙古游牧往來或且爭競生事今布隆

吉爾南山中多隙地應遣大臣一人率賢能章

京往山中分地居之庶令內外地界明晰一寧

夏地廣土肥舊設總兵官駐劄遇哈密有事輒

自內撥滿洲兵赴之道遠甚無益按寧夏阿拉

平定邊疆方略卷之三

手

善山外去哈密逼近宜令滿洲兵駐防寧夏其

駐兵若干及設官人數俟西寧事畢臣當審視

詳悉定議再奏奏入得

旨此事甚鉅著議政大臣等各抒己見詳加定議具奏

尋議曰撫遠大將軍年羹堯所奏八事詳晰俱

應如所請奏入

上從之

辛丑。

議行慶賀典禮。

禮部議曰青海構逆。天兵致勦。二旬定之。邊陲

安輯。大軍凱旋。應如諸王大臣所請。

皇上擇日陞殿。行慶賀禮。奏入。得

旨。此次平定青海。實由我

皇考簡用將帥之得宜。參養弁兵之有素。伊等感恩効

平定準噶爾方略前編卷之三

三

力。克奏膚功。此皆

謨烈貽留。豈可為朕有乎。朕續承

前烈。守而弗違。應行典禮。勉從所請。俟告祭

陵寢後擇日具奏。

癸卯。

撫遠大將軍年羹堯奏擒斬嘉木燦堪布等。

年羹堯奏言據侍衛達鼐報。二月初三日。與副

聞。

將紀成斌等搜勦羅卜藏丹津屬人。謀知嘉木

燦堪布喇嘛。竄匿布代山後。恐由西藏一路遁

去。遣人往調台吉濟木巴等。撥蒙古兵於西藏

邀截。即率兵抵索羅穆逼之。嘉木燦堪布等拒

戰敗走。我兵隨後勦殺。濟木巴等。間道迎賊。擒

斬嘉木燦堪布吹扎木素二人。傳首軍營。奏入。

報

平定準噶爾方略前編卷之三

三

平定準噶爾方略前編卷之十四

雍正二年夏四月乙巳。

敘平定青海功。

大將軍年羹堯已授為一等公。將軍岳鍾琪已

授為三等公外。授叅贊蘇丹總兵官朱可進為

三等輕車都尉。總兵官黃喜林為二等輕車都

尉。按察使王景灝總兵官周瑛副將王嵩紀成

平定準噶爾方略前編卷之十四

一

斌為騎都尉。提督郝玉麟總兵官武正安為雲

騎尉。以侍衛達鼐為副都統。授騎都尉。其餘有

功將士各擢賞有差。

戊午。

以青海平定功成。

上御太和殿。諸王貝勒員子公文武百官以下。上表行

慶賀禮。

撫遠大將軍年羹堯奏擒阿布濟車陳台吉並

降喀爾喀扎薩克沙爾都台吉。

年羹堯奏言侍衛達鼐副將紀成斌等率兵至

布哈色卜蘇擒獲阿布濟車陳台吉。又喀爾喀

扎薩克沙爾都台吉來降。奏入。報

聞。

丁卯。

平定準噶爾方略前編卷之十四

二

撫遠大將軍年羹堯奏勦定河州口外鐵布諾

番。

年羹堯奏言河州口外鐵布等寨番人並青海

所屬劫掠道路猖狂妄行。臣遣署河州副將岳

超龍等率兵進勦。取四十一寨。收服三十七寨。

殺傷番賊二千一百餘人。擒獲人口牲畜無算。

悉賞給官兵。奏入。報。

聞。

閏四月癸未。

行獻俘受俘典禮。

先是總理事務王大臣奏言青海大捷請獻俘於

太廟。

皇上親御午門受俘奏入得

平定準噶爾方略前編卷十四

三

旨奉定青海實乃

皇考留貽之功故捷音到日恭告

景陵今造逆首惡吹喇克諾木齊阿喇卜坦溫布藏巴

扎卜等三人檻送來京朕令議獻俘

太廟之禮以慰

列祖在

天之靈諸王大臣等乃議請受俘歸功於朕非朕本意

也。可否祇行獻俘不行受俘之禮。諸王大臣等再察

典禮具奏。尋議曰。出師凱旋。執獲醜類。獻於廟社。卽

受俘於廷。歷代行之。典禮甚鉅。應請

允行。奏入。

上從之。至是以平定青海所獲逆俘吹喇克諾木齊阿

喇卜坦溫布藏巴扎卜三人。檻送至京。行獻俘

禮。遣官告祭

平定準噶爾方略前編卷十四

四

太廟。

社稷。越三日丙戌。王以下文武百官齊集

午門前。設鹵簿。鳴金鼓。

上御午門樓前楹。升寶座。受俘。兵部官率檻送俘囚將

校以逆俘吹喇克諾木齊阿喇卜坦溫布藏巴

扎卜三人至。白練繫頸。跪伏。兵部大臣奏言所

獲俘囚謹獻

闕下

上命交刑部。於是刑部官領

旨兵部官引俘。出王以下文武各官行禮畢。

上回宮。是日賜檻送俘囚官。各蟒緞朝衣帽鞵。加賞銀

百兩。兵丁各賞銀二十兩。

庚寅。

命順承郡王世子弘晟還京。

平定回疆勦擒逆裔

五

上諭總理事務王大臣等曰。策妄阿拉布坦來使已回。

胡士克圖處事務亦竣。前令順承郡王世子弘晟在

彼守護。今既無事。著伊等從容回京。

五月庚申。

撫遠大將軍年羹堯奏勦臬子山。碁子山番賊。

年羹堯奏言。莊浪謝勒蘇部番人倡惑。竊據臬

子山。碁子山。又涼州南崇寺沙瑪喇木扎卜等。

與蒙古通。去年輒劫掠新城張義諸堡。又郭隆

寺。郭莽寺喇嘛脫走者。煽動西寧。納朱公寺朝

天堂。加爾多寺諸番。與莊浪番賊構亂。臣與奮

威將軍岳鍾琪。及在西寧大臣等共議。發綠旗

土司兵。分十一路。於四月十五日。由西寧進兵。

尋據岳鍾琪等報。納朱公寺喇嘛番人悉降。即

延小章嘉胡士克圖。以朝天堂居之。加爾多寺

平定回疆勦擒逆裔

六

諸番遣副將紀成斌。張玉總兵官黃喜林等。分

四路。抵賊巢。殺賊數百。餘多死溝河中。諸寺悉

燬。又據報遊擊馬忠孝。王大勳等。殺賊於和石

溝。遊擊王序吉。范世雄。敗賊於石門口。涼莊道

蔣洞。殲賊於喜達堡。而前鋒統領蘇丹率兵至

旁伯拉夏口。番人詭辭來降。蘇丹怪其踪跡。令

偵之。則賊衆伏鎗且發。遂率兵直抵賊穴。殺賊

甚眾。又涼莊道蔣洞搜勦碁子山。破賊於巴洞溝。土司魯華齡殺賊於天王溝。前後勦賊略盡。其賊首謝勒蘇部阿旺策零。為先密寺喇嘛縛之。至軍。岳鍾琪又率兵至鎮羌。謀賊在木茂山。即遣校率兵截殺。賊大殲。餘賊悉棄妻子逃去。

乃留總兵官宋可進涼莊道蔣洞。令統綠旗土司兵五千暫駐防守。又守備馬光於寬溝。殺賊

平定準噶爾方略前編卷之十四

七

二十餘人。賊潰散。又先密寺番人。數反覆。且其地與碁子山賊穴相連。恐後復聚為亂。已令其地喇嘛諸番。移居於加爾多寺外。其先密寺已燬之。此次陣亡被傷綠旗土司官兵。及所招撫諸番戶口數。俟核明具冊咨部。奏入。得

旨。碁子山番賊。甚屬兇頑。倚恃地方危險。屢行

劫掠。大將軍年羹堯籌畫調遣。令奮威將軍岳鍾琪

等統率官兵進勦。於山險林密之處。奮戰五十餘日。盡行勦滅。黽勉効力。克奏膚功。永靖邊塞。甚屬可嘉。此次勦績。著將大將軍年羹堯及岳鍾琪等弁兵。俱從優議敘。

辛酉。

布隆吉爾副將軍阿喇衲有疾。

命署固原提督噶爾弼署理。以軍前正黃旗蒙古都統

平定準噶爾方略前編卷之十四

八

蘇丹署理陝西固原提督。以陝西西安左翼副

都統覺羅伊禮布署理陝西西安將軍。

壬戌。

命詳議青海善後事宜。及禁約等事。

上諭總理事務王大臣等曰。自西陲逆賊羅卜藏丹津

等。背棄國恩。招集同惡。殘其骨肉。侵犯邊城。朕命年

羹堯揆度機宜。指麾將士。犁庭掃漠。迅奏膚功。惟逆

賊犯塞之初。邊民略被騷擾。克敵之後。居民安堵。不知有兵。且士馬有飽騰之歡。閭閻無轉運之苦。支用錢糧。一無糜費。昨因野番劫掠成性。出沒無常。又令奮威將軍岳鍾琪領兵搜捕餘孽。將士用命。於深山林木之中。轉戰五十餘日。俱已蕩平。從此鋒鏑永清。疆圉開拓。今具奏善後事宜十三條。又定禁約青海十二事。運籌周密。措置精詳。朕心嘉悅之。至其所奏

平定回疆方略卷之四

九

善後諸事。皆合機宜。惟新闢地方。宜廣屯種。而欲令五省有罪之人。發往開墾。恐此等之人。未必習於耕種。又無室家。可以羈留於邊塞之處。少當留意耳。爾等一併悉心妥議具奏。尋議曰。據撫遠大將軍年羹堯條奏青海善後事宜十三條。一。奏言青海諸部。宜分別功罪。以加賞罰。前者羅卜藏丹津侵犯內地時。貝勒塞卜騰扎爾輒來告我消息。及

賊人來犯西川南川。未嘗助賊。首率所屬來歸。台吉噶爾丹戴青亦始終不肯助賊。且與貝勒盆蘇克旺扎爾併力戰敗吹喇克諾木齊。賊以是就擒。又隨大兵出口効力。扎薩克阿喇卜坦乃察罕丹津之婿。隨大將軍進勦効力。並請加封爵。以示獎勵。應如所請。塞卜騰扎爾晉封郡

平定回疆方略卷之四

十

王。噶爾丹戴青封固山貝子。阿喇卜坦封輔國公。又奏言。俘獲諾顏格隆。乃土爾扈特台吉。今已為喇嘛。隨提督岳鍾琪軍効力。貝勒盆蘇克旺扎爾前雖從賊。已而自悔歸命。願擒賊贖罪。請與來降公策凌諾爾布留其前所封爵。以示寬大。應如所請。各復其爵。又言。輔國公羅卜藏察罕。台吉濟克濟扎卜雖降。前與貝子阿喇卜坦。巴爾珠爾阿喇卜坦。擾亂內地。請奪其爵。為

民貝勒策零敦多卜貝子拉察卜雖降前數助逆賊。並請降所封爵以示懲戒。應如所請。羅卜藏察罕濟克濟扎卜奪爵為民策零敦多卜降為固山貝子。拉察卜降為鎮國公。一奏言青海部落宜令分別游牧居住。請如內扎薩克編置佐領。以申約束。每百戶置一佐領。其不滿百戶者為半佐領。其台吉悉授扎薩克。於其兄弟中

平定準噶爾方略前編卷之十四

十一

選授協理台吉。每扎薩克設一協領。一副協領。一叅領。每佐領設一佐領。一驍騎校。四領催。其一旗有十佐領以上者。增設一副協領。二佐領。或增設一叅領。如蒙

俞允。請令一等侍衛副都統達鼐暫留辦理。其每年會盟。奏選其老成恭順者。令充盟長。不得私推。以致滋事。並應如所請。一奏言朝貢交易宜立期

定地。請自雍正三年始於諸王右吉中定約人幾何。自備馬駝。由邊外入京朝貢。各分青海諸王貝勒為三班。三年一至。九年二屆。其與內地交易。則定以每年二月八月二次交易。令俱集邊外。臣相擇西寧西川邊外。其地曰那喇薩喇。請定為中外互集之地。不得移置。屆期令總兵官遣將校率兵督視。如有擅入邊牆者治之。應

平定準噶爾方略前編卷之十四

十二

如所請。但諸蒙古所需茶葉布麪等物。其交易期遠。恐窘乏。應令四時交易。一奏言羅卜藏丹津屬人吹宰桑實率先歸順。請令於松潘口外駐牧。授以土百戶銜。丹忠部下宰桑噶隆塞卜騰達什等率數百人。至松潘來降。今駐潘州。請授以千百戶官。並應如所請。一奏言喀爾喀厄魯特四部宜勿隸青海。按諸部既非被擄之人。

今青海諸王台吉咸歸德來降。其助逆者悉已

擒獲。而喀爾喀部隨軍降者所在多有。宜乘我

軍威。令凡喀爾喀部不願為青海屬者。請如青

海例編旗各置佐領。增設扎薩克等。令分駐勦

賊故地。其願歸者聽之。如此則青海之勢分。而

喀爾喀台吉等莫不感勵。應如所請。一奏言西

番部人宜屬內地管轄。凡陝西所屬甘州涼州

平定邊疆略考卷之丙

七

莊浪西寧河州四川所屬松潘打箭爐里塘巴

塘雲南所屬中甸等處。並西番所在駐牧地。自

明以來。失撫治之道。或為喇嘛耕種地。或為青

海屬人。交納租稅。但知有蒙古。而不知有廳衛

營伍諸官。今西番歸化。悉為內民。應相度地勢

增設衛所以撫治之。擇番人頭目。心服於我者

給予土司千百戶。土司巡檢等銜。令分管之。并

令附近道廳。及增設衛所諸官管轄。其應納糧

草。較前所納數。請減之。以示寬大。至近邊居帳

屋。逐水草游牧者。仍許其游牧。均應如所請。一

奏言青海所在。宜加約束。按青海巴爾喀木藏

危。乃唐古忒四大部。顧實汗據有之。以青海地

宏敞。可以牧養牲畜。喀木人眾糧富。遂令其子

孫分處二地。嘗於青海游牧居處。而喀木地納

平定邊疆略考卷之丙

古

貢賦焉。藏危二地。舊施予達賴喇嘛。班禪喇嘛

供給香火。今以青海叛。盡取其地。令四川雲南

諸官管理。達賴喇嘛遣人到打箭爐貿易。其駝

裝過察木多。乍丫巴塘里塘。軌向所在喇嘛。索

取銀各有差。名曰鞍租。至打箭爐為納稅用。請

飭達賴喇嘛等。不得收所在鞍租。且請飭打箭

爐收稅官免其稅。再每年請給達賴喇嘛茶葉

五千觔。班禪喇嘛給減半。均應如所請。一奏言喇嘛諸廟。宜定例稽察。西寧各廟喇嘛。多者數千。少者五六十。遂為藏垢納污之藪。番民為喇嘛納租稅與納貢無異。而喇嘛輒私藏甲冑軍器。前者羅卜藏丹津叛。喇嘛輒率番民與大兵抗拒。今臣於塔兒寺喇嘛。選其老成者三百人。給與大將軍印信執照。諭以學習清規。請嗣後

平定準噶爾方略卷之四

五

定例。廟舍不得過二百間。喇嘛多者三百。少者十餘人。每年稽察二次。令首領喇嘛具甘結給官。至番民糧悉令地方官管理。每年度各廟所用給發。且加給喇嘛衣銀。如此庶可分別良否。官得以時稽察諸廟。應如所請。一奏言陝西邊防。宜嚴界限。按邊外自黃河入中國處。至河州西寧蘭州中衛寧夏榆林莊浪甘州其間水草

豐美。林麓茂密。乃棄此不守。以致蒙古諸部據大草灘地。以常寧湖為牧廠。以故所在相通。更無阻礙。請於西寧北川邊外上下白塔處。自巴爾托海至扁都口一帶。創築邊牆。悉建城堡。則西番部人。妄行竊據之區。悉為內地。又肅州之西。洮資河常瑪爾鄂敦塔拉等處膏腴之地。應募民耕種。自布隆吉爾修城駐兵後。可漸致富

平定準噶爾方略卷之四

六

饒。至寧夏險要無過阿拉善山。顧實汗諸孫及額駙阿寶等舊悉居山後游牧。今或徙置山前。請令阿寶等嚴飭所屬。仍令各歸阿拉善山後。則山前營盤水長流水等處。悉為內地。並應如所請。一奏言甘州等處。宜增設官。按甘州西寧疆界相接。應於此兩處設立營汛。至青海巴爾處鹽池。自古屬內地。後竟棄之塞外。蒙古等至

西藏噶斯等處。道必出此。應速取之。於新設邊
內大通河設一總兵。兵三千。管轄中左右三營。
於大通河南設一叅將。兵八百。大通河北設一
遊擊。兵八百。鹽池設一副將。及左右二都司。兵
一千六百。四川邊外。單噶爾斯處移鎮海營叅
將。兵一千。駐劄。再拉科閣們等處各設一守備。
兵二百五十。恒鈴子處移南川守備。兵五百。駐

平定邊防方略卷之西

七

劄。其南川舊營留一千總。兵百人。至西寧宜改
設同知。移西寧通判於鹽池。駐劄。令其辦理稅
務。再河州保安堡應設一遊擊。一千總。一把總。
兵四百。歸德堡應增設一把總。兵二百。令悉隸
西寧總兵。道員等管轄。則蒙古不敢覬覦。番民
有所依賴。並應如所請。一奏言。打箭爐等處。亦
宜增設各官。青海既平。凡巴爾喀木部人。悉應

收集。除羅隆宗。以東察木多。乍丫等處。並蘇胡
土克圖管轄。其餘諸番頭目。悉應給與印信。執
照。令與內地土司同。打箭爐外木雅吉達處。請
設總兵。遊擊。守備以下等官。兵二千人。雅龍江
中渡處。設一守備。二千總。兵五百。里塘。巴塘所
屬吹音等處。設一守備。兵二百。里塘地當四衝。
請設一副將。一都司。兵一千二百。鄂羅為諸路

平定邊防方略卷之西

大

咽喉。請設一叅將。兵六百。巴塘形勝要害。請設
一遊擊。兵五百。宗都當雲南孔道。請設一叅將。
兵千人。並令新設總兵官統轄。以為雲南四川
兩省聲援。又青海所屬左格諸番。請亟移之內
地。又阿巴士司頭目墨丹住等。率兵進勦。屢有
功。請給與安撫司銜。不隸青海管轄。又黃勝關
外潘州舊城。請設一遊擊。兵六百。阿巴地形山

河四繞。請設一副將。一都司。兵一千五百。黃河兩岸渡口。請設一守備。兵三百。悉隸松潘總兵官統轄。里塘增設一同知。令掌軍糧。收納番人貢賦。如此則南至雲南。北至陝西。皆可援助。並應如所請。一奏言邊地軍士。宜各歸併裁汰。今西寧設總兵官。留兵四千。便可用。請裁五百。歸大通鎮屬甘涼莊浪等處。其餘營汛兵。可裁

平定準噶爾方略前編

九

一千。寧夏既增駐滿洲兵。其綠旗兵亦可裁一千。改為四營。以後營遊擊以下等官。補入大通鎮標。四川重慶川北二鎮。請設副將都司守備千總把總等官。裁二總兵。六遊擊。遵義夔州兩協四遊擊。亦請汰之。化林一副將。兵千人。請改置一遊擊。留兵五百。並應如所請。一奏言邊內地宜開墾屯種。西寧邊牆以內田並可耕。布隆

吉爾所在修築城垣。請發直隸山西河南山東陝西五省軍罪當遣者。盡往大通布隆吉爾等處墾種。按今大通駐兵三千。其子弟親戚及西寧民人。願往屯種者甚眾。大通河可毋發往。惟布隆吉爾遠在邊外。人不願往。應如所請。勅下刑部。並直隸山西河南山東陝西五省。僉妻軍犯中除盜賊外。有能種地者。即發往布隆吉爾。令地方官動支正帑。買給牛具籽種。三年後起科如例。一奏言諸番部落。宜加意撫綏。今兵事竣。臣當遵

平定準噶爾方略前編

十

旨回西安。辦理三省事務。暫令奮威將軍岳鍾琪駐劄西寧。留兵四千。令其統束。其撫遠大將軍印信。現今策妄阿喇布坦遣使請罪。請俟撤回諸路將軍時。臣即繳上。收貯內庫。再甘州黃番諸部

落乘我軍威召集撫綏亦可以禦青海臣與岳

鍾琪議俟七八月馬匹肥壯親率兵由西寧口

外到甘州招撫諸番並應如所請至年羹堯奏

請禁約青海十二事一朝見入貢定以限期一

不得自稱盟長一番子唐古忒部人勿令擾累

一喀爾喀輝特土爾扈特部落不令青海據為

屬下一編置佐領不許違拒一中外交易定地

平定回疆方略卷一百

三

約時以上六事臣等已於善後事宜內議定其

餘六事一背貳者必勦一遣官捧

諭往者不論品秩崇卑王公以下跪迎餘相見以賓主

禮一恪守分地不得強據一使者商賈往來毋

劫掠一父沒不得娶繼母及強娶兄弟之妻一

察罕諾們汗喇嘛廟中不得妄聚議事並應如

所請奏入得

旨所議甚屬周詳依議

六月己卯

移設虎口等處軍臺於張家口外

總管阿爾台路軍臺宗扎卜奏言阿爾台路軍

臺四十七處除十二站不移如故其自殺虎口

扎克拜達里克城所設軍營三十五站水草不

佳道里迂遠請移設張家口外理藩院議覆如

平定回疆方略卷一百

三

所請奏入

上從之

乙酉

命調都統丁壽還京

上諭總理事務王大臣等曰丁壽在軍前年久朕欲調

回另用著議奏尋議曰都統丁壽自阿爾台率兵往

巴里坤方今巴里坤有將軍富寧安吐魯番有

都統穆森統兵分駐。請令丁壽以所率兵屬富寧安就近遣大臣管轄。令丁壽馳驛來京。奏入上從之。

勒平定青海碑文於國學。

禮部奏請

御製平定青海碑文。勒石國學。頒行天下。以昭功德。

御製碑文曰我國家受

平定準噶爾方略前編

三

天眷命。撫臨八極。日月所照。罔不臣順。遐邇乂安。兆人蒙福。乃有羅卜藏丹津者。其先世顧實汗。自國初稽首歸命。當時使臣建議。畀以駐牧之地。其居雜番羌。密近甘涼。我

皇考聖祖仁皇帝。睿慮深遠。每歷於懷。既

親御六師。平定朔漠。威靈所加。青海部落。扎什巴圖爾

等。震誓承命。

聖祖仁皇帝因沛殊恩。封為親王。兄弟八人。咸錫爵祿。

羈縻包容。示以寬大。而狠心梟性。不可以德義化。三

十年來。包藏異志。朕紹登寶位。優之錫賚。榮其封號。

尙冀革心。緝寧部衆。而羅卜藏丹津昏謬狂悖。同黨

吹喇克諾木齊阿喇卜坦温布藏巴扎卜等。實為元

惡。謂國家方宏浩蕩之恩。不設嚴密之備。誕敢首造

逆謀。迫脅番羌。侵犯邊城。反狀彰露。用不可釋於天

平定準噶爾方略前編

三

誅。遂命川陝總督太保公年羹堯。為撫遠大將軍。聲

罪致討。以雍正元年十月。師出塞。自冬涉春。屢破其

衆。凡同叛之部落。戈鋌所指。應時摧敗。招降數十萬

衆。又降其貝勒貝子公台吉等二十餘人。朕猶閔其

蠢愚。若悔禍思愆。束手來歸。尙可全宥。而怙惡不悛。

負險抗違。乃決翦滅之計。以方畧密付大將軍年羹

堯。調度軍謀。簡稽將士。用四川提督岳鍾琪。為奮威

將軍於仲春初旬。禡牙徂征。分道深入。搗其窟穴。電

掃風馳。搜剔巖阻。賊徒倉皇糜潰。窮蹙失據。羅卜藏

丹津之母。及謀逆渠魁。悉就俘執。擒獲賊衆累萬。牲

畜軍械不可數計。賊首逃遁。我師踰險窮追。獲其輜

重。人口殆盡。羅卜藏丹津子。身易服。竄匿荒山。殘喘

待斃。自二月八日。至二十有二日。僅旬有五日。軍士

無久役之勞。內地無轉輸之費。克奏膚功。永清西徼。

平定邊疆略略卷五

五

三月之朔。奏凱旋旅。饒歌喧轟。士衆訢喜。四月十有

二日。以倡逆之吹刺克諾木齊等三人。獻俘

廟

社受俘之日。臣民稱慶。伏念

聖祖仁皇帝。威靈震於遐方。福慶流於奕葉。用克張皇

六師。殄滅狂賊。行間將士。亦由感激

湛恩厚澤。為朕踴躍用命。斯役也。芟夷凶悖。綏靖番羌。

俾烽燧永息。中外人民胥享安阜。實成

先志。以懋有不績。廷臣上言稽古典禮。出征而受成於

學。所以定兵謀也。獻誠而釋奠於學。所以告凱捷也。

宜刊諸珉石。揭於太學。用昭示於無極。遂為之銘曰

天有雷霆。聖作弧矢。輔仁而行。威遠寧邇。維此青海

種類實繁。錫之茅土。列在藩垣。被我寵光。位崇祿富

負其阻遐。禍心潛構。恭惟

平定邊疆略略卷五

五

聖祖慮遠智周。睠念荒服。綏撫懷柔。朔野既清。西陲攸

震。爵號洊加。示之恩信。如何兇狡。造謀逆天。鼓動昏

慝。寇侵於邊。惟彼有罪。自干天罰。桓桓虎貔。爰張九

伐。王師卽路。冬雪初零。日耀組練。雷響輦鉦。蠢茲不

順。敢逆戎旅。奮張螳臂。以當齊斧。止如山嶽。疾如雨

風。我戰則克。賊壘其空。彼昏終迷。曾不悔戾。當翦而

滅。斯焉決計。厲兵簡將。往擣其巢。踰歷嶽嶠。坦若坳

郊賊棄其家我繫而獲牛馬谷量器仗山積蹇免失
窟何所逋逃枯魚游釜假息煎熬師以順動神明所
福旬日凱歸不疾而速殪彼逆謀懸首藁街獻俘成
禮金鼓調諧西域所贍此惟雄特天討既申羣酋惕
息橐戈偃革告成辟雍聲教遐暨萬國來同惟我
聖祖親平大漠巍功煥文邁桓軼酌流光悠久視此銘
辭繼志述事念茲在茲

平定準噶爾方略卷五

五

辛丑。

撫遠大將軍年羹堯奏移降番噶住等於土司

魯華齡處并撤進勦官兵

年羹堯奏言據岳鍾琪報進勦碁子山桌子山

謝勒蘇所屬諸番殺傷賊目班第瑪雅及賊衆

餘悉奔竄山中即遣署總兵官宋可進統兵進

勦賊番頭目噶住率男婦老弱一千一百六十

聞

二人來降已受之但仍居碁子山恐日久生事
請移於土司魯華齡處令其約束其四川陝西
綠旗土司官兵已撤回奏入報

聞

八月乙亥

撫遠大將軍年羹堯奏雙蓬諸番來降進勦拉

扁二寨

平定準噶爾方略卷五

五

年羹堯奏言據岳鍾琪報副將張玉率綠旗土

司官兵出口至歸德堡其雙蓬攢都澤蓋博拉

諸番頭目各以其屬來降兵至薩喇分二路進

勦拉扁上下二寨殺傷回賊無算撫其餘人安

插如舊奏入報

聞

丙子

撤駐劄涼州等處兵。

撫遠大將軍年羹堯奏言平定青海功成前者

調集駐防涼州等處西安滿洲兵一千白柴達

木調還察哈爾兵一百駐劄松潘所在四川滿

洲兵五百駐劄甘州鄂爾多斯土默特兵一千

駐劄山丹大同兵一千駐劄布隆吉爾滿洲蒙

古烏拉索倫察哈爾厄魯特兵二千悉令原管

平定邊疆方略卷五

壬

將校陸續統領撤回奏入報

聞。

戊戌。

命議敘勦撫歸德至松潘口外諸番功。

上諭兵部曰青海既平之後涼州莊浪所有賊番以次

勦撫官兵効力歷著功勳今大將軍年羹堯等奏稱

乘川兵回汛之便並將歸德至松潘口外一帶番族

或勦或撫悉無梗化殊屬可嘉在事有功人員著於
勦撫桌子山之外另行議敘

九月辛丑。

特給丁壽騎都尉世職。

上諭總理事務王大臣等曰阿爾台處軍事已竣著將

軍功議敘將軍丁壽特給騎都尉世襲罔替議敘時

仍照伊應得爵級歸併計算

平定邊疆方略卷五

壬

癸卯。

命停捐納事例。

上諭總理事務王大臣等曰開例捐納少助軍需原屬

一時權宜非可行之久遠

皇考曾屢言捐納非美事朕續承大統亦以軍需浩繁

戶部供支不繼捐納事例仍暫開收今仰賴

皇考在天之靈西邊軍務將已告竣即現有需用錢糧

之處為數無多。著將戶部與陝西各項事例即行停止。其運糧赴巴里坤及肅州所動西安藩庫銀兩悉作正項報銷。

平定準噶爾方略前編卷之十五

三

平定準噶爾方略前編卷之十五

雍正二年冬十月癸酉

靖逆將軍富寧安疏報吐魯番等處屯田收穫

麥糜五千五百四十石有奇奏入得

旨下部知之

命議敘撫花海子功賞卹有差

上諭兵部曰奮威將軍岳鍾琪具奏副都統達鼐阿爾

平定準噶爾方略前編卷之十五

一

什總兵黃喜林王嵩孫繼宗營總蘇圖等統領大兵

窮追羅卜藏丹津直至花海子拿獲丹津琿台吉及

其妻子並招撫三十三家台吉當此口外水凍草枯

之候官兵奮勇遠行甚屬可嘉自大將軍以下著從

優議敘官兵勞苦朕甚憫之一切馱載輜重馬駝必

多損傷著查明免其賠補其軍營馬匹如有倒斃亦

令領帑購買補數再馬兵每名賞銀八兩步兵每名

賞銀六兩。蒙古兵有隨軍効力者。亦著奮威將軍按其行走効力等次。應如何賞給之處。確議奏聞。

己丑。

以甘肅巡撫綽奇為工部尙書。仍留肅州辦理軍務。

辛卯。

振武將軍傅爾丹疏報烏蘭古木等處屯田。獲

平定邊警略纂卷五

二

麥四千一百七十石有奇。奏入。得

旨下部知之。

乙未。

賜給厄魯特多羅郡王額駙阿寶游牧地。

阿寶奏言自我祖顧實汗歸誠內附。百年於今。

受

聖祖仁皇帝厚恩。安土樂業。前者青海兄弟部內阻兵

構亂上干

天討。臣等當束身同受誅滅。重荷寬宥。令安游牧。感激莫報。乞於青海賜臣閒曠之地居住。臣當約束青海諸部。不敢復萌亂心。理藩院議曰。阿寶父巴圖爾額爾克濟農和羅里自青海來歸。封之貝勒。阿寶襲封後。以平定西藏有功。晉封郡王。應如王所請。有貝子丹衷所居地甚寬濶。即令阿寶駐牧。并令大將軍年羹堯遣官齎餉。助其移徙安插。奏入。

平定邊警略纂卷五

三

上從之。

增設寧夏各官。

撫遠大將軍年羹堯奏言寧夏駐劄滿洲兵丁

處。請設一將軍。二副都統。四滿洲協領。二蒙古

協領。每旗二滿洲佐領。一蒙古佐領。每佐領下

一防禦。一驍騎校。八旗共撥駐防兵二千二百。

又八旗應撥步兵一千二百令監守城池倉庫。

左右兩翼增設兩防禦管轄步兵。擇馬甲中健

者令為前鋒。再寧夏既駐滿洲兵。應設一理事

同知。奏入。

上從之。

丁酉。

平定準噶爾方略前編卷五

四

封厄魯特多羅郡王和碩額駙阿寶之姪協理

台吉恭格喇卜坦為輔國公。

己亥。

上諭兵部曰川陝進藏出口一應用兵之處。倒斃騎馱

馬匹。著悉免賠補。

十一月庚戌。

議遣赴寧夏官兵事宜。

上命加賞銀兩有差。

八旗滿洲蒙古都統等遵

旨議奏曰寧夏道遠。方今遣往官兵。各給車糧如例外。

其驛一站率百里。今請改八十里為一站。駐防

兵丁各養官馬二匹。兩丁共養駱駝一隻。今兵

丁既以家屬往。請增馬一匹。共給三匹。到時仍

令飼養二匹。凡給與馬各折銀十三兩。令其自

平定準噶爾方略前編卷五

五

置。由殺虎口過鄂爾多斯進橫城。口。再遣理藩

院章京二人。於鄂爾多斯東西界各駐一人。禁

止蒙古盜竊約束兵丁。所用口糧約四十日。自

京支給二十日糧。至大同再給糧二十日。馬匹

各給草束。纛旗令工部給予。礮四十位。令大將

軍年羹堯辦給。明年四月。分八旗為八隊。兩日

一隊啟行。奏入。得

旨兵丁往口外行走收拾帳房鑼鍋等物須得費用寬

裕馬甲每人著加銀三十兩步甲每人著加銀十五

兩賞給

庚申

命賞給布隆吉爾撤還滿洲蒙古索倫官兵銀兩有差

乙丑

議敘平定青海及擒獲桌子山碁子山番賊功

平定青海擒獲賊功

六

加大將軍年羹堯一等男世職

十二月辛巳

議敘進藏軍功

一等男兼雲騎尉明保加一雲騎尉授為二等

子一等男滿色加一雲騎尉授為一等男兼雲

騎尉一等輕車都尉曾爾金加一雲騎尉授為

一等輕車都尉兼雲騎尉騎都尉兼雲騎尉邁

徒加一雲騎尉累授為三等輕車都尉騎都尉

博思和爾加一雲騎尉雲騎尉廣西五十一並

加一雲騎尉累授為騎都尉副都統吳禮布寶

色覺羅伊禮布許國桂侍衛納秦營總郭柱雙

寶四哥貝和諾穆爾泰塞爾圖蔡玉阿爾善西

第黑色覺羅都什希窩黑德四格物寶來寶茂

奇塔特阿克敦色楞阿蘭泰圖閔楊秉薩木哈

平定青海擒獲賊功

七

顧魯什喜卜達爾扎都斯噶爾扎木巴拉色勒

木素舒木努唐吉禮永寶岳寶穆克登烏林帕

戴寶柱新泰黑雅圖托木蘇魏善二碩色章巴

什敦濟納拉錫泰偏圖並授為雲騎尉

授鄂賴為一等輕車都尉

吏部奏言理藩院侍郎鄂賴奉

旨以取藏功給與雲騎尉鄂賴已為二等輕車都尉累

功當授為一等輕車都尉奏入

上從之

壬辰

命以丁壽為叅贊。穆克登為將軍。花善為副都統。

上諭總理事務王大臣等曰。丁壽已授為鎮守茂岱察

罕度爾等處地方將軍。但伊漢仗雖好。識見不足。此

處將軍。乃管束邊境初駐兵丁。且與喀爾喀一處居

平定準噶爾方略前編卷五

八

住。職任緊要。著丁壽以都統銜授為叅贊。其應補授

將軍之人。爾等議派三員。再此處駐防兵內有蒙古

兵丁。應派蒙古副都統管轄。爾等亦議派三員具奏

尋議曰。茂岱察罕度爾等處將軍擬遣振武將

軍傅爾丹護軍統領覺羅佛倫歸化城都統丹

津管轄蒙古兵丁副都統。擬遣察哈爾總管哈

濟噶爾達什鑲白旗蒙古叅領諾爾布扎木素。

伏候

欽定。奏入得

旨。巴里坤軍營前鋒統領穆克登著補授鎮守茂岱察

罕度爾等處地方將軍。令其馳驛來京。理藩院侍郎

花善著授為副都統。管轄鎮守蒙古兵丁。

雍正三年春正月戊辰。

命都統查克旦往甘州。

平定準噶爾方略前編卷五

九

上諭兵部曰。朕前降旨甘州延信之缺。著阿林前往。今

策妄阿喇布坦之使將到。阿林不甚威重。著都統查

克旦前往甘州居住。可賞銀二千兩。令其速行料理

馳驛前往。

二月己巳朔。

以布隆吉爾為安西鎮。設總兵官一員。標下五

營。遊擊守備各一員。千總十員。把總二十員。兵

五千名。以陝西神木副將孫繼宗為安西總兵官。

丙子。

命袁泰額爾錦赴富寧安軍。

上諭總理事務王大臣等曰。穆克登已經召回。副都統

鄧奇章病故。都統穆森年齒稍邁。將軍富寧安處。大

臣甚少。朕調袁泰來京。俟其到日。授為護軍統領。同

平定邊疆方略卷五

十

副都統額爾錦前往富寧安處。聽其指麾行走。

戊寅。

命工部侍郎巴泰內閣侍讀學士雙喜辦理阿爾台糧

餉屯田事。

己卯。

以副將張成隆協辦四川提督事。

上諭總理事務王大臣等曰。署四川提督護軍統領納

秦不甚熟練。綠旗兵丁之事。調察木多駐劄之化林

副將張成隆協同納秦辦事。察木多兵丁著年羹堯

派員前往管轄。

甲申。

特賜靖逆將軍富寧安及提督路振聲帑金。并賞給弁

兵等有差。

上諭富寧安曰。軍興以來。已經數載。爾在軍前効力小

平定邊疆方略卷五

十一

心謹慎。提督路振聲係初次派往之人。在邊地効力

已久。現今策妄阿喇布坦之事未完。又不便撤兵。若

以兵丁久戍之故。即令更換。轉令伊等軍前數年勞

績。有初鮮終矣。但爾等在外年久。甚屢朕懷。今特賞

帑金二十萬兩。內給將軍一萬兩。提督五千兩。其餘

按弁兵効力年分。以為賞賜之等次。綠旗兵丁向係

輪班行走。伊等作何賞賜之處。爾會同路振聲商酌。

所賞銀兩著行文年羹堯動西安庫帑派賢能官員解送賞給。

己丑。

諭飭撫遠大將軍年羹堯。

上諭年羹堯曰。據岳鍾琪奏稱青海郡王額爾德尼額爾克托克托龜所屬部落窮困流離。資生窘乏。親王

戴青和碩齊察罕丹津等所屬部落。雖稍能存活。亦

平定準噶爾方略前編

十一

屬貧窮。爾身為撫遠大將軍。凡西陲軍務。調發糧餉。

綏輯遠人。皆爾之責。理應酌量事勢緩急。人口多寡。

盡心籌畫辦理。乃僅發銀一萬兩賑濟。此諸部落流

離失所之衆。豈萬金所能徧給。是知爾於諸務。皆未

實盡其心矣。托克托龜等。遭叛賊搶奪。投命來歸。全

賴安插得所。俾其衣食有資。今爾既不能籌畫於未

然。又不克拯濟其現在。如諸部落內。或有一二人窘

急萬難自存。潛逃遠匿。竄入策妄阿喇布坦之地者。朕必重治爾罪。

癸巳。

命奮威將軍岳鍾琪等各舉勦賊弁兵入奏。

上諭大學士等曰。進勦青海。桌子山等處兵弁。其人材

可觀。技勇優長者。著將軍岳鍾琪揀選保奏。守備二

員。千總一員。把總二員。馬兵四名。總兵官黃喜林王

平定準噶爾方略前編

十一

嵩紀成斌。未可進孫繼宗。每人保奏守備一員。千總

一員。把總一員。馬兵四名。文到限三日。書名報部。候

旨調來引見錄用。

三月辛丑。

命康濟龜兼領西藏及阿里事。

上諭撫遠大將軍年羹堯曰。爾欲令康濟龜駐劄西藏

所議雖是。但康濟龜居住阿里地方。亦甚緊要。不知

康濟鼐情願與否。且與阿爾布巴隆布鼐等。彼此能和睦與否。今令康濟鼐為總領。帶領伊屬下唐古忒往居西藏。阿爾布巴等倘有不服。康濟鼐孤身在彼。雖欲効忠。勢必不能。朕意康濟鼐仍兼兩處往來行走。似有裨益。若令康濟鼐居住西藏。伊即欲往阿里地方照管。亦不可得。此事極宜斟酌。如以康濟鼐兩處行走為是。康濟鼐往阿里地方去後。令何人居住西藏總領辦事。著會同侍郎鄂賴詳慎妥議辦理。尋

平定議軍營勅諭卷五

古

議曰康濟鼐應遵

旨於招地及阿里兩處往來。若康濟鼐往阿里。其招地事務。即令貝子阿爾布巴總理。奏入。

上從之。

乙巳。

議駐防塔拉渡川及先密寺設官調兵事宜

川陝總督年羹堯疏言。桌子碁子諸山。為匪人潛匿之藪。相度形勢。惟塔拉渡川。東通莊浪。西接刀林。先密寺四圍皆山。林木茂密。盜賊輒由。此路出沒。應於塔拉渡川有水處設一遊擊。一千總。二把總。騎兵步兵共五百人。即移涼州高。古城遊擊等官率兵駐防。先密寺請設一守備。一把總。騎兵步兵共三百人。即移高溝堡守備。黑松堡把總率兵駐防。兵部議覆如所請。奏入。

平定議軍營勅諭卷五

五

上從之。

丁未。

議打箭爐外增汰兵丁事宜。

議政王大臣等議奏大學士馬齊自內捧出奏摺一件奉

摺一件奉

硃批此奏殊屬可嘉。實為國家專心盡忠。此所奏之人

名。暫且不可明揚。朕務必加恩。著議政王大臣詳加
速議具奏。臣等遵

旨。議得條奏稱前大將軍年羹堯所陳善後十三事其

一言打箭爐以外木雅等處當增設兵六千。議

汰四川重慶川北二鎮化林一協及遵義諸營

兵三千四五百人。按化林為打箭爐扼要關隘。

若使額兵千人。止留五百人。又分二百人。守打

平定準噶爾方略前編卷五

六

箭爐。則四川之西邊兵勢弱矣。重慶總兵官標

下額兵二千。重慶地屬四川沿大江。據湖廣荆

州之上流。若汰總兵官及兵千人。則四川東邊

兵勢弱矣。至川北總兵官駐保寧。額兵二千。四

川保寧與陝西漢中相為犄角。若保寧總兵官

及兵千人。并汰之。則四川之北邊兵勢弱矣。往

者於兩省接壤之處。相其地勢多設兵丁者。欲

令互相聲援。且防察諸省盜賊也。應請於內地

所設官兵。悉留之如故。再打箭爐至巴塘九百

里。今以內地官兵六千置邊外。何以使不侵擾

打箭爐土司諸部落及里塘巴塘之番人。至番

地產青稞不產米穀。內地官兵習於穀食。其輓

輸米糧。建造城屋當如何。並未詳議。請仍令年

羹堯確議具奏。應如條奏所請。年羹堯議汰之

平定準噶爾方略前編卷五

七

川北重慶化林諸鎮及遵義協巫山達州二營

經制官兵。悉設立如故。又年羹堯奏請打箭爐

外增兵六千。黃勝關外潘州等處增兵二千。四

百。所增兵過多。口外撥餉既不易。或致騷擾諸

番。今川北等處兵汰之既不便。請於所議設一

處兵八千四百人。減二千五百。餘兵尙五千九

百人。亦宜酌量汰減。請今年羹堯於汰減兵丁

及輓運糧米建造城屋諸事分晰具奏。到日再議。奏入。

上從之。

夏四月丙子。

議徙吐魯番回人等於內地。

上諭議政王大臣等曰策安阿喇布坦來求吐魯番之

地。曾諭將從前內附諸酋長令其遷入內地。今將軍

平定回疆方略卷之五

六

穆克登奏言吐魯番處共有一萬餘人。若但遷首領

數人。而不遷其所屬之人。則伊等生計必致艱難。且

伊所屬內願移入內者。不下四五千。人等語。朕思瓜

州沙州地方甚寬。亦必用人耕種。若有願移者。即在

此居住。給與一二年養贍。令其耕種。羅卜淖爾地方

亦照吐魯番例。有願移來者。亦隨所部酋長一併移

來。不願者仍留本處。著議奏。尋議曰。回人歸附者若

更棄與策安阿喇布坦必致擾累。是以願移者

衆。請令來者於布隆吉爾沙州瓜州等處耕種。

其建置村莊養贍得所。令將軍富寧安等詳議

辦理。再羅卜淖爾回人並水居。打魚自活。其中

有願陸居者。請如吐魯番例。令其移來。奏入。

上從之。後富寧安奏言回人願遷入內地者凡六百五

十人。應給與馬駝帳房等物。奏入。報

平定回疆方略卷之五

九

聞。

己卯。

遣內閣學士衆佛保副都統扎什等往準噶爾。

敕諭策安阿喇布坦。

上諭曰。前歲台吉遣使根敦陳奏。情詞恭順。朕實嘉之。

曾遣使答諭。今覽爾使博羅瑚爾噶齋奏及口奏之

詞。知爾仰副朕旨。欲永息兵戈。共修和好。興教逸民。

出自誠心。朕甚欣悅。顧欲修和好。不可不計久遠。議定疆界。以杜爭端。乃垂久遠之道也。朕去歲遣使與爾定議疆界。大概以阿爾台山嶺為界。原未實指地名。今爾奏稱以唐努山陰之克木克木齊克地方為詞。又有哈噶斯地方係喀爾喀厄魯特之界。哲爾格西喇呼魯蘇地方係會集之所。哈濟爾地方係索林齊居住等語。此爾但陳奏其故。並未執意爭求。應無庸議。外今姑以科卜多烏蘭古木等處言之。喀爾喀厄魯特未構兵時。原混雜住牧。今喀爾喀西境直抵阿爾台山嶺。築城種地。自唐努山陰之克木克木齊克至博木地方。現有策凌旺布博貝烏梁海居住。今定疆界。自洪郭壘至阿爾台。哈道里嶺。此千里內。所有巴斯庫斯索羅斯畢汗和屯。阿爾呼特。阿勒坦淖爾等處。為爾疆界。自哈道里以及克木之博木地方。

平定準噶爾方略卷五

二十

為我疆界。自哈道里以南。由山嶺至額爾齊斯西邊。白烏隆古布拉罕。哈卜塔克拜塔克。直抵烏蘭烏蘇。羅卜淖爾噶斯地方。即係沙磧。應自克勒底野以南。定為我國疆界。朕為元后。統一寰宇。爾所請可行。無不俞允。豈為蕞爾廢地。致啟爭論。不過欲明疆界。永結和好耳。再爾又奏稱爾使臣貿易之人。若由內地往來。途遠勞苦。請由喀爾喀地方行走。朕今照爾所請。但人數不可過三百耳。嗣後惟當不渝前好。以信為本。普濟蒼生。爾其思之。特諭。

戊子。

命議開鄂爾昆圖拉屯田。

上諭。拔武將軍穆克登。曰喀爾喀地方。駐兵年久。每年由京城運送軍糧。路途遙遠。一時不及。恐兵丁至於乏食。鄂爾昆圖拉一帶。甚為寬濶。若開墾屯田。實為

平定準噶爾方略卷五

二十一

上從之。

永遠之計。爾會同喀爾喀將軍等確議具奏。尋穆克登奏言鄂爾昆一帶尚有昔人耕種處。及故渠灌田踪跡。圖拉等處現有大麥小麥。非不可墾之地也。但霜降早晚不一。樹穀宜否不齊。請於屯長中擇十餘人。於明年三月遣往耕種。俟秋收後具奏。議政王大臣等議覆如所請。奏入。

平定蒙疆方略卷五

五

庚寅。

議敘平定西藏功。

一等子納穆扎卜加一雲騎尉。二等子多爾濟加一雲騎尉。並累授為一等子。三等輕車都尉卓爾和覺羅佛保。並加一雲騎尉。累授為二等輕車都尉。騎都尉格勒爾圖。留保寶色。東吉納。並加一雲騎尉。世職。章京納孫泰德。成查。代法。

喀席蘭泰烏雲寶雅起納阿爾善代。授並授為雲騎尉。世職。故署護軍叅領傳達里章京常綬。珠其布。護軍校哲庫訥。並給一雲騎尉。令其子承襲。

丙申。

議定青海諸部互市地。

平定蒙疆方略卷五

五

奮威將軍岳鍾琪奏言。大將軍年羹堯前奏稱。每年青海與內地定於一八月貿易。以那喇薩喇為交易所。經議政大臣議改。令四季交易。甚便。按親王察罕丹津。公拉察卜等諸台吉部落。並居黃河之東。迫近河州。去松潘不遠。向在河州松潘一處貿易。今若定於那喇薩喇。恐黃河東西兩翼蒙古。所居有無不足供給。不如仍於河州松潘貿易為便。河州定於土門關附近雙。

等遵

平定準噶爾方略前編卷五

酉

城堡。松潘定於黃勝關之西河口。二地並有城堡房屋。地形寬濶。水草豐好。可為永遠互市之所。又郡王額爾德尼額爾克托克托飛郡王塞卜騰扎爾等諸台吉部落。在黃河西。近西寧。請移其貿易地於西寧口外丹噶爾寺至蒙古貿易。悉資牲畜。請於每年六月以後。可毋定期。聽其不時貿易。則蒙古商販。並獲利益。議政大臣

五月戊申。

撤鹽池駐防兵。

旨議覆岳鍾琪所奏周詳。應如所請。奏入。上從之。
撫遠大將軍年羹堯奏言。臣在西寧時。以邊外克羅冲博克所屬鹽池。青海蒙古部人。輒運鹽

入邊貿易。西寧軍民賴之。臣奏設一副將。駐兵一千六百。令西寧通判移駐。管理鹽務。現今郡王額駙阿寶移居克羅冲博克。如官兵仍駐劄其地。恐滋事。應請罷臣原議。其通判亦汰之。怡親王允祥等遵

旨議覆應如所請。奏入。上從之。

丙辰。

平定準噶爾方略前編卷五

壬

諭飭年羹堯遣送輝特台吉濟克濟扎卜移牧事。理藩院奏言。振武將軍傅爾丹咨稱。輝特台吉濟克濟扎卜。自西喇塔拉移牧。就其族公巴濟。大將軍年羹堯遣人送之。出口即還。道途勞困。人畜備斃。乞賜軫恤。應許其與公巴濟同居。俟其屬人悉至。再議編設佐領。奏入。得

旨輝特台吉濟克濟扎卜之事。年羹堯止用密摺具奏。並未報部。亦無行文與將軍傅爾丹及該扎薩克等。但交與章京一員。送至口上。即回。將此多人。致此勞苦。謬亂已極。著年羹堯明白回奏。

已未。

命撤巴里坤等處駐守官兵。

上諭議政大臣等曰。策妄阿喇布坦遣使具奏。言辭敬

平定邊疆方略卷五

三

順。巴里坤等處兵丁在外年久。將吐魯番等處駐劄兵丁俱撤到巴里坤會合一處。著照吐魯番烏隆吉科舍圖等處撤兵之數撤回。再吐魯番地方。揀選能員一人。令其駐劄。候我使臣歸國。著行文將軍富寧安。撤兵時。吐魯番回人。未免怯懼。將策妄阿喇布坦敬謹遣使。及命使臣前去。不必用兵緣由。曉諭回人。俟使臣來時。其回眾移居之處。照從前所降諭旨行。

著議奏。尋議曰。巴里坤。吐魯番科舍圖烏隆吉四處。計兵九千八百餘。吐魯番兵中有種地兵千人。可暫留之。令副都統克什圖管轄。餘丁如巴里坤所有兵數暫留巴里坤駐劄。餘悉撤之。奏入。得

旨克什圖年老。著留穆森一同管轄。其留駐巴里坤之

大臣及統領撤兵之大臣。著將軍富寧安酌量派出

平定邊疆方略卷五

三

奏聞。尋靖逆將軍富寧安疏言。乃者策妄阿喇布坦。既遣使入朝。甚屬恭順。巴里坤等處所有兵丁。實無可用。應行撤回。除遵

旨酌量留駐外。其吐魯番等處所有護軍。令副都統智

勇薩爾禪等率回。西安前鋒令委署副都統登德禮率回。已於八月初二日自巴里坤啟行。其各路綠旗兵丁。悉令提督路振聲率回。應請飭

部所有撤回官員兵丁據冊核明行知各旗各營管轄如故奏入

上從之

平定準噶爾方略前編卷之五

天

平定準噶爾方略前編卷之十六

雍正三年六月戊辰

議敘駐藏官兵

上諭兵部曰陝西四川雲南進藏官兵朕從前俱已加恩議敘其康熙五十九年得藏之後四川雲南兩省官兵駐防藏內及察木多各處地方者久著勤勞甚屬可嘉至今尚未議敘爾部行文岳鍾琪高其俸各將駐防官兵查明報部交與議政處卽行議敘

平定準噶爾方略前編卷之十六

一

庚午

署川陝總督岳鍾琪奏定雜谷大小金川沃日

諸土司地界

岳鍾琪疏言臣遵

旨遣官到雜谷大小金川沃日等處勘問諸土司構鬪狀立界如故人人悅服又金川土司美同諸寨

為金川咽喉。前巡撫年羹堯強判與沃日。是以

讎殺累年。今仍歸之金川。以龍堡三歌地歸沃

日。兩家息爭。又土司承襲。所在有司索取陋規。

輒延歲月。請立嚴限。以杜弊竇。奏入。得

旨。本朝各省土司。俱畏威懷德。甚為恭順。間有一二梗

化者。皆由地方文武大吏。調劑失宜之故。今春年羹

堯奏稱四川雜谷及大小金川等土司。頗有不法情

平定邊勇略纂卷六

二

狀。朕卽知此必年羹堯希冀其多事。欲借此名色得

以久操大將軍之權。固留川陝總督之任耳。年羹堯

若不速離川陝。則川陝必致多事。是以將年羹堯調

往杭州。未幾南坪壩之事。果已安帖。茲據岳鍾琪所

奏雜谷金川沃日等土司。又已悅服。彼此和輯矣。此

諸土司。向日皆因年羹堯辦理不公。以致互相讎殺。

今岳鍾琪遵朕諭旨。辦理有方。寧番息事。殊屬可嘉。

著交與該部議敘。其條奏土司襲職之處。著內閣九卿會議具奏。

己丑。

敕詰年羹堯鎮海堡軍情。

上諭大學士等曰。前據年羹堯摺奏鎮海堡城外之戰。

我兵已將賊人殺敗。城內都統武格帶領滿兵及察

哈爾兵開城西門。尾追賊後。搶掠物件。以致賊人折

平定邊勇略纂卷六

三

回。斫傷西安驍騎校一員。滿兵一名。察哈爾兵二名。

武格首先敗回。又復衝突綠旗隊伍。致鎮海營千總

與兵卒帶傷者十有餘人。其餘行事昏憤。不知羞恥。

西倫圖輕浮妄言。狂叫無禮。皆軍事所最忌者。臣是

以卽行撤回等語。朕比時卽批示令其具本奏。隨

據年羹堯奏稱都統武格西倫圖本應叅劾。然臣之

受恩。威權太重。若再叅兩都統。於臣不利。伏乞暫賜

優容置之閒散之地等語。朕是以將武格西倫圖調回。令其別處効力。今據護軍叅領常明奏稱羅卜藏丹津侵犯康城邊界時。年羹堯令臣到鎮海堡送信與都統武格。武格隨帶西安滿兵一百名察哈爾兵三百八十名。入守鎮海堡。凡四晝夜。至第五日。今陞總兵之宋可進帶西寧綠旗兵一千五百名來赴。臣與都統武格叅將張家翰同率在城滿洲蒙古綠旗

平定準噶爾方略卷之六

四

兵丁六百餘名出西門。向城下排列與賊戰。賊即奔敗。因深入賊壘交戰。西安正藍旗驍騎校署叅領四哥鑲藍旗披甲達三保陣亡。正黃旗領催署驍騎校吳泰等五六人。俱數處重傷。察哈爾兵亦有陣亡。及受傷者。此皆世受國恩。遇敵感憤。報効死傷之人。臣不敢隱匿。謹此奏聞等語。常明身在軍前。所奏如此。與年羹堯從前所奏迥異。且年羹堯既稱武格種種

失律之處。彼時又不叅効。及朕令其叅奏。又云臣威權太重。不便又叅兩都統。夫行軍之道。只論功罪之當否。豈可意為輕重。且以年羹堯之擅作威福。所叅豈止兩都統。而至此忽又懼威權太重耶。觀常明所奏。當日在事官兵。奮力殺賊。有受傷者。有陣亡者。深屬可憫。武格等既無失律之罪。則効力之官兵等應加優卹。此案功罪。不便含糊歸結。著年羹堯明白回

平定準噶爾方略卷之六

五

奏。

秋七月癸亥。

命優賚青海諸王貝勒貝子來覲者。

上諭理藩院曰。青海和碩親王察罕丹津疏請來京。意甚懇切。今年郡王額爾德尼額爾克托克托。與察罕丹津應輪班來京。來時著侍郎鄂賴各賞銀一千兩。明年郡王塞卜騰扎爾貝勒益蘇克旺扎爾貝子

索諾木達什俱應輪班來京。來時王賞銀一千兩。貝勒賞銀八百兩。貝子賞銀六百兩。

八月乙亥。

定軍功加銜兵丁錄用給俸之法。

兵部等衙門遵

旨議奏曰。

皇上以立功加銜外委兵丁。匱乏可念。令臣等確議錄

平定逆番諸有功者

六

用給俸之法。謹條列奏

聞。一康熙三十年以前。兵丁加銜。或多假借。毋庸送部

推用。其近年以來。克取打箭爐。恢復西藏。臺灣

及平定逆番。諸有功者。計四千人。應令督撫提

鎮。轉下營協州縣。所有兵丁三代履歷。年貌籍

貫。開載明白。各加印結。造冊分送部科存貯。以

杜假借。一前者議敘功冊中。或多徇私濫入。應

敕督撫提鎮。令領兵將校及同事在職各官出

具功績。有無印結送部。以杜冒濫。一以功加遊

擊都司銜者。歸於雙月。推用如例。其加守備班。

向已汰去。現今加守備者。幾至二千餘人。請於

雙月單月。增設功加守備一班。一各省把總缺

三人。以加銜者一人補用。如缺二人。仍於所在

兵丁拔補。一向者立功授劄後。悉令除所支糧

平定逆番諸有功者

七

或無生業。以致窮困失所。嗣後未得補用者。悉

令督撫提鎮收置標下。其給糧兵丁等。勤慎者

則以外委把總銜給之。老病者。奏給半餉。終其

身。一實在立功。同役同銜者。再令督撫提鎮考

驗。分三等送部引

見。分別補用。以杜奔競請托之弊。如此。則立功加銜者

錄用有日。咸荷

聖恩矣。奏入。

上從之。

丁亥。

青海固山貝子策零敦多卜卒。以其子丹巴襲

爵。

九月丙申。

川陝總督岳鍾琪奏請陞

見。

允之。以西安巡撫圖理琛署理總督事務。尋加岳鍾琪

兵部尚書銜。

庚戌。

領侍衛內大臣公傅爾丹奏率京兵還。

傅爾丹奏言振武將軍印信已交代將軍穆克

登。其喀喇沁土默特兵令協理旗務塔布囊沙

平定準噶爾方略前編卷之六

八

津達賴台吉塞楞拉什領之。歸化城土默特兵

令叅領常保佐領三都布禪斯希領之。各還所

在。臣由鄂勒錐圖郭勒啓行。率京城官兵赴京。

奏入。報

聞。

壬子。

靖逆將軍富寧安疏報塔勒納沁等處屯田收

平定準噶爾方略前編卷之六

九

獲青稞八千九百三十二石有奇。奏入。得

旨下部知之。

冬十月己巳。

命賞資進藏官兵。

上諭內閣曰。四川提督周瑛從前領兵進藏時。正值天

氣寒冷。又當匆遽之際。弁兵甚屬勤勞。朕心深為軫

念。周瑛回至四川之日。著巡撫王景灝動支司庫銀

一萬兩。交與周瑛將隨往進藏及察木多効力之弁兵等。按其勞績。分別等次。遍行賞資。俾遠征奮力之人得霑恩賜。

戊寅。

議設烏鎗隊長。

前鋒統領鄂善奏言請於前鋒兵丁中以其半

為烏鎗前鋒。八旗各擇能者四人管轄。如副護

平定邊疆方略卷五十五

十

軍校例。給與藍翎令為烏鎗前鋒之長。奏入。得

旨前鋒等偵探信息。伺捉賊人。恐攜帶烏鎗有不便之

處。著八旗都統等會同前鋒統領護軍統領議奏。尋

議曰烏鎗為軍中利器。凡行伺捉賊人。不得帶。

平時令之演習。無所不便。可令前鋒中半習烏

鎗。擇能管轄者四人為隊長演習。暇時仍令前

鋒統領恭領侍衛等。訓練騎射。不得生疎。奏入

上從之。

辛巳。

命給喀爾喀上三旗旗纛。

喀爾喀副將軍多羅郡王和碩額駙策凌等奏

言喀爾喀三部兵。舊分隸八旗。今蒙

恩許隸上三旗。乞下工部。令製鑲黃旗纛六十桿腰旗

六百桿給丹津多爾濟軍。正黃旗纛四十二桿

平定邊疆方略卷五十五

十一

腰旗四百桿給策凌軍。正白旗纛三十桿腰旗

三百桿給博貝軍。理藩院遵

旨議覆。如所請。其舊有八旗旗纛。令交將軍穆克登收

貯。奏入。

上從之。

庚寅。

靖逆將軍富寧安疏報吐魯番等處屯田收穫

旨下部知之

麥糜六千九十石有奇。奏入。得

十一月乙未。

正中甸里塘巴塘諸地疆界。

川陝總督岳鍾琪奏言。打箭爐界外。里塘巴塘

乍了。察木多雲南之中甸。察木多以外。魯隆宗

雜吐坐爾剛。桑噶吹宗。袁卓諸部落。悉非達賴

平定準噶爾方略卷五

十一

喇嘛所屬。但魯隆宗去打箭爐甚遠。若歸併內

地。遙制不便。請以凡屬內地土司所轄中甸里

塘巴塘。及沿近得爾格特。友舒。霍耳等處。並為

內地。其頭目給以上司官銜。令其管轄。其魯隆

宗諸部落。請給予達賴喇嘛管理。特遣大臣往

西藏宣諭。又康濟鼐阿爾布巴。既封貝子。管理

西藏事務。請令康濟鼐總理。以阿爾布巴副之。

頒給

敕諭。曉諭唐古忒部人。悉聽二人約束。庶無擾亂之患。

至前者年羹堯請於噶達設總兵官駐劄。若以

魯隆宗諸部給達賴喇嘛。則噶達所設總兵官

可罷之。議政王大臣議。悉如所請。奏入。得

旨。畫定內地疆界。給與達賴喇嘛地方。曉諭番人之事。

著遣副都統宗室鄂齊。學士班第。孔薩克。大喇嘛格

平定準噶爾方略卷五

十一

勒克。綽爾濟前往。會同提督周瑛。詳細辦理。尋岳鍾

琪奏言。巴塘為打箭爐門戶。舊隸四川省。中甸

地近雲南。舊隸雲南省。其巴塘所屬本咱爾。那

宗。拉普。維西等處。偏近中甸。與雲南汛防地界

錯接。總會於阿墩子。實中甸之門戶。請改隸雲

南省管轄。設官防汛。與四川之里塘。打箭爐。相

犄角。足以各收臂指。控制番民矣。議政王大臣

等議如所請。奏入。

上從之。

雍正四年春正月甲午。

命隆科多往阿爾台嶺等處協定邊界。

上諭大學士九卿等曰隆科多深負朕恩。種種罪惡。應置重典。但伊辦事之才尚屬可用。現今與策妄阿喇布坦將阿爾台嶺定為邊界之事。甚屬緊要。差往彼

平定邊界方略

十四

處官員計已將回。應預為詳審地勢。明晰定議。今已

派出額駙策凌貝勒博貝散秩大臣伯四格護軍統領喀爾吉善前去。著隆科多一並同往。至阿爾台嶺再由洪郭羅東至楚庫拜姓地方。詳察地勢。公同定議具奏。再由楚庫拜姓之東額爾古納以至黑龍江之源。舊定邊界亦未清晰。俟阿爾台嶺事竣。隆科多即從彼處前往楚庫拜姓。將此等地方亦詳審定議。

現今俄羅斯國為定邊界之故。差使前來。隆科多候

伊使臣到日。即將定邊界之處會同議結。此事隆科

多非不能辦者。伊若實心任事。思益前愆。朕必寬宥

其罪。若心懷叵測。思欲僨事。所定邊界不合機宜。於

策妄阿喇布坦俄羅斯地方生事。朕必將伊治罪。

二月辛未。

賞給青海親王戴青和碩齊察罕丹津等帑金。

平定邊界方略

十五

理藩院以察罕丹津等起程還部日期入奏。得

旨察罕丹津等既欲於十一日起程。著初十日。至圖明

園。俾見伊等俱因青海之亂被賊搶掠。此時回去。恐

牲口盤費不足。著將內庫銀各賞給一千兩。

甲戌。

命編分厄魯特郡王貝勒等佐領。

理藩院奏言厄魯特多羅郡王額駙策凌旺布

多羅貝勒塞卜騰旺布貝子茂海等乞一體編分佐領。應遣官前往辦理。奏入。得

旨。此係編分佐領之事。甚屬緊要。應遣大臣前往。今散

秩大臣伯四格等往定阿爾台山邊界。事竣之日。卽

著四格從彼處前往。會同副都統花善詳議編分。尋

議曰。郡王策凌旺布貝勒塞卜騰旺布貝子茂

海俱授為扎薩克。其所屬厄魯特。可編置四佐

平定準噶爾方略前編卷之六

六

領。奏入。

上從之。

乙亥。

議開察罕托輝河渠。

公舅鼻隆科多等奏言。臣等到寧夏阿拉善山

前相視。自察罕托輝至石嘴子一百里。其野廣

平。土脈肥潤。籽種易生。其地性較暖。可引水。如

西河六羊河並古渠大溝黑龍口。倒流河新河

黃泥河董家河悉前人引水分水故道。以年久

多淤塞。然形跡尚存。今若更修建渠壩及放水

開。其兩岸可以墾田萬頃。又據甘肅巡撫石文

焯等奏言。寧夏東北五十里曰察罕托輝。其地

南北延袤百餘里。東西廣四五十里。或二三十

里。東界黃河。西至西河。地平衍。可開墾。自鄂爾

平定準噶爾方略前編卷之七

七

多斯遷後十餘年。民間有私墾者。若令開渠。通

水。築堤建閘。以時啟閉。用資灌溉。則曠土可盡

為沃壤。今相度地勢。自雙廟墩至六羊河。可百

餘里。請倣漢唐諸渠法。開渠一道。建正閘一。攔

水閘稍開。各一。迎水湃一。又六羊河口近黃河

處。亦建正閘攔水閘稍開。各一。以資蓄洩。又自

上泗墩至六羊河岸。東距黃河五里許。築堤一

道約長百里。可以永禦黃水。墾田六十餘萬畝。議政王大臣等議覆曰。察罕托輝。自漢及唐為靈州地。當時廣置屯田。元至元間。置屯田萬戶所。明時套夷渡河而西。侵據內地。葫蘆河之東。居民不得耕種。實始棄之。我

朝德化廣被。諸番臣服。鄂爾多斯移歸套內。以河

為界。察罕托輝地。久隸版圖。按寧夏衛志。漢唐

至清聖祖高宗朝

大

二渠之支流。有百家良田。滿達拉等渠。舊在察

罕托輝左右。若倣其遺跡。開渠建閘。甚善。但隆

科多石文焯等所言。建閘築堤處。情狀各異。事

計久遠。臣等不得懸定。方今總督岳鍾琪赴布

隆吉爾。相視地勢。請以隆科多石文焯奏摺並

地圖。令大理寺卿通智齋往。同岳鍾琪至察罕

托輝等處。照圖驗實。核議具奏。奏入。

上從之。

臣等謹案黃河自西極數千里始入中國。龍

門下流。波勢奔怒。往往為患。然寧夏之西。自

昔阻河澆渠。漢唐以來。號稱沃野。史記載武

帝時朔方河西。並引河及川谷水澆田。後漢

永建中。以虞詡言。激河浚渠為屯田。唐時會

開濟之為二渠。元置屯田萬戶所。今察罕托

至清聖祖高宗朝

尤

輝漢唐二渠之支流。踪跡具在也。自明中葉

始棄之邊外。居民不得就耕其地。

國家威德無外。式廓版章。

世宗憲皇帝特命大臣齋地圖到阿拉善山前。相度泉

流。求復故道。爰發帑金於河西牧場之地。經

理朔濬。開惠農及昌潤二渠。澆田數十萬頃。

為萬世利賴。我

皇上蕩平絕域。西域諸部。盡隸中土。自是烏魯木齊

以外。至葉爾羌喀什噶爾屯耕以次舉行。荷

鍤成雲。決渠降雨。遠至星宿之源。穰黍相望。

荒陬並登樂利。一統無外之

鴻規。夫豈漢唐諸代所可倫比者哉。

三月。辛丑。

命撥兵駐劄唐努山。特斯等處。并

平定準噶爾方略卷之六

二十

賞諭烏梁海。

上諭議政王大臣等曰。據遣往策妄阿喇布坦處衆佛

保等奏稱。策妄阿喇布坦以克木克木齊克烏梁海

地方。原係伊所屬。被丹津喇卜坦侵佔。仍欲得此地

方等語。今不令策妄阿喇布坦來使入內地。卽於巴

里坤地方遣回。恐策妄阿喇布坦乘此時發兵侵擾

克木克木齊克烏梁海。現今我滿洲蒙古兵丁在茂

岱察罕。度爾扎克拜達里克。駐劄著前鋒統領丁壽

帶滿洲兵五百名。蒙古兵五百名。副將軍貝勒博貝

帶喀爾喀兵一千名。前往唐努山前之特斯等形勝

地方駐劄。於克木克木齊克居住之策凌旺布烏梁

海居住之博貝處。不時偵探。若策妄阿喇布坦侵犯

烏梁海等處。賊兵若少。卽襲擊之。如賊勢衆斷不可

輕進。著將軍穆克登。副將軍丹津多爾濟策凌博貝

平定準噶爾方略卷之六

二十一

等。應於何處防守預備。定議奏聞。尋又

諭理藩院曰。昨爲烏梁海人等特降諭旨。發兵駐防。朕

復詳思克木克木齊克地方之烏梁海人等。俱係策

凌旺布博貝屬下。其來歸之和羅勒買等。現交博貝

撫綏存恤。居之公所。此等人向在喀爾喀邊外樹內

打牲爲生。與準噶爾所屬之烏梁海接壤。又與俄羅

斯連界。必當輕徭薄賦。俾伊等生計饒裕。乃爲有益。

此等人素無知識。萬一策妄阿喇布坦設計哄誘。或與兵搶掠。雖地屬彈丸。人極愚賤。而倘被侵犯。卽與蒙古王貝勒之部落一體。豈可置之不問。觀策妄阿喇布坦奏章。其意於烏梁海。每飯不忘。將來未必無乘間侵犯之事。今茲夏月。我師現在特斯等處游牧。朕欲乘此遣大臣一員。攜帶布帛茶葉等物。同王策凌旺布貝勒博貝。或親至克木克木齊克地方。或於附近烏梁海之唐努特斯等處。齊集伊等爲首之人。分別賞賜。明示朕意。曰。皇帝軫念爾等民生。特命前來傳旨。曉諭爾烏梁海人。世居樹內。以打牲爲生。遇力強者卽爲納賦。由來舊矣。今爾等旣納貢賦於蒙古王貝勒等。卽爲朕之屬國。所居與俄羅斯準噶爾邊界甚近。據今差往準噶爾。使臣回奏。策妄阿喇布坦云。克木克木齊克地方之烏梁海人等。向俱爲伊

平定邊疆方略卷五

三

之屬下。甚恨爾等。皇帝恐爾等受伊侵害。故特遣大臣傳諭。預爲防備。且施恩賞賜爾等。嗣後遠設營哨。盡心防禦。策妄阿喇布坦所屬之烏梁海與爾等接壤。宜不時探察。再俄羅斯亦與爾等甚近。倘伊國人等侵爾邊界。造屋種地。立卽報知汛地。轉報將軍。卽使策妄阿喇布坦侵害爾等。將軍早聞。便可發兵救助。倘策妄阿喇布坦兵多。事起倉猝。爾等力不能當。卽攜帶妻孥。牲餼。暫移入內邊游牧。若賊兵無多。爾等酌量已力。可以殄滅。卽殄滅之。與其畧不設備。致策妄阿喇布坦忽來見侵。劫掠牲畜。殺傷人民。何如早備之爲善也。皇帝又軫念爾等生計。特命爾王王貝勒等。減爾貢賦。將所減之數。皇帝動支國帑賞賚爾王。期於爾等生計有益。爾等誠能感戴國恩。恪遵訓旨。固守地方。探察詳報。朝廷恩賚。自必有加。無已

平定邊疆方略卷五

三

等語策凌旺布博貝同命往大臣如此詳悉曉諭伊等。再於伊等中揀選老成服衆之人。作為首領。令其守望相助。其遇有緊急事務。作何知會傳報之處。亦著詳細定議。開示伊等。伊等果能深知利害。感佩恩澤。則必輸誠効力。從此邊圉益固矣。

夏四月丁卯。

命議敘喀爾喀汗旺扎爾多爾濟等。

平定準噶爾方略卷之天

十四

上諭議政王大臣等曰。前議於鄂爾昆圖拉地方種地時。曾有人奏稱喀爾喀人等未必情願。朕思喀爾喀地方。原被噶爾丹抄掠。窮困已極。我

皇考聖祖施恩收養。各按伊等品級。封為汗。王貝勒貝子。公扎薩克。加以重恩。令食俸祿。數年間遂致充裕。安居原游牧地方。今復安插戍兵。令其種地。亦係特為喀爾喀護庇久遠之計。伊等聞之。定各欣喜。有何

不願之處。朕曾降此諭旨。今圖謝圖汗旺扎爾多爾濟副將軍王丹津多爾濟等。感戴為伊等安插兵丁之恩。復因先於額爾得尼招地方開種地畝。穀不甚長。遣人從俄羅斯處尋得與伊地方相宜之穀實。請令按時耕種。又情願幫助耕種之人口糧等。因具奏與朕前旨相符。喀爾喀汗旺扎爾多爾濟王丹津多爾濟等。實係感激深恩。為國家竭誠効力之人。殊屬可嘉。著交與理藩院議敘。

平定準噶爾方略卷之天

十五

癸酉。

撤巴里坤吐魯番官兵。撥安西兵駐劄哈密。

上諭議政王大臣等曰。據差往策妄阿喇布坦處眾佛保等奏稱。臣等與策妄阿喇布坦議定疆界。仍欲以索勒畢嶺至唐努山陰之喀喇巴爾楚克山為界等語。其事暫且不能完結。朕思巴里坤吐魯番之兵丁。

理應撤回。著議奏。尋議曰。策妄阿喇布坦。怙惡不悛。輒敢要求定界。乃自取滅亡也。

皇上愛恤軍士。以出征年久。令撤巴里坤。吐魯番兵。應

悉撤之。但撤兵後。賊或來哈密盜竊馬匹牲畜

亦未可定。今哈密駐兵止五百人。請更於安西

撥兵五百。遣副將遊擊各一人。管轄駐劄。務遠

斥堠。嚴汛防。俟哈密築城既畢。其兵五百。仍撤

平定漢軍營編年表

美

回安西。將軍富寧安。前有

旨令其陛

見。即令率所撤兵來京。又甘州有京城滿洲兵二百亦

令都統查克旦率之還。并撤所設軍站。其自嘉

峪關以至安西。沙州哈密。應留軍站。以備遞送。

奏入。

上從之。

五月壬辰。

飭諭川陝總督岳鍾琪。

岳鍾琪疏言。寧夏駐防滿漢兵丁糧餉。請分別

折給。奏入。得

旨。從來滿洲兵丁性情質樸。奉公守法。不知爭論財物

自圖便利。亦未聞於該管上司前有控告錢糧等事。

昔年福州漢軍駐防兵丁。因爭競馬乾錢糧。

平定漢軍營編年表

美

聖祖仁皇帝將為首之人重懲。附和之人分別治罪。蓋

恐其漸成惡習。故用法以儆將來也。每見旗人為上

司。往往袒護旗人。亦有故意刻待旗人。袒護漢人以

示公者。漢人為上司。又往往袒護漢人。亦有故意刻

待漢人。袒護旗人。以示公者。此皆非大公至正之道

也。朕君臨天下。一視同仁。惟期事事公平。不肯稍有

偏向。如滿洲駐防兵丁。其所得錢糧馬乾等項。較綠

旗兵丁為多。此非厚待旗人也。蓋綠旗兵丁係土著之人。經營度日。稍覺容易。滿洲兵丁於錢糧之外。無所資藉。故特加恩惠。以養贍之。旗兵既有多得錢糧之處。則不應復占綠旗之分例。今岳鍾琪奏。據鍾保詳稱。寧夏滿兵初到。採買米石草束實難。請將夏朔二縣實徵草束并額徵一萬五千石之米。盡給滿兵。以折價給與綠旗兵丁。此奏甚屬錯謬。若云折價足敷採買之用。則綠旗可以採買。滿兵即可以採買。且地方官亦可以採買矣。若云折價不敷。則滿兵不敷。綠旗兵亦即不敷矣。兵丁同為朝廷養之人。滿洲素性尚義輕財。豈肯奪綠旗兵丁之利。以自便其私乎。據云詢問綠旗兵丁。亦欣然樂從。凡辦事祇論理之當行與否。若於理當行。豈因綠旗兵丁不願而遂停止乎。若於理不當行。即綠旗兵丁情願固屬可嘉。

平定準噶爾方略前編卷之五 天

獨不計及滿洲兵丁之顏面乎。又稱所需白米每石以一兩五錢折價。為數無幾等語。國家有一定之經費。若屬應用。則數千數萬。亦不為多。若不應用。則一絲一粟亦宜察核。豈有因數目不多而遂可任意增添乎。況為數不過七百餘金。即將此分與三千人。為利幾何。而令滿兵徒受與國家較量錙銖之名乎。鍾保身為藩司。料理軍餉。乃其專責。滿洲兵丁所需米石草束。著交與鍾保管採買散給。不得稍有虧缺。若借端貽累地方。朕必加重處。俟辦理數年。兵丁住久熟習之後。再行奏聞。令兵丁各自採買。

平定準噶爾方略前編卷之五 天

冬十月甲子。

賞賚擒賊蒙古兵。

理藩院遵

旨議覆曰。蒙古官兵於布拉罕布魯爾二路襲擊策妄

阿喇布坦邊界。擒殺賊衆。應請分別賞給銀幣。

奏入。

上從之。

十一月乙未。

命封靖逆將軍富寧安世襲侯爵。

靖逆將軍富寧安自軍營來京。率將士陛

見。

平定邊疆方略卷末

手

上諭曰。富寧安在軍前多年。約束兵丁。辦理事務。俱井井有條。而且行止端方。廉潔。此數年以來。領兵之將軍等聲名未有出其右者。其於我

皇考之寄任。實心奮勉。不負任使。朕實嘉愛。今朕代

皇考推恩。特行旌賞。封富寧安世襲侯爵。爾諸大臣果

能以品行聲名爲念。於國家公務。一意抒誠。勉盡人

臣効忠之道。豈惟主上嘉愛。卽

上天亦必慈佑報之以福矣。

平定邊疆方略卷末

手

平定準噶爾方略前編卷之十七

雍正五年春正月丁巳。

命內閣學士僧格副都統馬拉往西藏。

副都統宗室鄂齊奏言臣至西藏。審察情形。其

首領辦事者。各不相和。往往見於辭色。達賴喇

嘛雖聰慧。然年少。不免私其父。索諾木達爾扎

康濟鼐人甚有才。但恃其勲績。輕視諸噶卜倫。

平定準噶爾方略前編卷之十七

衆恨之。阿爾布巴中懷陰險。所行與康濟鼐殊

絕。而索諾木達爾扎以娶隆布鼐二女。三人爲

黨。恐其構達賴喇嘛與康濟鼐不和。必至生事。

且噶卜倫太多。反增繁擾。隆布鼐所行妄亂。扎

爾鼐庸懦無能。請予兩人噶卜倫原銜。罷其職

事。以翦阿爾布巴羽翼。則其勢孤。無作亂之人

矣。乞降

旨。曉諭達賴喇嘛康濟鼐阿爾布巴等。和衷共事。議政

王大臣等議悉如所請。請遣大臣一人齎

旨往諭。又達賴喇嘛母舅袁都阿喇木巴既誠心守護。

應給予達爾漢號。賜緞六疋。奏入。得

旨。著內閣學士僧格副都統馬拉差往達賴喇嘛處。各

賞銀一千兩。

二月甲子。

平定準噶爾方略前編卷之十七

卹賚喀爾喀台吉塔布囊等。

理藩院議奏言喀爾喀台吉塔布囊等前勦烏

梁海於和托輝特。其陣亡者。應加一等世襲如

例。官兵受傷者。各按品級給銀。奏入。

上從之。

秋七月癸酉。

西藏噶卜倫扎薩克台吉頗羅鼐等奏報康濟

飛被殺。

頗羅鼐等奏言康濟鼐與準噶爾搆兵。部勒諸事。藏人便之。乃阿爾布巴隆布鼐扎爾鼐等。約前藏頭目。於六月十八日。共殺康濟鼐。臣等收集後藏兵。防守駐劄。阿爾布巴等復發兵來侵。為臣所擊敗。今臣率兵。進捕阿爾布巴等。伏乞皇上速發官兵。勦滅逆魁。以安西藏。奏入。報

平定回疆方略卷七

三

聞。

八月甲申。

議敘從征青海土司。

議敘土司從勦青海等處功。雜谷宣撫使同知班第爾吉加宣撫使銜。瓦寺安撫使桑朗温愷。加宣撫使同知銜。莊浪指揮僉事魯華齡。三寨指揮僉事丹巴扎什。雙岸朗柯四人。並加指揮

同知銜。包坐千戶桑柱等。並加指揮僉事銜。及各土目土兵等。賞賚有差。

乙酉。

增設西寧大通鎮等處官兵。

川陝總督岳鍾琪疏言。西寧北川口外。大通川。白塔川。及野馬川之策爾圖。城垣營房。以次告竣。應設官兵駐劄。臣按肅州鎮屬永固城諸營。

平定回疆方略卷七

四

涼州鎮屬永昌諸營。向以近邊。設馬六步四。或馬步各半。今大通鎮營。扼險據要。肅州口外。又設安西重鎮。則永固等營。並內地。應以肅州涼州二鎮所屬永昌等十八營馬兵。量汰九百六十。并寧夏鎮標後營。已汰馬兵六百。共汰馬兵一千五百六十。大通鎮有控制援勦之責。應如馬步各半例。設馬兵一千。步兵一千。策爾

圖遊擊逼近邊境。路通青海。應設馬兵三百二十。步兵四百八十。白塔川叅將與西寧北川營。相去五十里。距大通鎮。不過百里。聲氣響應。應設馬兵二百四十。步兵五百六十。議政王大臣等議覆悉如所請。奏入。得

旨。西寧大通等處。初設兵丁。甚屬緊要。其應添設叅將

遊擊守備千總等官。著岳鍾琪於陝西武官內。應題

平定準噶爾方略卷七

五

補者題補。應調補者。具題調補。

甲辰。

定俄羅斯疆界。

郡王額駙策凌等奏言。臣等與俄羅斯使臣薩

瓦等相見。議定疆界事宜。臣以應定界址處。詳

示薩瓦云。東邊額爾古納等處。昔年內大臣索

額圖等與爾使臣費耀多爾等議歸爾國。無庸

再議。今自額爾古納河岸至阿魯哈當蘇阿魯

奇都勒齊克太奇蘭並我國斥堠所在。應以相

對之楚庫河為界。自此以西。沿布爾古特山。以

博木沙畢龍嶺為界。定界之後。不得雜處。及容

納逋盜等。犯者互相捕治。臣即與伯四格侍郎

圖理琛等。於當立界石處。書石給子薩瓦。薩瓦

及布里雅特烏梁海等。並心服。據薩瓦云。此行

平定準噶爾方略卷七

六

幸為使臣瞻仰

天顏。既優賜我察罕汗。復賞賚奉使人等。

聖恩優渥。今既矢公定界。永永無渝。臣等即遣侍衛瑚

畢圖郎中納延泰等。與俄羅斯副使一番。一番

諾費池等。指定東西界址。議立界石。俟其還時。

即據界址山河地名。繕寫繪圖。恭呈

御覽。議政王大臣等議。得曰。應如策凌等所議。立石定

界曉諭喀爾喀汗王各扎薩克黑龍江將軍等

令其約束屬人不得越界生事違者重法治之

至於定恰克圖口為貿易所應遣理藩院司官

一人管理貿易人數不得過二百如例其京城

俄羅斯館應令修整以居使臣其國來京讀書

幼童及教習等亦令同居官給養贍願歸國者

聽之至領侍衛內大臣克什圖前遣往代隆科

平定邊疆方略卷之七

七

多辦事今疆界已定應令來京奏入

上從之。

丁未。

奪蒼津爵。

議政王大臣等議奏言翁牛特扎薩克多羅杜

楞郡王和碩額駙蒼津奏請令策妄阿喇布坦

煎茶使者入藏行走悖逆專擅殊甚應盡奪蒼

津爵其郡王更請承襲奏入得

旨扎薩克多羅杜楞郡王著貝子鄂齊爾承襲

戊申。

命王大臣等預撥陝西四川滿漢官兵聽調川陝總督

岳鍾琪來京面領

訓旨。

上諭怡親王大學士富寧安張廷玉等曰西安滿洲兵

平定邊疆方略卷之七

八

著派二千名令副都統尼瑪善預備管領寧夏滿洲

兵派一千名令副都統蘇圖預備管領其綠旗兵陝

西省預備五千名四川省預備三千名雲南省預備

三千名爾等可行文與岳鍾琪鄂爾泰即遵照派辦

管兵之官弁及應用帳房等項一有調發之處候文

到即便啟行岳鍾琪現在四川著回到西安將預備

兵馬之事料理畢即馳驛來京朕有面降諭旨之處

其川陝總督印務仍著岳鍾琪隨路帶辦。不必委人署理。

九月己未。

命給康濟鼐屬人移居青海者口糧。

上諭議政王大臣等曰康濟鼐屬下厄魯特等原係青海之人。曾降旨與達賴喇嘛。令將此等人交副都統

馬拉內閣學士僧格移於青海地方居住。爾等行文

與岳鍾琪將四川布政司庫銀動用一萬兩酌派官

平定準噶爾方略前編卷之七

九

兵送往西藏。交與馬拉僧格備辦口糧。賞移居之厄

魯特等。

庚申。

命罷陝西等處備調官兵。

上諭議政王大臣等曰前因達鼐報稱康濟鼐被擒之

信。恐策妄阿喇布坦有窺伺西藏之意。是以降旨令

陝西各路及四川雲南各派兵馬預備。以候調遣。今

康濟鼐被害情由。係西藏噶卜倫等彼此不睦。自相殘害之小事。不須用兵。著將各路兵馬停止。不必預備。

命封貝子達什策凌為貝勒。

理藩院奏言青海貝子噶爾丹戴青諾爾布卒

無子。其妻請以姪貝子達什策凌兼襲世職。按

平定準噶爾方略前編卷之七

十

例貝子無兼襲兩職者。請無庸議。奏入得

旨噶爾丹戴青諾爾布於青海羅卜藏丹津之事。著有

功績。因議敘封為貝子。今既病故。伊兄弟兩家。止有

貝子達什策凌一人。著從優加恩。并兩貝子職晉封

為貝勒。世襲罔替。

冬十月癸巳。

命公博爾屯為將軍。查克旦為叅贊大臣。率兵往阿爾

台代巴賽等。

上諭兵部曰明年更換阿爾台駐防兵丁時將軍巴賽員缺著派護軍統領公博爾屯前往。叅贊大臣常色禮員缺著派都統查克旦前往。其駐防兵丁即令博爾屯查克旦會同該旗大臣預將年力精壯漢仗好可以學習成材者揀選派出令其前往。

已亥。

平定邊疆方略卷七

十一

命岳鍾琪遣官往藏傳

諭駐藏大臣馬拉等

上諭議政王大臣等曰阿爾布巴差兵至阿里欲害頗羅鼐被頗羅鼐將伊所發之兵盡行截殺已領兵往招征勦阿爾布巴此舉若能成事於西藏有益但今現有欽差馬拉僧格在藏恐伊等或為阿爾布巴所惑從中講和或被阿爾布巴等誑誘以至頗羅鼐受

害則大有關係著岳鍾琪於川陝標下官員內選擇

熟習番情通曉番語可以差遣往藏者速令其前往將一應情節密述與馬拉僧格俾伊等心中明白則諸事無阻此諭著學士班第送去其詳悉之處班第口傳。

鄂爾昆圖拉產瑞麥。

軍營効力行走原任大同總兵官馬觀伯奏言

平定邊疆方略卷七

十二

鄂爾昆圖拉為極邊初墾地近產瑞麥一莖十

五穗上瑞殊祥希代罕觀奏入得

旨今歲各省俱產嘉禾頃馬觀伯復進瑞麥朕觀自古聖帝賢王皆務實心實政不以祥瑞為尚朕深明此理擯斥虛文因今歲為通行藉田典禮之初即獲感召天和是以特為表著以明天人感應之理提於影響期中外諸臣益加誠敬共相儆勉於將來也但恐

地方有司未必深悉朕心或競尚嘉禾之美名借端粉飾致有隱匿早潦而不以上聞者亦未可定著將雍正五年以後各省田畝所產嘉禾俱停其進獻奏聞。

乙巳。

命塔拉圖為管理蒙古兵副都統往阿爾台。

上諭兵部曰明年更換阿爾台駐防兵丁時管理蒙古

平定準噶爾方略卷七

三

兵之副都統員缺著派護軍統領塔拉圖前往。

十一月癸丑。

命左都御史查郎阿率兵進藏。

上諭議政王大臣等曰現今西藏頗羅鼐帶兵報康濟

鼐之仇與阿爾布巴戰鬪相持應特派大臣領兵料

理曾經繕寫諭旨頒給達賴喇嘛其來年大臣前往

應帶領兵丁目今預備俟青草發萌時前去此所派

兵丁著議政王大臣等議奏從前派兵時除官賞置

辦預備恩賜銀兩外其稍有不足者多指伊等俸餉

支借今次所派官兵應停其借給著從優賞資其料

理藏內軍機事務著左都御史查郎阿副都統邁祿

前去選派西安滿洲兵四百名隨往四川綠旗兵丁

著散秩大臣品級鑾儀使周瑛帶領陝西綠旗兵丁

著西寧總兵官周開提帶領雲南綠旗兵丁交與鄂

平定準噶爾方略卷七

四

爾泰酌量選派總兵官一員副將一員著留一員在

察木多駐劄一員領兵進藏周瑛賞銀四千兩周開

提并所派雲南之總兵每人各賞銀三千兩副將各

賞銀一千兩叅將各賞銀五百兩至賞給遊擊以下

等官爾等酌議具奏尋議曰大臣進藏所率西安滿

洲兵四百應令一協領二佐領二防禦四驍騎

校轄之再調綠旗兵陝西八千四川四千雲南

三千每兵二千人遣一副將千人遣一叅將或遊擊轄之守備以下令所在督撫提鎮等酌量調往並遵

旨從優給銀遊擊四百兩守備三百兩千總二百兩把

總一百六十兩馬兵二十兩步兵十六兩悉令

先期預辦俟明年青草發萌時啟行令查郎阿於正月自京由西安西寧向周開提出口進藏

平定回疆方略卷七

五

應帶部院賢能司官四人筆帖式四人理藩院領催二人各給俸錢整裝奏入

上從之

丁巳

命原任巡撫法敏等辦理軍營糧餉屯種事務

上諭議政王大臣等曰阿爾台軍營辦理糧餉事務巴

泰雙喜之缺著派原任巡撫法敏原任內閣學士傅

德前往更換伊等到日同伊都立三人管理糧餉種地事務効力贖罪明年大兵起程時隨將軍前往

庚午

命封哲卜尊丹巴胡土克圖等

理藩院遵

旨議覆曰哲卜尊丹巴胡土克圖請加封哲卜尊丹巴喇嘛遣官齎捧

平定回疆方略卷七

六

勅印送至喀爾喀庫倫奏入得

旨哲卜尊丹巴胡土克圖與班禪額爾德尼達賴喇嘛等之後身出處甚確應封於庫倫地方以掌釋教朕為普天維持宣揚教化之宗主而釋教又無分於內外東西隨處皆可以闡揚昔達賴喇嘛與班禪額爾德尼在西域時其居住青海之厄魯特顧實汗等實與之鄰近相與護持故其教盛行於西藏自此各部

落俱為檀越。踵而行之有年矣。蓋宣揚釋教。得有名
大喇嘛出世。即可宣揚。豈僅在西域一方耶。哲卜尊
丹巴胡土克圖。其鍾靈原有根源。乃與達賴喇嘛班
禪額爾德尼相等之大喇嘛也。故眾喀爾喀俱尊敬
供奉之。且伊所居庫倫地方。弟子甚眾。著動用帑銀
十萬兩。修建大刹。封伊後身。俾令住持。齊集眾喇嘛
亦如西域。講習經典。宣揚釋教。再多倫。淖爾。乃眾喀
爾喀歸順時。我

平定準噶爾方略前編卷七

七

皇考巡狩於此。眾喀爾喀齊來朝覲會盟之地也。因造
寺宇以表彰之。俾去世之章嘉胡土克圖居住。章嘉
胡土克圖者。西域有名之大喇嘛也。唐古忒人。眾敬
悅誠服。在達賴喇嘛班禪額爾德尼之上。各處蒙古
亦皆尊敬供奉。今其後身。稟性靈異。確實可據。著將
多倫。淖爾地方寺宇。亦動帑銀十萬兩。修理寬廣。使

章嘉胡土克圖之後身住持於此。齊集喇嘛亦如西
域。講習經典。以宣揚釋教。蒙古汗王貝勒貝子公台
吉等。既同為檀越。朕如此推廣教法。建造寺宇。如
西域。令喇嘛居住。講習經典。於伊等蒙古之誦經行
善亦甚便易。蓋禮佛行善無分遠近。宣揚釋教之處
愈多。則佛法可以日廣。即哲卜尊丹巴胡土克圖章
嘉胡土克圖皆前世達賴喇嘛之弟子。伊等豈肯忘
其宗派耶。

平定準噶爾方略前編卷七

六

丁丑。
停用隨軍効力人等。
川陝總督岳鍾琪疏言。嗣後有自備鞍馬隨軍
効力者。請令領兵將軍督撫提鎮等。考驗報部。
方子收錄。兵部議覆如所請。奏入。得
旨。隨軍効力之人。往往有未諳營伍。而具呈願往。濫邀

議敘者。此等自備鞍馬之人。若後來力量不足。必致遲誤公事。及遲誤之後。又不便與眾一同治罪。於軍前甚屬無益。嗣後若有自備鞍馬。願往効力之人。俱不必准。

十二月甲午。

勅諭準噶爾台吉噶爾丹策零

準噶爾台吉策妄阿喇布坦死。子噶爾丹策零

平定回疆勦擒逆裔七

九

嗣立。遣使特磊來朝。頒

勅諭一道。令來使齎回奉

天承運

皇帝詔曰。據奏知爾父病故。不勝惋惜。爾父在時。將一

切事務。未得裁處妥協。台吉知爾父負朕之恩。為非

遣使遠來。朕甚嘉之。方今西藏地方。噶卜倫阿爾布

巴等與頗羅鼈等。彼此結讎。舉兵相拒。朕正在躊躇。

爾奏稱欲在西域煎茶設供。實行釋教。以安眾。生似

屬非分。準噶爾乃西北隅一小部落耳。釋教之廣行

與否。豈關爾之煎茶設供耶。朕即位元年。爾父奏稱

寬宥伊罪。言詞恭順。朕以為出於至誠。故欲清理疆

界。乃命使二次。爾父反生嫌疑。不能遵奉朕旨。再羅

卜藏丹津。乃青海和碩特扎什巴圖爾之子。伊骨肉

中。無故弄兵。互相殘害。朕差大臣前往。命各息兵。而

平定回疆勦擒逆裔七

三

羅卜藏丹津乃敢悖我

皇考聖祖養育之恩。負朕之德。侵犯內境。被守邊輕兵

擊敗。遠行逃竄。爾父應即為擒獻。始見和好之誼。乃

於本地隱匿窩留。是何意耶。由此觀之。從前所奏。無

一誠實之處。可知矣。前者羅卜藏丹津。乃一愚戾不

忠不孝之人。爾父年高歷練。力能將伊酌量裁處。可

以生之。亦可以制之。必不被伊愚弄。是以不會勒追。

今爾年少與彼相等以羅卜藏丹津之志氣高傲不顧恩義斷不肯屈於爾下守分安居必將離間爾等於爾大有不便爾務須將羅卜藏丹津送來朕念伊父扎什巴圖爾從前勞績斷不將伊誅戮仍施恩養爾其祇遵朕命爾台吉應將利害輕重盡心籌畫自立主見特茲勅諭。

乙巳。

平定準噶爾方略前編卷七

三

命將軍巴賽仍留阿爾台軍。

上諭議政王大臣等曰巴賽在軍前年滿原欲換回今

王丹津多爾濟奏稱將軍巴賽常色禮辦理一切事

務管轄兵丁整飭妥協等語現有羅卜藏舒努事件

軍前甚屬緊要巴賽着再留二年着博爾屯查克旦

率領更換兵丁前往協助巴賽辦事自京城派副都

統諾穆柱速赴軍營同常色禮將兵領回。

雍正六年春正月丁巳。

封青海厄魯特扎薩克台吉羅卜藏察罕為輔

國公。

辛未。

命察罕度爾軍營前鋒統領穆克登回京。

三月庚午。

命巡撫莽鵠立往西寧料理進藏軍需。

平定準噶爾方略前編卷七

三

上諭議政王大臣等曰向來大兵駐劄之處皆有大員

辦理軍需目今進藏官兵駐劄西寧著巡撫莽鵠立

就近前往料理。

命分別屯種効力候補人員等次。

兵部奏言阿爾台屯種候補守備等期滿請更

代如例奏入得

旨阿爾台種地之候補人員如不分別等次定其優劣。

則伊等罔知鼓勵。著行文該將軍。於期滿更換之日。分爲一二三等。具奏。如果皆實。心効力。則皆列一等。如皆係平常。則當盡列下等。不可因有等次。遂強分優劣。以人就等。務須秉公分晰。開列具奏。

夏四月辛巳。

命議阿爾台駐兵當代者。令先期至京。

上諭議政王大臣等曰。阿爾台換班兵丁。八月內方得

平定漢書卷之七

三

到彼。換回兵丁。俟到後。起程於十一月盡。方能至京。時既嚴寒。兵丁不無苦累。如何可使換回兵丁。預先起程。不受寒凍。卽能至京。著議奏。尋議曰。自歸化城

至扎克拜達里克。有上海新驛舊驛。阿喇克諾

海古爾班賽堪五路。若令換班兵丁。於四月下

旬啟行。由張家口至歸化城。分四路行。令博爾

屯查克旦塔拉圖諾穆柱分領之。再令歸化城

都統丹晉等。選叅領佐領等官。熟識道里者。四

人。亦分路擇水草佳處。導之前行。約於七月下

旬。可至扎克拜達里克。軍營兵丁。先期在此候

代。再撥盛京吉林官兵。爲之哨望。俟換班者至

卽令啟行。仍令熟識道里叅領等官。沿途導之。

十月下旬。卽可至京。官兵得免苦寒矣。奏入。

上從之。

平定漢書卷之七

書

秋七月乙丑。

擒獲西藏叛人阿爾布巴等。

命宣諭中外。

先是川陝總督岳鍾琪奏言。據西藏駐劄叅將

顏清如報稱。二十五日。頗羅鼐率所部兵。自潘

玉口至喀巴。先發兵千人。衝戰喀木卡倫。與隆

布鼐兵遇。是夜西藏斥候兵並集。二十六日。頗

羅鼐率兵直抵西藏。駐藏大臣馬拉僧格卽往布達拉守護達賴喇嘛。頗羅鼐一面安撫西藏。一面發兵圍布達拉。二十七日馬拉僧格還藏。二十八日各廟喇嘛擒阿爾布巴隆布鼐扎爾鼐等以獻。頗羅鼐執之來見馬拉僧格。且言今率阿里及後藏兵九千以來。旣獲仇讐。卽還後藏防守隘口。乞奏聞。

平定準噶爾方略卷七

五

皇上加賚兵丁。臣竊見頗羅鼐於我兵未到之前。同仇擒賊。此皆

聖主威德遠布之所致。但渠魁雖擒。阿爾布巴之子袁布尚在江達駐劄。臣卽令鑾儀使周瑛嚴加防範。俟大兵到藏。併力攻勦。頗羅鼐兵九千人請加賞賜以示鼓勵。奏入。得

旨。頗羅鼐兵丁殊爲効力。著查郎阿等將預備軍需錢

糧內動支三萬兩。給與頗羅鼐。令其酌量賞兵。至是諸王大臣等疏言。阿爾布巴等殺害駐劄西藏貝子康濟鼐。罪不可赦。今頗羅鼐仰承天威。率兵擒獲阿爾布巴隆布鼐扎爾鼐三人。西藏平定。合詞奏賀。奏入。得

平定準噶爾方略卷七

五

旨。阿爾布巴等背理妄行。藐視國法。朕爲綏靖邊陲之計。特命大臣領兵前往。察究情由。就近申討。今據奏報。頗羅鼐率所部兵馬。先抵藏地。其各寺喇嘛將首惡之阿爾布巴等三人。獻出拘禁。渠魁旣已就擒。藏地可以寧謐。在大兵不發一矢。在西藏未傷一人。此等大事而成功之易。若此。是皆仰賴

上帝之垂慈。

皇考之默佑。實非朕涼德之所及也。因諸王大臣等陳奏。將此宣諭知之。

九月乙卯。

命犒賚阿爾台軍代還官兵。

上諭兵部曰阿爾台兵即日回京。著於領侍衛內大臣

內派一人。散秩大臣內派一人。齋茶食於駐軍地方

設幄賜食。將軍賞銀一百兩。副都統營總賞銀三十

兩。護軍叅領驍騎叅領賞銀二十兩。官員等賞銀十

兩。護軍等賞銀五兩。披甲人賞銀四兩。令其攜至家

平定縣署

毛

中。以備家庭歡聚之費。

丁丑。

差往西藏吏部尚書查郎阿奏以叛人阿爾布

巴等分別正法。

查郎阿奏言臣等統領大兵。於五月初六日自

西寧出口。八月初一日至西藏。即同駐藏副都

統馬拉學士僧格鞫訊阿爾布巴隆布鼐扎爾

鼐等。同謀殺康濟鼐事得實。按阿爾布巴等身
受

國恩。敢行叛逆。阿爾布巴隆布鼐當凌遲處死。扎

爾鼐及阿爾布巴之子噶爾丹益楚克哀楚克

拉賈卜鄂達爾漢噶爾藏吹達爾隆布鼐之子

席木本吹扎特並當斬。一逆之妻女兄弟及扎

爾鼐之妻并其子喇克桑。扎木巴並當離本處

平定縣署

天

發遣。至協助阿爾布巴等諸喇嘛。亦當分別治

罪。番人素性兇惡。宜令所在。目覩阿爾布巴等

正法。用示懲戒。臣等一面奏

聞。一面即取二逆及在事當斬者正法。其應發遣者請

檻送江寧杭州荊州等處將軍。令給子兵丁為

奴。奏入。報

聞。

平定準噶爾方略前編卷之十八

雍正六年冬十一月甲子

申定預備軍需尅扣之禁有參員短發累民者

准先行動帑給之

上諭兵部曰向來預備軍需如採買驢馬製辦物件之

類不肖有司往往虛耗國帑派累民間種種弊端朕

知之甚悉已降旨屢行申飭禁止而此風尚未全改

平定準噶爾方略卷之十八

朕愛養斯民不使絲毫擾累凡軍務所需悉動帑金

照時價購辦又恐承辦官員預留將來核減之地稍

借民力以助公事特令岳鍾琪等核定折中價值倘

時價可減卽爲節省或定價不敷據實奏加此皆體

恤官員撫綏黎庶之至意也倘嗣後承辦各員再有

尅扣短發侵蝕等弊其罪誠不可逭若叅革之後必

俟審擬定案方行者追則百姓守候補領之價必致

累月經年而不能得深可軫念嗣後一經題叅摘印

卽照數核明尅扣之價先動軍需銀兩傳集百姓如

數找給仍將該員於本境枷號勒限追完如逾限不

完嚴加治罪庶貪墨之人知所做懼而軍需有益民

無擾累矣

己巳

辦理藏務吏部尙書查郎阿疏奏西藏善後事

平定準噶爾方略卷之十八

宜

查郎阿等遵

旨覆奏言進藏兵丁陝西八千人除穆魯烏蘇之東蒿

沁察罕哈達留兵二千坐站兵八十人現至

藏者四千九百二十四川四千人除黎烏蘇留

兵二千坐站兵五百現至藏者一千五百

三千人二千留魯隆宗一工留察木多臣等謹

遵

旨選陝西兵一千名四川兵一千名隸駐劄西藏大臣

邁祿周瑛等並酌留一省遊擊以下率領駐劄

以備調遣藏事方定達賴喇嘛移居里塘於二

十三日自藏啓行所撤兵丁分五隊副將惠延

祖率寧夏兵一千五十名爲第一隊臣查郎阿

馬拉率西安滿洲兵四百名固原兵五百名四

平定藏事略纂卷天

三

川兵一百名達賴喇嘛即在臣隊中令副將楊

大力率四川兵四百名防護前行爲第二隊叅

將王有循率督標兵四百九十名涼州兵二百

三十名爲第三隊守備戴義雄潘世喜率固原

兵七百五十名爲第四隊總兵官周開捷率西

寧兵八百名爲第五隊其雲南總兵官南天祥

原領兵一千名仍暫令駐劄察木多以便應援

奏入報

聞

十二月辛巳

振武將軍宗室公巴賽疏報鄂爾昆濟爾瑪台

圖拉等處屯田收穫青稞麥糜凡二千八百四

十石有奇奏入得

旨下部知之

平定藏事略纂卷天

四

丁亥

命頗羅鼐暫管前藏事務

吏部尙書查郎阿等奏言頗羅鼐爲唐古忒衆

所信服已遵

旨令其管理後藏直至岡底斯阿里等處其前藏事務

舊設噶卜倫管理據頗羅鼐薦一人一名色朱

特塞卜騰一名策凌旺扎爾臣訪察一人並大

臣之子。誠實可用。但招地初定。新授二噶卜倫管理諸事。恐眾情未能允協。今頗羅鼐既為眾所素服。而前藏後藏相距不遠。臣等請暫令頗羅鼐兼管前藏事務。俟達賴喇嘛移居既定招地兵撤後。仍令頗羅鼐專管後藏。議政王大臣等議覆悉如所請。奏入。

上從之。

平定準噶爾方略前編卷之六

五

壬辰。

命四川重慶總兵官任國榮暫駐里塘。

上諭兵部曰。達賴喇嘛自藏起程。明年二月初可至里塘。此地原有喇嘛寺院。可以居住。著四川重慶總兵官任國榮帶領進藏兵丁二千名。前赴里塘暫駐防護。弁兵等天寒路遠。効力勤勞。應加賞賚。以示軫念。達賴喇嘛初至里塘。其應支供給。預為辦理。重慶總

兵印務著岳鍾琪委員署理。

丁酉。

命封頗羅鼐為貝子。

平定準噶爾方略前編卷之六

六

上諭內閣曰。從前西藏用兵之時。頗羅鼐甚為効力。蒙聖祖仁皇帝授為扎薩克台吉。上年西藏噶卜倫等因嫉妬爭權。彼此不睦。阿爾布巴隆布鼐扎爾鼐暗結匪類。公然肆惡。將朝廷敕封貝子總理事務之康濟鼐擅行殺害。併欲害及頗羅鼐。頗羅鼐受其逼迫。領兵為康濟鼐復讎。將逆黨罪狀奏聞。是以朕特遣大臣等領兵前往。究問情由。以便分別治罪。頗羅鼐聞大兵將至。率眾奮勇前驅。直抵藏地。阿爾布巴等力屈勢窮。被各寺喇嘛等拘執獻出。欽差大臣到彼。一究問。盡得其悖逆妄亂之情。已將阿爾布巴等及逆黨正法。西藏殲此渠魁。黃教可興。番眾可輯。頗羅

雖深知大義。討逆鋤姦。俾無辜受害者。得雪沉寃。背
旨肆行者。早正刑辟。甚屬可嘉。著封為貝子。以獎義
勇。以昭國憲。

戊戌。

命駐防哈密官兵歲於五月往代。

上諭兵部曰哈密駐防官兵。每年輪換。定期於十二月

內派往。朕思臘月天寒。草枯水凍。官兵跋涉為難。查

平定邊疆方略卷六

七

從前甘肅官兵駐防哈密。有五月內更換之例。今仍

著於五月內派往。

雍正七年春一月戊寅。

命吏部尚書查郎阿協辦陝西軍需事務。

癸巳。

定議進勦噶爾丹策零。

上諭諸王內閣九卿八旗大臣等曰。准噶爾一部落。原

係元朝之臣僕。其始祖曰額森額森之子托理。漸至

大員。因擾亂元之宗族。離間蒙古。恐獲重罪。遂背負

元朝之恩。逃匿於西北邊遠之處。元末又煽誘匪類

結成黨與。遂自稱准噶爾。肆行劫擄。迨至我朝。有噶

爾丹策妄阿喇布坦二人。世濟其惡。擾害生靈。滅棄

釋教。造孽多端。不可枚舉。當我朝定鼎之初。各處蒙

古。傾心歸順。共輸誠悃。請安納貢。求為屬國。安享太

平定邊疆方略卷六

八

平樂利之福。八十餘年。惟准噶爾一部落。遁居西北

五千里之外。擾亂離間。衆蒙古。肆行劫奪。噶爾丹身

為喇嘛。不守清規。不遵佛教。破戒還俗。娶青海鄂齊

爾圖車臣汗之女為妻。後又潛往青海。賊害伊之妻

父鄂齊爾圖車臣汗。擄其屬下人衆。續因喀爾喀七

旗內彼此稍有嫌隙。奏懇

聖祖仁皇帝為之和解。因遣大臣同達賴喇嘛使者前

往噶爾丹遣人暗探消息遂以喀爾喀等卑視達賴喇嘛使人為辭遣伊族內微末台吉多爾濟扎卜將喀爾喀汗台吉等肆行凌辱喀爾喀汗等怒彼狂悖無禮會眾將彼殺害噶爾丹遂稱殺害伊弟多爾濟扎卜與喀爾喀構隙掩其不備發兵猝擊喀爾喀眾潰紛紛來投

聖祖仁皇帝深為軫念施恩育養遣使往噶爾丹處諭

平定準噶爾方略前編卷六

九

以兵為凶器令其與喀爾喀和好多方開導詎噶爾丹冥頑不靈借追襲喀爾喀之名入犯邊汛彼時即行勦滅復有何難我

聖祖仁皇帝好生為德遣使責問噶爾丹惶愧恐懼設

誓撤兵乃並不歸伊住牧之所仍潛居克爾倫圖拉地方暗行窺伺

聖祖仁皇帝復遣使降旨諭以應回原住牧地方噶爾

丹佯稱遵奉諭旨仍乘隙潛掠沿邊蒙古之畜牧眾蒙古不獲安居我

皇考遂上告

天地親統大兵聲罪致討噶爾丹輒敢逆天與我西路大兵接戰伊軍大敗妻子被擒噶爾丹窘迫自殺彼時大兵即應直搗巢穴收其部落我

聖祖仁皇帝恐天下後世有窮兵黷武之議因而中止

平定準噶爾方略前編卷六

十

策妄阿喇布坦者噶爾丹之姪也與伊叔噶爾丹不相和睦帶領七人潛逃至吐魯番地方居住

聖祖仁皇帝以策妄阿喇布坦向與伊叔不睦懼其誅

害遁跡逃生加以恩澤伊當感戴歸誠且

聖心仁慈不忍遣兵將噶爾丹餘剩部落悉行勦滅恩加格外遣使賞給策妄阿喇布坦彼時策妄阿喇布

坦力弱勢微甚為恭順其後離間伊之妻父土爾扈

特之阿玉奇汗與其子三濟扎卜誘三濟扎卜攜帶

萬餘戶至伊住牧之處因而強佔人已從此遂不安

分肆意妄行窺伺青海擾害生靈率領賊兵前進被

哈密駐防輕兵擊敗遁回策妄阿喇布坦又假黃教

為名潛兵入藏無故殺伊妻弟拉藏汗毀壞寺廟殺

害喇嘛搶掠供器是以特遣大臣前往詢問乃伊慙

不畏死阻兵抗命使臣率師甚少兵力單弱伊得以

平定邊疆略纂卷之六

十一

愈肆猖狂

聖祖仁皇帝仍賜包容諭令邊外兩路大兵緩進屢次

遣使示以

聖意謂策妄阿喇布坦果其悔過懇恩具奏其時另降

諭旨若仍怙惡不悛然後將此部落人眾悉行勦滅

此我

聖祖仁皇帝之本意也朕紹登大寶策妄阿喇布坦雖

遣使求和朕知非伊本懷諭伊來使云爾歸告知爾
台吉朕纘承我

皇考大統爾台吉若欲受我

皇考天恩須盡改前非遵朕諭旨定界安居若欲犯我

皇考天威任爾備兵前來定當加以天討如此降旨分

晰利害遣使前去又恐策妄阿喇布坦心懷疑貳將

兩路大兵盡行撤回乃伊因此愈生驕傲於定界一

平定邊疆略纂卷之六

十一

事妄欲侵佔界地朕又向伊來使降旨云爾告知策

妄阿喇布坦定界一事實於伊身有益如遵奉諭旨

即遣使具奏若不遵諭旨亦必遣使前來乃伊並不

回奏此際策妄阿喇布坦身故伊之長子噶爾丹策

零遣使前來奏聞伊父身故之事稱伊父已經成佛

又稱欲使眾生樂業黃教振興等語噶爾丹策零不

過邊遠部落一微末台吉耳使眾生樂業黃教振興

豈伊應出之語耶。况伊果欲求和。應代伊父謝罪。懇恩送回青海。叛逆潛逃之羅卜藏丹津。以贖前愆。乃並不輸誠向化。敢以如許妄誕之詞。見之陳奏。此特欲倣伊父之故轍耳。聞噶爾丹策零甚屬凶暴。且西藏阿爾布巴隆布龜扎爾龜等。濟惡同謀。將實心為國效力之貝子康濟龜殺害。此等叛逆罪狀。皆因準噶爾與伊處相近。而逃去之羅卜藏丹津。原係伊

平定準噶爾方略卷天

三

等姻戚。彼此相依。是以敢於悖逆。迨其窘迫倉猝之時。則必投奔準噶爾。亦屬顯然。因頗羅龜奮勇直前。截其去路。阿爾布巴等未得前進。即被擒獲。準噶爾性好搶掠。若留在衆蒙古游牧地方。將來必受其害。今朕已將來使遣回。若伊諸事俱遵旨陳奏。臨時朕另行裁奪降旨。倘仍前推諉。矜張肆恣。負朕屢次遣使開導指示之仁恩。抗玩不恭。將來噶爾丹策零斷

非安分守法之人。必至生事妄為。况西北兩路大兵。盡已撤回。此際伊等如或生事。則我朝如許安享太平之喀爾喀等。及辦理安插安貼之青海西藏。必至被其擾害。甚屬可慮。且此事乃

聖祖皇考注意未完之事。仰賴

上天眷佑。

聖祖皇考福澤。國帑充裕。官員弁兵。同心奮勇。願為國

平定準噶爾方略卷天

古

家効力。實係可以舉行之會。若遲疑不決。定貽後悔。夫用兵者。國家不得已之事也。窮兵黷武。為聖帝明王之所深戒。而以大加小。以強陵弱。又仁人君子之所恥而不為者。况準噶爾彈丸之地。又在極北之區。得其土不足以耕耘。得其民不足以驅使。即使滅此朝食。亦不足以誇耀武功。此皆朕所熟思而詳審者也。但留此餘孽。不行剪除。實為衆蒙古之巨害。且恐

為國家之隱憂。今天時人事。機緣輻輳。時不可遲。機不可緩。天與不取。古訓昭然。且我

聖祖皇考為此籌畫多年。未竟其事。茲當可為之時。朕不敢推諉。亦不忍推諉。此朕一人之見也。用兵大事。所關甚重。不可輕率。著諸王議政大臣九卿八旗大臣。各抒已見。共同詳確密議具奏。尋議曰。準噶爾部

落自噶爾丹逞凶悖逆。及策妄阿喇布坦復肆

平定噶爾丹方略卷之天

五

驕悍。並伏冥誅。今噶爾丹策零踵惡不悛。若留此餘孽。則喀爾喀青海西藏等處。必被擾亂。伏乞

皇上命將興師。大彰天討。以永除蒙古部人之害。奏入。

得

旨。諸王滿漢文武大臣等眾議僉同。一切應行事宜。著

即辦理。

三月庚戌。

命副都統銜察哈爾總管馬爾薩赴軍前。

上諭王大臣等曰。護軍統領塔拉圖朕聞在軍前每日醉飲。大負委任。著革職來京。其員缺令副都統銜察哈爾總管馬爾薩前去。

壬子。

命川陝總督岳鍾琪補給駐防哈密甘肅提標兵歷年

平定噶爾丹方略卷之天

六

應領鹽菜行糧銀五萬二千八百兩。丙辰。

命領侍衛內大臣三等公傅爾丹為靖邊大將軍。北路

出師。川陝總督三等公岳鍾琪為寧遠大將軍。

西路出師。討準噶爾噶爾丹策零。

辛酉。

定議北路出兵事宜。

議政王大臣等遵

旨議奏曰北路出征事宜。一統兵將士。應請撥定京城

八旗兵六千名。自總統將軍外。應遣副將軍叅

贊大臣前鋒統領及營總叅領侍衛章京前鋒

校護軍校驍騎校等率之。車騎營兵九千名。應

撥總兵官副將叅將遊擊。守備千總把總等率

之。其押運糧餉大臣隨印學士及中書司官筆

至平定準噶爾方略前編卷之六

七

帖式等並請

命往奉天吉林察哈爾索倫土默特右衛寧夏七處。兵

八千名。應撥統領及管轄者往喀喇沁土默特

兵八百名。應撥塔布囊等率之。官兵啓行。分

路定期。北路官兵遠駐阿爾台。今京城八旗兵

於五六月間分五路進。出口後與察哈爾土默

特兵同行。車騎營兵分六路進。與奉天吉林索

倫右衛寧夏兵。並六月啓行。至駐劄處與大兵

合。一北路出兵。計總統將軍一員。副將軍一員。

叅贊大臣六員。前鋒統領一員。副都統十員。總

兵官二員。營總二十四員。叅領副叅領共四十

一員。雲麾使一員。副將四員。章京一百三十六

員。中書二員。司官十三員。侍衛十二員。叅將遊

擊共八員。前鋒校十七員。護軍校一百八十一

至平定準噶爾方略前編卷之六

八

員。驍騎校一百二十九員。筆帖式四十三員。守

備十六員。千總把總共九十六員。統計官七百

五十三員。除奉

旨賞賚外凡馬駝器械及跟役口糧鹽菜銀並與兵丁

糧餉。遵

旨寬裕支給。奏入。得

旨振武將軍公巴賽著為副將軍。振武將軍印務著順

承郡王錫保管理鑲黃旗滿洲都統侯陳泰右翼前

鋒統領袁泰鑲白旗漢軍都統石禮哈正白旗滿洲

副都統戴豪散秩大臣公達福正藍旗滿洲副都統

覺羅海蘭俱為叅贊大臣原任右翼前鋒統領丁壽

以都統銜為軍營前鋒統領直隸正定總兵官魏麟

河南河北總兵官閃文繡統領車騎營兵奉天副都

統納秦統領奉天兵白都納副都統塔爾岱副都統

平定邊防方略卷之六

九

銜西彌賴統領索倫兵白都納副都統費雅思哈統

領寧古塔兵右衛副都統阿三統領右衛兵寧夏副

都統蘇圖統領寧夏兵鑲藍旗蒙古副都統承保鑲

白旗滿洲副都統常祿統領察哈爾兵歸化城副都

統馬爾齊表布統領土默特兵塔布囊丹巴沙津達

賴等統領喀喇沁土默特兵糧餉事務派法敏伊都

立巴泰西琳傳德等管理盛京禮部侍郎永國兼內

閣學士銜隨靖邊大將軍印前往北路軍營其辦理

各款俱詳細妥協悉依議行

乙丑

命以兵丁借支出口銀為恩賞

川陝總督岳鍾琪疏言河州營兵出口巡緝時

值隆冬借給整裝銀五千二百兩今事訖應於

應領餉中扣還奏入得

平定邊防方略卷之六

十

旨兵丁借支出口銀兩者即作為恩賞免其扣還

庚午

議開長安縣子午谷及增設各隘口官兵

川陝總督岳鍾琪疏言秦省自南山通蜀道有

長安之子午谷盤屋之黑水谷郿之斜谷三谷

中黑水與斜谷極險僻難開惟子午谷在漢唐

時為通運大道後漸荒廢若更鑿此路合坦夷

由西安徑抵漢江纔五百餘里最便似宜設兵

防守以便行人請於子午谷中秦嶺南五郎關

設守備一員千總二員駐兵二百五十名秦嶺

北關神里亦屬隘口請卽五郎關所設營中撥

千總一員兵五十名分駐其地其黑水谷中柳

葉河應增設把總一員兵五十名再移鳳翔城

守營兵駐郿縣專守斜谷兼防桃川號川等處

平定準噶爾方略前編卷之六

三

號川應增設巡檢千總各一員兵一百名戶部

遵

旨議覆並應如所請奏入

上從之

夏四月丙子

命選西安滿洲兵暫駐涼州及增太原城守兵

上諭內閣曰川陝總督岳鍾琪統領大兵出口進剿之

後甘涼一帶營汛綠旗兵力稍單著於西安滿洲駐

防兵丁內挑選一千名暫行移駐涼州著都統蘇丹

西安副都統尼瑪善統領此挑選兵丁可先期預備

候朕再降諭旨涼州原有兵房二千餘間著甘肅巡

撫量加修理以備移駐兵丁居住山西太原府雖舊

有城守滿兵今再從京城派兵五百名至彼一同居

住彈壓此所派兵丁著都統鄂善統領前往駐劄

平定準噶爾方略前編卷之六

三

丁丑

命岳鍾琪定議陝西甘肅兵丁補給倒斃馬匹

上諭內閣曰官兵馬匹其有倒斃免賠椿銀者各省不

同從前補以中茶馬匹及後則給以朋銀採買此諸

省通行之例惟有陝甘各營因停止招中茶馬之時

未將動支朋銀聲明相沿至今凡有倒斃馬匹俱係

兵丁出資買補深可軫念著總督岳鍾琪詳悉查明

將嗣後作何准報補給之處。分晰定議具奏。

甲午。

命兩路出征致祭所過名山大川。

上諭曰兩路大將軍統領大兵進剿準噶爾凡所經過

名山大川。理應致祭。著撰擬祭文。書寫數十道。敬謹

用寶付兩路大將軍帶往。遇有應祭山川。臨時填寫

神號。虔恭致祭。其所用香帛等項。著該部察例辦理。

平定回疆方略卷之六

三

丁酉。

寧遠大將軍川陝總督岳鍾琪奏西路出征事

宜。

岳鍾琪疏言西路出師。文武各官及馬兵步兵

等。當有定額。一切軍需。可以核計。今臣議定總

統官兵大臣一員。分領官兵提督一員。總兵官

四員。副將十員。叅將遊擊共二十員。守備四十

員。千總八十員。把總一百二十員。其管理駐防

臺站。撥副將遊擊各二員。守備四員。千總把總

共八員。至經理糧餉事務。議撥道一員。知府一

員。同知通判。知州。知縣共十員。佐雜二十員。凡

文武大小各官。三百二十四員。馬兵步兵二萬

六千五百名。一切馬駝器械跟役口糧鹽菜銀

兩等。及兵丁糧餉。分別支給。臣陸續核明造冊

平定回疆方略卷之六

四

報銷。奏入。報

聞。

壬寅。

上以出師征準噶爾噶爾丹策零。

躬詣

太廟告祭。

祝文曰恭惟我

列祖聖德神功。涵蓋宇宙。莫不尊親。獨厄魯特策妄阿

喇布坦。世濟兇頑。自其叔噶爾丹悖肆猖狂。我

皇考聖祖仁皇帝親率大軍。剪除元惡。以策妄阿喇布

坦素未同逆。遺餘部落。聽其收撫。

恩澤至渥。乃不思銜感。漸恣鴟張。殘破拉藏。荼毒生靈。

皇考應時戡定。猶未忍即加勦戮。

宣諭再三。冀其知悔。臣紹位以來。復申諭旨。伊雖遣使

平定準噶爾方略卷之六

五

乞和。乃敢容留通叛。挾詐怙惡。旋服冥誅。其子噶爾

丹策零。雖亦遣使詣闕。而心志詭譎。言詞妄誕。揆其

奸狀。若不迅行撲滅。將來必為蒙古之巨害。貽中國

之隱憂。臣夙夜思維。茲乃我

皇考計慮多年。經營未竟之緒。繼

先志以行師。事非得已。順

天心而致討。機不容遲。廷議僉諾。戎行齊奮。是用簡帥

臣而授鉞。占良日而禱牙。仰憑

列祖功德崇隆。聲靈赫濯。旌旗所向。立靖氛塵。饒鼓還

歸。早聞凱奏。永綏藩圉。萬邦戴不昌之天。惠保邊黎。

九服遵蕩平之路。謹告。

癸卯。

上御太和殿。

命大學士。以寧遠大將軍印。並

平定準噶爾方略卷之六

五

敕書一道。令止使兵部尙書查弼納副使內大臣公倫

布齊。赴西安。授川陝總督公岳鍾琪。

命以理藩院侍郎顧魯兼內閣學士銜。隨印前往。

敕諭曰。奉

天伐罪治世之常經。鋤暴除兇安邊之遠略。况醜逆陰

謀詭譎。斯王章顯用。征誅機不容遲。法無可貸。厄魯

特策妄阿喇布坦。乃噶爾丹之逆族也。昔我

聖祖仁皇帝時。噶爾丹干犯

天討。立時殄滅。本應直搗巢穴。俾無子遺。蒙

聖祖仁皇帝如天之仁。念策妄阿喇布坦。向與伊叔

齡。情罪可原。特沛鴻恩。賞其部落。撫綏周至。再子生

全。是時伊力弱勢微。小心恭順。其後乃誘奪伊妻父

之部曲萬餘戶。輒敢驕肆妄行。竟欲直驅青海。擾其

人眾。又詭計發兵進藏。荼毒生靈。我

平定邊疆略纂卷六

七

聖祖仁皇帝雖發兵致討。仍賜包容。遣使宣諭再三。冀

其改悔。而伊怙惡不悛。冥頑如故。及朕紹承大寶。伊

雖遣使求和。而中懷詐僞。以背恩大逆之羅卜藏丹

津。負罪潛逃。伊輒敢容留。抗違國法。中外之人。莫不

忿恨。朕本欲於數年間。命將興師。向伊詢問。不意策

妄阿喇布坦。遂服冥誅。其子噶爾丹。策零繼立。狡猾

狂誕。同於其父。昨遣人陳奏之際。言詞傲慢。心志姦

邪。似此逆賊渠魁。父子濟惡。若不及時翦滅。實為衆

蒙古之巨害。且恐將來貽國家之隱憂。用是特發兩

路大兵。聲罪致討。爰命爾為寧遠大將軍。統領陝西

等處大兵。一切事宜。爾與提督紀成斌。酌定方略。公

同計議而行。勿謂已能而不納衆論。勿當事會而致

失機宜。勿恃兵強而輕視賊寇。密偵遠探。備極周詳。

各路大兵。及蒙古兵丁。聽爾調遣。凡遇有警。即遣發

平定邊疆略纂卷六

八

官兵。應援撲勦。有能擒斬噶爾丹策零來歸者。即行

馳奏。加恩優賞。有情急來歸者。加意撫恤。其不抗拒

官兵者。勿加殺戮。兵將所過地方。須申嚴紀律。毋得

騷擾百姓。毋得淫人婦女。毋得離散人之父子夫婦。

毋得損壞人之墳墓室廬。毋得強取貨物。毋得驅役

平民。以副朕戡亂靖逆。安民綏衆之意。其或有臨戰

退縮貽誤。擾亂軍機者。爾會同商議。文官四品以下

武官三品以下。卽以軍法示衆。官兵有犯小過者。會同商議。徑行處治。毋泯沒戎行之勞績。毋寬縱違法之弁兵。法紀務極嚴明。賞罰悉期公當。一切機宜。爾商酌調遣。有應知會北路靖邊大將軍者。卽行知會。一同辦理。將噶爾丹策零速行殲勦。永靖邊陲。斯稱委任。爾等務宜殫心用力。早奏膚功。欽哉。故敕。

命肅州總兵官曹勳。仍率兵出口。湖廣巡撫馬會伯往

平定準噶爾方略前編

元

肅州辦理軍需。帶管肅州總兵官印務。

寧遠大將軍川陝總督岳鍾琪。遵

旨。議奏肅州地屬緊要。鎮臣樊廷。率兵出口。其肅州鎮

印務。請令典漢鎮臣曹勳署理。曹勳亦奉

旨。領兵者。今既留肅鎮。臣見川北鎮臣張成隆。老成練

達。曉暢軍戎。現今赴京

陛見。乞令速回陝西。率兵出口。以足鎮臣四人之數。奏

入得

旨。朕思軍務關係重大。曹勳明白精壯。乃實心効力之員。應仍令領兵出口。岳鍾琪既稱張成隆老成練達。曉暢軍戎。朕觀其人尙壯健。或可勝領兵之任。著於原派總兵四員之外。增添一員。卽將張成隆派出。令其星速馳驛赴陝。著大將軍岳鍾琪酌量委用。至於肅州辦理軍需。更關緊要。署督查郎阿相隔路遠。巡撫許容又屬新任。著湖北巡撫馬會伯前往肅州辦理軍需。一切與督撫等。共同計議而行。卽帶管肅州總兵印務。甚為妥便。其湖北巡撫印務。著四川布政使趙宏恩前往署理。四川布政使印務。著四川按察使呂耀會署理。四川按察使印務。著四川鹽驛道尤清署理。

平定準噶爾方略前編

三

甲辰。

命以振威揚武二將軍印送寧遠大將軍岳鍾琪軍前。

上諭兵部曰振威將軍揚武將軍印二顆送往西安。

與大將軍岳鍾琪軍前有應用之處酌量委用。

平定準噶爾方略前編卷之十九

三

平定準噶爾方略前編卷之十九

雍正七年五月乙巳。

諭出征大將軍等。

上諭曰出征大將軍副將軍叅贊大臣官弁兵丁等準

噶爾狡獪兇頑父子濟惡為邊境蒙古之隱患朕仰

承

皇考聖祖仁皇帝先志特發兩路大兵聲罪致討當四

平定準噶爾方略前編卷之十九

一

海昇平之時國用充裕朕細加籌畫計議再三凡命

將遣官派兵運餉以及車馬甲冑兵器耕具之屬無

不經理周詳備辦豐足宏綱細目具有規條而派出

之官弁兵丁等踴躍歡忻爭先恐後其急公勇往之

意甚為可嘉此蓋弁兵等素懷忠君報國之心而又

受

皇考六十餘年教養之澤感恩慕義出於惻怛故奮發

之氣。若斯之壯也。然軍氣當壯。而軍心則不可驕。孔子論行軍之道曰。必也臨事而懼。好謀而成。而以暴虎馮河為戒。書經曰。今予其恭行天之罰。可知古昔聖人於軍旅之事。倍加敬謹。從未有以士飽馬騰。兵甲堅利。而遂生驕矜之意。忘嚴惕之懷也。從來舉大事者。固在人事之經營。而成大功者。必賴

天心之眷佑。若果仰邀

平定準噶爾方略前編卷五

二

上天慈恩。默垂保護。則天地間非常之業。不世之勲。皆計日可以成就。而感格

上天之道。惟有一誠一和。聖人曰。至誠感神。又曰。和氣致祥。古訓昭垂。千載不易。今此兩路大兵前往。若自大將軍以下。兵丁以上。皆存一片誠敬之心。一團和合之氣。視國家之事。如己事。聯千萬人之心。為一心。以此感格

上蒼蒙

天心許一。是字。如此而大功不唾手告成者。無是理也。大將軍總統全師。為三軍司命。當開誠布公。虛懷受益。能謀於眾。能斷於心。勿以私意。而泯人之勞。勿以偏見。而掩人之善。信賞必罰。惠愛嚴明。副將軍叅贊大臣等。和衷協贊。合志同心。共展謀猷。以成韜略。其一應文武官弁等。各有攸司。均關重寄。祇奉將軍之

平定準噶爾方略前編卷五

三

令。善導所轄之人。務殫公心。以襄偉績。至於兵丁等。應思祖孫父子。世受國恩。今當執戈荷戟之時。正効力酬恩之會。况朕以至公訓諭。大小臣工。將軍等。秉公心以馭士卒。有功必錄。有過必懲。正宜乘時。龜勉以圖上進。古人以共為一事。比於同舟。言其休戚相通。憂樂與共也。朕謂今日之事。自將軍以下。兵丁以上。不但有同舟之誼。實乃一體之親。朕為元首。以股

肱耳目視爾等。爾等衆人彼此聯屬之情。當如手足。臂指之痛癢相關。肫誠固結。不可藏嫉妬之念。不可懷推諉之心。且不但當存退縮規避之私衷。亦並不應存輕進貪功之淺見。蓋一人立功其功小。衆人立功其功大。果能以誠心和氣感格。

上天錫福垂恩。膚功克奏。則凡行軍預事之人。皆有光榮。膺爵賞於朝廷。垂名於奕世。豈不美歟。朕自運籌軍務以來。及師旅起程以後。朕之一心。時刻在於戎陣之間。爾等宜共體此心也。

甲寅。

大閱於南苑。

是日辰時。靖邊大將軍傅爾丹等令車騎營設車騎鎗礮並馬步軍士各按方位旗色。布列陣式。巳時。

平定縣志卷之五

四

上登瞭鷹臺。御黃幄。賜諸王大臣等坐。鳴海螺。自臺下

以次達營所。營中擊鼓。正南紅旗舉。諸軍分隊進。鎗礮齊發。金鳴衆止。由是而東而西而北。各依旗色。次第操演。既而兩旗交展。兩翼分進。首尾相應。演畢。軍士歡呼凱旋。各歸陣所。隊伍井然。軍容整肅。綿亘周望。

上顧謂大學士張廷玉等曰。若等操演。可謂熟練。今日天氣晴朗。朕甚慰悅。然此車騎營兵。不過數分中之一耳。他如盛京察哈爾等處精兵尚多也。大學士張廷玉等奏曰。三軍和氣。上達於

平定縣志卷之五

五

天。天人交感。用昭晴朗。精兵所向。其誰能敵。

上又謂浙江總督李衛曰。此不過操演軍士之一法耳。至於遇敵決勝。相機度勢。神而明之。運用之妙。存乎其人。豈必拘拘排列陣伍。然後可以制敵。李衛奏曰。

皇上天兵馴熟精銳。臣得瞻仰。可謂見所未見。

上又謂諸大臣曰。此次軍務。怡親王同大學士張廷玉

蔣廷錫辦理妥協。如蒙

上天默佑。卽奏凱歌。若等之功不小。怡親王大學士張

廷玉蔣廷錫同奏曰。臣等何知何能。仰承

皇上指畫周詳。臣等不過遵奉辦理而已。奏畢。賜茶。卽

於營中宣

平定準噶爾方略前編卷之九

六

旨賜大將軍銀五千兩。副將軍三千兩。叅贊大臣各千

兩。隨印內閣學士五百兩。營總各二百兩。章京

等各百五十兩。司官各百二十兩。中書各百兩。

筆帖式各八十兩。前鋒校護軍校驍騎校各五

十兩。護軍各二十兩。披甲者各十五兩。車騎營

兵各二十兩。

戊午。

命議敘辦解贏匹各官。并增給官價。

上諭內閣曰。前因備辦軍需。令直隸山東河南山西等

省。採買贏匹。運送糧餉。今直隸山東解京之贏。俱屬

臃壯。則地方官之採買辦理實心効力可知。著查明

各地方官採辦之多寡。及肥瘠之高下。分別等次。交

部議敘。以示嘉獎。其解送之員。一併酌量議敘。從前

議定每贏一頭。給與官價十二兩。今所解贏匹甚好。

平定準噶爾方略前編卷之九

七

諒官價及每日喂養准銷之銀。必不敷用。著據實報

明。於本省存公銀兩內給發。但不得借此恩旨滋浮

冒之弊。著該督撫公平辦理。後不爲例。其河南山西

二省。所辦贏匹解交陝西者。著岳鍾琪驗看。據實具

奏。若能如解京之辦理妥協。亦著一體加恩。

壬戌。

命速行卹賞陣亡官兵等。并豁免預借銀兩。

上諭內閣曰。自本朝開國。及平定三藩。廓清朔漠以來。

褒忠錄功之典。最為優渥。凡文武官弁兵丁之効力

行間。著有勞績。及臨戎致命。遇敵受傷者。皆赤心報

國之人。朝廷沛澤加恩。惟恐不逮。乃近年以來。部臣

辦事遲緩。因循。往往因一二事之駁查。遂將眾人卹

賞之典。俱致淹滯。卽如陝甘川省。從前攻勦南川北

川青海桌子山等處之文武官弁兵丁。已經查核明

平定三藩方略卷十九

八

晰。應行卹賞議敘。祇因青海等處功加冊結內。有原

任巡撫王景灝。向知張梅革職離任。所造冊結無印

可鈐。部議駁查。以致南川等案卹賞之處。一併稽延。

經朕察訪而後知之。夫官弁例應議敘者。不得早沾

國恩。固為不可。而陣亡受傷人等。遲至數載之後。尚

未邀帑金之賜。尤可憫惻。著該部速行卹賞議敘。嗣

後凡有出兵加恩之案。其中若有應行駁查者。止將

應查之人扣除。俟查明補給。不得因一二人之行查

而稽遲眾人應得之恩典。將此永著為例。又如從前

進藏出征之官弁兵丁。若有預借銀兩。而本身陣亡。

或在軍中受傷病故者。除照例卹賞外。其所預借銀

兩。概免追還。

六月丁丑。

命封索諾木達爾扎為輔國公。

平定三藩方略卷十九

九

達賴喇嘛之父索諾木達爾扎奉表貢方物。理

藩院以

聞得

旨。索諾木達爾扎乃達賴喇嘛之父。指教達賴喇嘛學

習經典。保護達賴喇嘛勤勞多年。西藏之事。毫不干

預。甚屬可嘉。著封為輔國公。

癸未。

諭怡親王等密辦軍需事宜。寧遠大將軍川陝總督公

岳鍾琪專辦西路軍務。

岳鍾琪疏言噶爾丹策零三世弗庭。百夷被虐。

天怒人怨。眾叛親離。我

聖祖至德洪慈。再三寬宥。

皇上深仁厚澤。屢欲矜全。而終不悛悔。猶復肆其猖狂

不道之語。見於表箋。若不大彰

平定準噶爾方略卷十九

十

天討。則冠履之分不明。番夷之禍不息。臣仰承

廟謨。至思極備。約舉

王師之十勝。夫逆酋之必敗。一曰

主德。二曰天時。三曰地利。四曰人和。五曰糗糧之廣備。

六曰將士之精良。七曰車騎營陣之盡善。八曰

火器兵械之銳利。九曰連環迭戰。攻守咸宜。十

曰士馬遠征。節制整暇。又加以期日之寬舒。機

宜之詳密。凡此勝略。咸出

聖心。臣得効奔走微勞。便成殊績。惟冀指日蕩平。獻俘

奏凱。以報

國恩。奏入。得

旨。準噶爾世濟凶頑。心懷叵測。將來必為蒙古之巨患。

貽國家之隱憂。是用發兵聲罪致討。上承

先志。下靖邊陲。師出有名。事非得已。兩路軍機。朕籌算

平定準噶爾方略卷十九

十一

者久矣。其軍需一應事宜。交與怡親王大學士張廷

玉。蔣廷錫密為辦理。其西路辦理事宜。則專於總督

岳鍾琪是任。王大臣等小心慎密。是以經理二年有

餘。而各省不知有出師運餉之事。今覽岳鍾琪摺。奏

備陳十勝之情形。軍務所關重大。朕不敢預言其必

然。惟有倍加敬謹。仰懇

上天

皇考鑒照不得已之情垂慈默佑早奏膚功而已。

命賞兗州右營車兵李中倫。

靖邊大將軍公傅爾丹奏言兗州右營車兵李

中倫拾銀二封既而訪知為北樓營車兵韓吉

玉所遺請歸之吉玉願以金歸中倫中倫堅辭

不受應加獎賞奏入得

旨講讓興廉最為美俗而師旅出征尤以人和為貴今

平定襄勇略篇卷之九

十三

李中倫拾取遺金知為恩賞軍士之物即時稟知該

管將弁情願給還本人似此見利思義同心同力之

忱悃甚屬可嘉著賞銀六十兩以示嘉獎並傳諭內

外直省兵丁等果聞風慕義共登善行必仰蒙

上天之賜同受國家之恩矣。

命賞總理西藏事務副都統馬拉銀二千兩協理西藏

事務西寧總兵官包進忠銀一千兩整裝。

乙酉

命蠲免甘肅四川等處額徵錢糧

上諭內閣曰朕愛養黎元遐邇一體而邊遠之地小民

家計不及近省尤朕心之所繫念數年以來甘肅四

川雲南貴州廣西五省有用兵西藏及勦撫苗蠻等

事其一應軍需皆動用公帑備辦秋毫不派及於民

間而糧餉轉輸亦有資於民力今藏地苗疆俱已寧

平定襄勇略篇卷之九

十五

謐朕心嘉慰特沛恩膏著將庚戌年甘肅四川雲南

貴州廣西額徵地丁銀兩悉行蠲免其西安各屬地

方近日亦有預備軍需之事朕心軫念著將庚戌年

額徵錢糧蠲免十分之三此六省督撫大吏宜仰體

朕心轉飭所屬有司敬謹奉行務使閭閻均霑實惠

如有奉行不力被不自有司暗飽私橐或姦胥土棍

強紳劣矜包攬侵蝕者經朕訪聞必將通省大小官

員分別從重治罪。至於國家設官。本以理民。官有恤下之責。民有奉上之義。若設官而不為計。及養廉之資。則有司之賢者將窘迫。而莫能支。不肖者又橫取而無所檢。是以酌定將錢糧耗羨。均給各官。此揆情度理。上下相安之道。但思加恩百姓。豁免正賦。若將耗羨一併蠲除。是民雖邀額外之恩。而官員轉有拮据之苦。上司或因此稍有寬假。則必致巧取苛索於民。流弊種種。轉多於耗羨之數。於吏治民生。均無裨益。著於庚戌年為始。凡遇特恩蠲免錢糧者。其耗羨仍舊輸納。諒必民所樂從。若因水旱蠲免者。不得徵收耗羨。將此永著為例。

乙未。

命靖邊大將軍傅爾丹等出師北路。

上御太和殿。命大學士公馬爾賽。蔣廷錫。捧

敕印。授靖邊大將軍公傅爾丹。大將軍率出征各官等。行禮畢。

上還宮。申時。

上率大將軍副將軍。叅贊大臣。及在京諸王。貝勒。貝子。公。內大臣。大學士。都統。尚書等。詣

堂子行禮。次鳴螺。兵部設大纛。復於纛前行禮。東

長安門外設黃幄。

平定準噶爾方略卷之九

西

平定準噶爾方略卷之九

五

上御幄。大將軍副將軍。叅贊大臣等。咸佩弓矢。跪辭。

上親解御用數珠。賜大將軍公傅爾丹。大將軍行跪抱

禮。副將軍。叅贊大臣等。各以次行跪抱禮。

上諭大將軍等曰。爾等此去。和衷共濟。速奏膚功。凱旋

時。朕當出郊勞師。爾等勉力。大將軍公傅爾丹奏曰。

臣等蒙

皇上訓諭周詳。務期同心協力。迅掃氛塵。仰答

恩榮奏畢。

上親視大將軍等上馬啟行。

還宮。是日於德勝門外列兵處

賜宴。

命王大臣授大將軍副將軍茶酒。禮部兵部大臣授叅

贊大臣茶酒。侍衛授出征各官茶酒。禮畢。大將

軍等望

平定邊疆方略卷之九

六

關謝

恩。

辛丑。

增設噶達等處駐防兵。

川陝總督岳鍾琪奏言。乃者噶達建廟以居達

賴喇嘛。設兵守護尤要。現在化林協有兵千人。

請留兵三百。駐化林坪。更設都司一員。千總一

員。把總二員。彈壓之。移兵二百。駐打箭爐。令化

林守備領把總一員分防。以五百人移駐噶達。

令化林副將領把總二員。再設一中軍都司。一

千總。令赴噶達防護。至噶達外雅籠江上中下

三渡。並要隘。請設二千總。各率兵百人。分守上

下二渡。設一守備。率兵二百。守中渡。又噶達之

西吹音堡。亦屬雅籠江渡口。設一千總。率兵百

平定邊疆方略卷之九

七

人分防。化林所屬舊有黎雅我邊二營。今既移

兵駐噶達。可就近移黎雅營屬建昌鎮。我邊營

屬永寧協。嗣後有自藏來噶達者。令西藏噶卜

倫給發圖書路引。以便稽察。議政王大臣等議

悉如所請。奏入。

上從之。

壬寅。

增設陝西河州協遊擊一員。千總一員。把總二

員。兵八百名。駐劄薩喇。把總一員。兵八十名。與

舊所設守備同駐保安堡。並屬西寧鎮管轄。從

川陝總督岳鍾琪請也。

秋八月辛酉。

命蘇圖暫行來京候

旨。

平定準噶爾方略卷五

六

上諭兵部曰。寧夏副都統蘇圖現領寧夏兵丁前往軍

營。著伊暫行來京候旨。其寧夏兵丁著副都統舒楞

額馳驛速往暫行管轄。俟蘇圖到時。著舒楞額回京

九月乙亥。

議敘平定青海功。陝西在事官兵等進階賞卹

有差。

戊寅。

命免甘肅西寧大同歷年倒斃駝隻應賠銀兩。

己丑。

命免寧夏等處及嘉峪關外各衛所額徵本色。

上諭內閣曰。年來用兵西藏。勦撫苗蠻。一切辦理軍需。

皆動支公帑。而糧餉轉輸。不無資於民力。朕心深為

軫念。是以降旨將甘肅四川雲貴廣西五省。庚戌年

地丁錢糧全行豁免。查甘肅河西之寧夏西寧甘涼

平定準噶爾方略卷五

九

四府及肅州。以至嘉峪關外之靖逆赤金柳溝等衛

所。歷年額徵。俱係糧料草束。與各省額徵折色無異。

今當用兵之際。雖絲毫不派及民間。而黎民踴躍急

公之意。大將軍岳鍾琪屢次奏聞。甚屬可嘉。著將額

徵本色。加恩豁免。以示惠愛邊民之至意。

十月甲寅。

命西安將軍常色禮移駐涼州。以署川陝總督查郎阿

兼理西安將軍印務。

命護送準噶爾使臣特磊赴京。

寧遠大將軍岳鍾琪奏言噶爾丹策零使臣特

磊於十月初五日至洮資大坂斥埃翼日臣令

理藩院員外郎黑色引至巴里坤軍營據特磊

云噶爾丹策零已令人執送羅卜藏丹津至伊

勒布爾和碩遇蒙古逃人云總督今率兵二萬

平定邊疆方略卷五

三

運出哈密問罪是以仍歸羅卜藏丹津於伊犁

輕騎齎摺而至臣以特磊之言未可深信遣叅

將劉廷琰等送特磊至肅州謹加防範奏入得

旨著劉廷琰伴送特磊赴京。

丙辰

喀爾喀扎薩克多羅郡王達瑪林多爾濟遲悞

軍需駝隻

命黜其爵。

戊辰

命加靖邊大將軍傅爾丹寧遠大將軍岳鍾琪為少保

吏部尚書查郎阿寧夏將軍席伯為太子少保

十一月甲戌

定噶斯軍營事宜

議政王大臣等遵

平定邊疆方略卷五

三

旨議覆曰噶斯為準噶爾通青海西藏要口宜撥兵駐

守已奉

旨遣張廷棟葛森鼐滿岱傅寧等辦理軍需今酌定軍

營事宜恭候

欽定一撥遣官兵選京師八旗兵二百以前鋒叅領護

軍叅領前鋒侍衛副護軍叅領護軍校等二十

四人領之選歸化城兵三百以叅領佐領護軍

校驍騎校等十人領之。其科爾沁等四十三旗
 選兵一千。以台吉都統副都統叅領佐領驍騎
 校等領之。青海等三十旗選兵千五百。以台吉
 等領之。其支給跟役口糧馬匹器械賞賚糧餉。
 悉如北路大兵之例。一定軍行日期。八旗兵以
 明年正月。歸化城兵以三月。科爾沁青海等兵。
 酌量於青草發生時游牧而往。一柴達木至嘉
 峪關。其間應設臺站。以遞文檄。一噶斯地窄。可
 駐兵百人。餘並駐柴達木。柴達木之西。為得卜
 特爾駐兵六百。又西為察罕烏蘇駐兵四百。兩
 地水草。足資游牧。所在聲援。更聯屬矣。奏入。
 上從之。

平定準噶爾方略卷之五

三

丙子。

命加恩山西承辦軍需官民。

上諭內閣曰。前因北路軍需須用駱駝鞍屨。諭令山西
 地方製辦。聞該省民人。凡有羊毛繩料之家。各出所
 有。赴官領價。工匠亦一時爭先應募。共計二十餘萬
 件之物料。工作不勞而集於月餘之內。此皆該省大
 吏平日善於訓導民人。其製辦器物。僱募人工。照數
 給與價值。而該省民人。又懷尊君親上。急公趨事之
 心。是以備辦軍需。羣情歡躍。尅期告竣。甚屬可嘉。巡
 撫石麟布政使蔣洞著交部議敘。凡委派辦理之員。
 亦著議敘。再將該省辛亥年額徵地丁銀。蠲免二十
 萬兩。於辦理鞍屨之各州縣。按畝均派。使小民共霑
 實惠。以示朕恩獎官民之至意。尋山西巡撫石麟疏
 言。軍前所需駱駝等物。據士民等願自備車驟。
 運送歸化城。奏入。得
 旨。前因軍前需用駱駝鞍屨。令晉省製辦三萬副。該省

平定準噶爾方略卷之五

三

人民急公趨事。朕已降旨蠲免該地方辛亥年額徵銀二十萬兩以示嘉獎。今因運送鞍屐該省士民等又復歡欣効力甚屬可嘉。著該撫等傳旨獎諭。仍令各領應得之腳價不必固辭。

己卯

予克什圖席伯世職。

上諭內閣曰。管理阿爾台臺站內大臣克什圖寧夏將

平定縣志卷五

五

軍席伯俱係軍前効力勞績茂著之人。著各賞給騎都尉世職。

丁亥

以西北兩路大軍所至。水泉效順。

命建廟祀之。

上諭內閣曰。前據靖邊大將軍傅爾丹摺奏統領北路

大兵出口。已到阿爾台駐劄。所過沙磧地方從來無

水草之處。今歲青草暢茂。清泉湧溢。士馬飽騰。且冬

月天氣和暖。清明。衆心無不歡忭。又口外料理臺站

之內。大臣克什圖來京。所奏相同。又據寧遠大將軍

岳鍾琪摺奏。統領西路大兵出口。已到巴里坤駐劄。

所過沙磧地方。水草並無缺乏。道途坦適。天氣晴和。

軍旅歡忭。以為神助等語。自兩路大兵啓行以來。邊

塞長途。深繫朕念。仰蒙神明默佑。士馬安寧。且於沙

磧。從無水草之區。顯賜靈應。朕心實為感慶。應於北

路西路各建廟宇。虔誠展祀。以答神貺。

戊子

命兵部尚書查弼納等往陝西督理軍需諸務。

上諭內閣曰。西路軍需前經寧遠大將軍岳鍾琪悉心

經理。籌畫周詳。一一妥協。今岳鍾琪領兵出口。乃地

方。巡撫大吏有司之專責。自應竭力遵照辦理。而許

平定縣志卷五

五

容在任。凡事推諉。馬會伯。但以潔已為務。不肯擔荷。查耶阿。武格。又係新任。諸凡未諳。上司屬員。彼此猜疑。推卸。明年乃進兵之期。關係最為緊要。伊等之身家性命。猶其小者耳。應命在京大臣。前往稽察督理。方於軍務有益。著兵部尚書查弼納。往陝。總理稽查軍需諸務。常德壽。常賚。俱著各給印信。並令乘驛往來。遇有分辦之處。即分任其事。仍聽查弼納調度。凡

平定準噶爾方略前編卷之九

美

關係軍需事件。俱著查弼納等相機派委。該督撫料理。其有應行續辦者。即令地方官。動支錢糧。辦理奏聞。若地方官有侵欺擾民者。一面革職拿問。一面奏請審擬。其怠忽遲延者。自督撫以及文武官弁。俱著即行題參。如有指稱軍需名色。擾累民間之棍徒胥役。著即題請正法。

己丑。

都爾伯特扎薩克固山貝子巴圖卒。以其子班珠爾襲爵。

乙未。

命支官帑羅屯田餘穀。

署川陝總督查郎阿疏言。安西沙州等處。募民屯墾。計二千四百有五戶。所種小麥青稞粟穀糜子等物。每種一斗。約收三四斗。其餘雜植並豐阜。家給人足。歡欣樂業。臣恐口內國戶奸民。與販射利。已嚴加料察禁止。並諭民戶。按一年所需存貯外。餘即糶諸本地。以濟兵丁商民口食。奏入。得

平定準噶爾方略前編卷之九

毛

旨。安西屯墾地畝。今年人力既勤。天時復稔。各種糧穀。俱獲豐收。朕心深為慰慶。今查耶阿禁止奸徒與販射利。辦理甚是。惟是飭令民戶多餘之穀。只許在本

處糶賣尚未妥協。朕思民戶盈餘之穀。原期糶價以

為日用之資。若本地糶穀者少。則出糶未免艱難。不

可不為計及。著該地方官酌量本地情形。不必相強。

若有將盈餘之穀情願出糶者。著動支官銀。照時價

糶買存貯公所。明年倘有需用之處。聽辦軍餉之

大臣及該督撫行文支撥。安西現有備用銀兩即可

動用採買。再於西安藩庫撥補還項。此朕體恤民戶

平定漢粵監製卷之九

天

俾糶穀得價用度豐裕之至意。著地方官善於奉行。

不可勒令糶賣生事滋擾。

青海厄魯特扎薩克輔國公策凌卒。以其子塞

卜騰達什襲爵。

十二月辛丑。

晉封哈密鎮國公額敏為固山貝子。

丁未。

命鄂善赴涼州。

上諭兵部曰。鄂善著前往涼州。協同秦布辦理事務。其

駐劄太原兵丁著石麟暫行管理。

戊申。

命免進藏各官借支庫銀。

上諭內閣曰。康熙五十九年。陝西解送駝馬進藏。文武

官五十員。每員借支肅州公庫銀五百兩。為行裝路

平定漢粵監製卷之九

无

費之資本。係應給之項。因當時該督撫未經題報。不

敢作正項開銷。是以各員回陝之時。仍於各名下著

追補項。至今尚有未完銀一萬六千八百兩。朕念伊

等効力戎行。遠涉藏地。雖非衝鋒破敵者比。而間關

行役。亦屬可憫。著將未完銀兩。槩行豁免。其已完者。

悉給還本員。或交伊之的屬。如該員有別項虧欠。應

追者。即准其抵補。以示優恤勞役之意。

已酉。

振武將軍順承郡王錫保奏報鄂爾昆濟爾瑪

台圖拉三處屯田收穫大麥小麥糜子共七千

五百五十石有奇奏入得

旨下部知之。

已未。

議敘進勦桌子山棋子山青海等處功

平定準噶爾方略前編卷之三

三

前涼莊道陞任山西布政使蔣洞等各加級紀

錄有差已故西寧道趙世錫等各子一子入監

讀書尋復子陣亡遊擊姬登第署守備張先志

王伏金祭葬如例千總施進祿傅瑾把總賀奉

金陳昌王谷弼楊之連等各祭一次又喀爾喀

扎薩克台吉巴爾漢等賞賚有差。

平定準噶爾方略前編卷之二十

雍正八年春二月戊辰。

命緩安西沙州等處屯田陞科。

上諭陝西總督巡撫等曰安西沙州等處招民屯墾原

為惠養邊民之計是以累年以來備極籌畫經營期

其得所今從雍正六年民戶到齊之日計算至辛亥

年例當輸賦之期但念小民甫經安插公私兼顧為

平定準噶爾方略前編卷之三

一

難着寬期二年於癸丑年陞科俾民力寬裕俯仰有

資以副朕格外加恩之至意。

三月甲戌。

命西藏辦事內閣學士僧格率兵一千五百至騰格里

淖爾駐防。

五月丁丑。

召西北兩路大將軍等赴京籌議軍務。

上諭大學士等曰準噶爾噶爾丹策零藏匿負罪潛逃

之羅卜藏丹津抗違國法因特發兩路大兵聲罪致討期於今年進發直搗伊犁今噶爾丹策零遣使特磊奉表陳奏謂已將羅卜藏丹津解送天朝因聞進兵之信暫行中止若天朝俯念愚昧赦其已往即將羅卜藏丹津解送等語朕欲將特磊遣回并差大員至準噶爾諭以受封定界敦族睦隣速將逃匿送出

平定回疆勦擒逆裔三

二

伊若一一聽命朕當寬宥其罪其進兵之期暫緩一年俟特磊起身之後著寧遠大將軍岳鍾琪靖邊大將軍傅爾丹叅贊大臣陳泰蘇圖來京其靖邊大將軍印務著副將軍巴賽護理并令署振武將軍順承郡王錫保就近協理所有應行事宜著馬爾賽張廷玉蔣廷錫等詳議具奏尋議曰靖邊大將軍傅爾丹至京約在九十月間應令行文寧遠大將軍岳

鍾琪先後借來會同籌議奏入得

旨兩路大將軍於九月間起身來京則到京之期已在冬底未免太遠著兩路大將軍在九月十五日前後到京現今差侍郎杭奕祿衆佛保同特磊往諭準噶爾岳鍾琪俟特磊回過軍營之後即將起程日期知會傅爾丹酌定起程靖邊大將軍印務已命副將軍巴賽等護理寧遠大將軍印務應令何人護理著岳鍾琪奏聞其陳泰所統官兵著查克旦署理蘇圖所統官兵著舒楞額署理再著副都統圖克善黑色前往軍營交與傅爾丹酌量派管軍營事務

平定回疆勦擒逆裔三

三

乙未

命各路兵擇所在便宜駐劄

上諭理藩院曰前往岳鍾琪處額駙阿寶帶領該旗兵五百名目今行至何處著行文阿寶即於彼處駐劄

候旨。綽本帶領鄂爾多斯兵五百名。亦著行文綽本

就近揀水草佳處駐劄候旨。此一千兵著行文詢問

大將軍岳鍾琪。或今年調往巴里坤。或俟明年進兵

之前調往。二者孰為有益。並兵丁錢糧足與不足俱

著大將軍岳鍾琪定議具奏。再派往噶斯之京城兵

歸化城兵共五百名。此時將及到彼。著格默勒帶領

在噶斯駐劄。富寧亦著前往噶斯。與格默勒一併管

平定準噶爾方略卷之三十一

四

理。達鼐著來西寧。仍與鼐滿岱辦理事務。所有扎薩

克蒙古等兵著交與達鼐管理。或在西喇塔拉地方

或在從前額駙阿寶奏請駐劄之烏蘭穆倫等處相

視形勢駐劄。俟明年文到之日。前往噶斯。其青海之

一千五百兵相近噶斯。今年只在各游牧處預備。亦

俟明年文到之日。前往噶斯。達鼐既到噶斯管理之

後。富寧著回西寧辦理事務。

秋七月壬申。

調鄂爾多斯青海蒙古兵一千赴軍

寧遠大將軍岳鍾琪遵

旨議奏請調鄂爾多斯青海蒙古兵撥往牧馬者一千

人。於今年赴軍營。大學士等議覆應如所請。奏

入。

上從之。

平定準噶爾方略卷之三十一

五

戊寅。

暫撤學士僧格等巡防兵。

議政王大臣等議奏學士僧格貝子頗羅鼐所

領巡防兵。應令於降雪後撤回。俟明年進兵。仍

往騰格里淖爾駐劄。奏入得

旨。今年大兵既停進發。著行文與僧格等令伊等酌量

於未降雪之前撤回。明年著僧格仍舊帶往。其綠旗

官兵照今年賞給之例賞給。再發銀一萬兩著頗羅
鼐明年酌量賞給唐古忒等之兵。

八月甲辰。

寧遠大將軍岳鍾琪奏報赴京日期。

岳鍾琪奏言奉使大臣杭奕祿等於八月初四

日攜特磊至軍。臣遵

旨責以大義。惕以軍威。觀特磊等情狀若誠心感悟者。

平定邊疆籌辦參予

六

即於八月初六日遣特磊還。所有寧遠大將軍

印務遵

旨交提督紀成斌護理。隨印侍郎顧魯協辦。臣於初八

日就道赴京。已咨會靖邊大將軍傅爾丹。奏入

報

聞是冬岳鍾琪與傅爾丹並入京

陛見。

壬申。

喀爾喀扎薩克多羅郡王旺扎爾遲悞軍需駝

隻。

命黜其爵。

丁亥。

上諭兵部曰周瑛著發往北路大將軍傅爾丹軍營効

力贖罪。

平定邊疆籌辦參予

七

北路軍營總兵官魏麟約束不嚴。

命罷之。

冬十月己亥。

寧遠大將軍岳鍾琪奏報巴里坤圖古里克等

處屯田收穫青稞凡一萬一千六百石有奇。奏

入。得

旨下部知之。

辛丑。

賞吐魯番効力回人。

上諭內閣曰據寧遠大將軍岳鍾琪奏稱吐魯番回日

額敏和卓屯田種地恭順効力甚屬可嘉朕聞之深

為喜悅額敏和卓賞銀二十疋其種地効力之回民

賞銀二千兩著提督紀成斌差遣弁員前往吐魯番

會同額敏和卓秉公賞給以示朕加恩外番之至意

平定準噶爾方略前編

八

癸卯。

命總理西路軍需尚書查弼納來京。

上諭大學士等曰尚書查弼納著馳驛來京西路軍需

著查郎阿前往肅州辦理仍兼理川陝總督印務秦

布著回西安將軍之任護軍統領宗室哈爾吉著前

往涼州代秦布統領兵丁仍著鄂善協理

乙巳。

寧遠大將軍岳鍾琪奏報哈密塔勒納沁等處

屯田收穫麥青稞凡四千六百石奏入得

旨下部知之。

巳酉。

命原久辦軍需各員之小過應効者。

上諭內閣曰辦理軍需必得熟練之員方為有益陝甘

二省州縣官員備辦軍需有經手數年者有經手一

平定準噶爾方略前編

九

二年者似此熟練人員若因細過微瑕即行參革則

接任之員初辦軍務未免生疎或至遲悞嗣後陝甘

地方辦理軍需之州縣官員若無大過其所犯情有

可原者著該督撫揆情度理量加寬宥若錢糧微有

不清而事屬因公者統俟大軍凱旋之後查核明白

以定功過。

辛亥。

命兵部尚書查弼納為北路副將軍。

上諭大學士等曰。兵部尚書查弼納著為副將軍。命往

北路與靖邊大將軍傅爾丹副將軍巴賽辦理軍務。

副都統德祿著往北路軍前。與隨印之內閣學士永

國辦事。副都統馬爾薩著授為內大臣。與陳泰蘇圖

海蘭泰贊軍務。戴豪袁泰石禮哈不必參贊軍務。舒

楞額不必來京。著前往振武將軍處。代馬爾薩辦事。

平定縣志卷之三

十

黑色圖克善侯大將軍到營。著令來京。石禮哈不諳

滿洲軍營事務。著管綠旗兵丁。但不可膺統轄之任。

著大將軍等酌量派委。

壬子。

命酌留帑銀貯府州庫以備軍需。

上諭內閣口向因大興宛平二縣。近在輦轂之下。常有

速辦之公事。不得不移庫銀以濟用。而上司察知。

每以虧空題叅。至於罷斥治罪。實為可憫。用沛特恩。

於大宛二縣各發庫銀一萬兩存貯該縣。倘遇有速

辦之公事。准其詳明府尹動支應用。此朕體恤有司

之至意也。近思辦理軍需之州縣。其急切應付之處。

不容刻緩。而該州縣並無存貯備用之項。若擅動公

帑。又干嚴譴。有司實處兩難。不可不為籌及。朕意欲

於辦理軍需及事務繁劇之州縣。亦做大宛之例。酌

平定縣志卷之三

十

留帑銀以備急切公事之用。其如何舉行俾辦公有

賴。而弊竇不生。著大學士會同大將軍岳鍾琪總督

高其倬悉心定議具奏。尋議曰。嗣後辦理軍需之省。

計其事之繁簡。留銀三十萬。或二十萬兩。其事

簡而地饒者。留銀十五萬。或十萬兩。令督撫布

政使發各府及直隸州貯庫。所屬州縣有軍務

急需。即時請給。其相距遼濶而事不容緩者。許

一面申請。一面先於本庫支用。俟給發後補還。仍令按事報銷。督撫布政使嚴為稽核。奏入。

上從之。

丁巳。

命舉陝西出征將佐署任者。

上諭內閣曰。陝西副將叅將等官。派令出征者甚多。其員缺俱須另員署理。而本省弁員各有辦理之事。難

平定準噶爾方略卷之三

三

以兼顧。著大將軍岳鍾琪於直隸山西兩省叅將遊擊內。有平日知其才具可用者。舉出具奏。候朕酌量命往陝西。以備委署之用。其直隸山西之缺。著該上司遞行委署。再將來引見武弁時。著兵部奏明有可勝陝西之任者。朕酌量命往。

壬戌。

以正紅旗護軍統領宗室哈爾吉為右翼前鋒

統領。仍留涼州辦理軍務。

十一月丙子。

振武將軍順承郡王錫保奏報鄂爾昆圖拉濟爾瑪台等處屯田收穫大麥小麥糜子。凡六千六百五十石有奇。奏入。得

旨下部知之。

壬午。

平定準噶爾方略卷之三

三

改設近邊郡縣。

寧遠大將軍岳鍾琪奏言設立近邊郡縣事宜。一陝西延安府屬榆林靖邊神木三廳。轄沿邊三十堡。除神木同知所轄東十堡已改屬州縣外。其榆林同知所轄中十堡。靖邊同知所轄西十堡。番漢雜居。必用大吏彈壓。請改榆林廳為府。以知府領之。府屬設照磨一員。并設榆林靖

邊定邊懷遠四縣。縣設知縣典史各一員。改榆

林衛教授為府教授。榆林靖邊衛訓導為縣訓

導。其定邊懷遠二縣學。即以綏德膚施二縣訓

導改設。並隸榆林府。一榆林既增置郡縣。足資

分理。其舊設榆林靖邊同知及波羅州同知威

武鎮靖巡檢榆林廣育倉大使悉請汰之。惟留

神木同知以司糧捕。一榆林道舊轄延安綏德。

平定邊疆籌備之辛

丙

鄜州等處。今榆林既改為府。請改神木道為延

綏道。移駐綏德州。轄延安綏德鄜州等處。其新

設榆林府。及延綏道所屬直隸葭州吳堡府谷

神木諸州縣。悉改隸榆林道。吏部議覆悉如所

請。奏入。

上從之。

壬辰。

軍營八旗兵請仍留駐防。許之。

署振武將軍順承郡王錫保奏八旗駐防官兵

具言軍營効力兩年。一切巡牧諸事。皆已習練。

願仍留駐防以俟大兵凱旋。不必三年更代如

例。奏入得

旨。此奏甚屬可嘉。著照官兵所請行。種地綠旗官兵仍

照舊更換。

平定邊疆籌備之辛

壬

十二月丁酉。

靖邊大將軍傅爾丹自京赴北路軍營。

戊戌。

命增給嘉峪關營汛兵丁折支米豆草束銀兩。

上諭兵部曰。前因口外用兵。哈密為軍需往來之地。特

准大將軍岳鍾琪之請。將駐防兵丁口糧鹽菜加恩

增給。又准署總督查郎阿之請。將肅鎮兵丁折支米

豆草束銀兩各行增給。總以肅州哈密一帶地方。兵馬往來物價未免昂貴。故加於常格之外也。今思嘉峪關在肅州哈密之間。其地苦寒。所需兵糧。皆從肅州轉運。事屬一體。其營汛兵丁折支米豆草束之價。俱著照肅鎮之例。米豆每石加銀五錢。每草一束加銀一分。其加增之期亦照肅鎮補行給發。以示朕軫恤之至意。

平定準噶爾方略前編

六

壬寅。

寧遠大將軍岳鍾琪自京赴西路軍營。

乙卯。

準噶爾賊人潛入科舍圖卡倫盜駝馬。我西路兵擊敗之。

命北路並嚴防禦。

護理寧遠大將軍印務紀成斌奏報準噶爾賊

人率醜類二萬餘乘我西路不備犯科舍圖卡倫來盜駝馬。總兵官樊廷副將冷大雄等率兵二十轉戰七晝夜力保兩卡倫。與總兵官張元佐等合擊殺賊無算。盡奪還所盜馬駝。奏入。得旨所奏逆夷盜趕駝馬情形。大學士等可傳諭靖邊大將軍傅爾丹叅贊陳泰蘇圖令其行文副將軍巴賽

平定準噶爾方略前編

七

等駐牧和博克薩里之逆夷或遣賊眾至北路卡倫偷盜駝馬亦未可定。宜小心防範。不可疎忽。亦不可聞信矜張。務宜鎮靜嚴密。萬全無弊。傅爾丹等亦速馳赴軍營斟酌妥辦。

丁巳。

命以撫遠大將軍印授岳鍾琪。於途中辦理軍務。

上諭大學士等曰大將軍岳鍾琪從西安由肅州前赴

軍營。途中有調撥兵丁辦理軍務之處。須用印信行

文前所頒寧遠大將軍印信。留在軍營。今特將撫遠大將軍之印遣員賫送。交與大將軍岳鍾琪領受。大將軍未到軍營以前。一切行文俱用撫遠大將軍印。既到軍營以後。仍用寧遠大將軍印。將撫遠大將軍印繳回。并著大將軍岳鍾琪接到諭旨印信之日。通行所屬知之。

撥各路兵赴涼肅等處

平定縣署醫藥參手

大

上諭大學士等曰。涼州駐防滿洲兵丁一千名。著右翼前鋒統領宗室哈爾吉原任都統鄂善帶領前往肅州。再著西安將軍秦布在西安駐防滿洲兵丁內挑選一千名。交與副都統僧保張正文帶領前往涼州駐劄。再撥涼州綠旗兵丁一千名。令山西太原總兵王緒級馳驛前往。帶領赴肅州。太原總兵印務著李如栢署理。宣化總兵印務著二屯營副將高弘榮署

理固原提標兵丁。或撥一千名。或撥二千名。令大將軍岳鍾琪酌量調撥。京營副將張存孝著加總兵銜。馳驛前往肅州。聽大將軍委署統理。寧夏將軍印務著刑部侍郎常賚署理。寧夏兵丁著預備一千名。俟有調撥之處。著副都統卓鼐統領前往。此各路所派

弁兵及統領之員。俱聽大將軍岳鍾琪調度節制。其辦理軍需署肅州總兵印務馬會伯亦聽大將軍派委。張存孝著賞內庫銀二千兩。僧保張正文卓鼐王緒級各賞銀一千兩。其調撥西安涼州滿洲及固原提標涼州鎮標各官弁。照例賞給二年俸銀。馬兵每名賞銀三十兩。步兵每名賞銀二十兩。寧夏官兵若有調撥之處。亦照例賞給。

平定縣署醫藥參手

九

戊午。

選募勇健。

上諭大學士等曰固原甘涼等處兵丁有調撥派遣之用沿邊地方所關緊要著大將軍岳鍾琪署總督查郎阿作速行令各該提鎮於固原涼州甘州寧夏西寧等處人民內挑選漢仗勇健弓馬嫻習者招募充補兵額其衝要之處於原額之外各添設數百名以備調遣。

命撥諸路兵調提督副都統等官赴陝西駐防。

平定準噶爾方略前編卷之三

干

上諭大學士等曰噶斯地方現有滿洲及歸化城兵丁五百名格默勒等帶領防守其從前派出之青海兵丁一千五百名亦著前往令格默勒等分派駐劄於額爾貢穆柴達木等處其扎薩克之官兵著移駐額駙阿寶駐牧相近之處聽阿寶管轄如有準噶爾信息力能進剿著阿寶帶領前進倘力稍不足即著進邊協同綠旗官兵防守又

諭曰直隸古北口提督范時捷著署理陝西固原提督即速來京請訓馳驛前往福建陸路提督石雲倬廣東潮州總兵馬紀勳著前往陝西肅州到大將軍岳鍾琪處有辦理事務又

諭曰江寧將軍鄂彌達在滿洲駐防兵丁內揀選一千名令副都統阿克山帶領前駐西安駐防再著副都御史二格由京前往統領之此派出兵丁著該督撫

平定準噶爾方略前編卷之三

主

動支公用銀每人賞給三十兩其應派官員著鄂彌達酌量派出每員各賞給一年俸銀於司庫動用銀兩支給二格著賞內庫銀三千兩阿克山著該省督撫於公用銀兩內各行寬裕幫給再撥河南滿洲駐防兵五百名著副都統職銜城守尉白清格帶領前往西安駐防撥山西太原滿洲駐防兵二百名著城守尉覺羅察庫帶領前往寧夏駐防此二省派出官

員每人各賞給一年俸銀其兵丁各賞給銀三十兩於司庫支給官員等照例給與馬匹兵丁等於每人給三馬之外酌量增給其河南城守尉印務著總督田文鏡兼管另派叅領一員轄理兵丁太原城守尉印務著巡撫石麟兼管白清格察庫啓程該督撫各行寬裕幫給。

辛酉。

定調撥兵馬糧運事宜。

上諭大學士等曰據查耶阿奏報肅州存營馬兵祇二百名守兵祇四百名協防之兵更不可少已飛咨都統鄂善於涼州駐防滿洲兵內派兵五百名遴委協理一員統領星赴肅州駐劄再甘涼提鎮二標馬步兵丁除原派出兵并現調應援外存營兵丁亦有汛防之責如或另有調遣不便再於二標派撥等語查

平定縣署路驛卷之十

三

耶阿於涼州駐防滿洲兵丁僅撥五百名者想因未見朕另撥西安駐防滿洲兵丁一千名之旨所以不敢全撥仍遵前旨令哈爾吉鄂善作速帶領兵丁前往肅州其涼州綠旗兵丁俟王緒級到後方行帶往此時諒未起程今或仍可將涼州前派之兵令王緒級帶領往肅或於查耶阿調甘待撥之寧夏兵丁內令王緒級帶領一千名往肅著大將軍岳鍾琪著督查耶阿酌量妥辦至查耶阿所奏摘撥馬匹陝甘各處營馬雖有一萬八千餘匹可供摘撥然營馬亦屬緊要著將上駟院之馬一千七百匹解送至西安交與巡撫武格分發喂養其摘撥四省營馬與採買之馬著岳鍾琪查耶阿先酌定應交與何處收牧即速行文知會各省文到之日再行解送至所指之處交收再查耶阿奏請西寧糧米接運肅州一條西寧

平定縣署路驛卷之十

三

地方實關緊要。存貯米粟。不可輕動。可令查郎阿知之。將爾等所議馬匹糧運一摺查郎阿三摺俱錄寄大將軍岳鍾琪。令其斟酌而行。將此傳諭大將軍岳鍾琪總督查郎阿知之。

壬戌。

命西北兩路軍營議築城駐兵。

上諭大學士等曰。準噶爾乘我不意。傾其賊衆。盜趕馬

平定準噶爾方略前編卷之三

三

駝。狡獪凶惡。罪無可赦。但西路所存駝馬不無疲乏。是從前所議直搗伊犁之計。尚非萬全之道。朕意欲於西路巴里坤北路之卡倫外。各築一城。以重兵駐劄。時出遊兵。以掩擊其衆。擒擄其人畜。賊兵必撤其游牧之所。遠行藏退。我當更進數百里。擇地築城。開墾屯種。以資軍食。駝馬牛羊無事牧放。有事則盡收入城。賊衆既無所獲。我軍一出。可以襲取其輜重。且

賊必不敢踰我軍駐劄之城而東矣。著岳鍾琪詳悉定議。北路傳爾丹處亦詳細密商之。

甲子。

命停喀爾喀兵往卡倫。

上諭大學士等曰。自有軍務以來。喀爾喀等甚為出力。

來歲大兵進勦之時。所有派在卡倫預備之二千名

喀爾喀兵丁。不必前往。俾其得以照管牲牧。著派出

平定準噶爾方略前編卷之三

三

內扎薩克之兵二千名。前往卡倫駐劄。令科爾沁郡

王羅卜藏喇錫翁牛特貝子羅卜藏敖漢公羅卜藏

總統管理。此所派出之官兵。照例加與恩賞。

防護阿濟必濟卡倫。

北路大將軍傅爾丹遵

旨議奏曰。臣等閱紀成斌所奏。慮準噶爾賊人或分兵

來犯阿濟必濟卡倫。擾喀爾喀公通摩克及輝

特公巴濟游牧。臣行文副將軍巴賽等選精兵

二千。令前鋒統領下壽統之。率副都統馬爾齊

喇錫等以察哈爾喀爾喀兵現駐庫卜克爾者

一千三百人。往伊克斯淖爾附近駐劄。防護阿

濟必濟卡倫等處。並令王格勒克雅木丕勒公

通摩克達什達爾扎等率兵一千。協丁壽駐劄。

令副都統阿三公達福率兵一千。駐庫卜克爾。

平定準噶爾方略卷之十

三

以為應援。奏入。報

聞。

平定準噶爾方略前編卷之二十一

雍正九年春正月戊辰

蠲陝西甘肅額賦

上諭內閣曰朕思惠養黎元之道莫先於除賦蠲租使

萬姓均霑渥澤陝西甘肅二省經理軍需數年凡米

糧芻牧車馬牲畜之類皆動支公帑備辦一絲一粟

不使擾民然朕每念地方既有軍務縱不取辦於民

平定準噶爾方略卷之三

一

財未嘗不資藉於民力而陝甘二省之民人踴躍趨

事甚屬可嘉年來已屢降蠲賦之旨茲特再沛恩膏

將雍正九年西安所屬額征地丁銀蠲免十分之三

甘肅所屬額征地丁銀全行蠲免該督撫等可轉飭

有司敬謹奉行務令閭閻均霑實惠

以湖廣提督兼理陝西西寧西大通總兵官事

馮允中專管西寧總兵官印務正紅旗漢軍副

都統管承澤署陝西大通總兵官。

已已。

選直隸山西等處兵赴陝甘。

上諭大學士等曰直隸古北口宣化鎮及督標兵丁內。

著總督唐執玉會同提督路振揚揀選馬兵一千名。

派委官弁領赴西安山西太原大同兩鎮標營兵丁

內著巡撫石麟會同該鎮揀選馬兵一千五百名。派

平定準噶爾方略前編卷之三十一

二

委官弁領赴甘州河南南陽河北兩鎮標營兵丁內。

著總督田文鏡會同該鎮揀選馬兵一千名。派委官

弁領赴西安並聽大將軍岳鍾琪署總督查郎阿調

遣。再者湖廣總督邁柱將附近陝西之標營兵丁預

選二千名聽候調撥。此所派弁員俱著賞給一年俸

銀。再令該督撫等寬裕幫給兵丁各賞銀三十兩。給

與兩個月行糧月餉馬三匹。其派出官弁員缺該督

撫等酌量委署兵丁額缺即行召募補足併行令岳鍾琪查郎阿知之。

庚午。

命工部左侍郎馬爾泰協辦西安軍務正紅旗滿洲都

統德成協青海噶斯軍務。

敕諭副都統達鼐。

達鼐奏言賊圍噶斯卡倫臣以關防交鼐滿岱

平定準噶爾方略前編卷之三十一

三

並調西寧綠旗兵三百備番臣親率兵出邊往

援柴達木賊若敗遁即行追襲奏入得

旨達鼐領兵前往應援格默爾等亦是但奏稱追襲甚

屬孟浪巴里坤之兵原為搗賊人巢穴而設噶斯之

兵乃為駐防而設若來犯噶斯之賊兵無多勢均力

敵則即行勦殺倘以勁力擾動青海則噶斯隘口屬

無用之地即撤兵退至近邊形勝之處會集青海之

兵駐劄防守。倘賊勢頗重。卽領兵退入邊內。爾從前會將西寧之兵。調撥五百名。今又爲番人調兵三百。如果番人有事。爾之三百兵丁。何能濟乎。兵力宜聚而不宜分。頻頻分調。是何計策。防守邊圉。較防守青海尤爲急務。目今只宜堅守。切不可急遽蹙妄。

辛未。

命保舉辦理軍需人員。

平定漢蒙方略前編卷之三

四

上諭內閣曰。陝西甘肅地方。辦理軍需。須用年力精壯。才可辦事者。命往以備差委。現在分部學習人員內。著該堂官保送。其候補候選及降革官員。無錢糧未清之案者。漢軍人員。著該旗大臣。揀選保送。滿漢大臣等。若有深知之人。不論漢軍漢人。亦准其舉出。若該員身有掛欠處分。果係才能出來。亦准該旗及滿漢大臣等。保送請旨。此差往人員。著交與巡撫武格。

許容協辦軍需侍郎馬爾泰酌量差遣委用。將來辦事若好。著該督撫等奏聞。加恩議敘。

命派撥喀喇沁土默特等處兵預備調遣。

上諭內閣曰。喀喇沁三旗土默特二旗者。派兵一千名。於二月間起程。至張家口外形勝地方居住。令貝子僧袞扎卜塔布囊羅卜藏策卜登統領前往。預備軍營調遣。歸化城兵丁著派一千名。令都統根敦統領。於二月間前赴涼州。聽大將軍調遣。其恩賞銀兩糧餉等項。俱照例給發。

平定漢蒙方略前編卷之三

五

命給北路副將軍查弼納昭武將軍印。馳驛赴軍。

癸酉

命甘涼西寧三鎮增募兵丁。

上諭人學士等曰。甘涼二鎮皆係沿邊重地。必須兵力富足。方可內爲保障。外供調撥。著提督宋可進於涼。

州召募兵丁二千名。甘州召募三千名。如甘州本地不能足三千之數。可於寧夏召募補足。又西寧一鎮為青海門戶。所關綦重。亦著召募二千名。此召募七千兵丁俱照例馬六步四支給錢糧。

命派撥奉天等處兵往北路軍營。

上諭大學士等曰。奉天兵一千五百名。著副都統額爾

勤統領。黑龍江兵二千名。著副都統王常索倫總管

平定準噶爾方略卷之三

木

沙津統領。寧古塔兵一千五百名。著副都統烏察喇

統領。察哈爾兵一千名。著總管達什統領。前往北路

軍營。應賞銀兩。寬裕賞給。其派出兵丁六千名。著各

該處將軍副都統等照數將餘丁充補。

諭寧遠大將軍岳鍾琪撥兵募兵事宜。

岳鍾琪遵

旨。議奏言。準噶爾逆酋犯界。所有增撥官兵事宜。臣詳

加籌畫。撥太原提標兵二千。令慶陽協副將于

義領之。陝西督標兵八百。撫標兵二百。檄調山

西蒲州協副將沈力學領之。皆隨臣出口。至安

西沙州極邊之地。撥鎮協標兵三千。在巴里坤。

其安西沙州城守單弱。除督臣已調甘肅提督

兵一千移駐外。臣又撥甘州兵一千分防其地。

甘州地當要害。留汛之兵不足守禦。而西寧為

平定準噶爾方略卷之三

七

青海門戶。亦宜防範。臣同西安將軍秦布撥西

安八旗兵三千。令副都統蘇穆爾濟率千人往

西寧。其一千赴甘州駐劄。一千暫駐涼州候調。

現在西安除蘇穆爾濟。以大臣率兵往西寧外。

祗餘兩副都統留辦軍務。未可更行遠遣。伏乞

欽命諳練軍機大臣二人馳赴西安統兵分往甘涼。奏

入得

旨朕前調撥涼州駐防兵赴肅之後。即著於西安滿洲

兵丁內挑選一千名。交與副都統僧保張正文帶領

前往涼州駐劄。又念西寧為青海門戶。特命副都御

史二格馳赴西安。帶領綠旗兵一千名滿洲兵一百

名前赴西寧駐防。今岳鍾琪將滿洲兵一千名撥往

西寧。殊可不必。著仍遵前旨併傳諭武格馬爾泰俟

二格到日。即於西安綠旗兵內。或督撫兩標。或城守

之兵。共揀選一千名。再會同秦布挑選滿洲兵一百

名。令二格即行帶領前往西寧駐劄。其蘇穆爾濟帶

領之滿洲兵一千名。即令帶往涼州。俟僧保到涼之

日。蘇穆爾濟仍回西安其所撥駐劄甘州之滿洲兵

一千名。著張正文帶領前往聽候調遣。至撥往涼州

之兵。不必起身前去。仍在西安候旨。西安副都統員

缺。著副都統拉薩立馳驛前往署理。岳鍾琪又奏言

平定漢蒙方略卷之三

八

甘州固原肅州兵。各派撥出口。甘肅地近邊。居

守不容單薄。應各募兵一千。以馬六步四補入。

西安省會之區。督撫兩標除撥調外。餘兵無幾。

並應募戰守兵一千五百名。至固原內地無庸

募補。奏入。得

旨朕屢降諭旨。以甘涼肅西寧等處。皆沿邊要鎮。必得

重兵駐防。既可彈壓邊陲。又可分撥策應。今岳鍾琪

僅於甘涼二處議募一千名。想未接到朕之諭旨。又

於現今巴里坤情形未能確知。是以尚存輕事之意

見。固原標屬。雖係內地。但提標之兵。已撥二千名。則

自應召募補額。西安督撫標之兵。既行召募。則自當

仍遵原制。以馬六步四充補。不得悉補步兵。可將甘

涼固原西寧召募之事。傳諭范時捷宋可進令其辦

理。其西安督撫兩標應募之兵。著岳鍾琪查耶阿武

平定漢蒙方略卷之三

九

格馬爾泰仍照馬六步四之例速行募足二千名以充行伍。

乙亥。

命優敘西路破賊將士進階賞卹有差。

上諭大學士等曰準噶爾賊人乘我西路軍營不備傾其醜類犯我卡倫盜趕駝馬總兵官樊廷等領兵二千轉戰七晝夜擊殺賊衆又將盜去駝馬牲畜奪回。

平定準噶爾方略前編卷之三

十

樊廷忠勇冠軍頗得勝算總兵張元佐副都統綽般

台吉袞布三等台吉定咱喇什領兵應援奮力夾攻

大敗賊人副將張朝良以孤軍被困而能全師出圍

凡此將弁皆見義能勇致身効力均屬可嘉樊廷著

賞銀一萬兩給一等輕車都尉張朝良冷大雄俱著

賞銀五千兩給騎都尉張元佐綽般俱著賞銀三千

兩給雲騎尉台吉袞布著封公爵三等台吉定咱喇

什著授爲扎薩克一等台吉其餘有功將弁俱著大

將軍岳鍾琪查明奏聞加恩從優議敘再著署內務

府總管鄂善馳驛前往肅州於軍需銀兩內動支十

萬兩令大將軍將此番出征弁兵等查明戰功等第

按名賞給至陣亡將弁兵丁分晰查明造冊具奏從

優賞卹該督撫動用正項錢糧於安西地方建立忠

勇祠將陣亡之將士等設造牌位致祭俾義烈將士

平定準噶爾方略前編卷之三

十

永遠流芳以示朕崇獎忠勲之至意

命選撥青海及科爾沁等旗兵於青海歸化城要地分

駐調遣

上諭大學士曰準噶爾賊衆犯我西路科舍圖卡倫今

雖敗遁或由噶斯一路遣兵擾害青海地方劫掠馬

駝羊畜亦未可定二等侍衛殷扎納著加副都統銜

前往青海傳諭各扎薩克於左右翼揀選兵丁一萬

名。令王額爾德尼額爾克托克托鼐會同王益蘇克旺扎爾公阿喇卜坦扎穆蘇公阿喇卜坦統領。在青海緊要適中之地駐劄。派出之官員照伊品級賞給半年俸銀。兵丁每名賞銀五兩。再著內大臣克什圖前往青海。與王額爾德尼額爾克托克托鼐等一同管理。克什圖所管阿爾台一路臺站事務。著商都達卜遜淖爾總管五十四張家口管站郎中倫岱辦理。

又

諭曰。西北兩路或尚有應撥兵丁之處。朕思歸化城乃通行兩路之地。著理藩院傳諭四十九旗扎薩克等按旗均算。派出精兵五千名。由各該游牧處於二三月間前後起程。沿途收放馬駝。至歸化城會齊。擇形勝地方駐劄。以備調遣。其需用口糧於歸化城倉支領。月餉於張家口同知存庫銀內動支。戶部核算。尋

平定邊疆方略前卷之三

七

議曰。科爾沁等十旗撥兵一千八百一十五名。烏朱穆泰等十旗撥兵五百六十九名。翁牛特等十一旗撥兵一千三百二十四名。四子部落等六旗撥兵二百三十二名。鄂爾多斯等六旗撥兵一千六十名。凡兵五千。各轄以協理台吉。管旗章京副都統叅領佐領驍騎校等官。令蘇尼特王垂際功蘇隆統之。巴林王桑里達扎賴特貝子特古斯協理。再撥歸化城兵一千名。叅領二人。佐領四人。驍騎校四人。令副都統塔爾馬善領之。其支給銀米如例。奏入。

平定邊疆方略前卷之三

七

上從之。

命查弼納仍為北路副將軍。

上諭大學士等曰。前令查弼納與順承郡王錫保向辦軍營之事。今大將軍傅爾丹既不領兵前赴西路會

勦查弼納仍以副將軍協同傅爾丹辦理軍務。其昭武將軍印信查弼納攜至軍營交與傅爾丹收貯。將來查弼納有分路帶兵之時。即用此印。

癸未。

命揀發直隸河南山西同知以下官能辦軍需者赴肅

委用。

甘肅巡撫許容疏言甘肅地多衝要兼辦軍需

平定準噶爾方略卷之三

古

請於直隸山東河南山西四省同知通判州縣

中令各督撫選長才敏事者五人至甘肅供調

遣以要缺題補奏入得

旨著照所請行山東現有賑恤之事正須幹員經理不

必揀選咨送

甲申。

賞卹西路破賊將士。

上諭大學士等曰準噶爾賊衆侵犯西路汎界盜竊駝

馬乘我不備事起倉卒其力戰克敵者甚屬可嘉而

授命疆場者尤為可憫前已降旨令建忠勇祠春秋

祭享以表忠節矣茲應賞給世職令其子孫承襲永

誌恩施副將徐宗仁著給與騎都尉守備劉貴才劉

芳雨李國勳俱著給與雲騎尉其應得卹典仍著該

部察例具奏千總王大謨徐維新外委把總方正劉

平定準噶爾方略卷之三

五

世勳俱著該部從優議卹此外如有應加恩卹之弁

員俱著大將軍岳鍾琪查明具奏凡陣亡兵丁於卹

賞定例之外俱倍加賞賜其隨役人等有受傷亡故

者照兵丁卹賞定例給賞朕今以酒三爵遙酌陣亡

將士著署內務府總管鄂善將酒齎往軍營凡陣亡

將士每名以羊一隻奠祭宜朕憫惻傷悼至意朕不

得已而用兵本期全師克敵不損一人乃為至願豈

必捐軀致命始稱効忠報國乎。今此陣亡弁兵。朕雖

加恩優恤。而惻怛不忍之念。愈覺難釋於懷。著鄂善

將朕諭旨徧行宣布。令眾知之。至所賞資銀十萬兩。

鄂善至軍營時。或與大將軍岳鍾琪。或與護大將軍

印務紀成斌。分別將弁兵丁建功出力之等次。秉公

賞給。務使均霑恩賜。以示國家酬庸獎勲之令典。尋

兵部議覆西路陣亡將士。署叅將徐宗仁。應贈

平定縣勇略將軍

六

署副將。給恤銀六百兩。署守備劉貴才。應贈守

備。給恤銀四百兩。各廕子弟一人。以守備用。劉

芳兩。李國勲。應贈守備。各給恤銀三百兩。千總

王大謨。徐維新。均贈署守備。各給恤銀一百五

十兩。外委把總方正。劉世勲。並贈千總。各給恤

銀一百兩。俱廕子弟一人。以衛千總用。其餘徐

宗仁等。祭葬銀兩。令禮部工部奏明賜卹如例。

奏入。

上從之。

丙戌。

命議休息西路破賊將士。

上諭大學士等曰。此次準噶爾之事。出於不備。總兵官

樊廷等。率領弁兵奮勇先登。以寡敵眾。兵丁中有凍

傷手足者。有冒犯鋒鏑者。此等甚為可憫。著傳諭大

平定縣勇略將軍

七

將軍岳鍾琪。令其各還內地營汛。另選兵以代之。至

將弁等。雖與兵丁不同。亦當曲為體恤。樊廷為軍功

之首。朕欲擢授提督。並令回居任所。軍前山永副將

張朝良。降旨陞為重慶總兵官。其印務暫令他員署

理。凡此禦賊有功之將弁。自總兵以至千把。朕意俱

遴員代其職任。令暫回內地本任。以息勞肩。若云領

兵大員。一時難得其人。朕已簡選石雲倬馬紀勲王

緒級張存孝等數人。命往軍前。皆可充總兵之選。况

此後進取之策。正須從容經理。目前並非進剿之時。

伊等暫時休息。將來大舉。再赴戎行。未嘗不可也。著

岳鍾琪。細心密議。以聞。樊廷統兵在外。遣人報知大

營。而外委把總馬能。不畏賊鋒。閱歷險阻。以通音信。

著以守備用。賞銀五百兩。其同馬能報信之二人。及

越山赴營之弁兵。並著查明。從優敘賞。

平定準噶爾方略前編卷之三

大

丁亥。

命賞圖古里克營筆帖式奇書等。

上諭大學士等曰。據紀成斌奏報。北山之賊已退。而鄂

龍吉一帶尚有賊營駐劄。我軍貯糧之處。宜籌畫萬

全。圖古里克收糧之筆帖式奇書。以二百餘人。竭力

衛糧捍賊。賊眾圍困數日。能固守糧營。保全軍實。深

屬可嘉。著賞給雲騎尉。再賞銀五百兩。其同在圖古

里克之弁兵。著岳鍾琪查耶阿查明到日。從優敘賞。

二月戊戌。

授常賚為鎮安將軍。統甘肅等處移駐兵。

上諭大學士等曰。肅州。甘州。涼州。移駐滿洲兵四千名。

又涼州有歸化城兵一千名。尚無統領之員。寧夏滿

洲兵現今不過六百名。著戶部右侍郎傅泰前往署

理寧夏將軍印務。其肅州。涼州等處兵丁。著常賚前往

平定準噶爾方略前編卷之三

大

給以鎮安將軍印信。令其統領。仍聽大將軍岳鍾琪

調遣。又

諭曰。常賚統領五千兵丁。或應會駐肅州。或應會駐安

西。或仍暫分駐於肅州。涼州等處。爾等行文知照。各該

處外。再傳諭大將軍岳鍾琪。署總督查耶阿。此五千

兵丁。如有調遣。俾其自為一隊。令常賚統領。不可零

星分派。與綠旗兵丁。混雜一處。恐滿漢彼此推諉。轉

有未便留此大隊為應援夾攻之師。甚為有益。

擢甘肅布政使孔毓璞為都察院左副都御史。仍留肅

州辦理軍務。

庚子。

命晉貝子頗羅鼐及其子台吉珠爾瑪特策卜登爵。

上諭理藩院曰。布魯克巴部落人等互相讐殺。貝子頗

羅鼐遣使解和。宣朕威德。甚屬可喜。著封為貝勒。伊

平定噶爾丹略疆卷之三

三

子一等台吉珠爾瑪特策卜登屢次領兵効力邊疆。

著封為輔國公。

癸卯。

護理寧遠大將軍紀成斌奏賊退後防禦應援

事宜。

命岳鍾琪核議以

聞。

紀成斌奏言。準噶爾賊兵在鄂龍吉者。以正月

十一日十二日退去。尋有鄂爾多斯餘丁被擄

脫歸。詢之。知賊已遠遁。臣復遣人各路偵探。俱

無賊兵踪跡。即於木城噶順鏡兒泉察罕哈瑪

爾。洮齊度集所在。各設卡倫。置兵更戍。以資哨

望。再我軍凡十二營。自東至西。首尾倉猝不能

相應。臣計各標營兵中。除被創有病者。令其調

平定噶爾丹略疆卷之三

三

養外。現在精兵可得一萬一千餘名。更選九千

令總兵官張元佐。樊廷顏。清如。曹勳分領。防禦

東西中三處聯絡應援。奏入。得

旨。紀成斌但言挑出精兵一萬一千餘名。其固守營盤

若干。並安西肅州之兵六千人。作何分駐之處。並未

詳晰。且收放官羊之鄂爾多斯餘丁被擄。逃回。則各

廠收放之兵。亦必有被賊擄去者。其陣亡若干。被創

若干皆未言及。著傳諭大將軍岳鍾琪逐一查明據實密奏。如戰陣損傷之兵內有殘廢者。照例給與半餉。其被擄逃回之鄂爾多斯餘丁著送來京。有詢問之處。準噶爾降夷托克托和及所獲賊夷布庫著一併解京。

乙巳。

命代駐藏將士。

平定準噶爾方略前編卷之三

三

上諭大學士等曰。駐藏之官弁兵丁等已經數年。未曾更換。朕心深為軫念。查從前派往之兵係陝西一千名。四川一千名。今陝西兵丁現有征勦準噶爾之事。難以派往西藏。四川新募充伍之兵甚多。著提督黃廷桂巡撫憲德酌量於新舊兵丁內揀選二千名。前往西藏。將從前駐藏之兵換回。其弁員等自總兵以至千把亦應更換。若大員內一時不得職銜相當之

人。可揀選幹員加銜委署前往。獎諭貝勒頗羅鼐。

上諭頗羅鼐曰。朕為統一天下之主。凡四海生靈一視同仁。無分中外。乃者附近帕爾城之布魯克巴地方人等起釁搆兵。互相仇殺。朕聞之深為不忍。軫念於懷。爾能仰體朕意。遣使與班禪額爾德尼之使一同前往和說。又遣使宣諭朕之恩德。布魯克巴地方人等遂感悟息爭。輸誠向化。各帶部落敬順無違。且請朕施恩訓誨。朕甚嘉悅。布魯克巴地方人等。自茲以往。宜各守疆界。共相和睦。永遵佛教。祇奉恩綸。如能勗力行。朕自益加優眷。布魯克巴之諾顏林親齊雷喇卜集後身喇嘛扎色禮布魯克古濟等著加恩賞賜。噶碧東羅卜喇嘛率眾先歸。尤為可嘉。著從優賞給。以示朕懷遠嘉順之至意。爾可將此諭旨宣諭

平定準噶爾方略前編卷之三

三

布魯克巴地方人等知之

丁未。

增給軍營兵月米。

上諭大學士等曰。從前阿爾台兵丁駐劄之時。糧運維艱。是以廷議。每兵每月祇給米一斗。併羊價五錢。邇年以來。羊價漸長。所給銀兩不足。羊隻之值。月米一斗亦有未敷。不免半菽之虞。朕心深為軫念。查察罕

平定邊防方略卷三十一

請

度爾每年屯種所獲富有餘貯。而運送糧石較前亦

易。著將現今調撥軍營防守之滿洲兵丁每名月給

米二斗四升九合。其戍守阿爾台之滿洲兵丁每名

月給米二斗。至安。口爾土默特兵丁每名月給米一

斗五升。以示朕

已酉。

命代駐藏大臣。

上諭大學士等曰。西藏駐劄弁兵。已降諭旨更換。護軍

統領馬拉內閣學士僧格在藏年久。朕甚憫念。命正

藍旗蒙古副都統青保大理寺卿苗壽前往替回。但

二人一時回京。新任之人不能熟悉西藏事宜。著馬

拉先回。留僧格同青保等再辦事一年。馬拉僧格各

賞銀一千兩。

癸丑。

平定邊防方略卷三十一

聖

飭諭寧遠大將軍岳鍾琪。

岳鍾琪奏軍機事宜十六條。一。吐魯番地方饒

沃宜廣屯種。一。吐魯番通伊犁路為逆夷出入

咽喉宜設卡倫。一。準噶爾所屬回人宜先收撫。

一。巴里坤等處宜多駐兵以分戰守。一。出兵襲

擊逆夷使不得駐牧。一。駐吐魯番兵丁宜酌駝

馬定數。一。領兵官宜增撥遣。一。收放牲畜宜嚴

防範。一酌增羊隻以裕兵食。一巴里坤新城宜多積糧石。一綠旗兵餘丁無庸增設。一酌增車兵器械。一酌移駐吐魯番定期。一辦運屯田農具籽種。一聯絡吐魯番巴里坤聲息。一預籌進勦兵數奏入得

旨大將軍岳鍾琪陳奏軍機十六條。朕詳細披覽。竟無一可採取之處。朕心深為憂煩。岳鍾琪以從前輕言

平定準噶爾方略前編卷三十一

美

長驅直入之說。又為賊夷盜趕駝馬。既恥且憤。必欲襲擊進勦。勉強踐復前說。若以今日之勢。命伊統率大兵。直搗巢穴。能保其必勝乎。辦奏之事皆未妥協。大學士等將朕旨傳諭之。

乙卯。

命大學士等傳諭辦理軍需大臣武格馬爾泰。

上諭大學士等曰。陝甘二省年來辦理軍需。雖皆動用

正項錢糧。民間無絲毫之費。然輪輓糧運。伺候差徭。不無勞苦。朕已降諭旨。加恩獎勉。但必得地方大吏仰體朕心。凡料理軍務。固不可任其延緩。而過於迫急。未免擾民。查核錢糧。固不可聽其浮銷。而過於苛刻。則必致剝民。督撫等大員。嚴緊一分。則州縣官必於百姓加緊一倍。如能寬容一分。則小民必得一分之惠。武格馬爾泰二人急公之心。皆切。但恐諸事過於苛迫。可將朕旨傳諭。凡承辦州縣。或於原限之外。遲緩無多。而其人之才有可用者。不妨姑示寬容。其開銷物料脚運之費。亦必斟酌時價。不可刻意核減。但此旨不可宣露於人。恐有不肖之州縣。借此遷延浮冒。其漸不可長也。

平定準噶爾方略前編卷三十一

毛

平定準噶爾方略前編卷之二十二

雍正九年春二月戊午

訓勵軍營將士

上諭大學士等曰準噶爾父子濟惡背天逆理狡獪百端為邊方之巨患朕繼述

先志綏靖西陲特遣兩路大兵聲罪致討數年以來慎

選將士輓運軍需區畫周詳備辦饒裕而三軍之氣

平定準噶爾方略卷之二十一

一

鼓勇直前人人思奮朕常教以古昔聖人之訓臨事

而懼好謀而成天道惡盈謙冲受益軍氣當壯而軍

心則不可驕此我將士及在廷臣工所共聞者也上

年正月間西路大將軍岳鍾琪奏報雍正七年十二

月二十八日夜色里坤軍營有紫氣祥光綿亘東北

歷四時之久光華絢爛二月間又據署總督查郎阿

奏報鞏昌府屬之靖遠衛紅嘴子地方乃黃河過渡

之所每年正二月間東風解凍河冰漸薄冰橋既難

行走渡船又難撐駕行李停滯歲以為常乃今年正

月官運糧車至此冰忽開融舟行無阻誠從來未有

之奇遇等語朕覽奏不敢遽以為喜輒行宣示於外

特命封貯內閣以待大軍凱旋即此可以知朕心矣

此番西路撥派之將士皆遴選訓練之精銳其氣勢

倍覺壯盛遂未免有恃強輕敵之心以致賊人乘我

平定準噶爾方略卷之二十一

二

不備侵犯汎界搶掠牧場并傷我兵弁豈軍志驕矜

有干盛滿之戒

天心特以此示儆耶上年被賊侵擾之處朕與大將軍

岳鍾琪等不能計慮於事先實難辭疎忽之過至於

軍營牧放駝馬最宜布置有方乃以牲畜置於賊人

來路之旁又與大營相隔遼遠被賊人乘機盜竊則

審度形勢之謂何岳鍾琪更難辭咎又如達鼐統領

噶斯之兵曾奏請製辦皮套等物以為兵丁手足禦寒之具而西路兵丁去冬出戰之時冒犯冰雪手足凍傷者多有則亦大將軍未曾留意於平時也凡此既往之錯追悔無益從來勝負乃兵家之常禍福有倚伏之理從前因疎忽而致虧損將來自可因小警而成大功惟望合營將士等以敬慎之心辦理戎事以忠義之勇對越

上天自可仰蒙

上帝慈恩默垂保護書經云

皇天無親惟德是輔况準噶爾罄其所有甲兵不過三四萬之眾即以上年之事論之小策零敦多卜係伊防守沙喇孛勒要地之首領乃於冬間傾其人眾犯我卡倫我軍以數百人固守小營彼不能奪並不取萌窺大營之念僅於中途以全力邀截我師四路畢

平定準噶爾方略前編卷三十一

三

集而我總兵官樊廷張元佐等以數千人擊敗彼數萬之眾則賊之力量伎倆不過如是而已蓋彼之所長在於偷盜駝馬而我師一時失於防範遂爾墮其術中並非彼之兵力有餘也觀賊之虛張聲勢分兵侵擾噶斯卡倫窺伺圖古里克之糧石我師以百餘人即可防守而追逐之則更鼠竊狗偷之行不堪之甚者也總之行軍之道心不可驕而氣不可餒凡我將士務去驕矜之心而鼓將來勇敢之氣候朕徐徐籌畫必有蕩寇萬全之勝策俾將士等歡欣鼓舞奏凱歌而膺爵賞也其軍營得傷患病之兵丁著用心調治務令痊可朕正籌畫加恩使之更換休養以恤勤勞著大將軍將朕此旨通行曉諭出征將弁兵丁知之

命加蠲西安額賦

平定準噶爾方略前編卷三十一

四

上諭大學士等曰從來備辦軍需於地方不無勞費朕

深知其弊惟恐累及民間是以於征勦準噶爾之舉

悉心密籌於數年之前一絲一粟皆用公帑而民間

並不知國家將有軍旅之事從來未聞預備軍需地

方能如此毫不騷擾者也此天下所共知更爲三秦

百姓所深悉者及至大兵旣出時日旣多輓粟飛芻

脂車林馬雖不取辦於民財恐不免借資於民力此

平定噶爾丹方略卷之三十一

五

亦事勢之不得不然祇以準噶爾狡獪兇頑父子濟

惡實蒙古之巨患爲國家之隱憂若因循苟且縱賊

養奸則狡寇一日不滅邊境一日不寧卽內地之民

亦一日不得休息此朕熟思詳審至於再三而出於

萬不容已者並非好大喜功利其民人土地而爲此

舉也卽以上年之事言之賊夷先遣使臣詐稱求和

及朕降旨暫停進兵而賊衆乘我不備大肆猖獗然

則此等狡寇顧可置之度外聽其貽害於邊方哉卽

此愈見

聖祖皇考當年不得已之情朕今日繼承

先志不能不辦理之苦衷也惟是國家設兵所以衛民

今因用兵而有不得不資民力之勢朕心實爲憐憫

是以年來屢蠲陝甘二省額徵錢糧使羣黎均沾膏

澤而三秦紳士庶民感激國恩兼明大義踴躍趨事

平定噶爾丹方略卷之三十一

六

志切急公二十年來如一日朕實嘉之如昨歲據督

撫奏報甘肅士民等有願捐車輛以資輓運者有願

捐草束以供芻牧者朕皆降旨一一照數給與價值

而其服勞宣力之誠悃亦大可見矣今年添辦軍需

朕又切諭督撫有司等體恤民情不得絲毫擾累其

糧餉運費特令加增倘再有不敷仍令據實陳奏無

非軫念民勞之意惟望陝甘二省紳士庶民等歡欣

鼓舞勿懈初心。則和氣致祥。仰邀

天眷。不數年間。必見膚功。克奏。不但邊城內外。共享寧

靜之福。即爾等世世子孫。永保安居之樂矣。查雍正

九年。甘肅所屬額徵錢糧。業已全行蠲免。西安所屬

額徵錢糧。前降旨蠲免四十萬兩。著再蠲免四十萬

兩。以昭朕體卹之恩。該督撫務飭有司。敬謹奉行。使

閭閻同受實惠。併將此旨。刊刻頒布。俾陝甘二省遠

平定準噶爾方略卷之三十一

七

鄉僻壤之民。共知之。

命免肅州安西兵應扣借支整裝銀兩。並分別加賞有

差。

上諭大學士等曰。上年臘月。準噶爾侵犯卡倫。署大將

軍紀成斌。調取肅州安西兩路兵三千名。前赴軍營

備用。據署總督查郎阿奏稱。兩路弁兵起程時。衣裝

之費。分別借給銀兩。俟將來按數扣除。朕思準噶爾

之事起於倉猝。兩路弁兵。於盛寒冬月。前赴軍營。日

期忙迫。深可軫念。所借銀兩。悉著賞給。不必扣除。並

將該弁兵。分別加賞銀兩。著大將軍傳問伊等。或本

人在軍營自領。或其眷屬在家支領。悉從其便。

壬戌。

命代西路有功將士。並增設四川總督。

上諭大學士等曰。國家教養將士。加恩於平時。原欲其

平定準噶爾方略卷之三十一

八

有勇知方。緩急可恃。以備千城之選。果能臨戎遇敵。

奮勇先登。勞績戰功。卓然可紀。尤當沛以殊恩。優加

體卹。以獎忠誠而褒壯略也。上年冬。底準噶爾之事。

總兵官樊廷等。已頒諭旨。厚加爵賞。并令戰陣有功

之弁兵。更換休息。中有假冒冰雪。觸犯鋒鏑。而損傷

手足者。令軍營加意調治。送回本汛矣。著大將軍岳

鍾琪。將此次隨樊廷張朝良等禦賊有功之將弁兵。

了皆一一查明。應令各回本任。本汛者。著另選撥以

代之。朕又思川陝二省地方數千里。甚為遼濶。今西

邊有辦理軍需之事。總督一員難於控制。向來川省

曾設總督。今仍著添設四川總督一員。即以提督黃

廷桂補授。四川提督著陝西固原提督紀成斌調補。

陝西固原提督著陝西肅州總兵官樊廷陞授。陝西

肅州總兵官著四川重慶總兵官張朝良調補。四川

平定邊防將軍卷之三

九

重慶總兵官著江南漕標副將馬義陞授。侯石雲倬

馬紀勳等到軍營之後。樊廷等各回新任。紀成斌未

回四川之先。其提督印務仍著黃廷桂兼管。

癸亥。

命揀選八旗家人為家選兵。赴軍營備用。

上諭八旗大臣等曰。滿洲蒙古漢軍。及包衣佐領下家

人。內有漢仗好行走歷練。能受辛苦。且長於鳥鎗弓

箭者。著揀選二千名。發往西路軍營備用。此挑選時

聽伊等家主及本身情願入選者。即著賞本主銀一

百兩。伊等凱旋之日。俱准為另戶。再每口賞伊本主

銀一百兩。至伊等前往軍營。一切錢糧馬匹器械銀

兩等項。著照馬甲之例另行賞給。

三月甲子朔。

訓勵喀爾喀王貝勒等。

平定邊防將軍卷之三

十

上諭喀爾喀王貝勒等曰。爾喀爾喀原係大部落。因爾

等先世。但知好佛誦經。廢弛戎務。曾被噶爾丹戰敗。

爾等受

聖祖仁皇帝恩。養教訓四五十年。練習武藝。非比從前

之怯懦。去歲準噶爾賊人乘西路軍營不備。盜竊馬

匹。總兵官樊廷等率兵二千。救援卡倫。與二萬賊兵

交戰。殺賊甚多。旋即遁歸。倘賊人入爾等游牧之地。

爾等當乘時努力報恩雪恥朕遣兵進勦準噶爾原非利其土地人民特為爾等不能安寧之故耳其深悉朕意各加奮勉毋忽

乙丑。

命左副都御史二格協辦肅州軍需事務。

丙寅。

以寧遠大將軍岳鍾琪摺奏軍營事宜有

旨宣諭大學士等

平定準噶爾方略卷之三十一

十一

上諭曰寧遠大將軍岳鍾琪先後接到所降諭旨辦理諸務雖較之從前所奏略有頭緒而中間尚有錯謬之處如將肅州駐劄之固原寧夏兵丁二千五百名撥到軍營者原以補兵少之缺也又奏稱將此二千五百名與撥出口之西安兵一千名涼州兵五百名駐劄圖古里克摩垓圖等處若北路一有調遣即將

此兵丁從庫克托木一路赴阿濟卡倫應援如四千名尚不敷用再於軍營內挑選精兵四千名於喀喇烏蘇直赴必濟卡倫應援等語北路滿漢兵丁及察哈爾等處兵丁三萬餘名加以喀爾喀數萬之眾豈有尚資藉於西路應援之理設賊人果傾其全眾犯我北路則西路之師自應直向木魯河賊人留駐之所及伊勒布爾和碩放卡之處搶擄其牲畜勦滅其人眾又何暇分其兵眾以作應援之師乎且阿濟必濟去北路大軍之營尚遠賊人豈能越我軍營而至而勞西路應援之兵乎此等設施實未妥協至請將滿洲歸化城兵丁交與常賚帶領至安西駐劄與朕意相符及將圖古里克糧石運交軍營收貯所議亦為允協應照所請行

平定準噶爾方略卷之三十一

十二

戊辰

命西路軍營設防範。並詳議補撥兵額事宜。

上諭大學士等曰。準噶爾賊人留守駐防木魯河。又於伊勒布爾和碩安設卡倫。雖聲言欲犯北路。朕料其詭計。仍欲來犯西路也。藍生芝之脫回。未必非賊之故縱。令其傳述此信。以懈我西路防範之心。爾等可傳諭岳鍾琪。不可稍存輕忽之心。賊夷率眾來犯。如為數無多。西路之師固足抵禦。勦戮。即傾眾而來。亦不可即調北路之兵。恐賊兵復以大隊犯北路。北路兵力不分。方可全力擊勦。至西路軍營現今兵馬果否數用。亦應詳審確實。無致臨時周章。又補撥兵丁原額。或用本省之兵。或用鄰省之兵。或行招募。令岳鍾琪詳議具奏。

乙亥。

訓飭寧遠大將軍岳鍾琪等。

平定回疆方略卷三十一

三

上諭大學士等曰。寧遠大將軍岳鍾琪署總督查郎阿。因聞賊營脫回兵丁藍生芝傳說。噶爾丹策零帶領部落家口。移住哈喇沙爾。并有四月初一日。小策零敦多卜會兵去犯北路之言。籌畫四條具奏。隨傳問多爾濟波羅特。據稱哈喇沙爾。係回子所住耕種之處。相近有小城名庫爾勒。其地氣候炎熱。又甚隘小。僅可容千餘家。四面係開種田畝。不能牧放。多爾濟

在哈喇沙爾居住最久。波羅特亦親聽彼地人傳說。二人之言的確與否。雖未可必。然大約其地之不甚寬大可知。噶爾丹策零若欲移駐於此。必率其全部而來。少亦一二萬人。哈喇沙爾果能容此大眾乎。且以情理論之。伊犁為賊之巢穴。西北與土爾扈特哈薩克接壤。實皆賊之讐國。噶爾丹策零又安敢舍其巢穴。而遠居於哈喇沙爾乎。如果率其大隊住於吐

平定回疆方略卷三十一

十四

魯番相近之處。則賊之注意在我巴里坤軍營。而岳鍾琪乃云賊人由吐魯番一路直侵哈密。截我營站。乘勢侵擾安西肅州沿邊一帶等語。據多爾濟博羅特俱云。哈喇沙爾至吐魯番。雖有路徑。皆係沙磧。其自吐魯番至哈密。一由沙磧大隊難行。一沿南山係一線細路。又須仍從巴里坤經過。然後得達。二人之言果確。則賊眾不能從哈喇沙爾直至吐魯番而吐

平定準噶爾方略前編卷之三十一

五

魯番一路不能直侵哈密也明矣。設賊人欲侵犯哈密。巴里坤大營之大軍。豈竟任其出入而令阻截臺站。乘勢侵擾安西肅州乎。至云賊人以大隊全赴西路。攻我軍營。賊勢甚眾。我軍眾寡莫敵。當持重戒嚴。堅壁固守。一面知會北路遣兵應援。一面飛調綠旗滿洲蒙古兵丁由烏克克嶺。二面夾擊等語。從前事起倉猝。彼時軍營兵馬無幾。是以諭令岳鍾琪倘賊

夷以大隊再犯。當持重堅守。以待應援。今則軍營現在馬步軍兵約有一萬九千餘名。加以安西甘肅之兵六千名。續派兵四千名。共二萬九千名。是兵不為寡矣。夫樊廷以馬步二千敵彼二萬。轉戰七晝夜。猶足以相當。乃以二萬九千人之眾。而云眾寡莫敵。何懦怯至此。且從前尚欲直至伊犁搗其巢穴。豈有賊人來至數百里內。而無勦殺之策。轉堅壁而不出乎。

平定準噶爾方略前編卷之三十一

六

獨不思我軍堅壁不出。倘賊但虛張聲勢。作攻我軍之狀。而分其眾以侵擾圖古里克塔勒納沁哈密等處。阻截營站。斷我音問。此時將任賊於軍營近地肆行無忌乎。岳鍾琪又欲以圖古里克摩亥圖及安西之滿洲蒙古官兵。由烏克克嶺合會夾擊賊人。若果至巴里坤。賊即敗逃。亦從科舍圖一路直走伊勒布爾和碩而遁。烏克克嶺相去二三百里。安所得夾擊

平定回疆方略卷之三十一

七

之。又云賊夷或令積木薩之兵侵犯軍營。而以哈喇沙爾之賊侵犯青海。查哈喇沙爾至青海必由噶斯噶斯之口甚隘。斷不能行。且賊人既遣人侵犯大營。彼豈不慮我軍之勦殺。自必留哈喇沙爾之眾以為應援。又何敢分其眾侵犯青海乎。至慮賊之率其醜類悉赴沙州等處。尤為背謬。賊若由噶斯伊遜察罕齊老圖而進。則此數路斷難容走萬餘人。若由大道而來。又不知何法可以越我巴里坤軍營而過也。岳鍾琪於口外地方形勢茫然不知。於軍務機宜亦覺昏憤。凡巴里坤軍營築城之要策。及大軍勦賊之勝算。並未籌及。而但將旁枝末節盈篇累牘。備極周詳。朕披覽之下。實為煩憂。如藍生芝所聞賊人有搶卡倫牲畜踐踏禾苗之語。不思賊人若來搶奪我卡倫牲畜。我獨不能勦戮此搶奪之賊乎。賊人可以踐我

平定回疆方略卷之三十一

大

禾苗。我不可以乘其踐踏而擒之乎。岳鍾琪何以但能慮賊而不知籌已也。又藍生芝云有哈密回子報信領路等語。哈密回子之不可信由來已久。亦當諒其苦情。蓋其力量微弱。遭準噶爾之凌虐。恨之入骨。而畏之如虎。其或偶然通信於賊者。乃恐懼之至。為將來自全之計。我軍固不可不留意隄防。然不可使彼有疑懼之心。我之軍力能庇護哈密。哈密自不為賊人所用。岳鍾琪不必因藍生芝之言而深究也。至西鳳二府運糧一事。原因軫念甘肅連年輓運軍糈。民間不無煩擾。是以特命范時繹到彼。協同巡撫武格侍郎馬爾泰將西安鳳翔二府米石。運至甘肅涼州。以資軍食。武格等議行本運之法。俾西鳳二府官民任轉運之勞。甘肅地方少得息肩。朕意深以為然。今岳鍾琪查郎阿又為遞運之議。是與雍正元年設

臺盤運相同。將來必有派撥協濟之累。或更以交接卸責。至將米石灌木攙沙。從前誤累。豈可復蹈。爾等可傳諭岳鍾琪等知之。

壬午。

諭吐魯番回人移居近地。

上諭大學士等曰。紀成斌聞賊人侵擾吐魯番之信。卽

令樊廷等領兵四千。前往應援。此舉甚屬錯謬。朕已

平定準噶爾方略前編卷之三十一

九

降旨嚴切申飭。至於從前採買吐魯番糧石。本應給與運價。令其自送軍營。乃計不出此。而遣官發駝遠行搬運。致啟賊人偷盜之心。及至去冬。逆夷猖獗之後。猶不將辦糧之弁兵撤回。此則疎忽錯誤之甚者也。惟是朕以怙冒萬方爲心。若坐視吐魯番之被寇。侵凌而不爲之籌畫保護。朕心又有所不忍。從前曾降旨與吐魯番人衆。若畏懼準噶爾。卽移向近邊之

地居住。是以托克托瑪木特帶領之人移駐近邊者。皆享安寧之福。可再行曉諭回子等。伊等倘自揣力不能敵。不妨仍爲移避之計。朕當從厚賞給盤費。並令地方官善爲安插。使之得所。若此番曉諭之後。伊等仍復觀望。則賊人再來侵擾之時。聽伊等自爲之計。我軍不便護庇矣。

甲申。

平定準噶爾方略前編卷之三十一

二十

築科卜多城。

靖邊大將軍傅爾丹奏言北路軍營遵

旨築城。審度形勢。科卜多地接布魯爾。與庫列圖相近。

乃進兵大道。請於此築城爲宜。大學士等議覆

應如所請。奏入

上從之。

丁亥。

命各省督撫募選技勇送部訓練備用。

上諭大學士等曰各省督撫著於所屬地方民人內召募揀選人材壯健技勇可觀者百餘人咨送兵部奏聞候朕揀派官員訓練教習以備軍旅之用武生武童及鄉勇民壯等俱可入選每人本籍額外給與守糧一分以養贍其家口本人進京之時著督撫動支公用銀兩賞給路費。

戊子。

平定邊疆方略卷之三十一

三

命伊禮布率家選等兵赴西路軍營。

上諭大學士等曰都統伊禮布著帶領家選兵二千名驍勇兵一百名前往西路為副將軍若大將軍岳鍾琪有統兵行走之處著伊禮布帶領滿洲兵丁一同前往其分管家選兵護軍校延岱等二十員各賞銀五百兩。

己丑。

選巴爾虎護軍等兵赴巴里坤。

上諭大學士等曰察哈爾地方居住之巴爾虎護軍披甲人等內著挑選一百名巴爾虎侍衛岱噶爾那木扎爾鄂欽敦柱克亦著派出此一百名兵丁令侍衛岱噶爾會同該總管詳加揀看其馬匹行糧照例辦理支給外侍衛四員各賞銀五百兩兵丁一百名各賞銀一百兩令其收拾預備俟京師兵丁定有起程日期即行文知會岱噶爾等帶領前往鄂爾多斯地方等候副將軍伊禮布領兵到時著伊禮布一併管轄帶往巴里坤軍營若有行走之處著於彼處所有歸化城一千兵內殘弱者撥出百名存留營內將此一百名人於歸化城兵丁數內令其防範盜竊馬匹等事俟成功之時著侍衛岱噶爾各帶回本處。

平定邊疆方略卷之三十一

三

庚寅

上諭大學士等曰。何祥書著赴北路軍營。令大將軍傅爾丹酌量給與綠旗職銜。管理九千車騎兵。効力行走。

四月庚子。

命左都御史史貽直等往陝西宣諭化導。

上諭內閣曰。朕御極以來。繼述

平定準噶爾方略卷之三十一

三

皇考聖祖仁皇帝。又安區宇之

聖心。宵衣旰食。朝乾夕惕。欲使薄海內外。休養生息。物阜民安。永戢兵戈。咸登衽席。以成蕩平熙皞之治。是以宣猷敷治之間。宏綱庶務。凡有益於民生者。莫不興舉。不便於民生者。莫不屏除。若有幾微措置失宜。卽五內展轉。寤寐難安。豈肯好大喜功。與兵構難。使百姓有供應之勞。不遑寧處哉。惟是勳業。所以安

民。撫內必兼乎攘外。此古今不易之至理。帝王治世

之常經。凡爾百姓。蠱通大義者。卽莫不知之。不必待

高遠之識也。惟是準噶爾一部。落原係元朝之臣僕。

其始祖曰額森。額森之子托理。漸至大員。因擾亂元

之宗族。離間蒙古。惟恐獲罪。遂背負元朝之恩。逃遁

藏匿於西北邊遠之地。煽惑匪類。要結黨與。自稱準

噶爾。當我朝定鼎之初。各處蒙古。傾心歸順。求為屬

平定準噶爾方略卷之三十一

三

國。獨準噶爾一部。落違越於德化之外。至噶爾丹策

妄阿喇布坦二人。則尤狡獪兇頑之甚者。噶爾丹身

為喇嘛。不守清規。不遵佛教。破戒還俗。娶青海鄂齊

爾圖車臣汗之女為妻。又潛往青海地方。賊害伊之

妻。又而虜其人眾。又復巧構釁隙。乘喀爾喀之不備

發兵猝擊。以致喀爾喀人眾潰散。紛紛投我天朝。蒙

聖祖仁皇帝施恩撫恤。遣使前往噶爾丹處。諭令戢兵

和好多方開導。乃噶爾丹冥頑不靈。轉借追襲喀爾喀之名犯我邊汛。彼時卽行勦滅。復有何難。我

聖祖仁皇帝至仁如天。好生爲德。特遣官員前往責問。

是時噶爾丹惶愧恐懼。設誓撤兵。仍復潛住近邊。暗圖窺伺。且乘間搶掠蒙古牲畜。俾其不獲安居。我

聖祖仁皇帝始親統六師躬行天討。噶爾丹逆天背理。

自速滅亡。此噶爾丹之始末也。策妄阿喇布坦者乃

平定噶爾丹略圖卷之三十一

三

噶爾丹之姪也。彼時旣平噶爾丹。卽可鋤絕根株。不留餘孽。祇因我

聖祖仁皇帝寬大仁慈。赦罪宥過。且念策妄阿喇布坦

素與伊叔不相和睦。情有可原。於是加以

天高地厚之恩。將噶爾丹餘剩部落賞伊收管。此時伊

力弱勢微。甚爲恭順。其後則離間伊妻之父。子誘其

妻弟。攜帶萬餘戶。至伊住牧之地。因而強占入己。由

是勢力漸增。竟敢肆意妄行。窺伺青海。侵犯哈密。又潛兵入藏。殺害伊妻弟。拉藏汗毀壞寺廟。荼毒人民。

我

聖祖仁皇帝特遣大臣前往詢問。乃伊愍不畏死。阻兵

抗命。因使臣率師甚少。兵力單弱。伊得肆其猖狂。此實天下臣民所共憤者。我

聖祖仁皇帝仍賜包容。諭令兩路官兵姑緩前進。以俟

平定噶爾丹略圖卷之三十一

三

其悔罪輸誠。若怙終不悛。則命將徂征。犁庭掃漠。此我

皇考之本意也。朕卽位以來。伊雖遣使求和。而詐僞作

奸。仍復如故。且將我青海叛臣羅卜藏丹津收留藏

匿。朕屢次降旨諭以定界息兵。而伊狡飾支吾。巧幻

百出。及策妄阿喇布坦身故。伊子噶爾丹策零繼立。

其妄亂之性。狂悖之行。更過於其父。其遣使陳奏之

詞甚屬支離妄誕。即如前年西藏阿爾布巴等之戕害康濟兼亦因與準噶爾地方相近而逃匿之羅卜藏丹津文係伊等姻戚彼此相依。是以敢於悖逆朝命。而仗準噶爾以為狡兔之三窟也。似此世濟其惡之人。以逞兇挾詐為心。以劫物傷人為事。不可以德感。不可以理喻。無賴無恥。懷慝藏奸。時時欲戕害臣服我朝之蒙古部落。以壞我屏垣。若當此可以經理

平定準噶爾方略卷之三十一

毛

之會。而瞻顧因循。避興師動眾之名。為耽逸偷安之計。將狡寇一日不滅。則蒙古一日不安。邊境一日不寧。內地之民一日不得休息。而首先疲於奔命者。即三秦之黎庶也。即以上年之事論之。賊夷先遣使臣偽稱請和。及朕降旨停兵。以待信息。而彼於深冬冰雪之時。傾其醜類。乘我不備。侵犯汎界。盜竊駝馬。然則此等狡寇。固可置之度外。聽其貽害於將來乎。從

來窮兵黷武為聖帝明王之所深戒。而以大加小。以強凌弱。又仁人君子之所不忍為者。况準噶爾彈丸之地。遠在極北之區。得其地不足以耕耘。得其民不足以驅使。即使滅此朝食。亦不足以誇廟略而耀武功。此皆

平定準噶爾方略卷之三十一

天

皇考與朕熟思審處。先後籌畫數十年。而出於萬不得已者也。惟是地方有軍旅之事。厲兵秣馬。諸務紛繁。雖不取辦於民財。恐不免借資於民力。向蒙皇考軫念秦民勞動。所以加恩而優恤之者。無待朕之縷述矣。朕御極之元年。即將陝甘二省康熙六十年以前民屯衛所未完銀米豆草等項。悉行蠲免。又將舊例應完之三釐三合。免其徵收。數年以來。西安所屬額徵錢糧。或免四十萬。或免八十萬。甘肅所屬錢糧。則連歲全行豁免。他如展納課之定期。寬帶徵之

舊欠開墾地畝。修築河渠。悉動帑金。永為民利。此皆

朕之加惠於秦民者。可約略舉之也。即以西陲用兵

之事言之。北路軍需。交與怡賢親王等辦理。西路軍

需。交與大將軍岳鍾琪辦理。皆定議於雍正四年者。

王大臣等密奉指示。一絲一粟。皆用公帑製備。纖毫

不取給於民間。是以經理數年。而內外臣民。並不知

國家將有用兵之舉。及至雍正七年。大軍將發。飛芻

平定縣志卷之三十一

无

輓粟。始有動用民力之時。朕皆敕令地方有司。照數

給與脚價。嚴禁剋扣短發侵蝕等弊。倘有不肖官員

借稱軍需。科派擾民者。著該管大臣。即行題參革職。

先動帑金。傳集百姓如數給還。朕所以為百姓防患

除弊者。亦極嚴切矣。上年該督撫先後奏稱。民人中

有願捐草束以供牧養者。紳衿士庶中有願捐車輛

以資輓運者。朕皆獎以溫諭。仍令照數給與價值。去

冬賊夷猖獗之後。將來軍餉較前未免繁多。又特加

添運價。一切軍務。悉令有司寬裕辦理。朕豈肯因戎

事緊急。稍涉權宜。使閭閻騷擾於萬一哉。意謂三秦

眾庶必能諒朕不得已而用兵之苦心。悉朕不忍累

民之至意矣。乃近來風聞陝西之民。竟有怨朕而私

相謗議者。總因十數年來。陝西居住之允禩。塞思黑

年羹堯。延信等。皆懷挾異志。包藏禍心。其脅從之黨。

平定縣志卷之三十一

三

實繁有徒。如塞思黑之令狐士儀。年羹堯之鄒魯。淨

一道人。延信之道姑王氏等。皆公然以反叛為眾人

之倡。則其他匪類之造作妖言。暗中煽動者。又不知

其幾矣。地方既有好回之人。而又值軍興。旁午或有

司自顧考成。間有奉行不善之處。是以愚民無知。惑

於邪說。溺於私情。偶因用力於目前。遂忘受恩於平

日。此亦事勢之所不免者。夫秦風樸直。自古為然。樸

則易被人欺。直則善言易入。祇以向來未有宣諭化導之人。而該省督撫以及有司。既有刑名錢穀之專責。又有徵兵籌餉之軍需。簿書鞅掌。難於兼顧。是以準噶爾之始末。邊防關係之情形。

皇考與朕奉

天討罪除暴安民。萬不得已之苦衷。並未家喻而戶曉。

但聽僉邪小人。搖唇鼓舌。訕謗朝政。變亂是非。無怪

平定準噶爾方略前編卷之三十一

三

乎草野之中。被其迷惑者不少也。今朕特頒此旨。遣

左都御史貽直。侍郎杭奕祿。署內務府總管鄭禪

寶。率領翰林院庶吉士。及六部學習人員。國子監肄

業之選拔貢生等。前往陝甘二省。開導訓諭。覺悟愚

蒙。倘合省民人等。果能篤尊君親上之義。消亢戾怨

懟之情。將見和氣致祥。必邀

上天默佑。迅奏膚功。邊塞永寧。烽烟屏息。不但爾等安

居樂業。俯仰優游。卽爾等世世子孫。共享昇平之樂

矣。至於軍需各項。悉動帑金。差員辦理。不得扣剋短

少。貽累小民。所降諭旨。至再至三。著欽差大臣。悉心

訪察。倘有不遵諭旨。卽行題參。或所定官價。有不敷

用之處。亦卽據實奏聞。若兵馬經過之地。有不遵紀

律。騷擾民間者。小過卽告知該管大臣懲治。大過卽

行參奏。不得姑容。務使兵民和洽。內外輯寧。以迓

平定準噶爾方略前編卷之三十一

三

天庥。以副朕念。

平定準噶爾方略前編卷之二十三

雍正九年夏四月丙午

命范時捷協辦西寧總兵官事務

上諭兵部曰提督馮允中熟悉邊情老成練達但聞近

患目疾行走須人扶掖於訓練操防稍覺未便西寧

一鎮關係緊要其總兵官事務著德成協同辦理陝

西固原提督樊廷現在軍前已降旨令回固原之任

平定準噶爾方略前編卷之二十三

俟樊廷到任後著署陝西固原提督范時捷協同馮

允中辦理陝西西寧總兵官事務

丁未

諭宣諭化導官

上諭內閣曰連年用兵邊塞輓粟飛芻不無資於民力

之處而草野之間不知軍國邊防之重寄朝廷萬不

得已之苦心溺於私情妄生疑議是以特遣大臣官

員前往秦省宣諭化導務使僻壤遐陬家喻戶曉不

可視為具文潦草塞責更不可指稱公事派累地方

倘奉行不力而轉令地方有供應之繁是朕之遣官

非所以安之乃適以擾之也欽差大臣等已給與驛

馬廩給其分派之官員等皆厚給公帑以為僕從車

馬館餐行李之資所到地方一絲一粟不許索取該

有司亦不許應付餽送倘有不遵朕旨者與受同罪

平定準噶爾方略前編卷之二十三

決不姑貸若差往之官員等有生事滋擾而總理大

臣失於覺察者朕將於大臣是問倘地方辦理軍需

有騷擾民間而差往之大臣官員知而隱匿者別經

發覺朕於欽差之大臣官員是問將此旨通行曉諭

知之

庚申

停運黑茶并加恤効力官

上諭大學士等曰上年大將軍岳鍾琪在京時條議進
兵事且令河南採辦黑茶三萬五千封解送西安交
與巡撫武格送至巴里坤軍營以備進兵賞資之用
今大將軍既停進發則茶封非所急需聞武格等以
未奉部文停止仍委人員運送軍營似此不急之務
徒多勞費著即行文前去暫行停止又今春命往陝
甘効力人員若在內地差遣其力量尚可自備資斧
聞武格將伊等派往巴里坤軍營亦令自出盤費並
無幫貼恐微員等力量不敷有誤公事一并傳諭辦
理軍需大臣等知之

平定準噶爾方略前編卷之三

三

五月癸亥朔

安輯青海公拉察卜等

上諭大學士等曰據股扎納達鼐德成馮允中等先後
奏稱青海居住之公拉察卜台吉察罕喇卜坦從索

羅木過黃河移往他處居住又聞戴青和碩齊察罕
丹津亦往他處遷移不在海流圖地方住牧因撥派
兵丁官買馬羊辦理之人不甚妥協伊等暫行躲避
等語朕因上年準噶爾乘我西路軍營不曾防備傾
其醜類盜竊駝馬因念青海各扎薩克人眾恐遭逆
賊侵害是以諭令派出兵丁為防護之計每名賞給
銀兩為衣裝之用其諭令採買馬羊者原欲使伊等
所有牲畜得變價值可獲利益並非大兵需此些微
之助也前股扎納赴西寧時朕面加訓誨一切派兵
採買之事悉聽眾蒙古之便不可絲毫勉強並慮蒙
古王台吉科派所屬之人諭令嚴行禁約豈肯令差
往之人逼迫蒙古以從事乎今拉察卜等無故遷移
他往其中自有情由必係股扎納等不能宣揚朕諭
使眾心共曉而採買馬羊又不聽從其便以致拉察

平定準噶爾方略前編卷之三

四

卜等心懷疑畏。暫避差徭。雖拉察卜等。甚屬孟浪糊塗。亦殷扎納等奉行不善之所致也。今特頒諭旨。曉諭拉察卜等。令其速回本處。並將隱情據實陳奏。再傳諭德成達。龜馮允中等。令其明白開導。善為安輯。並將伊等如何疑畏遷移之處。查明具奏。其餘地方事宜。俟侍郎眾佛保去時。再行詳諭。

甲子。

平定縣志卷之三

五

命鎮安將軍常賚率兵赴安西駐劄。授石雲倬為西路

副將軍。赴軍營。

命給張家口營兵月餉。

上諭兵部曰。今歲命往陝西西安駐防兵丁。派出直隸

張家口營兵一百八十餘名。聞各兵家口支領錢糧。

而該管武弁等。以各兵應有錢糧。俱給與新募之兵

支領。無可給發。以致各兵家口。三月未曾領餉。日食

不敷。四路奔訴。凡兵丁撥派他往者。如馬兵一名。原領月餉二兩。則以九錢付本兵。為途中鹽菜之用。以一兩一錢為養贍家口之資。所有兵米亦仍令其家口支領。若有新募兵丁。則另行給與月餉。並無以本兵錢糧付新募兵丁之事。何以張家口官弁等。錯誤遲延。以致各兵家口糊口無資。著該督該提鎮。即速查明照例給發。並將遲誤之處。據實奏。

平定縣志卷之三

六

加恩山西駐防効力丁壯。

山西巡撫覺羅石麟疏言。太原駐防兵五百撥

往西寧三百。其留營者。不足以供調遣。據各旗

閑散丁壯。塞爾泰等呈言。自祖父以來。受

國家豢養深恩。願不領錢糧。當差効力。臣即選得

年力強壯。技勇可觀者百人。令其給役。俟兵丁

缺出。選補。奏入。得

旨太原各旗閑散丁壯等既令當差學習行走。自當酌加恩澤。以示鼓勵。著每名月給銀一兩米三斗。以資其食用。該撫石麟時加教訓。務令勤謹効力。黽勉向上。若有名糧缺出。即將伊等揀選頂補。以副朕教養兵丁之至意。

丙寅。

上諭兵部曰。樊廷從軍營進口。著即赴陝西固原提督

平定準噶爾方略前編卷之三

七

之任。范時捷著仍留固原。俟立秋以後。樊廷乘驛來京。陛見。其提督印務仍著范時捷署理。俟樊廷回任後。范時捷再往西寧協辦總兵官事務。

命加一等侍衛阿成阿副都統銜。轄家選兵二千赴西

路軍營。

丁卯。

命巴爾虎等兵由古爾班賽堪赴巴里坤。

上諭大學士等曰。巴爾虎兵丁一百名。前赴巴里坤軍營。由古爾班賽堪行走。路近而水草好。著由此路前往。所派兵丁先令於鑲藍旗察哈爾地方齊集。俟阿敏道噶扎爾圖到時。帶領起行。京城所選驍勇兵一百名。亦著由此路前往。

戊辰。

命籌援勦事宜。

平定準噶爾方略前編卷之三

八

上諭大學士等曰。今年三月間。準噶爾賊人侵擾吐魯番。紀成斌聞信。即令樊廷等領兵前往應援。此舉實欠詳審。蓋賊人之意。原欲疲勞我士馬。故為此出沒詭計耳。彼時朕閱紀成斌之奏。即降旨切加申飭。越數日。岳鍾琪奏到。其所見與朕意相同。又越數日。紀成斌奏到。知賊人未見我師。果已潛遁無踪矣。賊之狡獪如此。是以朕諭令吐魯番人衆商酌遷移暫避。

之計。蓋欲善為保全之。以俟大軍凱旋共享昇平之福也。今據大將軍岳鍾琪奏報賊人於四月間。又復侵犯吐魯番。額敏和卓求請應援。大營未曾發兵前往。大將軍辦理甚是。但朕細思之。賊人若仍以千餘人騷擾吐魯番。則彼地城垣兵力。足以捍禦。倘復增添賊眾。吐魯番力不能支。朕心有所不忍。况伊等前次感恩望濟之言。甚為懇切。朕又有令其遷移暫避

平定回疆方略卷之三

九

之旨。料賊人必知信息。倘乘其遷移之際。而侵害搶掠之。是吐魯番之人。因遵旨而受累。尤朕所惻然者。也可傳諭岳鍾琪。令其確探賊耗。眾寡若何。情形若何。久暫若何。其應否應援之處。酌量變通辦理。不必拘執前說。至於賊兵引去後。吐魯番回子。有情願遷移者。又應如何沿途防護。不受賊人劫奪侵凌之處。著大將軍留心經理。

辛未。

命通政使趙之垣等籌運進兵糧餉。

上諭內閣曰。用兵以籌餉為先。而輓運以得人為要。果得其人。則民力不致煩勞。國帑不致糜費。而兵食饒裕。士飽馬騰。其裨益於公事。良非淺鮮也。年來西北兩路用兵。籌餉事宜。朕心甚費區畫。北路軍糧。范毓纘承領運送。諸事諳練。措置得宜。朕深嘉獎。已加優

平定回疆方略卷之三

十

敘。西路軍糧。向來俱係官運。今行之日久。難保無侵帑累民之處。因思通政使趙之垣。副將馬龍。乃三秦世族。且官至大員。於本地土俗民情。素所熟悉。若照范毓纘之例。領取帑銀。轉輸輓運。似屬可行之事。朕將此詢問趙之垣。據稱情願効力。查內地軍糧運送。巴里坤軍營者。年來經理。已有頭緒。但自軍營進剿之糧。尚無轉運之善策。著趙之垣。前赴軍營。與馬龍

共同商酌。如何運送之法。聽其自行定議。酌量舉行。每石運價若干。朕悉照數給與。不令絲毫賠墊。但不可有浮冒侵蝕之弊。總與地方有司毫無干涉。其間遲速機宜。及道途防護等情。則與大將軍該督撫等計議而行。俟趙之垣到彼。與馬龍商酌定議。果能承領辦理。具奏到日。給與欽差關防。

壬申。

平定準噶爾方略前編卷之三

十一

定鎮安將軍常賚及歸化城兵至營日期。

上諭大學士等曰。鎮安將軍常賚著從安西前赴軍營。與大將軍岳鍾琪副將軍石雲倬等計議進兵事宜。但聞賊人有窺伺洮賚卡倫之信。常賚前赴大營時。途次須小心防範。或帶兵丁數百名護送。或探聽賊人遠遁之後。再行前往。務慎重安貼。總以七月初旬至營為期。其現在甘涼歇息之歸化城蒙古兵一千

名。已有旨令其前赴軍營備用。可令原管領之都統根敦等帶領出口。務於七月初旬到營。可傳諭查郎阿等並常賚知之。

癸酉。

上諭大學士等曰。任國榮仍帶總兵銜前往北路軍營。管理車騎兵兼司屯種事務。著大將軍傅爾丹酌量派委。照總兵官胡傑之例行走。

平定準噶爾方略前編卷之三

十二

乙亥。

命預防賊人騷擾噶斯。窺伺青海事宜。

上諭大學士等曰。從前三月間賊衆有二千餘人。來叶魯番。見我兵前往應援。賊兵即先行潛遁。今據大將軍岳鍾琪奏報。四月間又有賊千餘來擾吐魯番。并有二百餘人犯我洮賚卡倫等語。朕看此情形。或者將來賊人由哈喇沙爾前往噶斯地方。又如上年故

智。暗行騷擾。或增添人衆窺伺青海。亦未可定。格默

爾等所統兵力。未免稍單。朕前次曾有不應調撥西

寧兵丁之旨。若此時有應用添兵之處。恐格默爾等

亦不敢調取。德成亦不敢派撥。可傳諭德成。達雅瑪

允中管承澤格默爾。滿岱。福寧等。從前所以不令

調撥兵丁者。蓋西寧軍務。尚未就緒。自以固守根本

爲是。今西寧布置已定。兵力有餘。若賊人窺伺噶斯

平定張勇略前卷之三

三

自宜發兵應援。况目前青海蒙古兵丁。尚未攢集齊

全。卽器械等件。亦未周備。難以望其捍禦賊鋒。亦賴

官兵爲之保護。若德成等就近酌量。倘有用兵之處。

或著管承澤。龜滿岱。帶領前往。或德成另議一二人

前往。至官兵派出之後。遇有本地添兵防守之處。卽

將土兵派出。此旨著德成並諭衆佛保。殷扎納知之。

命山東登州總兵官岳含奇率湖廣兵赴西安。

上諭兵部曰。山東兗州總兵官岳含奇。著調補山東登

州總兵官。前降諭旨。令湖廣預備兵丁二千名。聽候

西路調撥之用。著岳含奇前往湖廣。會同總督邁柱

加意挑選人材。壯健技勇優長者二千名。卽令岳含

奇帶領前赴西安駐劄。其領兵之副參遊守千把等

官。亦著邁柱岳含奇揀選前往。此所派兵丁內。將長

於簾牌者。挑選五百名。或一千名。充入二千名之數。

平定張勇略前卷之三

四

若弁兵內。有人材可用。情願赴軍前効力者。亦著邁

柱岳含奇酌量派用。此二千兵丁。於秋末冬初候旨。

從湖廣起身。一應賞資銀兩。照例給與。

已卯。

命卹賞西路千總馬建功等。

上諭大學士等曰。西路軍營千總馬建功。奉差探聽賊

兵信息。帶領兵丁十人前往。因人少力單。遇賊被害。

並傷兵丁石玉張秀閻得三人深可憫惻馬建功等俱照陣亡之例加恩卹賞。

定西路軍營安設卡倫撥用蒙古兵事宜。

寧遠大將軍岳鍾琪奏言賊夷出沒不常散設

卡倫轉滋覬覦今於鏡兒泉設三大卡倫并撥

兵丁登山瞭望復於途次五里一置塘站直接

軍營一遇緊急接遞傳報奏入得

平定準噶爾方略前編卷之三十三

五

吉賊夷既施鬼域之技出沒紛擾意欲疲我士馬並使

軍營馬匹不得牧放自當計議防範擒剿之策今安

設大卡倫三處固是但此數千弁兵馬匹如何牧放

看管可免賊人窺伺又三大卡倫之外尚設小卡倫

否若於賊之來路設小卡倫仍屬照前而更多一番

防備恐兵少力單難於捍禦若不設小卡倫則賊之

來踪日間可以登高瞭望昏夜則如之何又不知此

三大卡倫果能全堵賊之來路俾必不能近我軍營

窺我牧場否倘乘小卡倫撤回之後越大卡倫擾我

沿路塘站不可不防至於阿寶所領鄂爾多斯兵丁

從前派往軍營者原令專司牧放之事乃大將軍等

將伊等分散派守各處卡倫伊與綠旗兵丁等言語

不通徒彼此推諉甚屬無益嗣後蒙古兵丁不可似

此零星派用

平定準噶爾方略前編卷之三十三

六

庚辰

命察劾管理內地回民各官

上諭內閣曰從前因準噶爾之肆虐吐魯番回民畏其

侵凌有情願移居內地者諭令地方有司善為安插

撫綏使之寬裕從容得所頃聞在肅州居住之回民

等田瘠水少收成歉薄而所有牲畜亦不敷用生計

未免艱難此皆經營之員辦理疎忽而該省大臣失

於覺察之所致也。著署總督查郎阿將從前辦理不善之員查出題叅。其有應行加恩撫恤之處。亦著查郎阿酌定請旨。即將此曉諭吐魯番移住內地之回民知之。

甲申。

賞敘臺站官役

上諭內閣曰西路軍管臺站。自上年十二月以來往來

平定縣路驛驛參三

七

文移繁劇。長途遞送。從無遲誤。該管臺站官弁。實心供職。其在塘夫役人等。効力亦屬勤勞。著交與辦理軍務之署。陝西總督查郎阿將京城至軍營一路兵臺官役等。分別內地外邊。加恩給與議敘賞資。

六月甲午。

命籌應援吐魯番進剿準噶爾事宜。

上諭大學士等曰。寧遠大將軍岳鍾琪摺奏準噶爾賊

衆二千餘人圍困魯克察克之城。晝夜攻打。二十餘日。吐魯番回子奮勇出擊。殺死逆賊二百餘人。帶傷之賊甚多。請以三千勁兵兼程而進。必獲全勝。將來卽以此三千兵丁駐劄吐魯番。合之回民。足備防禦。

等語。朕前次聞吐魯番回民等感恩望濟之言。甚爲懇切。恐賊衆再以大力侵凌。伊等不能抵敵。爲其所困。已降旨令大將軍岳鍾琪酌量發兵應援。不必拘

平定縣路驛驛參三

八

執前說。今岳鍾琪具奏之日。尙未接到朕旨。是以仍作游移之詞。凡用兵之道。在於隨機應變。不容刻緩。若果岳鍾琪確有所見。卽應遣兵速往。一面奏聞。何必待降旨到日始遣兵前往乎。又奏稱挑選精兵三千名駐劄吐魯番外。餘剩壯健兵丁留駐新城防守。儘足備進擊烏魯木齊之數等語。朕思我兵進擊烏魯木齊之時。若有賊衆繞道侵犯新城。當思應援勦

殺豈可但作防守之計。至於此時應援吐魯番自屬應行之事。但噶爾丹策零性情躁妄。此次失利之後。或於冬季多添兵力。攻擾吐魯番。未知我三千兵丁合之回子之力。便可以從容捍禦否。且我軍既駐劄吐魯番。則將來不得不時為應援。岳鍾琪從前曾有吐魯番駐兵數萬之奏。若此時駐兵三千。將來因此牽制。有不得不加增之勢。此則舍本逐末。必不可行者也。朕又思吐魯番乃阿爾輝。哈喇沙爾兩路之關鍵。既有我軍駐劄。則將來築城於烏魯木齊時。呼吸相應。賊人不敢繞襲我軍之後。况我軍正欲進攻賊之巢穴。若賊人果以大衆來犯吐魯番。則我軍不勞速行。可以就近殄滅之。亦是善策。總在岳鍾琪悉心籌畫。務期萬全。若將大營兵丁三千名派往吐魯番。則此三千之數。當另行撥派以足額。吐魯番地方難

平定準噶爾方略前編卷之三

九

於多養馬匹。况此三千兵丁。乃為防守之用。非為追擊之用。所帶馬匹。可酌量存留。其餘仍遣回大營。牧放。至於礮火鉛彈。多帶備用。上年官買吐魯番糧石。不必運送軍營。即著留貯吐魯番。以備大兵之用。吐魯番回目額敏和卓等。誠心向化。盡力擊賊。甚屬可嘉。著大將軍傳旨獎勞。酌量賞給緞疋銀兩茶葉等項。彼地既遭賊人侵害。恐收成歉薄。糧食不敷。著即以官買糧石酌量賞給。務使回民得所。將此詳悉傳諭大將軍岳鍾琪知之。

平定準噶爾方略前編卷之三

十

乙未。

命贈賞河州副將馬雲。

上諭大學士等曰。河州副將馬雲於上年冬月。在北山領兵敗賊。著有勞績。今聞病逝。著加總兵官銜。賞銀一千兩。為歸櫬之費。

庚子。

寧遠大將軍岳鍾琪請援吐魯番。

上飭諭之。

岳鍾琪疏言。賊圍吐魯番。臣選馬兵三千。令張

元佐曹勳張存孝統之。於四月二十四日進發。

又令顏清如率兵二千。往駐塔庫。又撥兵四千。

令紀成斌率往洮賚要隘駐劄。倘賊人傾眾而

平定邊防方略卷三十三

三

來。臣即親統洮賚塔庫所駐劄兵倍道進剿。惟

此時令回民內移。途中行走不能便捷。三千護

禦兵丁首尾亦不能相顧。擬於應援馬兵三千

人中暫留一千駐劄吐魯番以防賊。餘二千令

歸大營。如蒙准臣前奏撥兵三千駐防吐魯番。

臣請以步兵二千駐塔庫者撥補。俟我師進擊

烏魯木齊時。然後令回民內移。即以防禦兵一

千護送。可無劫奪之虞。奏入。得

旨。應援吐魯番之舉。朕早已降旨。此奏尚有計算未到

之處。今年秋間襲擊是第一善策。至於應援吐魯番

乃相機不得已之舉耳。若但加意籌畫於應援之師。

而不計及於襲擊之舉。是舍本而逐末也。且發應援

兵丁三千名之外。又令顏清如領兵二千名駐劄塔

庫。紀成斌領兵四千名駐劄洮賚。是以派兵九千。與

平定邊防方略卷三十三

三

前請旨駐兵三千於吐魯番之奏。大不符合矣。今年

原議挑選精兵一萬二千名進擊烏魯木齊。不知此

所派應援吐魯番之九千兵。在此一萬二千名兵丁

之外乎。抑即在其內乎。此兵平定吐魯番回營人馬

尚可進擊乎。况前奏設三大卡倫於要隘之處。安兵

三千名。此非大營之精兵乎。今稱存營兵丁尚有萬

餘。足以防禦。假若賊人既擾吐魯番。使我兵前往應

援。又以大衆侵犯軍營。或再如上年之故。智繞過大營。營警擾塔勒納沁。及圖古里克等處。則我軍之力。既分。不識尚可勦殺耶。或但能防禦新築城也。奏摺中總未言及此。甚屬踈漏。至於吐魯番一部落。乃向來甚費商議。置之度外者。卽上年遣發弁兵駝隻。往彼搬運米糧。亦俱未經奏聞。致生賊人窺伺之心。屢次侵擾。此乃從前辦理錯誤。以致目今有不得不應援之勢。今大將軍親在軍營。若確見速應救援。便當遣兵迅往。何必遲迴審顧。且前次奏稱留兵二千名。便可防護吐魯番。萬無一失。今又將吐魯番應否留兵。及回民應否遷移。何時動身之處。請旨定奪。前後全不符合。顯有推諉之意。朕在數千里之外。豈能洞悉地方情形。與臨事機宜。預先一一計算而指示之乎。殊失朕信任倚賴之初心矣。倘見此諭旨。以爲吐魯

平定準噶爾方略前編卷三十三

三

番不應移內。勉強順合朕意。輕率舉行。則尤其不可

丙午。

靖邊大將軍傅爾丹奏報進兵襲擊察罕哈達賊人。

傅爾丹奏言。臣等於五月六日。至科卜多築城

處。據烏蘇圖舒魯克卡倫駐防侍衛巴爾善等

擒準噶爾一人。曰塔蘇爾海丹巴。詢之云。噶爾

平定準噶爾方略前編卷三十三

十四

丹策零發兵三萬。令大策零敦多卜。小策零敦

多卜。及大策零敦多卜之子多爾濟丹巴率之。

先後至阿爾台山奇蘭所在。犯我北路。今小策

零敦多卜。已至察罕哈達。而大策零敦多卜及

其子多爾濟丹巴未到。現兵僅二萬餘。噶爾丹

策零恐哈薩克部乘虛見襲。預發兵萬人。令大

策零敦多卜之子納木扎爾達什衛徵和碩齊

駐守阿爾輝。復令諾顏和碩齊率兵一萬。駐守

阿里瑪圖沙喇壁勒。其噶爾丹策零遊牧處自

守之兵。不過二萬而已。又云噶爾丹策零向令

妹夫羅卜藏策凌率兵一萬駐劄阿里瑪圖沙

喇壁勒以防哈薩克。而羅卜藏策凌向與噶爾

丹策零有隙。率其屬三千餘戶來至大國噶斯

地界。噶爾丹策零聞之。遣烏喇特巴哈曼濟追

之。為其所敗。復遣喀喇沁都噶爾之子察袞追

之。以是大策零敦多卜久之未至。臣思賊兵未

集。宜乘其不備襲之。選京師各省兵一萬輕裝

由科卜多河西分為三隊。於六月九日出師。前

鋒統領丁壽散秩大臣公達福副都統塔爾岱

領第一隊。叅贊馬爾薩副都統承保西彌賴領

第二隊。臣等以大兵繼之。速發掩擊。其科卜多

平定噶爾丹策零卷之三

五

之地。留兵七千三百築城如故。令都統袞泰總

兵胡傑等管轄。科卜多河東乃通奇蘭要路。撥

滿洲兵二千。俟都統侯陳泰副都統阿三到後。

駐劄統轄。與袞泰等互為應援。所有統兵啟行

日期。合行具奏。翊日。又奏言。臣等於初九日分

隊出兵。遣前鋒統領丁壽叅贊馬爾薩副都統

塔爾岱等前行瞭望。擒賊夷巴爾喀等十二人。

於扎克賽河之地。據云。小策零敦多卜牧場在

察罕哈達。去臣等軍營止三日程。其兵不過一

千。尚未立營。大策零敦多卜。因途中有病。留駐

和博克山。其子多爾濟丹巴。已於小策零敦多

卜所住山梁之前駐劄。至羅卜藏策凌。已貳於

噶爾丹策零。大約率其屬往土爾扈特。否則逕

往青海矣。臣等現在乘夜進兵襲擊察罕哈達

平定噶爾丹策零卷之三

五

賊夷奏入報

聞。

丁未。

青海扎薩克公諾爾布叛。扎薩克恭格等擒之。

副都統格默爾奏言騰格里卡倫扎薩克諾爾

布於五月二十八日背叛擾亂臺站。劫掠馬匹。

逃往衮額爾吉庫克烏蘇遊牧處。臣即令扎薩

平定準噶爾方略前編卷之三

三

克恭格台吉阿拉卜濟等及叅領巴顏等先後

追擊。比至喀喇郭勒。諾爾布已為恭格等所圍

復脫去。窮追至蒙古爾托羅海獲之。并其佐領

里塔爾俱縛送軍營。其効力之扎薩克台吉將

卒等俟核明具奏。奏入報

聞。

戊申。

青海扎薩克公墨爾根戴青拉察卜等叛。副都
統達鼐等追捕獲之。

副都統達鼐奏言青海扎薩克公墨爾根戴青

拉察卜等背叛。渡索羅木河而逃。臣等率兵追

之。及諸河。其子察罕喇卜坦來歸。進擊拉察卜。

拉察卜泥首迎降。臣等攜之由索羅木河大路

還青海遊牧處。其効力之台吉軍校等核明具

平定準噶爾方略前編卷之三

三

奏。時拉察卜之叔察罕丹津亦相助掩捕。奏入

得

旨從前親王戴青和碩齊察罕丹津一聞伊姪拉察卜

逃走。即將拉察卜部下人等收回。察罕丹津歷年効

力行走。今已老病。仍感恩効力。甚屬可嘉。著賜大緞

二十疋。再發銀一千兩。令其酌量賞伊部下効力人

等。拉察卜雖係伊兄之子。朕知其素不相睦。至拉察

卜之子察罕喇卜坦能知伊父之非。不肯同逃。殊屬可憫。拉察卜甚屬庸愚。雖無故逃遁。見我兵追趕。即便迎降。罪尚可恕。著將伊送至京師。候將伊逃遁之故問明。將伊交察罕丹津之處。另降諭旨。其拉察卜公爵朕尚欲令其子察罕喇卜坦襲替。並曉諭知之。

己酉。

命噶斯路偵賊備兵。

平定噶斯路賊卷之三

五

上諭大學士等曰。大將軍傅爾丹奏稱。被獲準噶爾丹巴供云。噶爾丹策零之妹夫羅卜藏策凌將伊屬下三千戶帶領歸至大國噶斯。噶爾丹策零聞知。追趕被敗等語。今噶斯正值青海有事之秋。倘羅卜藏策凌率眾來歸。或係賊人詭計。著速行文達爾眾佛保等。遠設巡哨。偵探信息。倘噶斯路途有準噶爾賊人來歸者。將我兵整齊預備。務加詳審。果係真實。將伊

頭目數人。送至京師。其餘人等於汎界內有水草處暫住。從優養贖。一面派兵照管。一面奏聞請旨。

平定噶斯路賊卷之三

辛

平定準噶爾方略前編卷之二十四

雍正九年夏六月庚戌。

寧遠大將軍岳鍾琪疏報巴里坤城工。

岳鍾琪疏言臣遵

旨於巴里坤相地築城方八里高一丈城基廣一丈頂

一丈於歲之四月十五日興工以及月城礮臺

角墩築牆一切於五月二十九日竣事其堞樓

平定準噶爾方略前編卷之二十四

石橋角樓方次第建築所費工價等項具冊呈

請核銷奏入得

旨下部知之。

辛亥。

寧遠大將軍岳鍾琪奏援吐魯番。

命密籌定議以聞。

岳鍾琪疏言賊人圍魯克察克四十餘日不下。

復以木梯三百攻喀喇和卓城堡回漢兵前後

殺賊凡五百餘賊聞大兵將至輒倉皇遺棄器

仗馬匹及所炊熟食而遁總兵官張元佐等倍

道追之賊已竄散即抵魯克察克城下回目額

敏和卓及老幼男女出郭歡迎張元佐等雖並

奮勇滅賊而天暑馬乏不敢窮追今臣以撥往

馬兵駐一千於魯克察克餘悉撤回倘賊又率

平定準噶爾方略前編卷之二十四

二三千人來侵官兵與回兵已足抵禦若傾眾

而來臣當親統大軍剿殺俟我軍進擊烏魯木

齊後可令官兵千人護送回民移入內地奏入

得

旨賊夷侵犯吐魯番之衆實由我軍屯運糧石啟釁以

致有不得不應援之勢今官兵適行空勞往返恐將

來似此無益之舉正多不知大將軍亦會計及此否

此番回民感戴救濟之恩。歡聲大震。將來賊夷切齒

於吐魯番。必思報復。以太力侵凌之。儻至狼狽流離

時。不知仍似此感戴乎。目今賊夷以三萬眾侵犯北

路。現據靖邊大將軍傅爾丹等奏報。前岳鍾琪曾有

親統大兵前往吐魯番剿殺。而留紀成斌看守之奏。

假若賊人。此番不向北路而向西路。將賊眾分為兩

大隊。以一隊先侵吐魯番。及岳鍾琪領兵應援前往。

平定邊疆方略卷三十五

三

賊人又以大隊侵犯軍營。再散其醜類於塔勒納沁

及圖古里克等處。不知我軍之力尚可從容肆應否。

今賊夷圍困魯克察克喀喇和卓二城。官兵冒暑遠

行。疲勞士馬。未遇一人。未戮一賊。而岳鍾琪奏摺中

有奮勇滅賊之語。將以此番之舉。遂為建功樹績於

戎行乎。賊夷聞風而遁。可謂懼我軍威乎。即留兵駐

防。與遷移回眾。朕意尚無定見。大將軍身在軍營。與

遙揣者不同。若果確有所見。自當因時制宜。以身任

之。總之。向後若有應援吐魯番之舉。只可委將發兵。

即賊首親來攻取吐魯番。大將軍亦不可統兵前往。

吐魯番一切事宜。岳鍾琪當與伊禮布常養石雲倬

等詳密籌畫。作速定議。

壬子。

西安鳳翔民納運糧餘米。

平定邊疆方略卷三十五

四

命賞賚有差。

陝西總督查郎阿疏言。西安鳳翔二府民輓運

甘肅等處米十五萬石。恐長途耗損。每一石輒

多持一二升為備。今一路安行。米無虧折。收糧

有司稟報餘米前後可得千餘石。並令收貯。奏

入得。

昔數年以來。秦省民人運送軍需。俱無遲誤。是以朕屢

次加恩以示優恤。茲因輓運西鳳米糧以資軍食。特令加添脚價務期運送從容。而領運之民人等敬謹承應。於交完正米之外尙有餘米交官。其急公敬事之念甚屬可嘉。著該署督等查明交米多寡之數。分別賞賚。務令本人實霑恩賜。勿致胥吏中飽。以副朕加恩秦民之至意。

命執叛賊諾爾布等至京鞠訊。

平定準噶爾方略前編卷之三

五

協辦西寧總兵官事務德成等奏言。擒獲叛賊諾爾布里塔爾等。詢之云。青海諸部合謀。令我率騰格里兵為逆。郡王額爾德尼額爾克托克托。龜之子阿喇布濟亦欲作亂。陰約以青海全軍為援。奏入。得。

旨朕料青海王台吉等世受國恩。斷無負恩背叛之事。親王察罕丹津。一聞伊姪拉察卜遁逃。即遣人追趕。

郡王益蘇克旺扎爾聞達什策凌搬移。即率兵將達什策凌帶回。郡王額爾德尼額爾克托克托。龜父子。宣力行間。伊子協理台吉阿喇布濟現在與恭格。一同追擒諾爾布。伊等果有異心。寧肯如此奮勉宣力乎。著將諾爾布里塔爾俱解送來京。訊明緣由。再行辦理。

丁巳。

平定準噶爾方略前編卷之三

六

命樊廷候

旨再行陛見。

上諭兵部曰。前降旨令陝西固原提督樊廷於秋涼時。來京陛見。其印務著范時捷署理。今署陝西西大通總兵官管承澤帶領兵丁前往柴達木地方駐劄。其西大通總兵官印務著范時捷即前往署理。固原提督事務緊要。樊廷到任。且不必來京陛見。候諭旨行。

若有應奏事宜。著具摺陳奏。

戊午。

甘肅巡撫許容條奏青海事宜。

許容奏言亂賊諾爾布等攪擾臺站。較拉察卜等罪尤重大。達什策凌現已擒獲。應請即明治其罪。諾爾布妻子已檻送京師。其逃遁之衆。務期追獲。誅其魁首。庶足以示懲創。又西寧兵馬。

平定回疆方略卷三十四

七

鎮標額兵四千。城守營兵二百五十。益之以西安綠旗兵一千。滿洲兵一百。及應援等兵。通計不下五千有餘。更以土兵協助。土馬富強。守禦援期無虞不足。應請無庸加增。又按西寧至柴達木八百餘里。青海居其中。應請於適中形勝之地。移駐滿漢兵彈壓。又西大通一鎮。左為西寧。右為涼甘。關係綦重。今署總兵官

印務管承澤為人吳懦。退縮似非將才。德成馮

允中雖同往來署理。亦不能分身坐鎮。應請

旨特簡專員管理印務。又噶斯統兵大臣格默爾於諾

爾布等既不能撫馭安輯於前。又不能即行擒剿於後。未足膺茲鉅任。副都統達鼐辦理數年。夷情地理皆悉。近復追擒拉察卜等。或宜以之專司統領。以重職守。又青海諸部宜加宣諭。我

平定回疆方略卷三十四

八

皇上懷柔荒服。一視同仁。即如採買駱駝馬羊諸物。亦就彼所欲售。從優給直。况與兵費帑。實以塞外回民為準。夷凌暴。取彼兇殘。以安良善。司事各官均宜奉揚德意。明白開諭。庶俾夷衆咸得曉然於我朝覆庇保護之恩。各懷尊親之戴矣。奏入。報聞。

已未。

命練習陝西等處新募兵。

上諭大學士等曰陝西西安督撫標下俱有新募入伍

之兵丁。必須勤加操演。始可資戰守之用。朕思撫標

之兵有撫臣親自操演。自然技勇日漸嫻熟。督臣現

駐肅州其標下弁員。又大半隨往軍營。現駐西安者。

未必多人。或至訓練稀疏亦未可定。侍郎烏爾泰辦

平定準噶爾方略卷三十四

九

理軍需駐劄西安者。將督標之兵丁隨時練習。加意

教誨。務使有勇知方。以備國家干城之選。

命擢鑲白旗護軍統領公博爾屯為鑲黃旗滿洲都統。

正藍旗滿洲副都統覺羅海蘭為鑲白旗護軍

統領。仍留軍營。

七月。癸亥。

命籌噶斯柴達木兩路防禦。

上諭大學士等曰噶斯一路甚屬緊要。現今交青海王

台吉等將伊等游牧之處如何保護備禦等事定議。

其柴達木地方不必用青海兵丁駐劄。著派內地兵

丁四千六百名防戍。

選西安駐防滿洲餘丁給役。

陝西西安將軍秦布奏言西安額設兵八千名。

今戶口將及四萬。請於滿洲餘丁中選千人。月

平定準噶爾方略卷三十四

十

給餉銀一兩米三斗。令其給役。遇調遣處依馬

兵例撥往。事竣陸續裁汰。大學士等議覆應如

所請。奏入。

上從之。

丙寅。

命議伊遜察罕齊老圖防汛事宜。

上諭大學士等曰柴達木之北。伊遜察罕齊老圖地方。

乃直達安西沙州之路。為巴里坤軍營之後戶。關係

最為緊要。此處或駐兵一千名。或八百名。建築小城

一座。以為捍禦。再設卡倫。以瞭望賊踪。儻賊人前來

為數無多。即可迎戰剿殺。若傾其大衆而來。則報知

安西。遣兵應援。合力攻擊。此乃防汛萬全之策。若城

工一時難成。即先添兵丁。為冬月預防之計。一切事

宜著大將軍岳鍾琪。即行定議舉行。若岳鍾琪已領

兵進剿。即著副將軍等。公同會議辦理。

平定遠疆方略卷之十四

十一

命寬副都統格默爾。擅離汛地之罪。

上諭大學士等曰。駐劄柴達木副都統格默爾。擅離汛

地。領兵欲回西寧近邊地方。甚屬悖謬。理應以軍法

從事。朕念其派遣弁員。追擒青海叛賊諾爾布。著免

死革職。令往騰格里卡倫効力贖罪。

丁卯。

命達鼐等防範賊人來投噶斯路者。

上諭大學士等曰。傅爾丹從前奏稱。準噶爾被擒之賊

人丹巴。曾供噶爾丹策零之妹夫羅卜藏策凌。帶領

所屬三千餘戶。來投噶斯一路。曾降諭旨。與達鼐等

問明緣由。令在有水草之處。暫行安置。今情形甚屬

可疑。不可墮其術中。著密諭達鼐。佛保德成等。令

其加謹防範。不可妄動。

戊辰。

平定遠疆方略卷之十四

十二

命撥兵防護四十九旗游牧地。

上諭大學士等曰。四十九旗扎薩克游牧之地。甚屬緊

要。今派京城八旗滿洲蒙古兵六千。右衛歸化城兵

二千。自烏朱穆秦以及烏喇特。數扎薩克處。派兵三

千。共派兵一萬一千名。著於八月起程。九月間。纔至

烏喇特游牧地方。後戈壁前。適中處駐劄。令其防護

游牧地方。此所派扎薩克之兵著王扎木巴勒扎卜統轄。每旗各派出協理台吉同往。科爾沁等旗派兵

六千。盛京派兵五千。俱繞至科爾沁迤西游牧地方

後駐劄。其駐防烏喇特等處之兵著都統穆森管領

前往。副都統薩穆哈協同管轄。其科爾沁兵著王羅

卜藏袞布。貝子喇什。公噶爾弼管轄。每旗各派大台

吉同往。盛京兵丁著尙書海壽統轄。副都統博第黑

平定準噶爾方略前編卷之三

十三

龍江副都統多起納協同管轄。尋大學士等議以所

選京城滿洲蒙古兵六千。每旗應遣護軍叅領

一員。副護軍叅領二員。委署護軍叅領二員。護

軍校七員。轄之。奏入。

上從之。

上諭大學士等曰。陝西西安巡撫武格著來京。有交辦

事件。侍郎馬爾泰著署理西安巡撫事務。杭奕祿協

辦西安軍需。其宣諭化導之事交與史貽直鄭禪寶

分辦。

己巳。命撥荆州兵駐劄西安。

上諭大學士等曰。湖廣荆州兵丁著派一千名。令副都

統觀音保帶領前往西安駐劄。步軍統領阿齊圖有

事差往巴里坤軍營。其印務著莽鵠立署理。

平定準噶爾方略前編卷之三

十四

庚午。

上諭大學士等曰。羅卜藏喇錫統領之札薩克兵丁及

盛京烏拉等處之兵。從前曾令其至順承郡王軍營

駐劄。此內若有已到軍營者。即駐劄彼處。其未到者

著在塔米爾地方會同一處駐劄。盛京吉林黑龍江

之兵。著額爾勤統轄。烏察喇王常協管。

預籌西寧調撥兵丁

大學士等奏言西寧最為要地。調兵駐防所當預為籌畫。今莊浪乃西寧肅州之要路。若增兵二千可供調撥。應於西安駐防之江寧河南滿洲兵內撥一千名。直隸河南之綠旗兵內撥一千名。往駐莊浪。再令四川預備四千兵中撥一千名。移駐松潘。以備西寧調遣。奏入。

上從之。

平定邊防方略卷之三十四

十五

甲戌。

投大學士忠達公馬爾賽為撫遠大將軍。赴軍營。

上諭大學士等曰。大學士忠達公馬爾賽著授為撫遠

大將軍。先於派出京城兵內挑選一千名。輕騎前往

圖拉等處形勝之地駐劄。會同喀爾喀副將軍王丹

津多爾濟等辦理喀爾喀游牧。及一切預備防守事

務。副都統達爾濟富昌著同大將軍馬爾賽前去。續著侯馬蘭泰副都統胡琳帶兵一千名前去。其餘兵四千名俱著預備停妥。俟大將軍奏請調遣時再令前往。八旗漢軍內派兵四千名。著都統李杕祖秉衡帶領前往。四子部落後面水草茂盛之處駐劄。以備調遣。其派出右衛及歸化城之兵各一千名。俱暫在本地預備調遣。其餘兵丁若有調遣之處。著馬爾賽會同丹津多爾濟商酌辦理。又

平定邊防方略卷之三十四

十六

諭曰。新挑驍勇弁兵一百名。著副都統敦巴帶領五十名往駐噶斯。留五十名隨大將軍馬爾賽前往。每名各賞銀二百兩。

乙亥。

命減科爾沁扎薩克原派兵丁。

上諭大學士等曰。前派出科爾沁扎薩克等處兵丁共

六千名在各游牧處駐劄。恐一時未能會集。著減去二千名。止派四千名預備。

借給甘涼等處新募兵丁餉銀。并增設教演弁員。

甘肅提督宋可進疏言甘涼西寧三處新募兵七千。前貧丁請借給餉銀於四季扣償。並請每兵一千。增設千總二員。把總四員。與外委千把

分領教演。戶部議覆如所請。奏入。

上從之。

寧遠大將軍岳鍾琪請自西路擊賊。

岳鍾琪奏言七月初五日。北路都統袁泰等咨稱。準噶爾賊人以全力北犯。圍靖邊大將軍傅爾丹於和通淖爾。臣思傅爾丹及從征官兵奮力勦殺。自必破圍取勝。惟是賊夷傾眾犯北。必

平定準噶爾方略前編卷之五

七

以往年西路被擾。駝馬缺乏。有輕視西路之心。

臣請率精兵乘此時襲擊烏魯木齊。彼恐我師搗其巢穴。自必撤北路之兵。反顧伊犁。我軍既挫其鋒。即旋師休息。是不待戰而賊已疲勞。臣不敢坐失事機。今率叅贊提督紀成斌理藩院侍郎顧魯公。袁布都統根敦總兵官張元佐。王緒級等前進。其軍營諸務暫交副將軍石雲倬辦理。奏入。報

聞。

丙子。

諭順承郡王錫保慎籌喀爾喀等處戰守機宜。

上諭大學士等曰。據順承郡王錫保奏稱。喀爾喀游牧之處。俱已安頓妥協。兵丁亦漸次到游牧之界。喀爾喀三路副將軍各思効力。臣等將禦賊守城之策。會

平定準噶爾方略前編卷之五

十八

同商酌預備等語。觀此順承郡王錫保等辦理防範。

甚屬有方。但須謹慎之中。愈加謹慎。賊人到科卜多。

修城之處。儻不行力戰。或暫時圍繞。待我策應之師。

以施誑誘之計。順承郡王喀爾喀副將軍等切勿前。

往策應。致墮賊人術中。伊等止應防護喀爾喀游牧。

並看守察罕度爾地方。此最緊要之事。果能固守。卽

伊等之功矣。若賊人久圍科卜多不去。可俟各路兵

平定邊防方略編卷三十一

十九

丁俱到察罕度爾之時。錫保等於喀爾喀兵丁及防

戍蒙古兵丁內挑選二三千名。給與馬匹。分爲數起。

晝夜前進。或尾賊後。乘機將賊人馬駝盡行趕出。隨

得隨殺賊人牲畜。日漸虧損。自然逃遁矣。但須防其

知覺來追。預思保全之策。無得鹵莽。再我兵果蒙

天眷。敗退賊衆。亦斷不可深入追擊。賊人逃遁後。凡應

行看守之處。尤宜嚴加防範。若賊衆被我兵擒獲。或

力窮來歸。除兇悍必不容赦者之外。其餘稍有可原。

卽從寬宥。斷不可因我兵受害之故。妄行殘虐。以圖

洩憤。至喀爾喀等現在南遷游牧。兵丁赴察罕度爾

者甚衆。所帶糧糗未必敷用。且需火藥鉛彈等物。查

察罕度爾所有穀石羊隻等物甚多。量我軍足用存

備外。著錫保酌量賞給喀爾喀兵丁。使之充裕。勿存

妄費錢糧難於銷算之見。朕斷不因所費過多。卽加

平定邊防方略編卷三十一

二十

譴責也。將此傳諭順承郡王錫保知之。

免黜達什策凌貝勒爵。

副都統達鼐等奏言。貝勒達什策凌就擒。自言

年幼多病。聞諾爾布擾臺掠馬時。我旗之墨爾

根。阿里克鄂木布等與俱。大恐。於六月八日隨

母遷居游牧。內圖古里克之地。卽告之王益蘇

克汪扎爾。遣人擒墨爾根等。非敢遁逃。臣思達

什策凌之伯父貝勒達顏其父貝子噶爾丹戴青諾爾布皆實心報効其伯父歿封達什策凌為貝子其父歿。

皇上施恩合兩爵加封達什策凌為貝勒兼管扎薩克乃不知感恩仰報無故潛逃請奪達什策凌貝勒爵或降封貝子或降封公伏候

聖裁奏入得

平定準噶爾方略前編卷之三十四

三

旨達什策凌年幼無知聽信謠言畏懼遷移並非有意逃遁且值王盆蘇克汪扎爾追趕即迎前陳訴又將伊屬下掠馬之人拿送達什策凌從寬免其革去貝勒。

丁丑。

優賞柴達木駐防兵及青海扎薩克等更戍將卒。

上諭大學士等曰駐防柴達木兵丁等前因遺失口糧

借過西寧西大通二鎮官兵一個月米麵著將此賞給免其扣除還項又

諭曰據副都統達鼐侍郎衆佛保奏稱青海之札薩克等現在聚兵七千名但器械馬匹未能齊備請揀選三千名令其一年一換等語朕所以聚此兵者特為保全伊等家口及游牧之計非為征伐調遣之用也其生計情形從前俱未聞知今據達鼐等陳奏朕心

平定準噶爾方略前編卷之三十四

三

甚為惻然俟從容料理必有加恩之處今所聚兵七千名著選派二千名照朕從前所降恩旨官員賞給半年俸銀兵丁賞銀五兩一年一次更換其更換之官兵亦照此賞給至兵丁駐防日久盤費未必接續著賞給茶葉緞布等項及每月所食之青稞再撥回之兵丁四千名官員等著賞給三月俸銀兵丁等賞銀三兩令其各回游牧之所準噶爾賊人或來騷擾

青海之游牧不可不防。朕意欲將伊等游牧豫行從容遷移。擇妥協之處居住。著伊等會同詳議辦理。賊人由遠路前來。一無所得。不待戰而力盡矣。我內地兵丁與賊交戰時。青海二千兵丁。但追襲賊後。量力將賊人馬匹趕出。所得之馬匹。即著賞給趕出之人。仍計所得馬匹之多寡。另行加恩議敘。

己卯。

平定回疆方略卷三十四

三

命副都統佟時茂劉汝霖偕李杓等率漢軍步兵四千名。赴北路軍營。

加恩北路軍臺効力官及各蒙古。

上諭大學士等曰。北路軍臺人員。殊屬勤勞。應大沛恩膏。此內廢員甚多。其因何事革職情由。並坐臺已經幾年之處。交吏兵二部查明。分晰呈覽。朕看其情由。或令開復。或行寬免之處。另降諭旨。其坐臺已逾二

年者。俱著另委人員更換。至在臺各蒙古。俱著加恩賞賜。

命以原任吏部右侍郎阿克敦為額外內閣學士。隨撫

遠大將軍印。

庚辰。

議撤科卜多駐防兵。移駐察罕度爾等處。

上諭大學士等曰。從前令在科卜多地方修城。原有駐

平定回疆方略卷三十四

三

兵進剿之意。今宜以保固疆域為要務。賊退之後。將科卜多駐防兵丁悉行撤回。令於察罕度爾扎卜堪等處駐劄。近於喀爾喀之游牧。便彼此易於策應。著行文大將軍傅爾丹順承郡王錫保會同喀爾喀副將軍等定議具奏。至科卜多兵丁。或乘青草即行撤回。或俟阿爾台嶺下雪之後。徐徐撤回。令伊等公同酌量料理。

宣諭青海王貝勒等

上諭青海王貝勒貝子公台吉等曰爾等俱係顧實汗之子孫自祖宗以來依附內地邊疆恪順恭職我

聖祖仁皇帝視爾等如子孫撫育六十餘年寵遇之隆

至優極渥且念爾等尊崇黃教是以我朝於達賴喇

嘛班禪額爾德尼備極恩眷若準噶爾者暗遣賊兵

侵犯西地殺害喇嘛毀滅供器實為黃教之罪人爾

平定準噶爾方略卷之三

七

等倘違棄先人崇祀之教辜負國家歷沛之恩一家

之內典起兵戎以啟賊人僥倖之端雖愚昧之人亦

不出此前者羅卜藏丹津聽信流言敢行背叛我朝

發兵征剿逃竄在準噶爾處困苦辱耻爾等無不聞

知今爾等若到彼處路途如許遙遠馬畜必致疲弊

彼豈能為爾等置立產業分與游牧地方令爾等各

統所屬依然保聚乎况準噶爾四面皆成讎敵終歲

爭戰不休凡用兵之處必置爾等於前虐使任意豈

若各守祖父基業永享太平之為得乎爾等若不熟

計利害聽伊誑誘之詞依附賊人妄思蠢動將來與

師問罪必先及爾等彼時即欲悔禍國法不爾貸也

朕所以頻降諭旨反覆開導令爾等會集兵丁小心

防守將屬下人早行移入者實冀保全爾等非欲調

遣爾等為進剿之用也爾等當思朕愛護安全之至

平定準噶爾方略卷之三

天

意詳細曉諭屬下人等合行防範果能遵旨奉行朕

自大沛恩膏爾等游牧妻子既無吞併之憂而中外

安居亦永享無窮之福矣

辛巳

擢鑲藍旗漢軍叅領諾爾琿為兵部額外侍郎赴北路

軍營

甲申

靖邊大將軍傅爾丹奏與賊戰於博克托嶺等處。

上命加意防守。

先是傅爾丹奏言臣等於六月九日進兵。二十日遇賊二萬餘。戰累日。賊踞山扼險。遂移營和通淖爾。晝夜力戰。殺賊數千。賊益兵逼我營。我軍拔圍且戰且走。遂渡哈爾噶納河。於七月朔至科卜多築城處。以索倫等兵逃歸者訛言都統袞泰遂奏全師失利。今聞賊人從科卜多河兩路來犯。臣方經理防守之事。奏入得。

平定回疆方略卷之三

七

旨前據北路都統袞泰等奏報大將軍傅爾丹等領兵進剿。為賊所困。全軍失利。彼時已傳諭西路大將軍岳鍾琪令其加意防守。今據傅爾丹奏稱官兵為賊誘敵。臣於七月初一日帶領兵馬回至科卜多軍營。

平定回疆方略卷之三

天

等語。是從前北路逃軍所報。竟屬子虛。不過兵馬有傷損之處。大將軍等原無恙也。可即傳諭岳鍾琪知之。總之目前進兵之議。且不必言。而防守之策。倍當加意。著大將軍等照近日諭旨謹慎辦理。至是又奏言臣等於六月十七日獲厄魯特偵者二十三人。供云博克托嶺有賊二千。駝馬萬餘。臣遣叅贊蘇圖副都統戴豪等率兵三千往剿。十八日遣前鋒統領丁壽統兵一千五百為援。與賊戰於庫列圖嶺。殺賊四百餘。賊驅駝馬踰嶺敗遁。十九日丁壽蘇圖等與臣合兵。二十日賊兵二萬餘從高埠衝突我營。力戰一日。又殺賊千餘。副都統塔爾岱馬爾齊率兵二千奪據西山。二十一日見賊營險隘。移營於和通淖爾。遣丁壽蘇圖叅贊覺羅海蘭副都統常祿西彌賴領兵。

據山梁之東。塔爾岱馬爾齊據其西。副都統承保居中策應。叅贊馬爾薩由東路。公達福戴豪在前。副都統舒楞額土默特公沙津達賴等在後。兼護行營。臣傅爾丹統大兵繼進。移營時賊人列陣衝丁壽塔爾岱兩軍。丁壽等力戰。殺賊千餘。忽大風雨雹。丁壽等遂為賊圍。臣遣兵援塔爾岱出之。又令承保援丁壽等。會日暮。圍未解。二十一日覺羅海蘭突圍而出。丁壽蘇圖馬爾齊俱自盡。常祿陣亡。西彌賴命索倫兵援丁壽。索倫兵潰。西彌賴亦自盡。二十三日賊晝夜犯臣大營。力戰殺賊五百餘。土默特公沙津達賴等及察哈爾等兵皆潰。惟滿洲兵四千不動。二十四日隨印侍郎永國及覺羅海蘭戴豪俱自盡。臣等以兵退步設方營。保護輜重。以塔爾

平定準噶爾方略前編卷之三

元

岱著前鋒統領。達福舒楞額殿後。承保統右翼。馬爾薩統左翼。臣傅爾丹與副將軍巴賽查弼納往來巡軍。副都統德祿捧勅印啟行。賊人三萬四面攻我。二十五、二十六兩日。力戰殺賊千餘。二十七日。殿後公達福歿於陣。二十八日。臣等渡哈爾噶納河。賊人尾追。衝突左翼。力戰殺賊五百餘人。遂登山嶺。分兵為二。臣傅爾丹率德祿承保自右而下。巴賽查弼納舒楞額自左而下。臣傅爾丹於七月一日至科卜多修城處。我兵陸續歸營。共二千餘人。臣傅爾丹遣將士往迎未歸諸將。惟塔爾岱於初七日負傷至營。餘尚未至。臣輕舉妄動。以至敗績。請以臣等正法。用彰國憲。奏入。得

平定準噶爾方略前編卷之三

三

古此舉損兵敗績。雖屬有罪。朕覽爾等之竭蹶力戰。寬

恕其罪。痛惻難忍。不覺淚下。將朕親束之帶賜與軍營。令傅爾丹繫之。爾等忿激之下。急思報復。恐又妄動賊人。雖來不可輕進。追擊。但能相機堅守。卽爾等之功。科卜多地方若難固守。可回至察罕度爾駐劄。今已授馬爾賽爲撫遠大將軍。領兵前來。到時爾等公同商酌料理。

平定準噶爾方略前編卷之五

三

平定準噶爾方略前編卷之二十五
雍正九年七月丙戌。

上諭大學士等曰。吉黨阿著授爲護軍統領。同欽拜帶領右衛兵丁。前往北路軍前。費雅思哈阿福塔齊什鄂爾多巴什等俱賞給原銜。給與俸祿。著同庫齊圖隨漢軍兵丁。前往視看道路水草。齊什到京後。俟馬蘭泰帶領兵丁起程時。一同隨往。又

平定準噶爾方略前編卷之三

一

諭曰。原任盛京戶部侍郎傅鼐著調回。往軍營効力。免治土默特副都統袁布等妻子罪。

靖邊大將軍傅爾丹奏。請治臨陣逃避弁員之罪。又土默特副都統袁布營總拉察卜叅領塞楞肯

恩降賊。情罪尤重。請先以其妻子正法。

上諭大學士等曰。傅爾丹奏稱歸化城之土默特副都

統衮布營總拉察卜叅領塞楞背恩降賊請將其妻
子按律正法等語朕思歸化城土默特等世受國恩
凡遇用兵之地奮勇効力已歷多年總未有一背國
降賊之人今衮布等不顧辱及祖父累及妻子貽羞
於衆土默特縱按律處治罪所應得朕今法外施恩
衮布等之妻子從寬免死仍令伊等照舊安居著行
文與丹津將此悉諭土默特弁兵知之

丁亥

平定準噶爾方略前編卷之三

二

上諭大學士等曰康親王崇安今於八月二十一日起
身前往軍前著賞給內庫銀一萬兩其隨往該屬人
員照順承郡王出征之例賞給應得馬匹照定例折
價交與該王辦理又

諭曰馬蘭泰曾經委署前鋒統領帶領滿兵今滿兵既
暫停起身馬蘭泰著同漢軍兵丁前往其卡倫等處

行走之滿兵令馬蘭泰專轄又

諭曰八旗漢軍官兵應扣未完車本銀兩著悉行寬免

己丑

訓諭西路軍營防邊破賊事宜

上諭大學士等曰西路防禦賊人之事已屢經降旨與
大將軍岳鍾琪等預為留心料理但禦賊之道務須
計出萬全朕披覽輿圖見軍營至肅州中間甚為遼

平定準噶爾方略前編卷之三

三

闊而邊外一帶如赤金柳溝金塔寺沙州瓜州等處
散處之民人甚多牲畜亦衆萬一賊人乘其不備而
侵擾之則巴里坤之大軍何可分勢於各路堵禦凡
此黎元皆吾赤子橫被擄掠荼毒於心實為不忍况
搶奪民人之牲畜即可為賊衆之口糧則與我疲敝
賊人之計亦大相左矣朕意當令居民預度就近可
居之地一聞賊信即遷移以避之務期免其侵害若

從前駐兵之處。有應添兵力以保護百姓者。亦著大將軍卽行調撥。但不可分大營之兵勢。總之使賊人此次遠來。一無所獲。所謂不戰而屈人之兵也。但須善於奉行。安慰民心。勿使驚惶疑惑以致失所。此朕惟恐邊外居民被賊侵害。預籌防範之大槩也。至於用兵之道。固以防邊固本爲先。而機會可乘。亦不可失。若但堅壁自守。聽其肆行無忌。雖有可乘之機。仍

平定張勇略略卷之三

四

復拘泥成見。則又恐賊勢猖狂。將來何所底止。今冬西路旣已預備。賊衆若來。我師以逸待勞。以靜待動。大將軍外觀形勢。內度己力。儻有可乘之機。或發兵出擊以挫其鋒。或堵禦隘口以遏其路。或暗中埋伏以出其不意。或趕逐馬匹以驚其衆心。亦足使賊人喪膽。但萬萬不可輕舉遠逐。以分兵勢。大將軍只在大營調度。不可親身前去。副將軍等亦酌量行之。擊

平定張勇略略卷之三

五

賊之時。賊人以馬兵前來。我師以步兵出擊。實勝于馬兵。禦敵不可棄長就短。是以現在添派北路兵丁。朕將漢軍步兵四千名派往。大將軍等當共知此意。則派撥各得其宜。且使衆人各効其所長。而大功可成矣。朕又細思西北兩路大營。乃防邊擊賊之根本。若果兩路大營堅固整齊。不爲賊人所搖撼。則彼必瞻顧徬徨。恐我軍截其歸路。掃其巢穴。不敢肆行無忌。卽如今春之率衆潛歸。不敢久留西路者。恐北路之兵襲其後路也。此番六月之不敢逼近科卜多軍營者。又恐西路之兵搗其巢穴也。目前賊旣得志於北路。伊知北路兵力不能進取。則今冬仍往西路。且增添賊衆更多於侵犯北路之力量。俱未可知。總在大將軍先事圖維。臨時權變。勿貪功前進。勿坐失機宜。斯爲美善。又如賊人侵犯劫掠。多在風雨陰晦之

時此際天氣潮濕。鎗礮之火藥難出。弓箭之力量軟懈。二者均未便利。當多備手鎗挑刀等械。以為擊賊之具。可助鎗礮弓矢之力。將此傳諭岳鍾琪等知之。

八月辛卯。

議撥兵駐劄圖拉克爾倫等處。

上諭大學士等曰。四十九旗扎薩克游牧之地。甚屬緊要。科爾沁等處游牧兵丁。著派數千名。駐劄圖拉克

平定準噶爾方略前編卷之三十五

六

爾倫等處。現在軍前扎薩克兵丁。著撤回數千名。與伊等合為一處。盛京兵亦派二千名。共一萬有零。賊來侵擾喀爾喀等游牧處。可以照管。爾等會同科爾沁王額駙羅卜藏滾布等詳議具奏。尋議選派科爾沁十旗兵二千名。敖漢等十一旗兵二千名。烏朱穆泰十一旗兵一千名。軍前撤回兵四千名。合盛京派出兵二千名。共一萬名。遣官管轄。給

與糧餉如例。往駐克爾倫捍禦。奏入得

旨。此等處兵丁。俱行選派。暫在該處預備。聽候調遣。

丁酉。

訓諭青海蒙古及諸番夷。

上諭青海蒙古及番夷人等曰。朕統御萬方。凡中外民人。皆一視同仁。莫不欲使之得所。爾等沿邊番夷及青海蒙古。同受國家撫綏保護之恩。並無歧視。目今

平定準噶爾方略前編卷之三十五

七

準噶爾賊人。窺伺邊境。或將來侵擾青海蒙古。而黃河以南之蒙古。畏避賊鋒。投奔近邊番夷之地。亦未可定。爾番夷等。須留心照看。切勿因向日曾有嫌怨。乘其危急。而加以戕害。若蒙古中有不法之徒。搶掠番人者。許番人用力抵禦。不必退縮。將來事定之後。朕自然以理斷其曲直。分別賞罰。番人蒙古。皆朕赤子。果能遵朕諭旨。彼此相安。同受朝廷之恩澤。方是

爾等之福。思之思之。

高齊特扎薩克多羅郡王阿噶尼斯達卒。以其子策凌喇卜坦襲爵。

庚子。

諭定康親王崇安赴軍日期。並議駐兵處所。

上召入出兵王大臣等。諭曰。康親王本月二十一日。不

必起程。朕另定日期。著王諭所屬人等。愛惜馬力。相

平定邊疆方略卷之三

八

擇水草。從容前往。推河等處。大將軍馬爾賽到軍營

後。或令康親王駐劄克爾倫地方。管轄扎薩克盛京

等處兵丁。或將扎薩克兵丁。派數千名。滿洲兵內之

懦弱者。派數千名。駐劄圖拉扎克拜達里克等處。令

康親王管轄。著大將軍馬爾賽順承郡王會同定議。

諭吐魯番固守事宜。

上諭大學士等曰。據副將軍石雲倬奏稱。七月十三四

等日。有準噶爾賊人。侵擾吐魯番。副將王廷瑞等分

兵迎敵。與賊連戰屢勝。生擒賊人七名。殺賊二百餘

人。獲軍器馬匹。不計其數等語。王廷瑞分兵迎賊。甚

屬孟浪。此番賊衆不過二千人。王廷瑞等幸獲小

勝。不但不足為喜。朕更為吐魯番憂之。賊人屢被吐

魯番之敗創。其懷恨益深。必復以大衆報復。石雲倬

可速傳旨。曉諭吐魯番。嗣後賊人來犯。但當堅守城

平定邊疆方略卷之三

九

垣。不可迎戰。若魯克察克一城。可以容住回民人衆。

則合防守之官兵。堅守一城。愈妙。如一城不能容住

多人。則別住於相近之喀喇和卓等處。將馬匹牲畜

速行收拾城中。柴草預為多貯。以備應用。賊衆若分

兵來圍。彼此堅守。堅壁清野。俾賊人無所施其伎倆。

且有大軍襲其後。奪取其馬匹。坐致疲敝。自必遠遁。

亦不可追逐。賊衆長於騎射。吐魯番如於馬上比決。

勝負。則回民十不及賊人之一。若固守城垣以拒敵。賊人亦十不及回民之一。用我之長。乘賊之短。此萬全無弊之道也。凡事持重鎮靜為之。但能保護吐魯番城垣人眾。其功勝於殺賊多矣。

辛丑。

諭漢軍兵牧馬行軍事宜。

上諭大學士等曰。此次派往軍前之漢軍兵四千。分作

平定準噶爾方略前編卷之三十五

十

四隊前往。第一隊著都統李杅統領。二隊著副都統佟世茂統領。三隊著副都統劉汝霖統領。四隊著都統祖秉衡統領。漢軍人等不善牧養馬匹。貝子僧衮扎卜公羅卜藏策卜登帶領前往之喀喇沁一千兵。亦著分為四隊。派入漢軍兵內。凡漢軍牧養馬匹。與行軍事宜。令其指示。著叅贊侯馬蘭泰管理火器營。兵部侍郎諾爾琿沿途照看。在推河地方過冬。俟明

年草生時。著大將軍馬爾賽另備馬駝。接迎漢軍兵丁。將伊等原乘馬匹。交與喀喇沁兵。暫行牧養。此喀喇沁兵。著僧衮扎卜等統領。在推河駐劄。俟大將軍到時。調遣而行。

命舉有功軍校。署遊擊守備等官。

署陝西總督查耶阿奏言。陝甘二省。值軍興之際。一切領兵差委。需用將佐甚多。仰懇

平定準噶爾方略前編卷之三十五

十

勅部揀發遊擊十二人。守備十二人。赴陝備用。奏入。得旨。凡在京引見之武弁。稍有可用者。朕即分發各省。以備題補委署之用。安得尚有餘剩人員數十名之多。朕思上年冬月。陝西固原提督樊廷率領弁兵。擊敗賊眾。懋著勞績。朕已諭令各回內地。營汛休息。以示恩恤。凡此有功之人。自有材技優長。可膺超擢者。著查耶阿問明樊廷等。秉公揀選。若果奮力行間。人材

可用。卽以微弁兵丁題補委署遊守等缺。亦可不必以越等為嫌。務期舉用公當。以副朕獎勞賞功之至意。

封喀喇沁固山貝子僧衮扎卜為多羅貝勒

癸卯

靖邊大將軍傅爾丹奏言臣世受

國恩。有逾高厚。復蒙

平定邊疆方略卷之三

三

皇上榮施望外。授以大將軍重任。耳提面命。訓諭周詳。

臣不能遵奉

聖訓。妄動輕舉。損折將士。辜

恩負罪。非惟國法不可緩死。卽臣心亦難以偷生。今

皇上不卽加誅。降

旨慰諭。復加賞賜。實從古未有之

鴻慈。但臣此次進軍失利。兵弁被傷。臣於時若不鼓

勵將士收軍而回。轉使賊人得計。乃與副將軍巴賽查弼納等籌議。力衛餘軍。奮兵轉戰而出。至建城之處。以待國討。今臣已至城所。安置哨站。並傳諭喀爾喀副將軍等。令其運糧固壘。以息將士。招集商人。謐寧蒙古。諸務悉已就緒。伏乞

皇上速遣賢將統率大軍。將臣調回。同臣妻子一併正

平定邊疆方略卷之三

三

法。以昭國憲。奏入得

旨。朕從前諭旨甚明。朕之處事。豈肯不持大義。以定是非。而聊為此目前慰勉之理。惟輕信賊言。冒險深入。中賊詭計。是爾之罪。至不肯輕生自殺。力戰全歸。此爾能辨別輕重之處。事定之後。朕自有辦理之道。爾若念慮紛擾。以致血氣消耗。不能報讎雪恥。上損國威。下玷家聲。罪尤甚焉。爾其勉勵勇氣。安心敬攝。計

圖遠大以答朕恩。

丙午

議科卜多察罕慶爾等處駐兵事宜。

靖邊大將軍傅爾丹奏言科卜多修城處所當

奇蘭及庫列圖二道要隘。又逼近布拉罕大路。

且旁通阿爾台小路處甚多。實為險要之地。今

臣至修城處所時。其城已築高至五尺。此際現

平定準噶爾方略前編卷之三

十四

令綠旗兵等。加力修築。令高一丈。合計築城共

高至一丈五尺。其餘防守事宜。已為堅固。但周

圍十有二里。甚屬遼闊。現兵一萬五千九百餘

名。僅足支守城之用。應再於城垣左右。增兵守

隘。庶賊來可資攻禦。計修城處所。距察罕慶爾

一千四百餘里。難於策應。伏乞

皇上勅令盛京吉林黑龍江內扎薩克等處撥兵前往

駐防。於軍務實有裨益。奏入。

上諭大學士等曰。據靖邊大將軍傅爾丹仍欲令兵丁

在科卜多地方駐劄防護。爾等會同入將軍馬爾賽

將應駐應撤之處。確議具奏。再將查克旦率領駐劄

庫卜克爾地方兵丁。應否撤於察罕慶爾之處。一併

議奏。尋議。科卜多所駐之兵。遠隔察罕慶爾千有餘

里。勢難捍衛。察罕慶爾地近喀爾喀游牧。如令

平定準噶爾方略前編卷之三

十五

大兵會集駐劄。不惟軍威強盛。而防護亦有裨

益。應撤回科卜多兵。駐劄察罕慶爾。其庫卜克

爾兵亦應撤往。奏入。

上從之。

上諭理藩院曰。青海扎薩克一等台吉恭格。効力有年。

前羅卜藏丹津叛逆時。在哈瑪爾嶺奮勇殺賊。今又

追擒諾爾布。著加恩封為公爵。

戊申。

命護軍統領馬拉自藏回京

上諭大學士等曰從前降旨令馬拉回京今藏內現有

僧格包進忠邁祿青保苗壽等數人辦理事務馬拉

著遵前旨回京一路防衛兵丁或四五十名或百名

馬拉酌量帶回謹慎行走

命停土爾扈特使臣往西藏

平定藏事方略卷之五

六

上諭大學士等曰爾等行文與乘格土爾扈特之使臣

若至彼處暫且不必令往西藏著在達賴喇嘛處居

住若已過去亦著追回伊等日用之費著四川督撫

寬裕給與

諭西藏貝勒頗羅鼐嚴備準噶爾

西藏貝勒頗羅鼐等奏報準噶爾欲送回拉藏

之子蘇爾雜於西藏立以為汗得

旨準噶爾殺害拉藏將其子蘇爾雜擄去今稱送回西

藏我兵須嚴為防備從前策妄阿喇布坦遣策零敦

多卜襲西藏時亦誑稱噶爾丹丹津同其女來藏乘

其不備進兵襲取藏地今送回蘇爾雜之言正噶爾

丹策零施行姦計若唐古忒部落少為玩忽即蹈從

前策零敦多卜之故轍矣進噶爾賊人既殺拉藏豈

有實心將蘇爾雜送回西藏令代父職之理著頗羅

平定藏事方略卷之五

七

鼐將此情由曉諭衆唐古忒知之準噶爾賊人揚言

發兵五千護送蘇爾雜道途險阻全軍豈能齊到目

今西藏有內地兵丁二千名換班兵丁五百名又駐

防察木多兵一千名現催來藏爾處亦有訓練蒙古

兵丁應與駐劄西藏大臣會同商議於阿里哲斯肯

圖魯克勒底雅等處要隘遠設卡倫詳加瞭望協力

防守準噶爾賊衆若以兵隨蘇爾雜斷不可容留即

迎戰擊退。賊敗走時亦斷不可追襲。蘇爾雜父兄被

人殺害。伊豈不忿恨。若果思報讎。並感戴朕恩。帶領

數人。恭順來歸。爾等收留。悉心安頓。至若立汗之事。

當令達賴喇嘛。禪額爾德尼。奏聞於朕。方可建立。

豈可令噶爾丹策零。任意妄行。頗羅鼐。原扶助拉藏。

効力行走。後因拉藏被賊殺害。朕令爾料理西藏事

務。爾約束唐古忒。實心効力。是以加恩封爾為貝勒。

平定準噶爾方略前編卷之五

六

今蘇爾雜若果率領數人來歸。爾即行奏聞。候朕另

頒諭旨。

辛亥。

撫遠大將軍大學士忠達公馬爾賽。赴北路軍

營。

上命

皇四子祭告

奉先殿。王以下官員。於西長安門外送行。

上勅諭之曰。奉

天伐罪。治世之常經。鋤暴除兇。安邊之遠略。逆賊噶爾

丹策零者。狂悖冥頑。父子濟惡。妄欲侵凌我屬國。窺

伺我邊陲。包藏逆心。狡焉思逞。朕以此賊不除。終為

衆蒙古之隱患。是以命將與師。聲罪致討。然稱兵耀

武。非朕本懷。臨以天威。許其悔悟。未嘗督責將士。立

平定準噶爾方略前編卷之五

九

事掃除。此朕數年以來。靖固邊圉。撫綏屬國之謨略

也。茲特命爾為撫遠大將軍。統領滿洲蒙古綠旗大

兵。爾其彈壓邊疆。肅清壁壘。申明紀律。鼓勵戎行。鎮

靜以俟機。神明以制勝。持重以固守。整衆以宣威。勿

恃兵強而輕視賊徒。勿謂已能而不納衆論。密偵遠

探。廣意外之防維。先事熟籌。決萬全之勝算。勿冒險

以輕進。勿貪功而深入。各路大兵。及蒙古兵丁。聽爾

調遣。凡遇駐劄處。加謹約束兵將。所過地方。申嚴軍令。毋得騷擾百姓。毋得淫人婦女。毋得離散人之父子夫婦。毋得損壞人之墳墓室廬。毋得強取貨物。毋得驅役平民。其或臨戰退縮。貽誤。擾亂軍機者。文官四品以下。武官三品以下。即以軍法示眾。官兵有犯小過者。徑行處治。有勞必錄。有過必懲。法紀務極嚴明。賞罰悉期公當。賊中有窮蹙來歸者。加意撫恤。其不抗拒官兵者。勿加殺戮。一切機宜。爾酌量調遣。有應知會西路寧遠大將軍者。即行知會。一同辦理。爾其嚴重精詳。殫心奮力。以副朕戡亂靖逆安民綏衆之至意。欽哉。故勅。

甲寅

寧遠大將軍岳鍾琪奏言。臣遵

旨襲擊烏魯木齊。於七月十二日。自巴里坤啓行。經行

平定縣勇營營參三

三

伊勒布爾和碩五百餘里。直至穆壘河。並無賊壘。於二十三日。臣統領大兵。至阿察河。有賊夷數百。來誘我師。臣即直前迎擊。賊人敗走。追至額勒穆克河。有賊三四千人。隔河踞山。分兵為三隊。臣先令總兵官張元佐等。率步兵為右翼。提督紀成斌。率馬兵為左翼。總兵王緒級曹勳等。率兵由中路策應。又令叅將黃正位等。率勇健兵。從北山抄襲賊人之後。官兵爭先並進。攀援山梁。直衝賊隊。自辰至午。盡奪其所據山梁。賊往西遁逃。殺死者無筭。會日暮途險。未可窮追。即劄營留駐。二十四日。奉

平定縣勇營營參三

主

上諭令臣略行襲擊。即撤兵回營。臣追賊夷。距納林河

不遠。計兩日。可至烏魯木齊。而烏魯木齊附近

賊皆遠徙。深入無益。臣於七月二十五日。統領

大兵歸巴里坤。仍按程伏兵禦後。臣遵

首襲擊。并旋師日期。合行奏

聞得

肯岳鍾琪此次領兵襲擊賊衆。進退遲速。俱合機宜。弁兵等鼓勇爭先。同心効力。甚屬可嘉。著岳鍾琪將在事有功之人。分別造冊送部。俟成功之日。一併從優議敘賞賚。其陣亡及帶傷之兵丁。著照例賞卹。

平定準噶爾方略前編卷之五

三

靖邊大將軍傅爾丹奏言。准大學士咨稱。副將

軍巴賽查弼納叅贊馬爾薩副都統舒楞額等。

率兵進剿。至今無信。應查明奏

聞。臣自至科卜多後。詳細訪問巴賽等。總無確音。今有

從賊營回歸之正紅旗前鋒校薩明阿。據稱中

賊刀傷被擒。遇土默特營總拉察卜。云副將軍

巴賽查弼納於六月二十八日。越嶺至一小河。

俱戰歿。又有賊營回歸之正黃旗護軍海壽。係

叅贊馬爾薩傳事之人。據稱六月二十八日。隨

馬爾薩至哈爾哈納河相近紅石崖下。馬爾薩

中鎗陣亡。海壽救援被擒等語。查薩明阿海壽

二人。俱係被擒從賊營回歸。所報屬實。至舒楞

額未得確音。俟查明再奏。奏入。報

聞。

平定準噶爾方略前編卷之五

三

乙卯。

備給赴藏滇兵衣裝糧馬。

上諭大學士等曰。察木多駐劄之雲南兵一千名。令其

前往西藏備用。爾等已行文與總督鄂爾泰及西藏

辦事大臣等。但雲南省城。轉行察木多。路途紆遠。可

行文與駐劄察木多之大員。此旨到日。該員即將兵

丁應用之馬匹衣裝等項。料理齊備。將弁等統領。卽

速起身。按程前進。不必候雲南文書。其一應馬匹衣
裝口糧。俱著寬裕應付。毋得遲誤。

丁巳。

上諭理藩院曰。據青海郡王額爾德尼額爾克托克托
稟奏稱。年力衰邁。請令伊子代伊在軍前行走。額爾
德尼額爾克托克托稟會經効力之人。甚屬可憫。著
將伊子內可以襲替王爵者。指出一人。朕加特恩。封
為長子。令代伊効力行走。

平定準噶爾方略前編卷之五

西

平定準噶爾方略前編卷之二十六
雍正九年秋九月癸亥。

訓諭喀爾喀屬人。

上諭喀爾喀屬人等曰。喀爾喀騎射諳練。丁壯強幹。勇
於戰陣。厄魯特不嫻騎射。性懦弱而誇張。惟長槍是
賴。一經敗北。不敢回視。後因喀爾喀傾心經典。惟以
尊崇佛教為事。不習技勇。而厄魯特巧詐性成。乘爾
七旗不備。突然加兵。是以被其攻擊。不能保全。遂至
失所。當圖謝圖汗哲卜尊丹巴胡土克圖奔赴

平定準噶爾方略前編卷之五

一

聖祖仁皇帝請救時。

聖祖憐念。從前恭順納貢。收留養贍。安插內地。其喀爾
喀各頭領。仍照向來等次。晉封汗王貝勒貝子公台
吉扎薩克。加恩賞給俸祿。令各回原處居住。安享康
樂。迄今已三四十年矣。從前大兵於烏蘭布通地方

擊敗噶爾丹。噶爾丹復來犯克爾倫地方。

聖祖親統兩路大兵。征剿噶爾丹。於圖拉地方被我兩路大兵擊敗。勢窮力竭。奔至薩克薩圖古里克地方。死亡殆盡。其後因策妄阿喇布坦煽誘離間。意在收取喀爾喀。

聖祖洞悉其情。保護喀爾喀。於疆界處駐兵。十有一年。又以準噶爾逼近喀爾喀。不免侵擾。命大兵踰阿爾

平定準噶爾方略卷之三

二

台深入額米爾齊爾地方。再三掃蕩。厄魯特肝膽俱碎。今知噶爾丹策零。又欲侵擾喀爾喀。朕於扎克拜達里克及察罕庫爾等處。不惜千萬糧餉。添兵數萬。特為喀爾喀耳。邇來北路軍前將軍大臣等。輕兵進剿。未及深察地利。頗為失律。然鏖戰十有餘日。殺傷賊人數千。行軍勝負。乃其常事。聞爾喀爾喀。以宵小捏傳準噶爾賊由科卜多烏蘭古木地方兩路來犯。

之語。坐臺喀爾喀竟各棄牲畜。搶奪驛馬。離站四散。

爾喀爾喀各台吉。感恩効力。朕所深知。爾等屬人。止據流言。遽爾驚竄。何懦怯之甚歟。爾等試思之。準噶爾賊人。盜取馬匹。而外不敢與勁敵曠日持久。計其人眾。不過三四萬。內地大兵數萬。現駐爾地西疆。何必畏懼退縮乎。今準噶爾賊動。日往食懦弱喀爾喀。卽此一言。豈丈夫之所堪受。昔日噶爾丹攻擊爾等時。和托輝特根敦貝子錫卜推哈坦巴圖魯等。尾隨噶爾丹。擊敗準噶爾。取其馬匹駝隻。和托輝特亦喀爾喀部落人也。爾等何不效法之。嗣後喀爾喀各部人。將朕所降諭旨。各銘於心。凡遇行陣坐卡。殿後等處。勇往効力。斷不可上負。

平定準噶爾方略卷之三

三

聖祖及朕深恩。並貽羞於爾部主。不過數年勞瘁。便可永息兵革。常享安樂矣。其各勉之。

甲子。

寬免青海公拉察卜等。

副都統達鼐等奏言青海公拉察卜原係封為

貝子前因羅卜藏丹津叛亂餘衆俱赴西寧拉

察卜獨逃往喀木降封公爵今又無故逃遁理

應治罪正法但其情因畏懼且追兵一至旋即

迎降可否從寬交與西寧總兵官永遠圍禁其

云定議覆交覽覽卷之三

四

長子察罕喇卜坦預先歸降應請授為扎薩克

一等台吉統轄該旗屬人至與拉察卜同逃被

擒之察罕喇卜坦向為土爾扈特微末台吉相

依親王戴青和碩齊察罕丹津因不從羅卜藏

丹津之逆。

皇上加恩授為扎薩克一等台吉乃無故潛逃於前又

未經迎降於後理應正法但尚未乘亂生事亦

請從寬交與西寧總兵官鎖禁再察罕喇卜坦

之族弟協理二等台吉達爾濟現居駐牧之地

不肯同逃請即以之承襲察罕喇卜坦之扎薩

克台吉則其屬人佐領可不致改隸他人矣奏

入得

旨拉察卜係察罕丹津兄之子察罕丹津効力有年著

將拉察卜寬免交察罕丹津管轄察罕喇卜坦從前

云定議覆交覽覽卷之三

五

征勦羅卜藏丹津亦曾効力并著寬免交伊弟台吉

達爾濟嚴加管束餘依議。

丙寅。

靖邊大將軍傅爾丹奏移科卜多兵駐察罕度

爾。

傅爾丹奏言臣等遵

旨公議率科卜多兵撤回察罕度爾今陸續自賊管回

歸之人皆言賊兵在華額爾齊斯地方。查華額爾齊斯在阿爾台之旁。科卜多城之西南相距不遠。尤與布拉罕路口甚近。今城內所貯官物甚多。萬一率衆還時。賊擾吾後。不可不慮。至官物內可土埋者。惟鐵器。其餘糧二萬三千石。銀八十萬兩。火藥鉛丸。帳房緞布茶葉等。皆軍營要物。約需駝一萬二千隻。方能運載。臣已行文順承親王及喀爾喀三處副將軍。傳集駝隻。到後。臣率兵由科卜多河東北一路赴察罕庫爾。駐劄。奏入報。

平定準噶爾方略卷三

六

聞。

丁卯。

靖邊大將軍傅爾丹奏策零敦多卜擾亂情形。

上命西路嚴設備禦。

傅爾丹奏言。今有海壽巴顏毛勒吹扎木素畢里克圖等陸續自賊營回歸。據稱賊自和通淳爾向西北行月餘。渡額爾齊斯河。大策零敦多卜在華額爾齊斯居住。小策零敦多卜在喀喇額爾齊斯居住。賊兵約有三萬。散駐圖喇托輝及庫克德勒蘇等處。小策零敦多卜意欲退回。大策零敦多卜決計由必濟一路前往擄掠公通摩克。攻取察罕庫爾。至杭愛過冬。謹此奏聞。奏入。得。

平定準噶爾方略卷三

七

旨朕覽地圖。華額爾齊斯離巴里坤甚近。雖隔沙磧。聞雪降冰凍之後。即可行走。現今西路軍營各路俱嚴固防守。似無可慮。但恐賊人自華額爾齊斯過哈卜塔克拜塔克。經由鹽池圖古里克。以盜劫塔勒納沁之牲畜。殊屬可虞。大將軍岳鍾琪。務籌防範。萬全之

策再嘉峪關至巴里坤一路臺站甚為緊要賊若從旁衝入臺站自被其阻隔將此行文岳鍾琪查即知之。

戊辰。

命停伊禮布赴察罕度爾軍營。

上諭大學士等曰前因北路軍管大臣尚少降旨令伊

禮布由阿濟必濟前赴察罕度爾等候大將軍馬爾

至聖鑒覽覽

八

賽今賊人來擾阿濟必濟亦未可定伊禮布不可冒險前行著行文伊禮布令回至巴里坤軍管候旨。

命撫遠大將軍馬爾賽緩赴軍營。

靖邊大將軍傅爾丹奏言賊人犯黃甲舒魯克

之地距科卜多城五十餘里臣已將馬匹牲畜

收入城中固守奏入得

吉人將軍馬爾賽並無軍營急辦事務今賊人又來犯

科卜多地方可行文令其緩行前進若臺站已斷或酌量回來或尋嚴固地方駐劄偵探

已巳。

命順承親王錫保等嚴守察罕度爾地。

上諭大學士等曰賊人來犯科卜多或以全力侵察罕

度爾扎克拜達里克亦未可料著行文順承親王錫

保主丹津多爾濟等保固軍需馬匹并喀爾喀游牧

至聖鑒覽覽

九

處賊人凡有侵掠錫保乃總理調遣事務之人斷不可輕離察罕度爾即有調遣事宜錫保可遣彼處之大臣等領兵前去王丹津多爾濟雖係副將軍亦宜與錫保在一處辦理若無朕旨斷不可輕動

庚午。

訓諭四十九旗扎薩克蒙古等

上諭扎薩克蒙古等曰爾等於

太宗皇帝時卽敬順歸降。創業之際。輔佐効力。至於朕身。受恩四世。爾等感戴之忱。朕所確知。爾等之騎射技藝。亦倍勝於準噶爾。但恐爾等之意。以喀爾喀遠居絕塞。準噶爾卽有劫掠。亦不過及於喀爾喀。爾等可置於度外。不知喀爾喀之王台吉俱係爾等清吉思汗之苗裔。一姓之兄弟也。準噶爾者自元朝背叛。至今世爲爾等讎敵。喀爾喀乃衆扎薩克之屏障。可置於度外乎。從前

平定準噶爾方略前編卷之三

十

皇考親自領兵。在圖拉招摩多地方滅噶爾丹。保全喀爾喀者亦爲爾衆蒙古也。其後策妄阿喇布坦之兵來侵哈密。被我兵擊敗。來擾吐魯番。被我兵剿殺。又暗使策零敦多卜等襲破西藏。

皇考爲爾衆蒙古奉佛之地。遣將興師。破賊定藏。今朕於兩路駐劄大兵。亦爲爾內外之蒙古也。前大將軍

傅爾丹等輕信賊言。領兵深入千餘里。賊人據險來犯。遂至失利。然傷殺賊人。至於數千。亦互有勝負也。嗣後王台吉與弁兵等果能出羣効力。朕自從優議。敘并賜與世襲巴圖魯達爾漢之號。使令名垂於永遠。準噶爾事定之後。干戈永息。長享太平之樂矣。勉之勉之。

辛未。

平定準噶爾方略前編卷之三

十一

命保護哲卜尊丹巴胡土克圖。

上諭大學士等曰。哲卜尊丹巴胡土克圖乃七旗喀爾喀供養之大喇嘛。額駙敦多卜多爾濟可加意防備。若賊人有來侵庫倫之信。將胡土克圖遠避。來至多倫。淖爾居住。

壬申。

靖邊大將軍傅爾丹奏言。據烏蘇圖舒魯克卡

倫之侍衛達什勒圖報稱有賊萬人在洪郭羅
淖爾地方。又科卜多城外三十餘里有賊五六
百人欲往布延圖地方。臣等方嚴兵固守。賊或
來攻即相機勦殺。奏入。報

聞。

丁丑。

優恤西路有功廢疾兵。

至鑾翼醫藥之天

三

上諭大學士等曰。上年西路擊賊有功。及帶傷患病之
兵丁。前已降旨令其各回內地營汛。休息調理。以示
恩恤。其凍傷手足致成殘疾者。舊例查其子弟一人
入伍食糧。仍令地方官每月給米三斗養贍終身。朕
思本兵若成廢疾而家無可以入伍食糧之子弟。恐
月給官米三斗不敷糊口之用。實為可憫。著該管大
臣確查上年西路兵丁因擊賊受傷致成廢疾而家

無子弟入伍者。俱給與守糧一分。以終其身。用示朕
加恩優恤之至意。

振武將軍順承親王錫保奏言據圖壘卡倫之
察哈爾章京西喇等報稱圖壘毛海空克爾庫
克齊圖等處。俱有賊兵往來。又賊兵二千由阿
哈爾拜已至奎素地方。并分兵往大蘭一路。臣
令喀爾喀副將軍郡王額駙策凌貝子羅卜藏
等統兵分覓賊踪迎擊。奏入。報

至鑾翼醫藥之天

三

聞。

戊寅。

訓諭撫遠大將軍馬爾賽率兵駐劄事宜。

上諭大學士等曰。從前大將軍馬爾賽奏稱聞賊人有
來犯科卜多之信。臣請暫居第十五臺。候順承親王
再發咨文。差人至推河探信。賊人來犯。察罕度爾。臣

往會漢軍兵營。調右衛兵一千歸化城。兵一千在烏喇特北形勝之地。駐劄。以安慰內地。扎薩克若無賊信。仍往察罕度爾等語。朕以此奏甚是。宜駐臺站。不必前往察罕度爾辦事。令將右衛一千兵歸化城。一千兵。俱各妥備。聽候馬爾賽調遣。續經馬爾賽又奏稱。賊人駐於科卜多地方近處。臣自第十五臺起行。差人前去探信。急赴察罕度爾等語。朕以此奏妄謬。

平定準噶爾方略前編卷之三

十四

仍令其遵旨駐劄臺站。朕兩次所降諭旨尚未到。今馬爾賽又奏稱。賊人已在奎素地方。欲會合漢軍四千兵。喀喇沁一千兵。並調右衛歸化城各一千兵。前赴推河等語。凡事宜審定之後。方可相機而行。若聞一賊信。卽輾轉不定。如何辦理。馬爾賽今帶領七千兵。至推河何用。此奏甚屬不合。近喀爾喀副將軍丹津多爾濟奏稱。若令漢軍兵四千駐劄在四子部落。

旗分皆曠野之地。如遇雪大之年。必無柴薪。請將此兵駐劄於歸化城相近有柴之處等語。已經行文於領兵前往之侍郎諾爾琿等。今暫駐於歸化城。翁袞山附近有柴木水草之處。候旨。爾等行文馬爾賽。賊人若無侵犯察罕度爾搶臺等信。仍遵前旨。駐劄臺站。倘有賊信。急撤回於歸化城相對第十四臺。駐劄候旨。

平定準噶爾方略前編卷之三

十五

丙戌。

命馬爾賽率漢軍等兵駐劄翁袞。

上諭大學士等曰。歸化城北翁袞地方。係八旗察哈爾西界。四子部落毛明安烏喇特東界。於適中形勝之處。調度二面亦屬容易。著行文於大將軍馬爾賽。令伊帶領漢軍兵四千。會同喀喇沁兵一千名。往翁袞地方。環山有樹木水草之處。駐劄。

冬十月乙未。

定科爾沁及京兵駐劄處所。

大學士等議奏。西寧撤回台吉袞濟扎卜所領

科爾沁兵七百。令赴察哈爾八旗昂古里等處

適中之地駐劄。應自京城派正藍旗蒙古副都

統黑色同駐。以防盜賊。再京城預備六千兵內

請撥二千。令都統薩穆哈副都統瑚琳率領於

至定議粵賢鑒之三

六

張家口外。洮賚廟察罕托羅海附近駐劄。以便

彼此聲援。奏入。

上從之。

撫遠大將軍馬爾賽奏言。據二十九臺章京達

賴報稱。賊人越那木山嶺。至白格爾察罕鄂爾

格掠去輝特公巴濟土爾扈特郭莽喇嘛弟子

及厄魯特王塞卜騰旺布之班第賊兵一半。進

西爾哈戈壁向郭多里巴勒噶遜。一半向杭愛

由圖拉前進。總會於額爾得尼招。以犯喀爾喀

游牧。奏入。報

聞。

戊戌。

上諭大學士等曰。歸化城地方緊要。前所派京城兵四

千名內。著派出二千名。令副都統瑚琳歸化城副都

至定議粵賢鑒之三

七

統席爾塔帶領前往歸化城駐劄。其瑚琳原領張家

口外駐劄之兵。著都統薩穆哈副都統宗室諾穆柱

統領。歸化城副都統五十六著先往。會同都統丹津

辦理事務。康親王令其暫駐歸化城候旨。又

諭曰。爾等寄信與順承親王。從前朕意以賊人雖侵犯

科卜多城糧餉不繼。自必退去。今聞賊人又分撥兩

隊。一隊搶奪卡倫。直至阿濟必濟及公巴濟游牧處。

其一隊越過庫克嶺竟投喀喇阿濟爾罕地方又因厄魯特毛海策凌及多爾濟塞卜騰等屬下之人乘機搶掠臺站斷截是以令馬爾賽帶領大軍從臺站一路前往推河扎克拜達里克等處駐劄厄魯特若將搶掠之牲畜接濟賊人則賊人既得糧餉勢必久居或以大力來犯察罕度爾擾亂喀爾喀或由阿濟以犯西路軍營俱未可定順承親王處若通信於傅爾丹有可以撤回機會整兵速回察罕度爾則兵力益覺壯盛矣倘此際賊人已圍困科卜多應如何退賊及應否應援之處順承親王會同喀爾喀副將軍等商酌萬全而行

平定準噶爾方略卷之三

六

撫遠大將軍馬爾賽奏言據辦理扎克拜達里克糧餉原任巡撫西琳報稱賊人至扎克拜達里克城南噶里特之地劫掠牧場駝馬又據三

十一臺至四十二臺章京額林沁等報稱各臺均有推河居住厄魯特王塞卜騰旺布及貝勒多爾濟塞卜騰之屬人乘機擄掠奏入報

已亥

命選兵駐翁吉等處專理臺運

上諭大學士等曰大將軍馬爾賽著於漢軍兵內揀留

平定準噶爾方略卷之三

九

八百名土默特兵內揀留二百名在二十七二十八臺之間翁吉等處擇水草茂盛之地駐劄專行照管軍臺運路令都統李杓統領其土默特之兵著於土默特叅領內選擇幹員可以管轄者給與副都統職銜令其管領

叛賊諾爾布里塔爾伏誅

刑部等衙門議奏據辦理青海事務都統德成

等執送叛賊諾爾布里塔爾赴部鞫訊。諾爾布

乃土爾扈特一小姓台吉。羅卜藏丹津叛逆時

伊父曾少効力。

皇上格外加恩。不令隸屬青海。特授扎薩克一等台吉。

又令派往柴達木軍前。乃忽行叛逆。劫馬拒捕。

里塔爾身為佐領。乃附逆作亂。俱應照律擬斬。

發往青海。立決示衆。諾爾布叛逆時妻子皆在

平定回疆方略卷之三十一

三

游牧。知卽泥首請罪。應免其為奴。其胞弟色特

爾布木既不知情。又追捕拉察卜有功。已加

恩令其承襲扎薩克一等台吉。諾爾布妻子卽交與色

特爾布木管束養贖。奏入。得

旨。諾爾布里塔爾俱著解送西寧口外。卽行正法。免其

示衆。餘依議。

庚子。

散秩大臣伯欽拜理藩院左侍郎。納延泰副都

統阿岱俱

命為撫遠大將軍。叅贊。

癸卯。

命加恩喀喇沁將士等

賞賚有差。

上諭大學士等曰。天氣寒冷。帶領喀喇沁兵丁之副都

平定回疆方略卷之三十一

三

統塔爾馬善著賞銀一千兩。貝勒僧衮扎卜。公羅卜

藏策卜。登各賞元狐帽一頂。貂皮馬褂一件。前派出

之土默特官兵。已降旨於大將軍馬爾賽酌量賞賜。

今喀喇沁兵丁。亦照例賞給。

甲辰。

命揀選察哈爾厄魯特兵。預備調派。

上諭大學士等曰。今預備派出之察哈爾兵二千名。其

缺額著挑補。察哈爾八旗佐領多寡不同。此次挑補

兵丁。不必拘泥旗分佐領。但擇漢仗好者挑取。若不

得二千名。即一千五百名或一千名亦可。所挑兵丁

照常支給錢糧。並賞與製造軍器銀兩。再察哈爾地

方居住之厄魯特。不拘旗分著共派四百名。每翼各

二百名。至照看伊等妻子游牧亦屬緊要。伊等父子

弟兄內。但看其漢仗好者揀選。不可全行派出。

平定準噶爾方略卷之三

三

命加一等侍衛圖爾賽副都統銜。往北路軍營。

增四川泰寧協鎮駐防兵。

四川總督黃廷桂等奏言。達賴喇嘛移座泰寧。

舊泰寧協鎮原駐兵五百。以為防護。泰寧至打

箭爐。道路險阻。請再撥五百兵駐防。則軍威震

疊。與里塘巴塘西藏聲勢聯絡。大學士等議覆。

應如所請。奏入。

上從之。

乙巳。

訓飭撫遠大將軍馬爾賽。

上諭馬爾賽曰。爾從前奏稱備兵一事。已行文於順承

親王等語。爾領兵尚未至察罕度爾。並不知軍前之

情形。即欲指示順承親王。殊覺不合。現今蒙古扎薩

克等。俱遵靖邊大將軍印信行事。若又用撫遠大將

平定準噶爾方略卷之三

三

軍印信調遣。則蒙古等難以遵行。撫遠大將軍印信。

除奏章及行部咨文鈐用外。其調遣兵丁等事。不准

鈐用。昨爾又奏稱將烏喇特毛明安。四子部落蘇尼

特向霸垓等旗察哈爾兩翼。各預備兵一千。聽爾調

遣等語。烏喇特等扎薩克察哈爾旗分。皆邊外之兵。

豈可妄動。爾即欲預備調遣。亦當請旨。乃並不奏聞。

即行調遣。甚屬背謬。再爾所偵探軍機。並不確實。即

行具奏。辦事亦甚含糊。嗣後爾宜盡其所長。効力行走。

丁未。

訓諭募選兵丁大臣官弁等。

上諭大學士等曰。年來因征勦準噶爾。將滿漢兵丁陸續派出。特令召募。以實營伍。凡膺募兵之任者。自應秉公持正。不徇情面。精選技勇壯健之士。則戎行可

平定議製覽編卷之三

西

收實效。而軍餉亦不至於虛糜。朕聞召募新兵。多屬本營兵丁之兄弟子姪。親戚朋友。互相援引。該管將弁。惟期充足數目。不復較量人才。以致老弱無能者。俱得入選。而民間疆壯之人。莫由入伍。是將選兵重大之務。視為具文矣。現今降旨募選兵丁。著該部通行曉諭。令該管大臣官弁等。屏除向來積弊。公正辦理。將來朕必遣官考驗。若有將老弱無能之人。冒濫

入伍者。必將挑選之員。從重議處。若技勇之人。不敷挑選。著聲明緣由。請旨毋得苟且塞責。

己酉。

命撥土默特兵護臺備賊。

上諭大學士等曰。據馬爾賽奏稱。漢軍兵丁馬匹。已挑選換給喀喇沁兵丁。今所剩馬六千餘匹。俱疲瘦不堪。乘騎等語。朕思既無馬匹。漢軍兵丁斷不可前往。

平定議製覽編卷之三

三

著副都統圖爾賽席爾塔帶領土默特兵一千名前進。令其自十三臺至二十七臺。每隊派兵二百名。分為五隊。派撥滿洲侍衛官員管理。照看臺站運糧道路。防範賊盜。前往推河扎克拜達里克探聽。倘有賊兵信息。即在翁吉地方駐劄。

青海厄魯特郡王額爾德尼額爾克托克托爾

奏言。

皇上恩旨命臣於諸子中與日可襲王爵者舉出一人

加

恩立為長子。臣長子阿喇布濟因擒獲叛逆諾爾布已

蒙

恩投為一等台吉。臣三子索諾木丹津立志向上。臣遵

旨請將此子襲替。奏入。得

旨。索諾木丹津著照伊所請封為長子。阿喇布濟効力

至定議要覽卷之三

天

行間。加恩晉封為輔國公。

庚戌。

命安輯公通摩克人眾。

上諭大學士等曰。據侍郎納延泰奏稱。準噶爾賊人搶

奪阿濟卡倫。將公通摩克旗下兩個佐領擄去。其公

通摩克。巴濟王格勒克雅木。丕勒等。扎薩克之游牧。

俱向南移。往訥穆勒圖。喀喇博羅雅蘇圖。烏蘇圖等

處。朕思公通摩克旗下。既被賊人搶奪。兩個佐領。其

牲畜等物。必致散失。伊等雖將游牧南移。料其人眾。

必有匱乏。失所者。著即傳諭總督查郎阿提督宋可

進。作何遣人前往料理安插。務使人人得所。其餘被

賊侵擾。遷移之公。巴濟等。或亦有倉猝遷移。遺散牲

畜。至於匱乏者。亦著照看料理。

辛亥。

至定議要覽卷之三

毛

上諭大學士等曰。前命侍郎納延泰往大將軍馬爾賽

軍營參贊。今馬爾賽既暫在歸化城駐劄。著納延泰

回京。

壬子。

命增邊隘駐防兵。並築邊牆。

上諭大學士等曰。沿邊一帶地方。最為緊要。向來額設

之兵太少。古北口。宣化。大同三處。應召募兵丁。添入

防汛以實營伍。獨石口以東至山海關。皆屬內地。各處營汛。仍照舊規。其獨石口以西。至殺虎口一帶。中間緊要隘口。必須查勘明白。以定添兵多寡之數。至於邊牆年久倒塌。而地當緊要者。亦應酌量修築。以肅邊境。著御史舒喜。天津總兵官補熙。會同古北口提督路振揚。親往踏勘。召募之兵。何處應添若干。何處應駐大員。或參遊改為副協。邊城何處應行修理。

平定議要略稿卷之天

天

路振揚等。可會同各該提鎮詳悉定議具奏。天津總兵官印務著鑾儀衛冠軍使孫承恩暫行署理。路振揚現有召募兵丁之事。今既奉差公出。其募兵之事。著路振揚遴選公明可信之人。代為辦理。再差副都統韓光基前往古北口。督率查驗。尋議邊防最關緊要。直隸山西沿邊一帶。提鎮協標及各口汛兵額設之數。尚覺不敷。請於直隸古北口提標增

兵一千六百名。獨石口增兵六百名。宣化鎮增兵二千名。張家口三營增兵八百名。山西大同鎮增兵二千七百零八名。殺虎口增兵一千零四名。朔平府城守增兵八百名。得勝路增兵二百八十八名。助馬路增兵二百名。直隸山西二省各增兵五千名。至其多寡之處。提鎮等確有所見。即再據實陳奏。奏入。

平定議要略稿卷之天

无

上從之。

嘉獎厄魯特郡王塞卜騰旺布。

塞卜騰旺布奏言。臣父阿喇卜坦歸命以來。世

受

聖恩。頃聞賊信。方欲與貝子毛海策凌議遷內地。不意

二人率管旗章京班第佐領索吞等五百餘人。

叛投噶爾丹策零。臣義不肯貳。與宰桑數人。兵

百餘人居此候

旨奏入得

旨塞卜騰旺布素為朕所嘉與今感戴朕恩竭力保護所屬人等不致妄動具奏請旨可嘉可憫已諭理藩院遣人照看矣伊可酌量嚴密之處即遷移駐牧朕隨即加恩並其所屬宰桑官員以及閑散人等亦俱加恩務令其寬裕

癸丑

平定準噶爾方略卷之六

三

管理阿爾台臺站郎中倫岱奏言前賊人擾亂

臺站臣遵

旨安撫蒙古前至二十二臺皆已綏輯復據賽爾烏蘇

等處管理臺站委署章京常保報稱自二十三

臺抵三十臺亦已安撫妥協又據鄂爾錐圖郭

勒等處管理臺站之員外郎窩星額報稱順承

親王令其率兵安撫四十七臺至三十一臺今亦皆已寧靖奏入報

聞

甲寅

副都統銜阿成阿奏言臣率家選兵二千行過噶勒賓戈壁因嚮導之蒙古逃去臣即從古爾班賽堪山後尋覓水草行至烏克爾空克爾聞

平定準噶爾方略卷之六

三

賊人搶奪扎克拜達里克北邊臺站臣遂率兵於十月十七日至扎克拜達里克與辦理糧餉之原任巡撫西琳備兵守城仰懇

皇上隆恩賞給兵丁糧馬前赴巴里坤奏入得

旨爾等沿途未得嚮導尚能勉力至扎克拜達里克可

憫可嘉今不必前往巴里坤即駐劄扎克拜達里克

候旨其糧餉馬匹等事已降旨於西琳從厚辦理賞

給。

乙卯。

上諭大學士等曰。北路安設卡倫之侍衛莫爾渾等。因賊兵侵擾阿濟一路。伊等投往西路軍營。今思阿濟等處。可以不必安設卡倫。莫爾渾等著岳鍾琪送令回京。再巴里坤軍營現有歸化城降賊叅領拉察卜之子杭金。著莫爾渾等帶來。又前派西路之家選兵二千名。因阿濟必濟有賊人信息。已從古爾班賽堪山後由奎通巴扎爾一路前往扎克拜達里克地方駐劄。著寄信與岳鍾琪。西路不必探訪接應。

至鑾聖賢廟參天

至

平定準噶爾方略總目錄

第一冊 前編卷一至卷二十六
 第二冊 前編卷二十七至卷五十四
 第三冊 正編卷一至卷二十二
 第四冊 正編卷二十三至卷四十四
 第五冊 正編卷四十五至卷六十四
 第六冊 正編卷六十五至卷八十五
 第七冊 續編卷一至卷三十二

平定準噶爾方略(前編)第一冊目錄

序.....	一	卷十六.....	二七四
表文.....	三	卷十七.....	二九〇
官銜.....	七	卷十八.....	三〇四
目錄.....	十	卷十九.....	三一九
卷首.....	二三	卷二十.....	三三四
卷一.....	二九	卷二十一.....	三四七
卷二.....	四三	卷二十二.....	三六一
卷三.....	六〇	卷二十三.....	三七七
卷四.....	八二	卷二十四.....	三九二
卷五.....	一〇六	卷二十五.....	四〇七
		卷二十六.....	四一九

卷六..... 一二三
 卷七..... 一三八
 卷八..... 一五七
 卷九..... 一六九
 卷十..... 一八五
 卷十一..... 一九九
 卷十二..... 二一二
 卷十三..... 二二八
 卷十四..... 二四五

卷十五..... 二六〇
 卷十六..... 二七四